

1

2

3

4

5

6

7


8

9

10




11

উৎসর্গ পত্র ।



শুশ্রূষা আমার অতি প্রিয় । প্রিয় বস্তু
প্রিয়তমেরই যোগ্য । অতএব এ শুশ্রূষা
তোমারই প্রাপ্য । তাই, প্রীতির চিহ্নস্বরূপ
এ শুশ্রূষা তোমাকেই প্রদত্ত হইল ।

তোমার—



বিজ্ঞাপন ।

রোগ নিবারণের জন্য সূচিকিৎসক ও উত্তম ঔষধের যেমন প্রয়োজন, অভিজ্ঞ শুক্রবাকারীরও তেমনি প্রয়োজন । উপযুক্তরূপ সেবা শুক্রবা না করিলে সূচিকিৎসাও নিফল হইয়া যায় । শুক্রবাকারীর অনভিজ্ঞতা-বশতঃ অনেক সময় রোগীর রোগযন্ত্রণা বৃদ্ধি পায় এবং হিতে বিপরীত ঘটয়া থাকে । ইয়ুরোপ ও আমেরিকা প্রভৃতি দেশে শুক্রবার জন্য একশ্রেণীর লোক প্রস্তুত হয়, তাহারা যথারীতি শিক্ষাপ্রাপ্ত হইয়া এই ব্যবসায় অবলম্বন করে । বিশেষতঃ সে সকল দেশের অধিকাংশ লোকই হাঁসপাতালে চিকিৎসিত হয় । তথায় শিক্ষিতা স্ত্রীলোক ও পুরুষগণ শুক্রবা-কার্যে নিযুক্ত থাকে । কিন্তু আমাদের দেশের লোক প্রাণান্তেও হাঁসপাতালে যাইতে চায় না এবং সেরূপ সুবিধাও সর্বত্র নাই । সাধারণতঃ এদেশে গৃহেই চিকিৎসা হইয়া থাকে এবং আত্মীয় স্বজনগণই শুক্রবার-কার্য নিৰ্বাহ করে । সুতরাং এদেশীয় লোকের পক্ষে শুক্রবা শিক্ষার জন্য গৃহপাঠা গ্রন্থ থাকা যে একান্ত আবশ্যিক তাহা সকলেই স্বীকার করিবেন । কিন্তু আক্ষেপের বিষয় এই যে, বঙ্গভাষায় এ পর্যন্ত এতদ্বিধে কোন উত্তম গ্রন্থ লিখিত হয় নাই ।

আমরা এই অভাব সর্বদাই অনুভব করিয়া থাকি । অনেকের সহিত আলাপ করিয়া বুঝিয়াছি, তাহারাও এই অভাব বোধ করিয়া থাকেন । এই গুরুতর অভাব কথঞ্চিৎ নিবারিত হইবে মনে করিয়াই বর্তমান গ্রন্থ প্রচারে প্রবৃত্ত হইয়াছি । এই পুস্তকে প্রত্যেক রোগের শুক্রবাপ্রণালী, পথ্যপ্রদান ও প্রস্তুতপ্রণালী, ঔষধ সেবন ও রক্ষণপ্রণালী, পুষ্টি ইত্যাদি প্রস্তুত ও ব্যবহারপ্রণালী, ক্ষতশুক্রবা, দুর্ঘটনাদি সময়ের ব্যবস্থা, রোগীর প্রতি ব্যবহার, সামান্য সামান্য রোগের মুষ্টিযোগ ইত্যাদি প্রয়োজনীয় বিষয় সরল ভাষায় সুপ্রণালীতে লিখিত হইয়াছে । বঙ্গ প্রভৃতি এমন

অনেক রোগ আছে, যাহার জন্ত প্রায় কোন চিকিৎসা নাই, কেবল শুক্রবার গুণেই আরোগ্য হইয়া থাকে। উত্তমরূপে শুক্রবা জানিলে অনেক সংক্রামক রোগের হস্ত হইতেও রক্ষা পাওয়া যায়। এই পুস্তকে সেই সকল বিষয় পরিষ্কাররূপে লিপিবদ্ধ হইয়াছে। ফলতঃ এদেশের সকল শ্রেণীর লোকের ব্যবহারোপযোগী হইবে বলিয়া এই পুস্তক যতদূর সম্ভব সরল ও সহজবোধ্য করিতে যত্ন করিয়াছি, তবে কতদূর কৃতকার্য হইয়াছি বলিতে পারি না। ব্যাণ্ডেজ বাঁধা প্রভৃতি কতকগুলি বিষয় এমন আছে যাহার চিত্র না দিলে সম্যকরূপে বুঝিতে পারা যায় না। কিন্তু ব্যয় বাহুল্য ভয়ে, এবার সেরূপ চিত্র প্রদান করিতে পারিলাম না। ভবিষ্যতে এই অভাব মোচনের ইচ্ছা রহিল।

এই পুস্তক সকলন সময়ে স্বদেশীয় ও বিদেশীয় বহুসংখ্যক গ্রন্থাদির সাহায্য গৃহীত হইয়াছে। কোন কোন সুচিকিৎসক বন্ধু এবং অগ্রাণু সহৃদয়গণও যথেষ্ট সাহায্য করিয়াছেন। সেই সকল গ্রন্থকার ও বান্ধবদিগের নিকট আমি চিরকৃতজ্ঞ রহিলাম। যদি এই পুস্তক গৃহে গৃহে ব্যবহৃত হয় এবং এতদ্বারা স্বদেশীয় জনগণের উপকার হইয়াছে বুঝিতে পারি, তবে আমার সমস্ত যত্ন ও পরিশ্রম সার্থক হইবে। পাঠকমণ্ডলীর নিকট উৎসাহ পাইলে অতি সত্বর ইহার দ্বিতীয় ভাগ (গর্ভিণীর শুক্রবা ও শিশুপালন) প্রকাশ করিতে যত্নবান হইব। পরিশেষে সহৃদয় পাঠক ও সুযোগ্য চিকিৎসকগণের নিকট আমার বিনীত নিবেদন এই, যদি তাঁহারা এই পুস্তকের কোন স্থানে ভ্রম, ত্রুটি বা অপূর্ণতা দর্শন করেন, অনুগ্রহ করিয়া আমাকে জানাইলে কৃতজ্ঞতার সহিত তৎসমস্ত সংশোধন করিয়া দিব।

কলিকাতা

মার্চ, ১৮৯৭।

গ্রন্থকার।

ইতিহাস

দ্বিতীয় বারের বিজ্ঞাপন ।

এ সংস্করণে জলবায়ু পরিবর্তনার্থ স্বাস্থ্যকর স্থান এবং তাহার অবশ্য-
জ্ঞাতব্য বিষয় সম্বন্ধে একটি অধ্যায় (নবম পরিচ্ছেদ) সংযোজিত হইল।
স্থানে স্থানে বহু বিষয় পরিশোধিত ও পরিবর্দ্ধিত এবং বিশেষভাবে
পঞ্চম পরিচ্ছেদ (দুর্ঘটনা) ষষ্ঠ পরিচ্ছেদ (পথ্যপ্রকরণ) ও অষ্টম
পরিচ্ছেদ (রোগ বিশেষে ব্যবস্থা) এবং পরিশিষ্টে বহু নূতন বিষয়
সন্নিবিষ্ট হইল। বিষয়-বিশেষ সহজে বাহির করিবার সুবিধার্থ সর্বশেষে
একটি নির্ঘণ্ট (বর্ণানুক্রমিক সূচী) দেওয়া গেল। ফলতঃ ইহাকে
পূর্ণাঙ্গ করিবার জন্ত যথাসাধ্য চেষ্টা করিয়াছি। কতদূর কৃতকার্য
হইয়াছি, সহৃদয় পাঠকবর্গের বিবেচ্য। এবারেও যে সকল চিকিৎসক,
বন্ধুবর্গ এবং গ্রন্থকারদিগের সাহায্য প্রাপ্ত হইয়াছি তাঁহাদিগের নিকট
চিরকৃতজ্ঞ রহিলাম।

এবার পুস্তকের আকার প্রায় দ্বিগুণ বর্দ্ধিত হইল, কিন্তু সর্ব-
সাধারণের সুবিধার জন্ত চারি আনা মাত্র মূল্য বৃদ্ধি করা গেল।

কলিকাতা
জুন, ১৯০২।

গ্রন্থকার।

তৃতীয় বারের বিজ্ঞাপন।

এই গ্রন্থের দ্বিতীয় সংস্করণ প্রকাশিত হইবার পরে চিকিৎসা-জগতে মত ও আচার সম্বন্ধে যে পরিবর্তন ঘটিয়াছে তাহার আলোকে তৃতীয় সংস্করণকালে পুস্তকের অনেক স্থল পরিবর্তিত ও পরিবদ্ধিত হইল। সোদরপ্রতিম ডাক্তার শ্রীযুক্ত নগেন্দ্রনাথ ভট্টাচার্য্য, এম্, বি, মহোদয় ইহার আদ্যোপাস্ত দেখিয়া দিয়াছেন তজ্জগৎ তাঁহার নিকট চিরকৃতজ্ঞ রহিলাম। পুস্তকের কঠিন কঠিন স্থানগুলি সহজবোধ্য করিবার জগৎ এবারে ৫১ খানা চিত্র সংযোজিত হইল। প্রথম ও দ্বিতীয় সংস্করণে চিত্র দিতে পারি নাই বলিয়া মনে যে ক্ষোভ ছিল এবার তাহা দূর হইল। পরিবর্তন, পরিবর্দ্ধন ও চিত্রযোজন বশতঃ গ্রন্থের কঠোর দ্বিতীয় সংস্করণের উপরে প্রায় ৬ ফখা বাড়িয়া গেল। সুতরাং মূল্য অন্ততঃ পক্ষে চারি আনা না বাড়াইয়া পারিলাম না।

আমি এই পুস্তকের স্বত্ব শ্রীযুক্ত বাবু গোবিন্দনাথ গুহ এম্, এ মহাশয়ের নিকটে বিক্রয় করিয়াছি। তিনি আবার ক্রীত স্বত্বের অর্দ্ধাংশ আমাকে প্রত্যর্পণ করিয়াছেন। সুতরাং এই তৃতীয় সংস্করণ হইতে শুক্রবাঃ ১ম ভাগে আমাদের উভয়ের সমান স্বত্ব বর্তিল।

কলিকাতা,

মে, ১৯১৬।

গ্রন্থকার।

সূচীপত্র ।



প্রথম পরিচ্ছেদ ।

কয়েকটা মূলকথা ।

বিষয়	পৃষ্ঠা	বিষয়	পৃষ্ঠা
১। গৃহ ...	১—৫	(৪) নোটবুক বা ডায়রী ...	১৪
(১) বায়ু চলাচল ...	২	(৫) শুষ্কতার উপকরণ ...	১৬
(২) আলোক ও উত্তাপ ...	৩	(৬) ব্যবস্থাপত্র রক্ষা ...	১৬
(৩) আর্দ্রতা নিবারণ ...	৩	(৭) ঔষধাদি রক্ষা ...	১৭
(৪) লোক সমাগম ...	৪	৮। পরিচয়্যা ...	১৮—২৫
(৫) সংক্রমাপহ ও দুর্গন্ধনাশক ...	৪	(১) ব্যজন ...	১৮
(৬) বস্তিকালোক ...	৫	(২) বারিদান ...	১৮
২। শয্যা ...	৫	(৩) বরফ প্রয়োগ ...	২০
৩। পরিচ্ছন্নতা ...	৬	(৪) স্নান ...	২২
৪। পরিচ্ছদাদি ...	৬	(৫) মুখপ্রক্ষালন ...	২৩
৫। খুখু ও বমন পাত্র ...	৭	(৬) দুর্বলাবস্থায় উথানাদি ...	২৪
৬। রোগীর প্রতি কর্তব্য ...	৮—১১	(৭) নিদ্রাক্ষণ ...	২৫
(১) মন্ত্রণাভিপ্র ...	৮	৯। ঔষধ বিধান ...	২৫—৩৩
(২) বিকারাবস্থায় ...	৯	(১) জ্বালাপের ঔষধ ...	২৭
(৩) বাকরোধ ও সংজ্ঞাহীনাবস্থায় ...	১০	(২) নিদ্রার ঔষধ ...	২৮
(৪) চিত্তবিনোদন ...	১০	(৩) জলীয় ঔষধ ...	২৯
৭। শুষ্ককারীর যোগ্যতা এবং কর্তব্য ...	১১—১৭	(৪) একারভেসিং মিকচার ...	২১
(১) ভ্রমপ্রমাদ ...	১২	(৫) চূর্ণ ও বটিকা ...	৩০
(২) শুষ্ককারীর স্বাস্থ্য ...	১৩	(৬) তিলু ঔষধ ...	৩১
(৩) ভারসিণ ...	১৩	(৭) মালিশ ...	৩১
		(৮) প্রলেপ ...	৩২

সূচীপত্র ।

বিষয়	পৃষ্ঠা	বিষয়	পৃষ্ঠা
(৯) গলার ভিতরে ঔষধ প্রদান	৩২	(৩) অধিক রাত্রিতে আহার	৩৭
(১০) চক্রে ঔষধ প্রদান ...	৩৩	(৪) বিবমিষায় ...	৩৭
১০। আহার ...	৩৪—৩৭	১১। সংক্রামক রোগে ...	৩৮
(১) পথ্যপ্রদানপ্রণালী ...	৩৫	১২। বৈদ্যসঙ্কট ...	৪০
(২) বাসি পথ্য ...	৩৭		

দ্বিতীয় পরিচ্ছেদ ।

বাহ্য প্রয়োগ ।

১৩। সেক ...	৪৪—৪৮	(৫) কয়লার পুন্টিশ ...	৫২
(১) শুষ্ক সেক ...	৪৫	(৬) রাইয়ের পুন্টিশ ...	৫৩
(২) গরম জলের সেক ...	৪৫	(৭) তোকমারির পুন্টিশ ...	৫৩
(৩) তাপিন সেক ...	৪৭	(৮) তোকবালামের পুন্টিশ ...	৫৪
(৪) পোস্তর চেঁড়ীর সেক ...	৪৭	১৭। এনিমা ...	৫৪—৫৭
(৫) বালি সেক ...	৪৮	(১) যন্ত্র ...	৫৪
(৬) ভূসির সেক ...	৪৮	(২) প্রয়োগ প্রণালী ...	৫৫
(৭) আকনের সেক ...	৪৮	(৩) সাধারণ এনিমা ...	৫৬
(৮) বোতল সেক ...	৪৯	(৪) বিরেচক এনিমা ...	৫৬
(৯) ভাতের সেক ...	৪৯	(৫) পুষ্টিকর এনিমা ...	৫৭
(১০) যোগান সেক ...	৪৯	১৮। ভাপরা গ্রহণ ...	৫৭
১৪। কটিনান ...	৫০	১৯। স্প্রে (Spray) ...	৬০
১৫। ফুটবাধ ...	৫০	২০। ডুশ (Douche) ...	৬১
১৬। পুন্টিশ ...	৫০—৫২	২১। ট্রাস (Truss) ...	৬২
(১) ময়দার পুন্টিশ ...	৫১	২২। ব্লিষ্টার (Blister) ...	৬৪
(২) তিসির পুন্টিশ ...	৫২	২৩। সাপোজিটারি (Suppository)	৬৫
(৩) ভূসির পুন্টিশ ...	৫২	২৪। ম্যাসাজ (Massage)	৬৬
(৪) ধইলের পুন্টিশ ...	৫২		

সূচীপত্র ।

তৃতীয় পরিচ্ছেদ ।

অস্ত্র প্রয়োগ ।

বিষয়	পৃষ্ঠা	বিষয়	পৃষ্ঠা
২৫ । অস্ত্র প্রয়োগের পূর্বে ...	৬৭	২৯ । অস্ত্র প্রয়োগের পর কর্তব্য	৭১
২৬ । প্রয়োজনীয় দ্রব্যজাত ...	৬৮	৩০ । ব্যাণ্ডেজ ...	৭২—৮৪
২৭ । শয্যা ...	৬৮—৭১	(১) আয়তন ...	৭৩
(১) বিছানার চাদর পরিবর্তন		(২) প্রস্তুত-প্রণালী ...	৭৩
প্রণালী ...	৬৫	(৩) বাধিবার নিয়ম ...	৭৪
(২) গাত্রাবরণ পরিবর্তন ...	৭০	৩১ । স্প্লিন্ট (Splint) ...	৮৪
২৮ । অঙ্গাবরণ পরিবর্তন ...	৭১	৩২ । শয্যাক্রম ...	৮৫

চতুর্থ পরিচ্ছেদ ।

ক্ষত শুশ্রূষা ।

৩৩ । ক্ষত পরিষ্কার ...	৮৭	(২) পচন নিবারক পটি ...	৯১
৩৪ । পটি খুলিবার নিয়ম ...	৮৭	(৩) জল পটি ...	৯১
৩৫ । ক্ষত ধোত প্রাণালী ...	৮৮	(৪) উষ্ণায়ু পটি ...	৯১
৩৬ । সংরক্ষণ ...	৮৯	(৫) জলাভিষেক ...	৯২
৩৭ । পটি ...	৯০—৯২	(৬) মলমের পটি ...	৯২
(১) শুষ্ক পটি ...	৯০		

পঞ্চম পরিচ্ছেদ ।

হৃৎঘটনা ।

৩৮ । অগ্নিদাহ ...	৯৩—৯৫	৪১ । উচ্চ স্থান হইতে পড়িয়া অথবা	
(১) কোম্বা উঠিলে ...	৯৪	অস্ত্র কোন কারণে গুরুতর	
(২) সন্ধিস্থানে ক্ষত হইলে ...	৯৫	আঘাত প্রাপ্ত হইলে	৯৬—৯৭
৩৯ । কোন এসিড বা ত্রাবক প্রভৃতি		(১) অচেতন হইলে ...	৯৬
ক্ষয়কারক তরলপদার্থ লাগিয়া		(২) মস্তকের খুলিতে আঘাত	
পুড়িয়া গেলে ...	৯৫	লাগিলে ...	৯৭
৪০ । কোন অস্ত্র পিষিয়া গেলে	৯৫	(৩) কণ্ঠাতে আঘাত লাগিলে	৯৭

সূচীপত্র ।

বিষয়	পৃষ্ঠা	বিষয়	পৃষ্ঠা
(৪) মেরুদণ্ডে আঘাত লাগিলে	৯৭	৫২। রক্তস্রাব	১০৩—১০৫
(৫) পাজরার হাড় ভাঙ্গিয়া গেলে	৯৭	(১) ধমনী হইতে রক্তস্রাব হইলে	১০৩
(৬) হস্ত পদাদি অথবা অপর কোন		(২) শিরা হইতে রক্তস্রাব হইলে	১০৩
সন্ধিস্থানে আঘাত লাগিয়া কোন		(৩) রক্তবমন	... ১০৩
অস্থি স্থানচ্যুত হইলে ...	৯৮	(৪) রক্তোৎকাশ	... ১০৪
৪২। গলদেশে কোন বস্তু আবদ্ধ		(৫) রক্তভেদ	... ১০৪
হইলে ...	৯৮	(৬) ঋতুশোণিত	... ১০৪
৪৩। উদরে কোন কঠিন বস্তু প্রবিষ্ট		৫৩। কোন অঙ্গ কাটিয়া গেলে	১০৫
হইলে ...	৯৯	৫৪। দস্তমূল হইতে রক্তস্রাব	১০৬
৪৪। কাণের ভিতরে কোন দ্রব্য		৫৫। জোঁকের কামড়ে রক্তস্রাব	১০৭
প্রবিষ্ট হইলে ...	৯৯	৫৬। নাসিকা হইতে রক্তপাত	১০৭
৪৫। নাকের ভিতরে কিছু প্রবিষ্ট		৫৭। বৃশ্চিক, বোলতা প্রভৃতিতে দংশন	
হইলে ...	১০০	করিলে ...	১০৭
৪৬। চোখের ভিতরে কিছু প্রবিষ্ট		৫৮। পাগল কুকুর, শিয়াল ইত্যাদিতে	
হইলে ...	১০১	কামড়াইলে ...	১০৩
৪৭। কোন বিষাক্ত ঔষধাদি সেবন		৫৯। বিডালে দংশন করিলে বা	
করিলে ...	১০২	খাচড়াইলে ...	১১৭
৪৮। কপূর খাইলে ...	১০২	৬০। সপাঘাত	... ১১৭
৪৯। দিয়াশলাইয়ের কাঠি চুষিলে	১০২	৬১। জলমগ্ন রোগী	... ১১৮
৬০। কেরোসিন তৈল বা পেট্রো-		৬২। সর্দি-গর্শ্বি	... ১২১
লিয়াম খাইলে ...	১০২	৬৩। বজ্রাঘাত	... ১২২
৬১। তামাক খাইলে ...	১০৩	৬৪। বিষম লাগিলে	... ১২২
		৬৫। মুছর্বা বা ফিট হইলে ...	১২৩

ষষ্ঠ পরিচ্ছেদ ।

পথ্য প্রকরণ ।

৬৬। পথ্যাপথ্য নির্ণয়	১২৪—১৩৫	(৩) জীর্ণজ্বর, মীহা ও যকৃত	
(১) সাধারণ জ্বরে	... ১২৪	প্রভৃতি রোগে	... ১২৫
(২) জ্বরের সহিত উদরাময় বর্তমান		(৪) হামজ্বরে	... ১২৬
থাকিলে	... ১২৫	(৫) জলবসন্ত রোগে	... ১২৬

সূচীপত্র ।

১০

বিষয়	পৃষ্ঠা	বিষয়	পৃষ্ঠা
(৬) বসন্ত রোগে ...	১২৬	(১৫) পানিকলের পালো ...	১৪১
(৭) কুমিরোগে ...	১২৭	(১৬) ওটমিল ...	১৪১
(৮) অর্শ প্রভৃতি রোগে ...	১২৭	(১৭) তিসির চা ...	১৪২
(৯) বাতরোগে ...	১২৮	(১৮) দুধ সূজি ...	১৪২
(১০) বাতব্যাধি বা পক্ষাঘাত রোগে	১২৮	(১৯) সূজির রুটী ...	১৪২
(১১) অম্বপিত্ত ও শূল রোগে	১২৯	(২০) ভূসির রুটী ...	১৪৩
(১২) অজীর্ণ, উদরাধান এবং অগ্নিমান্দ্য প্রভৃতিতে	১৩০	(২১) পাউরুটীটোষ্ট ...	১৪৩
(১৩) আমাশয় ও রক্তামাশয় রোগে	১৩১	(২২) বেঞ্জার্স ফুট ...	১৪৩
(১৪) শোধ ও উদরি রোগে	১৩১	(২৩) মেলিস ফুড ...	১৪৫
(১৫) কোষবৃদ্ধি বা একশিরা এবং শীপদ বা গোদ রোগে	১৩২	(২৪) এলেন বারির ফুড ...	১৪৫
(১৬) খাসকাশ বা হাঁপানীরোগে	১৩২	(২৫) মণ্টেড মিল্ক ...	১৪৭
(১৭) কয়কাস বা যক্ষ্মা রোগে	১৩৩	(২৬) মাইলো ফুড ...	১৪৮
(১৮) বহুমূত্র রোগে ...	১৩৪	(২৭) গ্রেনোজ ...	১৫০
(১৯) প্রমেহ রোগে ...	১৩৪	(২৮) স্থানাটোজেন ...	১৫০
(২০) উপদংশ রোগে ...	১৩৫	(২৯) কাঞ্জিওয়াটার ...	১৫১
৬৭। পথ্য প্রস্তুতপ্রণালী ১৩৫—১৬১		(৩০) সাগুর খিচুড়ী ...	১৫১
(১) সাগু ...	১৩৬	(৩১) দালের যুষ ...	১৫২
(২) বালি ...	১৩৭	(৩২) মাংসের যুষ ...	১৫২
(৩) এরাকট ...	১৩৭	(৩৩) জাগসুপ ...	১৫৩
(৪) করন্ ফাওয়ার ...	১৩৭	(৩৪) আইসিং গ্রাস ...	১৫৪
(৫) পার্ল বালি ...	১৩৭	(৩৫) চিনা ঘাস বা আগরু আগরু	১৫৪
(৬) চিডার মণ্ড ...	১৩৮	(৩৬) পেপের পায়েস ...	১৫৫
(৭) খইয়ের মণ্ড ...	১৩৮	(৩৭) পেপের মহনভোগ ...	১৫৫
(৮) যবের মণ্ড ...	১৩৮	(৩৮) পেপের মরোক্বা ...	১৫৬
(৯) ভাতের মণ্ড ...	১৩৮	(৩৯) বিক্টি ...	১৫৬
(১০) যানমণ্ড ...	১৩৮	(৪০) পেপ্টোনাইজ দুগ্ধ ...	১৫৭
(১১) দধি ...	১৩৮	(৪১) এসেন্স অব চিকেন ...	১৫৯
(১২) ঘোল ...	১৪০	(৪২) লীবিগ্‌স একট্রাক্ট অব মিট	১৫৯
(১৩) ছানার জল ...	১৪০	(৪৩) বড্ড রিল ...	১৬০
(১৪) ম্যাশামন এরাকট ...	১৪১	(৪৪) কাঁচা মাংসের স্করুয়া	১৬০
		৬৮। কুপথোর কল ...	১৬১

সপ্তম পরিচ্ছেদ।

খাদ্য নিৰ্কাচন।

বিষয়	পৃষ্ঠা	বিষয়	পৃষ্ঠা
৬৯। সাগু, বালি এরাকট	১৬৩	৮৩। মধু	১৬৮
৭০। মুড়ি, ধই প্রভৃতি	১৬৩	৮৪। দাল	১৬৯
৭১। বিস্কুট	১৬৩	৮৫। মৎস্য	১৬৯
৭২। অন্ন	১৬৪	৮৬। তরকারী	১৭০
৭৩। রুটী	১৬৫	৮৭। ফল	১৭১
৭৪। পাঁউরুটী	১৬৫	৮৮। মিঠাই	১৭২
৭৫। মাংস	১৬৫	৮৯। মসলা	১৭৩
৭৬। ডিম্ব	১৬৬	৯০। জল	১৭৩
৭৭। দুগ্ধ	১৬৭	৯১। কতিপয় খাদ্য দ্রব্যের বিশেষ	
৭৮। দধি	১৬৭	ক্রিয়াকারক অংশ সমূহের	
৭৯। ঘোল	১৬৭	শতকরা পরিমাণ বিভাগ	১৭৪
৮০। নবনীত	১৬৮	৯২। কতিপয় খাদ্যদ্রব্যের পরিপাক	
৮১। ছানা	১৬৮	হইতে যত সময় আবশ্যিক হয়	
৮২। শর্করা	১৬৮	তাহার তালিকা	১৭৬

অষ্টম পরিচ্ছেদ।

রোগ বিশেষে ব্যবস্থা।

৯৩। অজীর্ণতা	১৭৮	১০১। কর্ণরোগ	১৯১—১৯৩
৯৪। অপস্মার বা মৃগী	১৭৯	(১) বধিরতা	১৯১
৯৫। অন্নপিত্ত বা অম্বল	১৮১	(২) কর্ণ পরীক্ষার উপায়	১৯২
৯৬। অর্শ	১৮২	(৩) কর্ণে পিচকারী দিবার	
৯৭। আমাশয়	১৮২	প্রণালী	১৯২
৯৮। ইনক রেঞ্জা	১৮৪	(৪) কর্ণে পুন্টিশ দিবার প্রণালী	১৯৩
৯৯। উদরাময়	১৮৫	(৫) কর্ণে বেদনা	১৯৩
১০০। ওলাউঠা	১৮৬	১০২। কণ্ঠরোগ	১৯৪

সূচীপত্র ।

১৩০

বিষয়	পৃষ্ঠা	বিষয়	পৃষ্ঠা
১০৩। কাশি ...	১৯৫	১২০। ফুস্কুসের প্রদাহ বা নিউমনিয়া	২১৮
১০৪। কোষ্ঠবদ্ধতা ...	১৯৭	১২১। কোড়া ...	২১৯
১০৫। কৃমি ...	১৯৮	১২২। ম্যালেরিয়া ...	২১১
১০৬। বুংরি কাশি ...	১৯৯	১২৩। রক্তশূঙ্খতা ...	২২৩
১০৭। চক্ষুরোগ ...	২০০	১২৪। বসন্ত ...	২২৪
১০৮। জলবসন্ত ...	২০২	১২৫। বহুমূত্র ...	২২৯
১০৯। জ্বর ...	২০৩	১২৬। বাত ...	২৩১
১১০। জ্বর-অবিরাম ...	২০৩	১২৭। বিনর্প ...	২৩২
১১১। জ্বর-দাহ ...	২০৪	১২৮। ব্রণ-শোধ ...	২৩৩
১১২। জ্বর-পালা ...	২০৫	১২৯। সন্দি ...	২৩৪
১১৩। জ্বর বিকার বা জ্বাতিসার	২০৫	১৩০। সন্ন্যাস ...	২৩৫
১১৪। জ্বর-সবিরাম বা কম্প ...	২০৮	১৩১। হাঁপানি ...	২৩৬
১১৫। ডিপথিরিয়া ...	২০৯	১৩২। হাম ...	২৩৭
১১৬। ধনুষ্ঠকার ...	২১১	১৩৩। হিষ্টিরিয়া ...	২৩৮
১১৭। পাদ-রোগ ...	২১২	১৩৪। হৃদরোগ ...	২৪০
১১৮। প্লুরিসি ...	২১৩	১৩৫। ক্ষয়কাশ বা যক্ষ্মা ...	২৪১
১১৯। প্লেগ ...	২১৩		

• নবম পরিচ্ছেদ ।

জলবায়ু-পরিবর্তনার্থ স্বাস্থ্যকর স্থান ।

১৩৬। জলবায়ুপরিবর্তনের আবশ্যিকতা		(৩) গঞ্জাম (বরহমপুর) ...	২৫০
ও স্থান ...	২৪৩	(৪) ডায়মণ্ড হারবার ...	২৫০
১৩৭। ত্রিবিধ দেশ ...	২৪৫	(৫) পুরী (সমুদ্রতীর) ...	২৫০
(১) সামুদ্রিক ...	২৪৫	১৪০। পার্ক্যা স্বাস্থ্যনিবাস	২৫১—২৭৫
(২) পার্কিতা ...	২৪৫	(১) আলমোড়া ...	২৫১
(৩) সমতল ...	২৪৬	(২) আবুগিরি ...	২৫২
১৩৮। আয়ুর্বেদ মতে ত্রিবিধ দেশ	২৪৬	(৩) আশীর গড় ...	২৫৩
১৩৯। সামুদ্রিক স্বাস্থ্যনিবাস	২৪৮—২৫১	(৪) কসোলি ...	২৫৪
(১) ওয়াশিংটনের ...	২৪৮	(৫) কসিরাং ...	২৬১
(২) কলম্বো ...	২৪৯	(৬) কাশ্মীর ...	২৬২

বিষয়	পৃষ্ঠা	বিষয়	পৃষ্ঠা
(৭) কুমুর	... ২৬৩	(৭) কৈলোয়ার	... ২৭৮
(৮) ঝাঙালা	... ২৬৩	(৮) গিরিধী	... ২৭৯
(৯) দার্জিলিং	... ২৬৪	(৯) চুগার বা চণ্ডালগড়	... ২৮১
(১০) দেবাহুন	... ২৬৯	(১০) জব্বলপুর	... ২৮২
(১১) ধরমপুর	... ২৭০	(১১) জামতারা	... ২৮২
(১২) নৈনিতাল	... ২৭০	(১২) ডিহিরী	... ২৮২
(১৩) মুন্সুরী	... ২৭২	(১৩) দেওঘর বৈদ্যনাথ	... ২৮৩
(১৪) শিলং	... ২৭২	(১৪) পচম্বা	... ২৮৪
(১৫) সিমলা	... ২৭৩	(১৫) পুকলিয়া	... ২৮৪
১৪১। সমতল স্থাননিবাস	২৭৫—২৮৯	(১৬) বৈদ্যনাথ (যশিদী) জংশন	২৮৫
(১) আজমীর	... ২৭৬	(১৭) মধুপুর	... ২৮৫
(২) ইন্দোর	... ২৭৬	(১৮) মহেশমণ্ডা	... ২৮৬
(৩) এটোয়া	... ২৭৭	(১৯) মীরট	... ২৮৭
(৪) এলাহাবাদ	... ২৭৭	(২০) রাঁচি	... ২৮৭
(৫) কটক	... ২৭৮	(২১) শিমুলতুলা	... ২৮৮
(৬) কুমিল্লা	... ২৭৮	(২২) হাজারিবাগ	... ২৮৮

দশম পরিচ্ছেদ ।

যুষ্টিযোগ প্রকরণ ।

১৪২। অজীর্ণতা	... ২৯০	১৫২। কাসি	... ২৯২
১৪৩। অরুচি ও অগ্নিমান্দ্য	... ২৯০	কুরণ্ড	... ২৯২
১৪৪। অর্শ	... ২৯০	১৫৩। কুমি	... ২৯২
১৪৫। আন্ডুল হাডা	... ২৯০	১৫৪। গরল	... ২৯২
১৪৬। আঁচিল (মেন্ড)	... ২৯১	১৫৫। গলগণ্ড	... ২৯৩
১৪৭। আমাশয়	... ২৯১	১৫৬। গলাবেদনা	... ২৯৩
১৪৮। উকুন (ডেক্স)	... ২৯১	১৫৭। গোদ	... ২৯৩
১৪৯। একশিরা	... ২৯১	১৫৮। ঘামাচি	... ২৯৩
১৫০। ঐকাহিক অর	... ২৯১	১৫৯। চক্ষু উঠা	... ২৯৩
১৫১। কানপাকা	... ২৯১	১৬০। চক্ষুকোলা	... ২৯৩

নির্ঘণ্ট ।

॥/०

বিষয়	পৃষ্ঠা	বিষয়	পৃষ্ঠা
১৬১। ছুলী (ছলম) ...	২৯৩	১৭৮। বহুমূত্র ...	২৯৭
১৬২। তৃষ্ণা ...	২৯৩	১৭৯। বাঘী ...	২৯৭
১৬৩। দাঁতের পীড়া ...	২৯৪	১৮০। বাত ...	২৯৭
১৬৪। দাঁদ ...	২৯৪	১৮১। বাতরক্ত ...	২৯৭
১৬৫। নখকুনি ...	২৯৪	১৮২। ভগ্নন্দর ...	২৯৭
১৬৬। নালি ঘা ...	২৯৪	১৮৩। মচ্কিয়া গেলে ...	২৯৭
১৬৭। পাকুই (হাজা) ...	২৯৪	১৮৪। মস্তকে রক্ত উঠিলে ...	২৯৮
১৬৮। পাঁচড়া ...	২৯৪	১৮৫। মাথাধরা ...	২৯৮
১৬৯। পিপাসা ...	২৯৫	১৮৬। মূখে ঘা ...	২৯৮
১৭০। পৃষ্ঠব্রণ ...	২৯৫	১৮৭। রক্তপ্রদর ...	২৯৮
১৭১। পোড়া নারেকা ...	২৯৫	১৮৮। রসপৈত্তিক ঘা ...	২৯৮
১৭২। প্রমেহ ...	২৯৫	১৮৯। শিরোরোগ ...	২৯৮
১৭৩। প্রস্রাব বন্ধতা ...	২৯৫	১৯০। শূলব্যথা ...	২৯৮
১৭৪। প্লীহা ...	২৯৫	১৯১। শোথ ...	২৯৯
১৭৫। ফোড়া ...	২৯৬	১৯২। হাঁপানি ...	২৯৯
১৭৬। বমন ...	২৯৬	১৯৩। হিকা ...	২৯৯
১৭৭। ব্রণ ...	২৯৬		

পরিশিষ্ট ।

১। তাপমান যন্ত্র ...	৩০০	(৩) চিনি পরীক্ষা প্রণালী ...	৩০৫
২। নাড়ী-পরীক্ষা ...	৩০১	(৪) এলকেলাইন ...	৩০৫
৩। নাড়ীদ্বারা উত্তাপ পরীক্ষা -	৩০২	৭। দুগ্ধ পরীক্ষা-প্রণালী ...	৩০৬
৪। শ্বাসক্রিয়া ...	৩০২	(১) ল্যাক্টোমিটার ...	৩০৬
৫। নাড়ী উত্তাপ ও শ্বাসক্রিয়ার		(২) হাইড্রোমিটার ...	৩০৬
পরস্পর সম্বন্ধ ...	৩০৩	(৩) এসিড পরীক্ষা প্রণালী ...	৩০৭
৬। মূত্র-পরীক্ষা ...	৩০৩	(৪) দুগ্ধ পরীক্ষার অপর উপায় ...	৩০৭
(১) প্রস্রাবের দৈনিক পরিমাণ		(৫) দুগ্ধ পরীক্ষার সহজ প্রণালী ...	৩০৮
নির্ণয় ...	৪০৪	(৬) বাতীদ্বারা দুগ্ধ পরীক্ষা ...	৩০৮
(২) অ্যালবুমেন ও কসফেট		৮। ষড়্ ও বয়সভেদে রোগের	
পরীক্ষা প্রণালী ...	৩০৪	তারতম্য ...	৩০৯

বিষয়	পৃষ্ঠা	বিষয়	পৃষ্ঠা
৯। রোগের সঙ্কটাপন্ন কাল ...	৩১০	(১১) কার্বলিক এসিড বা ক্রিয়োজোট খাইলে ...	৩২২
১০। অরিষ্ট লক্ষণ ...	৩১০	(১২) ক্লোরেল খাইলে ...	৩২২
১১। মূতের লক্ষণ ...	৩১১	(১৩) ক্লোরোফর্ম বা ইথার খাইলে	৩২২
১২। জল পরিষ্কৃত করিবার প্রণালী	৩১২	(১৪) চূণ অথবা সাজিমাটি খাইলে	৩২৩
১৩। জল শীতল করিবার প্রণালী	৩১৪	(১৫) জয়পাল খাইলে ...	৩২৩
১৪। সোডাওয়াটার প্রস্তুতপ্রণালী	৩১৫	(১৬) টাটার এমেটিক ভাইনাম এন্টিমনি ও সূক্ষ্ম প্রভৃতি রসায়ন ঘটিত দ্রব্য সেবন করিলে ...	৩২৪
১৫। লেমনেড প্রস্তুত প্রণালী	৩১৫	(১৭) তুঁতে ও তাম্বুর কলঙ্ক প্রভৃতি তাম্র ঘটিত দ্রব্য খাইলে ...	৩২৪
১৬। চূণের জলপ্রস্তুতপ্রণালী	৩১৬	(১৮) নক্সভমিকা বা কুচিলা কিম্বা ষ্ট্রিক্‌নিয়া সেবন করিলে	৩২৪
১৭। শীতল পানীয় ...	৩১৬	(১৯) নাইট্রিক সলফিউরিক (গন্ধ দ্রাবক) ও হাইড্রোক্লোরিক প্রভৃতি খনিজ এসিড খাইলে	৩২৫
১৮। তেঁতুলের সরবৎ ...	৩১৭	(২০) পারদ, রসকপূর, ক্যালমেল, ত্রৈ-পাউডার, সিন্দুর, রস- সিন্দুর প্রভৃতি পারদ ঘটিত দ্রব্য খাইলে ...	৩২৫
১৯। ফটুকিরি-তত্র -	৩১৭	(২১) প্রসিক এসিড খাইলে	৩২৬
২০। পিপীলিকা নিবারণের উপায়	৩১৭	(২২) ফটুকিরি খাইলে ...	৩২৬
২১। বিষ ও বিষঘ্ন ...	৩১৮	(২৩) বিষাক্ত খাদ্যদ্রব্য খাইলে	৩২৬
(১) অক্সেলিক টাটারিক ও এসোটিক এসিড প্রভৃতি উদ্ভিজ্জ এসিড খাইলে ...	৩১৮	(২৪) ব্যাণ্ডের ছাতা খাইলে	৩২৭
(২) আইওডিন খাইলে ...	৩১৮	(২৫) মনসীজ বা লকাসীজ খাইলে	৩২৭
(৩) আকন্দ খাইলে ...	৩১৯	(২৬) সক্ষেদা, গুলার্ডস লোশন প্রভৃতি সীসঘটিত দ্রব্য খাইলে	৩২৭
(৪) আফিং (লডেনাম) বা মার্ফিয়া খাইলে ...	৩১৯	(২৭) সোডা, এমোনিয়া ও কষ্টিক পটাশ ইত্যাদি ক্ষারদ্রব্য সেবন করিলে ...	৩২৮
(৫) আর্সেনিক বা শেকে বিষ ও হরিতাল খাইলে ...	৩১৯		
(৬) একোনাইট বা মিঠা বিষ খাইলে ...	৩২০		
(৭) একোহল বা সুরাসার খাইলে ...	৩২০		
(৮) কষ্টিক লোশন ইত্যাদি রোপ্য ঘটিত দ্রব্য সেবন করিলে	৩২১		
(৯) কঙ্ক ফুল বা করবী ফুল খাইলে ...	৩২১		
(১০) কুক ধুতুরা, বেলেডোনা এটোপিমা খাইলে ...	৩২১		

নির্ঘণ্ট ।

১১০


বিষয়	পৃষ্ঠা	বিষয়	পৃষ্ঠা
(২৮) সিদ্ধি (ভাস্ক) অথবা গাঁজা উৎপাদন করিলে	৩২৮	২২ । ঔষধের ওজন (দেশী ও ইংরাজীর তুলনা) ...	৩২৯
(২৯) সলফেট, ক্লোরাইড এবং এসিটেট অব জিঙ্ক প্রভৃতি দস্তাবেশিত দ্রব্য থাকিলে	৩২৮	(১) তরল ঔষধ ...	৩২৯
		(২) শুষ্ক ঔষধ ...	৩৩০

নির্ঘণ্ট ।

বর্ণানুক্রমিক সূচী ... ৩৩১—৩৪৯

গ্রন্থসম্বন্ধে অভিমত ।

সংবাদপত্র ও মুদ্রিত চিকিৎসকদিগের মতামত ... /০



শুশ্রূষা

প্রথম ভাগ ।

প্রথম পরিচ্ছেদ ।

কয়েকটি মূল কথা ।

১। গৃহ—দক্ষিণদ্বারী ঘর রোগীর পক্ষে সর্বশ্রেষ্ঠ । তদভাবে দক্ষিণ-পূর্ব কিম্বা পূর্বদ্বারী ঘর মনোনীত করা যাইতে পারে । কোন কোন অঞ্চলে দক্ষিণ-পশ্চিম অথবা পশ্চিমদ্বারী ঘরই স্বাস্থ্যপ্রদ হইয়া থাকে । গিরিধী, বৈগুনাথ প্রভৃতি পশ্চিমাঞ্চলে পশ্চিমের হাওয়াই সর্বাধিক স্বাস্থ্যকর । ইষ্টকনির্মিত গৃহ হইলে, যে কামরার চারিদিকেই দ্বার জানালাদি আছে তাহাই সর্বোৎকৃষ্ট ।

সুপ্রশস্ত, উচ্চ, অনার্দ্র ও আলোকযুক্ত পরিষ্কৃত গৃহে রোগীর বাসস্থান নির্দেশ করা কর্তব্য । অধিক উষ্ণ কিম্বা অধিক শীতল গৃহ রোগীর পক্ষে অত্যন্ত অপকারী । গৃহ অনাবশ্যক দ্রব্যাদি দ্বারা পূর্ণ করিয়া বায়ু সঞ্চালনের অন্তরায় জন্মাইবে না । যাহাতে নির্মল বায়ু মুক্তভাবে প্রবাহিত হইতে পারে, বিশেষভাবে তাহার ব্যবস্থা করা

উচিত। বাহিরের শীতল বায়ু প্রবাহ যাগাতে রোগীর গানে আসিয়া না লাগে, একপ স্থানে রোগীর শয্যা নির্দেশ করা কত্তব্য। ঠিক দরজার সম্মুখে না করিয়া ঘরের এবধ বে জানালাব পাশে শয্যা স্থাপন করবে। তাহাতে বাহিরের বায়ু রোগীর গাত্রে লাগিতে পারবে না, অথচ দরজা এবং পরস্পর সম্মুখবর্তী জানালা বা দরজা খোলা রাখিলে দূষিত বায়ু বাহির হইয়া যাইতে পারিবে এবং বাহিরের পবিত্র বায়ু গৃহে ভিতরে প্রবেশ করিতে পারিবে।

(১) বায়ুচলাচল—দিনের বেলায় দরজা জানালা সমস্ত খুলিয়া রাখা উচিত। রাত্রিতেও সমস্ত দরজা ও জানালা বন্ধ করা কত্তব্য নহে। কিন্তু ইষ্টকনির্মিত গৃহ না হইলে দরজা ও জানালা সন্ধ্যাব পরে বন্ধ করিয়া দেওয়া কত্তব্য। সমস্ত ঋতুতে প্রত্যয়ে দরজা জানালা খুলিয়া দেওয়া উচিত। কারণ তাহাতে প্রাতঃকালের পবিত্র বায়ু গৃহে প্রবেশ করে এবং বন্ধ ও দূষিত বায়ু গৃহ হইতে বাহির হইয়া যায়, তদ্বারা রোগীর গৃহে নির্মল বায়ু সঞ্চারের সুবিধা হয়। আমরা অনেক স্থলে দেখিতে পাই, ইষ্টকনির্মিত গৃহেও বাতায়নাদি সকল ঋতুতেই, বিশেষতঃ বর্ষা ও শীতকালে অতি যত্নের সহিত রুদ্ধ করা হয়। এমন কি বস্ত্রখণ্ডদ্বারা উহার মধ্যস্থ ফাটল সকল এক্রুপে আবৃত করিয়া রাখা হয় যে তদ্বারা গৃহে আলোক বা বায়ু কিছুই প্রবেশ করিতে পারে না। যাঁহারা এক্রুপ করিয়া থাকেন, তাঁহাদের বিশ্বাস এই যে, জানালা খোলা রাখিলেই সর্দি লাগিবে। এমনও দেখিতে পাওয়া যায়, দারুণ গ্রীষ্মে যখন প্রাণ ছট-ফট করে তখনও অনেকে গৃহের দ্বার ও বাতায়ন উত্তমরূপে রুদ্ধ করিয়া শয়ন করেন। এক্রুপ স্থলে সুস্থ লোকেরও অচিরে রুগ্ন হইবার আশঙ্কা। রোগীর পক্ষে ইহা যে কতদূর অনিষ্টকর তাহা বলাই বাহুল্য। একথা সকলেরই জানিয়া রাখা উচিত, গৃহে বায়ু

প্রবেশ করিলেই সর্দি হওয়ার কোন কারণ নাই । ঠাণ্ডার পর হঠাৎ গরম এবং গরমের পর হঠাৎ ঠাণ্ডা লাগিলেই সর্দি হইবার কারণ উপস্থিত হয় । এই জন্তই শীতকালে শয্যাভ্যাগের পর অপরূপ উষ্ণ গৃহের বাহির হইবা মাত্র অথবা প্রত্যাষে জানালা খুলিবা মাত্র বহুলোককেই হাঁচিতে দেখা যায় । সমস্ত রাত্রি বন্ধ বায়ুতে গৃহ উষ্ণ থাকে এজন্য হঠাৎ জানালা খুলিবামাত্র বাহিরের শীতল বায়ু গায়ে লাগাতেই এরূপ হইয়া থাকে । শীতকালে অল্প পরিমাণে জানালা খুলিয়া রাখিলে হঠাৎ শীতল বায়ুস্পর্শে সর্দির কোন আশঙ্কা থাকে না । রোগীকে রুদ্ধ গৃহে রাখা যে আমাদের নিতান্তই ভুল এবং রোগীর পক্ষেও অতিশয় অহিতকর তাহা সর্বদা স্মরণ রাখা কর্তব্য । পীড়িত ব্যক্তির গাত্র হইতে যে বায়ু বহির্গত হয়, তাহা গৃহে সঞ্চিত হইলে গৃহের বায়ু ক্রমে এত দূষিত হইয়া উঠে যে তদ্বারা যে কেবল রোগীরই অপকার দর্শে এমত নহে, নিশ্বাসদ্বারা উহা অপরের শরীরে প্রবিষ্ট হইলে তাহাদেরও নানা রোগ হইবার সম্ভাবনা ।

(২) আলোক ও উত্তাপ—গৃহে আলোক ও উত্তাপের সুবন্দোবস্ত থাকা প্রয়োজন । রোগীর চক্ষু অসস্থ হয় এরূপ প্রবল আলো গৃহে প্রবেশ করিতে দেওয়া কর্তব্য নহে । মস্তিষ্কের বিশেষতঃ চক্ষুর পীড়া বর্তমান থাকিলে রোগীর চক্ষু যাহাতে আলোক রশ্মি পতিত না হয়, তাহার বিশেষ ব্যবস্থা করিতে হইবে । এ অবস্থায় রোগীকে সম্পূর্ণ অন্ধকার গৃহে রাখা কর্তব্য । গৃহের চারিদিকে এবং বাতায়নাদিতে কাল কাপড় টাঙাইয়া দেওয়া উচিত । তাহাতে রোগীর গৃহ শীতল ও অন্ধকার হইবে ।

(৩) আর্দ্রতা নিবারণ—ঘর আর্দ্র হইলে শুষ্ক মৃত্তিকাচূর্ণ বা বালি, গুঁড়া চূণ অথবা কাঠের কয়লা মেঝেতে ছড়াইয়া দিবে এবং তাহার

উপরে দরমা কিম্বা মাত্র বিছাইবে। এরূপ করিলে গৃহ অনেকটা শুষ্ক হইবার সম্ভাবনা। অধিক ভিজা বোধ হইলে মেজের উপর জলস্ত অঙ্গার রাখিয়া দেওয়াও মন্দ নহে। কিন্তু রোগীর গাত্রে বাহাতে উত্তাপ না লাগে সে বিষয়ে দৃষ্টি রাখিবে।

(৪) লোক সমাগম—রোগীর গৃহে নানাকারণে অধিক লোক সমাগম সম্পূর্ণ নিষিদ্ধ। কিন্তু দুঃখের বিষয় অধিকাংশ স্থলেই ইহার বিপরীত দেখিতে পাওয়া যায়। রোগীর প্রতি সহানুভূতি প্রকাশ করিবার জন্ত এ সময়ে অনেকেই আগমন করিয়া থাকেন। অবশ্য ইহার উদ্দেশ্য সাধু সে বিষয়ে সন্দেহ নাই; কিন্তু গৃহে জনতা হইলে বহুলোকের নিশ্বাস প্রশ্বাসে দূষিত বায়ু রোগবৃদ্ধির কারণ হইয়া উঠে। এক সময়ে অধিক বন্ধুবান্ধব বাহাতে গৃহে না থাকেন, সে বিষয়ে প্রথমে দৃষ্টি রাখা কর্তব্য। বাহাতে রোগীর গৃহের সন্নিকটে লোকজনের গোলযোগ না হয়, তাহারও উপায় অবলম্বন করা উচিত।

(৫) সংক্রামাপহ ও দুর্গন্ধনাশক—রোগীর ঘর দুর্গন্ধযুক্ত হইলে কন্ডিস ফ্লুইড (Condy's Fluid), ফেনাইল (Phenyle) কিম্বা কার্বলিক এসিড (Acid Carbolic) * ৩০ গুণ জলের সহিত মিশ্রিত করিয়া ঘরের মেজেতে ছড়াইয়া দিবে। ইহাতে সংক্রামক

* কার্বলিক এসিড হাতে লাগিলে ফোঁকা পড়ে, অতএব ইহা অতি সাবধানে ব্যবহার করা উচিত। হঠাৎ কোন অঙ্গে উক্ত এসিড লাগিলে তৎক্ষণাত্ উক্ত স্থানে যে কোন প্রকার তৈল মাখাইয়া দিলে ফোঁকা পড়িবে না এবং জ্বালাও করিবে না। অধিক পরিমাণে এসিড লাগিলে প্রথমে জল দ্বারা উত্তম রূপে ধোত করিয়া তৎপরে তৈল মাখাইতে হইবে। এসিড লাগিবা মাত্রই জল দিতে হইবে নতুবা বিলম্ব হইলে ফোঁকা পড়িবে। জল অধিক পরিমাণে এবং সজোরে ঢালিতে হইবে। ইহা অত্যন্ত বিষাক্ত পদার্থ, এজন্য রোগীর গৃহে এককালে অধিক পরিমাণে ব্যবহার করা উচিত নহে।

পীড়ার বিষ নাশার্থ সাহায্য হইবে এবং দুর্গন্ধও দূর হইবে । গৃহের মধ্যে ৪ হাত উচ্চে বুড়ী কিম্বা অন্য কোন সচ্ছন্দ পাত্রে করিয়া শুষ্ক ও পরিষ্কৃত কাঠের কয়লা রাখিয়া দিলেও দূষিত বায়ু বিনষ্ট হইবে । উক্ত কয়লা মধ্যে মধ্যে রোদ্রে দিয়া শুষ্ক করিয়া দেওয়া উচিত । শুষ্ক চুণে কিঞ্চিৎ জল মিশ্রিত করিয়া দুর্গন্ধযুক্ত স্থানে ছড়াইয়া দিলেও বায়ু বিশোধিত হয় । আলকাতরা দূষিত বায়ু ও দুর্গন্ধনাশক । টাটকা গোবর জলে গুলিয়া ছড়াইয়া দিলেও দুর্গন্ধ নষ্ট হয় ।

আমাদের দেশে প্রাতঃসন্ধ্যা গৃহে ধূপধূনা দিবার প্রথা প্রচলিত আছে । ইহা অতি উত্তম প্রথা । রোগীর গৃহে প্রাতঃসন্ধ্যা ধূপধূনা দেওয়া সঙ্গত । গন্ধকের ধূমে দূষিত বায়ু পরিষ্কৃত হয় সত্য কিন্তু উহার তীব্র গন্ধ রোগীর পক্ষে সাধারণতঃ অসহ্য ; এজন্য গন্ধক না পোড়াইয়া ধূপধূনা দেওয়াই ভাল । তবে সম্ভবপর হইলে রোগীকে উক্ত সময়ের জন্য অন্য গৃহে স্থানান্তরিত করিয়া প্রচুর পরিমাণে ধূপধূনা এবং গন্ধকের ধূম দেওয়া যাইতে পারে । ইহাতে দুর্গন্ধও দূরীভূত হইবে, মক্ষিকা ও মশকের উপদ্রবও কম হইবে ।

(৬) বর্ত্তিকালোক—গ্যাসের কিম্বা কেরোসিনের আলো রোগীর গৃহে রাখা কর্তব্য নহে । চর্কিবাতি অথবা তদভাবে সন্নিধা, নারিকেল কিম্বা রেড়ীর তৈলের প্রদীপ রাখা উচিত । রোগীর চোখে প্রবল আলোক পতিত না হয় একরূপ স্থানে প্রদীপ স্থাপন করিতে হইবে । ইাড়ির ভিতরে প্রদীপ রাখিলে এই উদ্দেশ্য সাধিত হইতে পারে । রোগীর মস্তকের নিকট কখনও প্রদীপ রাখা বিধেয় নহে ।

২ । শয্যা—গৃহ উৎকৃষ্ট হইলেও স্থান ও শয্যাতির বিষয়ে মনোযোগ না করিলে রোগীর পক্ষে নানা অসুবিধা ও অপকারের সম্ভাবনা । মেজের উপরে রোগীর শয্যা না করিয়া তরুপোষ বা খাটের উপর

রোগীকে শয়ন করিতে দেওয়াই কর্তব্য। যুক্তিকার উপরে রোগীর শয্যার ব্যবস্থা করা কিছুতেই যুক্তিসঙ্গত নহে। অসচ্ছলতা স্থলে অন্ততঃ মাচার উপর শয্যা নির্দেশ করা উচিত। দ্বিতল, ত্রিতল গৃহের মেজের উপর রোগীর শয্যা করিলে কতকটা চলিতে পারে।

রোগ দীর্ঘকাল স্থায়ী হইলে বিছানা যথাসম্ভব পুরু এবং নরম হওয়া আবশ্যিক, নতুবা শয্যাঙ্কত হইয়া রোগীর বহুকাল কষ্টে পাইবার সম্ভাবনা। একাধিক রোগী কোন ক্রমেই এক শয্যায় রাখা বিধেয় নহে। নিতান্ত অসচ্ছলাবস্থায় বাধ্য হইয়া এক গৃহে রাখিতে হইলে অন্ততঃ পৃথক পৃথক এবং যথাসম্ভব দূরে দূরে শয্যা নির্দেশ করিবে। কিন্তু সংক্রামক রোগে ভিন্ন ভিন্ন গৃহে রোগীর শয্যা নির্দেশ করা কর্তব্য। রোগীর শয্যায় অপর কাহারও শয়ন করা উচিত নহে।

৩। পরিচ্ছন্নতা—অনেক স্থলেই দেখিতে পাওয়া যায়, রোগীর শয্যা, পরিধেয় বস্ত্র অতি অপরিষ্কৃত থাকে। একরূপ অপরিচ্ছন্নতা ব্যাধির পক্ষে মহা অনিষ্টকর। রোগীকে সর্বদা পরিষ্কার পরিচ্ছন্ন রাখিতে হইবে। প্রত্যহ বিছানার চাদর ও বালিসেব ওয়াড় রৌদ্রে শুষ্ক করা কর্তব্য। দিবসে অন্ততঃ একবার পরিধেয় বস্ত্র পরিবর্তিত করা উচিত। সাবানজলে দুই একদিন অন্তর বিছানার চাদর ইত্যাদি কাচিয়া দিলেই অনায়াসে চলিতে পারে। শুশ্রূষাকারীদের এ বিষয়ে বিশেষ গনোযোগ প্রদান করা কর্তব্য। ময়লা কাপড় পরিয়া থাকা সাধারণ স্বাস্থ্যের পক্ষেই মহা অনিষ্টকর, রোগীর পক্ষে এ বিষয়ে কতদূর সাবধানতার প্রয়োজন, সহজেই অনুমিত হইতে পারে।

৪। পরিচ্ছদাদি—শরীর সর্বদা পরিষ্কৃত বস্ত্রদ্বারা আবৃত রাখিতে হইবে। পদদ্বয় উষ্ণ থাকিলে নানা প্রকার অসুখ হইতে পারে না, একত্র সর্বদা মোজা ব্যবহার করা কর্তব্য। গাত্রে আর্দ্র বায়ু লাগিয়া

যাহাতে সর্দি কাশি হতে না পারে সেজন্য সর্বদা সতর্ক থাকা আবশ্যিক। সহমত ফ্ল্যানেলের ডায়া গায়ে রাখা মন্দ নহে। হৃদরোগ, ফুস্ফুসের পীড়া এবং বাত-বোগে ফ্ল্যানেল ব্যবহার করা বিশেষ কর্তব্য। প্রবল গাত্রদাহে ভার লেপ চাপা না দিয়া পাতলা পশমী বস্ত্র ব্যবহার করা মন্দ নহে। জরীর সহিত কোনরূপ কাশির উপসর্গ না থাকিলে শয্যায় আবদ্ধ বস্ত্রাদির প্রয়োজন নাই। উহাতে বরং শরীর উষ্ণ বোধ এবং গাত্রদাহ বৃদ্ধি পাইবারই সম্ভাবনা। প্রবল গাত্রদাহে রোগীকে অনাবৃত বাতাসে কারতে হইলে বুক ও পীঠে যাহাতে ঠাণ্ডা লাগতে না পারে এরূপ বিধান করা কর্তব্য। ঘাম হইলে তৎক্ষণাৎ মুছিয়া দে লাগে এবং শুষ্ক বস্ত্র গায়ে দিবে। পীড়িতাবস্থায় গাত্রে অধিকক্ষণ ঘাম থাকা অত্যন্ত অনিষ্টকর। ঘম্মদিক্ত বস্ত্রাদি কখনও ব্যবহার করা উচিত নহে। তাহাতে সর্দি কাশি হইয়া বোগ সাংঘাতিক হওয়ার সম্পূর্ণ সম্ভাবনা। উদরাময় থাকলে পেটে গরম কাপড় (ফ্ল্যানেল ইত্যাদি) জড়াইয়া রাখা উচিত।

৫। থুথু ও বমনপাত্র— পীড়িতাবস্থায় রোগীর মুখে সাধারণতঃ জল অথবা থুথু উঠিয়া থাকে। অন্যান্য দেশে অনেকেই সচরাচর শয্যার চারি পাশে, দেয়ালে ও গৃহকোণে থুথু নিক্ষেপ করিয়া থাকেন। ইহা যেমন কদর্যা রোগ, স্বাস্থ্যের পক্ষেও তেমনই হানিজনক। ইতস্ততঃ নিক্ষিপ্ত থুথু হইতে দুর্গন্ধ ও নানাপ্রকার সক্রামক রোগের বীজাণু উঠিয়া গৃহের বায়ু দূষিত করে। রোগাবস্থায় কখন কখন রোগী বমন করে। তদবস্থায় শয্যা ত্যাগ করিয়া বাহিরে যাওয়া অনেক সময়ে সম্ভবপর হয় না। এমতাবস্থায় থুথু ও বমনপাত্র সর্বদা রোগীর নিকটে তরুপোষের ডান কিম্বা বামদিকে রাখিয়া দেওয়া উচিত। উহা দেয়ালের একপাশে এমন স্থানে রাখিবে না যাহাতে সর্বদা পরিষ্কার

করিতে অসুবিধা ঘটতে পারে । অসচ্ছলতা স্থলে মেটে' হাঁড়ি অথবা মালমা খুখু এবং বমনপাত্ররূপে ব্যবহৃত হইতে পারে । এই পাত্র দিবসে অন্ততঃ ৪।৫ বার পরিষ্কার করা কর্তব্য এবং সম্ভব হইলে দুর্গন্ধ প্রভৃতি নিবারণ জন্য কিছু কার্বলিক লোসন (I in 20) কিম্বা কণ্ডিস ফ্লুইড উক্ত পাত্রে ঢালিয়া দেওয়া উচিত । বমন করিবামাত্র রোগীর গৃহ হইতে পাত্র বাহির করিয়া ফেলিবে এবং পাত্র সর্বদা পরিষ্কার পরিচ্ছন্ন রাখিবে ।

৬ । রোগীর প্রতি কর্তব্য—রোগীর সমক্ষে কোনরূপ নিরাশাজনক বাক্য ব্যবহার করা অত্যন্ত গর্হিত । রোগীর গৃহে কখন উচ্চৈঃস্বরে কথোপকথন করা কর্তব্য নহে । যাহাতে কোনরূপ গণ্ডগোল না হয় তৎপক্ষে বিশেষ দৃষ্টি রাখিতে হইবে । রোগীর সম্মুখে কাহারও বিমর্ষভাব প্রকাশ করা বিধেয় নহে । রোগীর চিত্ত যাহাতে প্রফুল্ল থাকে সে বিষয়ে যত্নবান্ হইতে হইবে । রোগীকে কখন কটু কথা বলা কিম্বা তিরস্কার করা উচিত নহে । রোগীর স্বভাব সাধারণতঃ একটু খিটখিটে হইয়া থাকে । রোগী যদি কখনও কোনও অশ্রায় আচরণ করে তবে তাহাকে মধুর বাক্যে প্রতিনিবৃত্ত করিবে । রোগীর পীড়া কঠিন বা আরোগ্য হইতে বিশেষ বিলম্ব হইবার সম্ভাবনা, রোগীর নিকট এরূপ উক্তি কখনও সঙ্গত নহে । রোগীকে সর্বদাই আরোগ্যের আশ্বাস দেওয়া কর্তব্য । নানা অনাবশ্যক প্রশ্ন করিয়া রোগীকে বিরক্ত করা উচিত নহে ।

(১) মন্ত্রণাশুপ্তি—রোগ গুরুতর হইলে রোগীর সমক্ষে চিকিৎসককে রোগ সম্বন্ধে কোন কথা জিজ্ঞাসা করিবে না । কোন প্রকার পরামর্শের প্রয়োজন হইলে রোগীর গৃহে বসিয়া তাহা করা নিতান্ত গর্হিত । রোগীর সমক্ষে অথবা শ্রুতিগোচরে সন্দেহজনক মৃদুস্বরে আলাপ করা কিম্বা গুরুতর কিছু ঘটিয়াছে এরূপ ভাব প্রকাশ করা

নিতান্ত অবিবেচনার কার্য্য । আকার ইঙ্গিতেও এ সমস্ত বিষয় রোগীকে কোন ক্রমেই বুঝিতে দেওয়া উচিত নহে । কিন্তু নিতান্ত পরিতাপের বিষয়, আমরা ঠিক ইহার বিপরীত কার্য্য করিয়া থাকি । আমরা এমনভাবে কথা বলি, এমন হাবভাব প্রকাশ করি, এমনভাবে রোগীর নিকটে কথা গোপন করিতে চাই যে, রোগী তাহা হইতেই বুঝিয়া লইতে পারে, তাহার অবস্থা বড়ই শোচনীয় হইয়া আসিতেছে । শুশ্রূষাকারীদের এবং যাহারা রোগী দেখিতে আসেন তাঁহাদের এ বিষয়ে গুরুতর দায়িত্ব । আমরা অনেক সময় লুকাইতে গিয়াই ধরা পড়ি । রোগীকে জানিতে দিব না বলিয়া আরও বেশী করিয়া বুঝিবার সুযোগ দেই । রোগীর সমক্ষে কখনও উদ্বেগের ভাব প্রকাশ করা কৰ্ত্তব্য নহে । রোগী বুদ্ধিমান হইলে অতি সহজে এ সমস্ত বুঝিতে পারে, ইহা জানা উচিত । আমাদের আচরণে যাহাতে রোগীর মনে ঘৃণাকরেও কোনরূপ উদ্বেগ ও আশঙ্কা জন্মিতে না পারে তাহা করা সর্ব্বতোভাবে বিধেয় ।

(২) বিকারাবস্থায়—রোগী বিকারগ্রস্ত হইলে অথবা প্রলাপ বকিলে সাবধানে থাকিবে । এ অবস্থায় রোগীকে উঠিয়া বসিতে দিবে না । গৃহে কোন প্রকার অস্ত্রশস্ত্র রাখিবে না । ছুরী, কাঁচি প্রভৃতি প্রয়োজনীয় দ্রব্যাদি রোগীর ঘর হইতে স্থানান্তরিত করিবে । রোগীকে মুহূর্তের জন্যও একাকী ফেলিয়া অন্যত্র গমন করিবে না । প্রবল বিকারের অবস্থায় কেবল একজন মাত্র শুশ্রূষাকারীর উপর নির্ভর করিয়া বাড়ী ছাড়িয়া যাওয়া উচিত নহে । একরূপ অবস্থায় কখন কিরূপ সাহায্যের প্রয়োজন হইবে তাহার নিশ্চয়তা নাই । বাড়ীতে অন্য লোক না থাকিলে সমূহ অসুবিধা ঘটতে পারে । রোগী প্রলাপ বকিতে আরম্ভ করিলে তাহার প্রলাপে যোগ দিয়া উত্তর প্রত্যুত্তরদানে কথা বুদ্ধি

করা সম্ভব নহে । রোগীর অসম্বন্ধ কথার কোনরূপ প্রতিবাদ করিয়া উত্তেজনা বৃদ্ধি করিবে না । রোগী যাহা ইচ্ছা বা কয় তাহাতে অক্ষিপ না করিয়া প্রশান্ত-বাক্য প্রদর্শন করিবে এবং কোনরূপ ভীতি বা উদ্বেগের ভাব প্রকাশ করিবে না । পরন্তু রোগীর সহিত কোনরূপ রূঢ় ব্যবহার কখনই বিধেয় নহে । যাহাতে রোগীর গৃহে অথবা শ্রুতিগোচরে কোনপ্রকার শব্দ না হয় তাহার ব্যবস্থা করিবে । বড় রাস্তার ধারে, যেখানে গাড়ী ঘোড়া ও লোকজনের অধিক যাতায়াত, একরূপ স্থানে বাসস্থান হইলে অনেক সময় রাস্তার উপরে গড় পাতিয়া দিতে দেখা যায় । উহাতে গাড়ী ঘোড়ার যাতায়াতের শব্দ উৎপিত হইতে পারে না ; ইহা উত্তম ব্যবস্থা ।

(৩) বাকরোধ বা সংজ্ঞাহীনাবস্থায়—বাকরোধ অথবা সংজ্ঞাহীন অবস্থায় রোগীর বর্ণগোচর হইতে পারে এমন স্থানে রোগীর সম্বন্ধে কোন কথা বলা কর্তব্য নহে । কারণ অনেক সময় রোগীর কথা বলিবার ও নড়িবার চড়িবার শক্তি না থাকিলেও কি ঘটতেছে তাহা শুনিবার ও বুঝিবার ক্ষমতা থাকিতে পারে । অনেক সময় দেখিতে পাওয়া যায়, রোগীর সচেতন অবস্থাতেই আত্মীয়গণ ক্রন্দনরোল উৎপিত করিয়া থাকেন । ইহা নিতান্তই অববেচনার কার্য । রোগীর সম্মুখে একরূপভাবে ক্রন্দন করা কখনও বিধেয় নহে ।

(৪) চিত্তবিনোদন—অনেক সময় দেখিতে পাওয়া যায় রোগী রোগের চিন্তায় একেবারে মিয়মাণ হইয়া পড়েন এবং বহুকাল রোগশয্যায় আবদ্ধ থাকিয়া কেমন একপ্রকার কষ্টানুভব করেন । এ সময়ে রোগীর ইচ্ছানুযায়ী শ্রুতিমধুর বাদ্য-যন্ত্রাদি বাদন এবং সুশ্রাব্য সঙ্গীতাদি করিলে তাহাতে রোগীর মনে প্রফুল্লতা জন্মিতে পারে । রোগীর চিন্তাকর্ষণের জন্য সুন্দর ছবি ইত্যাদিও দেখান যাইতে

পারে। সুন্দর সুন্দর লতা, পাতা, ফুল বা ফল দেখিলে স্বভাবতঃই মন প্রফুল্ল হইয়া থাকে। সুবাসিত পুষ্পের সৌরভে মন প্রফুল্ল হয় এবং গৃহের বায়ুও বিশুদ্ধ হয়। অতএব বোগীর ঘরে পুষ্পগুচ্ছ ইত্যাদি রাখা মন্দ নহে। রোগীর চিত্ত প্রসন্ন রাখিবার জন্ত সর্বদা যত্নবান থাকা কর্তব্য, কারণ তদ্বাচ্য রোগ নিরাকরণে বহু পরিমাণে সহায়তা হয়। রোগী ইচ্ছা করিলে তাহাব কাছে সুন্দর গল্পের বই পাঠ করিলে অথবা নানাবিধ ভাল ভাল গল্প করিলে রোগীব মন অনেকটা প্রফুল্ল থাকিতে পারে।

৭। শুশ্রূষাকারীর যোগ্যতা এবং কর্তব্য—
শুশ্রূষাকারীব শাস্ত্রপ্রকৃত, প্রফুল্লচিত্ত, সাহসু, দৃঢ়প্রতিজ্ঞ এবং নিঃসঙ্গ হওয়া প্রয়োজন। দৃষ্টিশক্তির অল্পতা থাকিলে শুশ্রূষা কার্যে ব্যাঘাত জন্মিতে পারে, এজন্য শুশ্রূষাকারীব প্রথর দৃষ্টিশক্তি থাকা প্রয়োজন। শুশ্রূষাকারীর পক্ষে ঘৃণা সর্বতোভাবে পরিহার্য। মনে মনে ঘৃণার ভাব থাকিলে কেহই পরিচর্যার কাজ সুচারুরূপে সম্পন্ন করিতে পারে না। নিজের সুখস্বচ্ছন্দতার প্রতি দৃকপাত না করিয়া নিঃস্বার্থভাবে খাটিতে না পারিলে পরিচর্যা করা কঠিন।

দুর্কলচিত্ত ব্যক্তি শুশ্রূষাকারীব হইবার উপযুক্ত নহে। কর্তব্য-নিষ্ঠ, বিবেকপরায়ণ না হইলে শুশ্রূষা কার্য সুচারুরূপে সম্পন্ন হইতে পারে না। কারণ রোগী কুপথোর জন্ত নিতান্ত পীড়াপীড়ি করিলে অথবা অন্য কোন অযথাচরণ করিতে চাহিলে তাহাকে সম্যক্ প্রতিনিবৃত্ত করিতে হইবে। অনেক সময় রোগীর প্রকৃত মঙ্গলার্থ এমন কি নিষ্ঠুরাচরণ করিবারও প্রয়োজন হইতে পারে। শুশ্রূষাকারী এ সময়ে মমতা বশতঃ দুর্কলতা প্রকাশ করিবেন না। পরিচর্যাকারী দৃঢ়প্রতিজ্ঞ হইবেন বটে কিন্তু নিষ্ঠুর হইবেন না। শুশ্রূষাকারীর

হৃদয়ে দয়ার ভাব না থাকিলে তাঁহারা ভালরূপ শুক্রবার প্রত্যাশা করা যায় না ।

রোগী অসহিষ্ণু হইলে অথবা ভীতি এবং ব্যস্ততার ভাব প্রকাশ করিলে শুক্রবাকারী বিচলিত না হইয়া প্রশান্ত ও প্রফুল্লভাব প্রদর্শন করিবেন এবং রোগীর পক্ষে যাহা প্রকৃত মঙ্গলকর তাহাই করিবেন ।

চিকিৎসকের প্রতি রোগীর যাহাতে আস্থা জন্মে শুক্রবাকারীর তদ্বিষয়ে বিশেষ যত্ন করা কর্তব্য । রোগ সম্বন্ধে রোগী যাহাতে সর্বদা চিন্তা না করে এবং তৎসম্বন্ধে কোন বই পাঠ না করে শুক্রবাকারীর সে বিষয়ে বিশেষ দৃষ্টি রাখা প্রয়োজন । কারণ রোগের চিন্তায় রোগ আরো বৃদ্ধি পায় এবং রোগ সম্বন্ধে বই পড়িলে রোগের চিন্তা প্রবল হইয়া থাকে ।

(১) ভ্রমপ্রমাদ—ঔষধাদি সেবন এবং পথ্যাপথ্য ইত্যাদি সম্বন্ধে শুক্রবাকারীর কোনরূপ ভ্রম প্রমাদ ঘটিলে চিকিৎসকের নিকটে তাহা কখনই গোপন করা উচিত নহে । গোপন করিলে ঘোর অনিষ্ট হইতে পারে । সময়ে চিকিৎসককে জানাইলে প্রতিবিধানের সম্যক সম্ভাবনা থাকে । কিন্তু গোপন করিলে একে আর হইয়া দাঁড়াইতে পারে । চিকিৎসক একভাবে চিকিৎসা করিবেন, রোগের প্রতীকার হইতেছে না দেখিয়া হৃদয় তিনি ব্যবস্থার পর ব্যবস্থা পরিবর্তিত করিবেন, অথচ প্রকৃত কথা গোপন থাকায় তাঁহার শত চেষ্টা ব্যর্থ হইবে । এতদ্ব্যতীত শুক্রতর ভ্রমপ্রমাদে জীবন সংশয়ও বিচিত্র নহে । অতএব লজ্জাবশতঃ অথবা অপ্রেমিত হইবার ভয়ে নিজের ভ্রম ক্রটি কখনও গোপন করিবে না ।

রোগীর অবস্থা অমুসারে শুক্রবাকারীর প্রত্যাশাপন্নমতিতে অনেক উপকার হইয়া থাকে । কিন্তু যে সকল দুর্কহ বিষয়ে চিকিৎসকের উপর নির্ভর করা কর্তব্য, সেই সকল বিষয়ে প্রত্যাশাপন্নমতিতে দেখাইবার

উদ্দেশ্যে শুশ্রূষাকারীর ব্যস্ততা সঙ্গত নহে । তাহাতে হিতে বিপরীত হইতে পারে ।

শুশ্রূষাকারী হঠাৎ নিদ্রা হইতে উঠিয়া ঘুমের ঘোরে রোগীকে ঔষধাদি প্রদান করিবেন না । ঘুমের ঘোরে ভ্রম হইবার নিতান্ত সম্ভাবনা । সামান্য তন্দ্রার অবস্থাতেও সতর্ক হওয়া প্রয়োজন । তন্দ্রা অথবা নিদ্রাভঙ্গের পর চক্ষু প্রক্ষালন করিয়া তবে ঔষধ দেওয়া, উত্তাপ লওয়া এবং রোগীর অবস্থা লিপিবদ্ধকরা ইত্যাদি কার্য্য করা উচিত ।

(২) শুশ্রূষাকারীর স্বাস্থ্য—শুশ্রূষাকারীর নিজের পরিচ্ছন্নতার বিশেষ প্রয়োজন । কোন কার্য্য করিয়া হস্তাদি অধোত রাখিবে না । প্রয়োজন মত সাবানজলদ্বারা উত্তমরূপে ধোত করিবে এবং তৎপরে কার্কারিক লোশনে কিছুকাল হাত ডুবাইয়া রাখিবে । শুশ্রূষা করিতে গিয়া শুশ্রূষাকারীর নিজের স্বাস্থ্য সম্বন্ধে একেবারে অবহেলা করা কর্তব্য নহে । নিয়ম মত আহার নিদ্রা নিতান্ত প্রয়োজন । দীর্ঘকালব্যাপী রোগ হইলে এবং প্রতিদিন রাত্রি জাগরণ আবশ্যক হইলে পালনা করিয়া রাত্রি জাগরণ করা উচিত । সন্ধ্যা হইতে রাত্রি ১ টা পর্য্যন্ত, ১০টা হইতে ২টা এবং ২টা হইতে ভোর পর্য্যন্ত, এইরূপে সময় বিভাগ করিয়া লওয়া মন্দ নহে । রোগীর অবস্থা সঙ্কটাপন্ন হইলে প্রত্যেকবারে দুইজন করিয়া, নতুবা একজন করিয়া জাগিলেই চলিতে পারে । অনিদ্রায় স্বাস্থ্যভঙ্গ হইলে শুশ্রূষা কার্য্যেও ব্যাঘাত জন্মে । অতএব এসমস্ত উপেক্ষণীয় নহে ।

(৩) ভারার্পণ—এক সময়ে একাধিক শুশ্রূষাকারী আবশ্যক মত রোগীর পরিচর্যায় নিযুক্ত থাকিতে পারেন, কিন্তু ঔষধ এবং পথ্যাদির ভার সম্পূর্ণরূপে একজনের উপর গুস্ত থাকা নিতান্ত আবশ্যক । কখন কখন ঔষধ বা পথ্য দেওয়া হইয়াছে, আবার কখন দিতে হইবে, এসমস্ত জানা না থাকিলে নানা গোলযোগ ঘটতে পারে ।

একজনের উপর ভার থাকিলে এ সমস্ত বিষয়ে গোলযোগের কোন সম্ভাবনা থাকেনা। তাঁহার স্থানান্তরে যাইবার প্রয়োজন হইলে অপর এক ব্যক্তিকে সমস্ত বুঝাইয়া তাঁহার উপর ভার দিয়া গেলেই চলিতে পারে। সুচারুরূপে কার্য সম্পন্ন করিতে হইলে ব্যক্তি বিশেষের উপর ভারার্পণ করা ভাল।

(৪) নোটবুক বা ডায়রী—ভারপ্রাপ্ত শুশ্রূষাকারী একখানা নোটবুকে রোগীর অবস্থাদি এবং কখন কি ঔষধ ও পথ্য দেওয়া হইল তাহা লিখিয়া রাখিবেন। প্রয়োজনানুসারে রোগীর উত্তাপ লইবেন। সাধারণতঃ তিন ঘণ্টা অন্তর উত্তাপ লইলেই চলিতে পারে। তবে অবস্থাভেদে কচিৎ এক ঘণ্টা অন্তরও উত্তাপ লইবার প্রয়োজন হইতে পারে। উত্তাপ লইবার যন্ত্রকে থার্মোমিটার (Thermometer) কহে। সুস্থ দেহের উত্তাপ ৯৮°৪ ডিগ্রী। ইহার অধিক হইলেই জ্বর আছে বুঝিতে হইবে। ইহার বিশেষ বিবরণ পরিশিষ্টে দ্রষ্টব্য। রোগীর অবস্থার কোনরূপ পরিবর্তন লক্ষিত হইলে তাহা উক্ত নোটবুকে লিখিয়া রাখা উচিত। আবশ্যকতা বোধে রোগীর মাথার কাছে একখানা কাগজে ডাক্তারের অনুমোদিত ঔষধ ও পথ্যাপথ্যের ব্যবস্থা টাঙাইয়া রাখিবে। রোগ বিশেষে মলমূত্র ত্যাগের সময় এবং মলমূত্র কখন কি প্রকার হয় উক্ত পুস্তিকায় লিপিবদ্ধ করা আবশ্যিক। আহাৰ্য্য ও ঔষধাদি সম্বন্ধে চিকিৎসক যেরূপ নির্দেশ করিয়া যান তাহা উক্ত নোটবুকে লিখিয়া রাখা কর্তব্য। সুবিজ্ঞ চিকিৎসকগণ বহু সময়ে রোগীর অবস্থা লিপিবদ্ধ করিয়া থাকেন। শুশ্রূষাকারী তাহার প্রতি বিশেষ লক্ষ্য রাখিয়া কার্য্য করিবেন। চিকিৎসকের রোগি-পরীক্ষা এবং রোগীর অবস্থা, ঔষধ সেবন ও পথ্যাদি সম্বন্ধে সচরাচর স্মরণার্থ এক প্রকার লিপি-পুস্তিকা রাখা হয়। বুঝিবার সুবিধার জন্য অপর পৃষ্ঠায় উক্ত পুস্তিকার একখানি আদর্শ প্রদান করিলাম।

তারিখ _____

চিকিৎসকের উপদেশ ।

সময়	উত্তাপ	শ্রুত	পথ্য	মল	মূত্র	মন্তব্য
পূর্বাহ্ন						
৫টা	১১৯°৪	
৬টা	...	ফিবার মিক্চার	...	স্বাভাবিক	লালবর্ণ	
৮টা	১৮°৪	কুইনাইন মিঃ	
৯টা	দুধবাণি	
অপরাহ্ন						
১টা	১০০°৪	ফিবার মিক্চার	
১টা	তরল	স্বাভাবিক	
৩টা	১০৪°২	ঐ	

(৫) শুশ্রূষার উপকরণ—রোগীর প্রয়োজনীয় সামগ্রীগুলি যথাস্থানে রক্ষা করা উচিত, যেন প্রয়োজন কালে এদিক্ ওদিক্ তল্লাস করিতে না হয় এবং কালবিলম্বে অনুবিধা না ঘটে । রোগীর শুশ্রূষার জন্ত যে সকল উপকরণ সচরাচর আবশ্যিক হয়, তাহার তালিকা দেওয়া গেল ।

চর্কিবাতি, লঠন, কেটলি, ছুরী, কাঁচি, সাদা ফ্যানেলের টুকরা, সেক্‌টা-পিন্, সূচসূতা, পিন্, পরিষ্কৃত নেকড়া, রবর কিম্বা অয়েলক্রথ, মাপের গ্লাস, চামচ, দিয়াশলাই, পিকদান ও বমনপাত্র, বেড্প্যান্, ইউরিট্রাল্, সাবান, হাঁড়ি, মালসা, ধূপধূনা, স্পঞ্জ্, তুলা, কঞ্চল, পুন্টিসের আবশ্যিক সামগ্রী, জগ্, স্পিরিট্‌ষ্টোভ, পাখা, দোয়াত কসম কাগজ, ঘড়ি, থার্মোমিটার্ ও সংক্রামাপহ ঔষধাদি ।

বৈজ্ঞমতে চিকিৎসা হইলে—খল, হামামদিস্তা, শিলনোড়া, মধু এবং অন্যান্য প্রয়োজনীয় অনুপান ।

হোমিওপ্যাথি মতে চিকিৎসা হইলে—নূতন পরিষ্কৃত শিশি, কর্ক্, ও ছোট কাচের গ্লাস্ যাহা পূর্বে ব্যবহৃত হয় নাই । এ্যালোপেথি ঔষধের শিশিতে হোমিওপেথি ঔষধ রাখা কর্তব্য নয় । তবে কোন মৃদু ঔষধ ব্যবহৃত হইয়া থাকিলে, গরম জল ও সোডা প্রভৃতি দ্বারা উত্তমরূপে পরিষ্কার করিয়া লইলে চলিতে পারে ।

(৬) ব্যবস্থাপত্র রক্ষা—নানা কারণে চিকিৎসার ব্যবস্থাপত্র সংঘর্ষে রক্ষা করা কর্তব্য । চিকিৎসক পরিবর্তন করিতে হইলে নূতন চিকিৎসকের পক্ষে পূর্ক চিকিৎসকের ব্যবস্থাপত্র দর্শন করা নিতান্ত আবশ্যিক হইয়া থাকে । রোগী এক চিকিৎসকের চিকিৎসাধীনে থাকিলেও অনেক সময় পূর্কে যে সকল ঔষধ ব্যবহার করিতে দেওয়া হইয়াছে তাহা জানিবার আবশ্যিক হয় । রোগ সামান্য বলিয়া এবিষয়ে

কখনই উপেক্ষা করা কর্তব্য নহে। কারণ যাহা প্রথমে অতি সহজ বলিয়া মনে হইতে পারে, কালে তাহা অতিশয় দুর্লভ হইয়া উঠা বিচিত্র নহে। অতএব অনাবশ্যক বোধে অবহেলা না করিয়া ব্যবস্থাপত্র গুলি সর্বপ্রযত্নে রক্ষা করা উচিত। একখানা খাতার মধ্যে চিকিৎসককে ব্যবস্থাপত্র লিখিতে দেওয়া মন্দ নহে। তাহা হইলে আর হারাইয়া যাইবারও কোন আশঙ্কা থাকে না এবং ব্যবস্থাপত্রগুলি শৃঙ্খলার সহিত রক্ষিতও হইতে পারে। ঔষধ আনিবার সময় উক্ত খাতাখানা ঔষধালয়ে লইয়া গেলেই আর কোন অসুবিধা ঘটে না।

(৭) ঔষধাদি রক্ষা—রোগীর হাতের কাছে কোন অবস্থাতেই ঔষধাদি রাখা সঙ্গত নহে। শীঘ্র রোগমুক্ত হইবার আশায় রোগী অত্যধিক মাত্রায় অথবা নির্দ্বারিত সময়ের পূর্বে ঔষধ সেবন করিয়া ফেলিতে পারে; অথবা এক ঔষধের স্থলে অন্য ঔষধ ব্যবহার করিতে পারে; তাহাতে বিষম অনিষ্টের সম্ভাবনা। কোন কোন রোগীর স্বভাবতঃই ঔষধের উপর বিদ্বেষ থাকে। তাহার হাতের কাছে পাইলে তাহা ফেলিয়া দিতে পারে। বিশ্বাস ঔষধ সেবনে প্রবৃত্তি না হইবারই কথা, এজন্য রোগীর উপর ঔষধ সেবনের ভার দেওয়া উচিত নয়। রোগীর আয়ত্তের বাহিরে অথবা অজ্ঞাতে ঔষধ রক্ষা করাই কর্তব্য। খাইবার এবং মালিশ ইত্যাদি বাহ্য প্রয়োগের ঔষধ কখনও একস্থানে রাখিবে না। মালিশ, ধাবন (লোশন, Lotion), প্রলেপ প্রভৃতি বিষাক্ত জিনিসদ্বারা প্রস্তুত, এজন্য সমস্ত বাহ্য প্রয়োগের ঔষধ সেবন করিবার ঔষধ হইতে যথাসম্ভব দূরে রক্ষা করিবে। যাহাতে ভ্রমক্রমে কোন দুর্ঘটনা ঘটিতে না পারে তৎক্ষণ পূর্ব হইতেই সতর্কতা অবলম্বন করা কর্তব্য।

৮ । পরিচর্যা—রোগী যাহাতে স্বচ্ছন্দে এবং আরামে থাকিতে পারে তাহার সুব্যবস্থা করাই শুশ্রূষাকারীর প্রধান কর্তব্য ।

(১) ব্যজন—সাধারণতঃ লোকের ধারণা এই, পীড়িতাবস্থায় রোগীকে বাতাস করিতে নাই এবং তৃষ্ণায় নিতান্ত কাতর হইলেও একবিন্দু জলপান করিতে দিতে নাই । প্রবল জ্বরের সময় রোগী গাত্রদাহে ছটফট করিতে থাকিলেও তাহাকে পাথর বাতাস করা নিতান্ত গর্হিত, এরূপ মনে করা নিতান্ত ভ্রম । রোগী জ্বালা বোধ করিলে পাথর বাতাস করিতে কিছুমাত্র কুণ্ঠিত হইবার কারণ নাই । তবে বাহিরের বায়ু যাহাতে প্রত্যক্ষভাবে আসিয়া গাত্রে না লাগে সে বিষয়ে দৃষ্টি রাখিতে হইবে । ব্যজন করিবার সময় রোগীর মস্তকে করাই সঙ্গত ; কারণ গাত্রে অধিক বাতাস না লাগাই ভাল, বিশেষতঃ যদি গাত্রে বস্ত্রাদি না থাকে । প্রবল বেগে ব্যজন করা কর্তব্য নহে, তাহাতে ব্যজন কাবীরও সহজে ক্লান্তি বোধ হয় এবং রোগীর পক্ষেও তাহা তত প্রয়োজনীয় নহে । তবে দুর্বলাবস্থায়, বিশেষতঃ প্রবল জ্বরের পর অনেক সময় ক্রমাগত ঘর্ম নিঃসৃত হইতে থাকে এবং এত অধিক জ্বালা বোধ হয় যে, মুহূর্তের জন্ম পাথা বন্ধ করিলে রোগী যাতনায় ছটফট করে । এমত অবস্থায় কিঞ্চিৎ বেগে পাথা করিতে কোন আপত্তি নাই । রোগীর বিবমিষা (বমীব ইচ্ছা) বর্তমান থাকিলে মৃদুব্যজনই সঙ্গত এবং মস্তকের দিক হইতে পদাভিমুখে পাথা করা উচিত, তাহার বিপরীত দিকে নহে । কারণ শরীর হইতে মস্তকের দিকে বাতাস করিলে বিবমিষা বৃদ্ধি পাইবার সম্ভাবনা । নিম্নের পল্লবের বাতাস পিত্তজ্বরে অত্যন্ত উপকারী ।

(২) বারিদান—রোগী দারুণ পিপাসায় কাতর হইলে অনেককাল অন্তর অত্যন্ত উষ্ণ জল দেওয়া অপেক্ষা অধিক নিষ্ঠুরতার কার্য আর

কি আছে ? ইহা কেবল নিষ্ঠুরতার কার্য্য নহে, অনেকস্থলে ইহা দ্বারা নিতান্ত মূৰ্খতা প্রকাশ পায় । তবে পাড়াগাঁয়ের পানীয় জল অত্যন্ত দূষিত হইলে সে জল একবার ফুটাইয়া তৎপর উহা শীতল অবস্থায় পান করিতে দেওয়া উচিত । প্রবল জ্বরের উষ্ণাবস্থায় শরীর যখন দগ্ধ হইতে থাকে এবং মুখ ও জিভ শুষ্ক হইয়া যায়, তখন স্নানাতল বারি পান করিতে দিলে উপকার ব্যতীত অপকার নাই । ওলাউঠা, অববিকার (typhoid) প্রভৃতি রোগে পিপাসায় শুষ্ককণ্ঠ হইলে শীতল বারিপানে যে কেবল তৃষ্ণা নিবারিত হয় এমত নহে, উহাতে প্রস্রাব হইবার পক্ষেও প্রচুর সহায়তা করে । তৃষ্ণা বোধ করিলে (চিকিৎসকের বিশেষ নিষেধ না থাকিলে) যে কোন অবস্থায় রোগীকে জলপান করিতে দেওয়া যাইতে পারে । প্রবল জ্বরে অনেক সময় দেখিতে পাওয়া যায়, যে রোগী ক্রমাগত জল পান করিবার আকাঙ্ক্ষা প্রকাশ করে । একরূপ ঘন ঘন জল পান করাতেও কোন বাধা নাই ; তবে অত্যধিক জল পান করিলে বমন হইবার সম্ভাবনা । এমত অবস্থায় বরফের কুচি মুখে দিলে অথবা সোডাওয়াটার পান করিতে দিলে জলপিপাসাও নিবৃত্ত হয় এবং পেটের ভিতরে অধিক পরিমাণে জল জমিয়া বমন হইবারও সম্ভাবনা থাকে না । জ্বরের উত্তাপে দেহস্থ জলীয় অংশ শোষণ করিয়া লয়, তজ্জগৎ একরূপ তৃষ্ণার উদ্রেক হইয়া থাকে । একরূপ স্থলে জল পান করিতে না দেওয়াই অকর্তব্য । তবে একবারে অধিক পরিমাণে না দিয়া বারবার অল্পমাত্রায় দেওয়াই সঙ্গত ।

পীড়িতাবস্থায় এদেশে উষ্ণ জল পান করিবার প্রথা প্রচলিত আছে । কিন্তু উহা নিতান্ত অনাবশ্যক ও কষ্টদায়ক । জল উষ্ণ করিলে উহার কীটাদি নষ্ট হয় । উষ্ণ জল শীতল করিয়া পান করিলে উপকার হয় বটে, কিন্তু পানীয় জল একবার উষ্ণ করিলে উহাতে যে এক প্রকার গন্ধ

হয়, তাহাতে জলপানে তৃপ্তিবোধ হয় না । নির্দোষ, পরিষ্কৃত শীতল জল পান করিতে দেওয়াই বিধেয় । জল পরিষ্কারের প্রণালী পরিশিষ্টে দ্রষ্টব্য ।

শেষ রাত্রিতে রোগীকে জলপান করিতে না দিয়া সোডাওয়াটার লেমনেড* প্রভৃতি দিলেই ভাল হয় । তবে যেখানে লেমনেড ইত্যাদি পাইবার উপায় নাই সে স্থলে নিম্নলিখিত শীতল জল অল্প পরিমাণে পান করিতে দেওয়া অবশ্য কর্তব্য । অনেকে 'খালিপেটে' জল পান করিতে দেন না, অন্ততঃ একটু মিছরি খাইতে দিয়া জলপান করিতে দেন । কিন্তু মিষ্ট দ্রব্য সেবনে রোগীর পিপাসা নিবৃত্ত না হইয়া বরং বর্দ্ধিতই হইয়া থাকে । রোগ-বিশেষে চিকিৎসকের উপদেশ মত রোগীকে রাত্রিতেও শীতল জলে গা মুছাইয়া দিবার প্রয়োজন হয় ।

(৩) বরফ প্রয়োগ—প্রবল জ্বর ও অগ্ন্যাগ্নী পীড়ায় . অথবা প্রলাপাবস্থায় রোগীর মস্তক উষ্ণ এবং উহাতে রক্তাধিক্য হইলে মস্তক মুগুন পূর্বক উহাতে বরফ, শীতল জল বা তদনুরূপ অল্প কোন স্নিগ্ধকর ঔষধ প্রয়োগ করিয়া উহার সস্তাপ দূর করা আবশ্যিক হয় । বরফ দুস্প্রাপ্য হইলে শীতল জল † অথবা আবশ্যিক বোধে ভিনিগার (Vinegar বা সিকি), ইউ-ডি-কলোন (Eu-de cologne), ল্যাভেণ্ডারাদি (Lavender water) মিশ্রিত জলে নেকড়া ভিজাইয়া মস্তকে দিতে হইবে । প্রবলজ্বরে যখন রোগী প্রলাপ বকিতে থাকে, চক্ষু রক্তিম বর্ণ হইয়া উঠে এবং রক্তাধিক্য বশতঃ মস্তিষ্ক অত্যন্ত উষ্ণ হয়, তখনই মস্তক শীতল করা আবশ্যিক । রুগ্নাবস্থায় মস্তকে অধিক চুল রাখা উচিত নহে ।

সাধারণতঃ জ্বর ১০৪ ডিগ্রীর উপর হইলেই বরফ দেওয়া যাইতে


* সোডাওয়াটার, লেমনেড প্রস্তুত প্রণালী পরিশিষ্টে দ্রষ্টব্য ।

† জল শীতল করিবার প্রণালী পরিশিষ্টে দ্রষ্টব্য ।

পারে । কিন্তু রোগী কোনরূপ যত্ননা অনুভব না করিলে বরফ দেওয়া উচিত নহে । অর ১০২ ডিগ্রীতে নামিলে বরফ দেওয়া বন্ধ করিয়া দিবে । এ বিষয়ে চিকিৎসকের উপদেশানুসারে কার্য্য করাই সঙ্গত । অবিরাম অর, ওলাউঠা প্রভৃতি রোগে বরফ অত্যাৱশ্যক । এরূপ অবস্থায় অনেক সময় দিবারাত্রি অবিশ্রান্ত বরফ প্রয়োগের প্রয়োজন হইতে পারে । উত্তাপাবস্থায় এরূপ শৈত্যসংযোগে কিছুমাত্র ভয়ের কারণ নাই ।



১নং চিত্র ।



২নং চিত্র ।

সচরাচর রবারের থলিতে (Ice bag) করিয়াই বরফ দেওয়া হইয়া থাকে । থলির ভিতর প্রবেশ করান যাইতে পারে, এইরূপ বৃহৎ বরফখণ্ডে থলি অর্দ্ধ পূর্ণ করিয়া মুখ বন্ধ করিয়া দিবে । তৎপর উক্ত 'আইস ব্যাগ' (১ ও ২নং চিত্র) মস্তকের উপর স্থাপন করিবে । অধিক শীতল করিবার প্রয়োজন হইলে কিঞ্চিৎ লবণ বরফখণ্ড সমূহে মিশ্রিত করিয়া দিবে । তাহাতে বরফখণ্ডগুলি তত সহজে জল হইয়া যাইবে না এবং অধিকতর শীতলও হইবে । বরফের টুকরাগুলি যথাসম্ভব বড় করিবে, নতুবা অতি সত্বরে জলে পরিণত হইয়া যাইবে । ব্যাগের ভিতর খানিকটা জল জমিবামাত্র উক্ত জল ফেলিয়া দেওয়া আবশ্যক । 'আইস ব্যাগের' অভাবে স্পঞ্জ করিয়াও বরফ দেওয়া যাইতে পারে । এবং বরফ প্রয়োগের ইহাও একটা উৎকৃষ্ট প্রণালী । বরফের এক খণ্ড বড় টুকরা স্পঞ্জের ভিতরে রাখিয়া উহা মস্তকোপরি প্রয়োগ করিবে ।

ইহাতে জলীয় ভাগ স্পঞ্জে শুষিয়া লইবে এবং প্রয়োগ করিবার সময় হাতেও তত ঠাণ্ডা লাগিবে না । স্পঞ্জেরও অভাব হইলে অগত্যা এক খণ্ড কাগজে এক টুকরা বরফ লইয়া তাহাই প্রয়োগ করিবে এবং দুই চারি মিনিট অন্তর যতটুকু জল জমিবে তাহা ফেলিয়া দিবে । ইহাতে হস্তে অধিক ঠাণ্ডা লাগিবে না এবং রোগীর গাত্রেও জল পড়িবে না ।

(৪) স্নান—পীড়িতাবস্থায়, বিশেষতঃ কোন কোন ক্ষরে চিকিৎসকগণ উষ্ণজলদ্বারা রোগীর গাত্র মার্জনের ব্যবস্থা করিয়া থাকেন । এমত অবস্থায় গৃহের দ্বারাদি বন্ধ করতঃ গাত্রমার্জনী বা স্পঞ্জ উষ্ণ জলে ভিজাইয়া এক জন উহার দ্বারা এক একবারে রোগীর এক এক অঙ্গ শুষিয়া দিবে এবং অপর কেহ তৎক্ষণাতঃ শুষ্ক বস্ত্রখণ্ড দ্বারা উহার জল উত্তমরূপে মুছিয়া ফেলিবে । এইরূপে সমস্ত অঙ্গপ্রত্যঙ্গ মুছাইতে হইবে । এ বিষয়ে সুবিজ্ঞ চিকিৎসকের পরামর্শানুযায়ী কার্য্য করাই শ্রেয়ঃ । দুর্বলাবস্থায় ঈষৎ উষ্ণ জলে স্নান করাই বিধেয় । উষ্ণ জলে কিঞ্চিৎ লবণ মিশ্রিত করিয়া লওয়া মন্দ নহে । মস্তকে কখনও উষ্ণ জল ব্যবহার করা কর্তব্য নহে । মস্তকে সর্বদাই শীতল জল ব্যবহার করিতে হইবে, ইহা বিশেষভাবে স্মরণ রাখা উচিত । পীড়িতাবস্থায় স্নান করা নিষিদ্ধ হইলেও অনেক সময় মস্তক শীতল জলে ধৌত করা আবশ্যিক হয় । বিশেষতঃ কুইনাইন সেবনে কাণ ভোঁ ভোঁ করিলে অথবা মস্তক উষ্ণ বোধ করিলে শীতল জলদ্বারা উহা উত্তমরূপে প্রক্ষালন করা উচিত । অনেক দিন স্নান না করিলে অথবা মাথা না ধুইলে রাত্রিতে প্রায়ই নিদ্রার ব্যাঘাত হয় । অতিরিক্ত ঔষধ সেবনপ্রযুক্তও অনেক সময় মস্তক উষ্ণ হয় । এমতাবস্থায় মস্তক ধৌত করা অতিশয় আবশ্যিক । ইহাতে অনেক সময় সুনিদ্রার সহায়তা করে । মস্তক শীতল রাখা এবং পদদ্বয় উষ্ণ রাখাই সাধারণ স্বাস্থ্যের পক্ষে মঙ্গলজনক । অতএব

পীড়িতাবস্থায় মস্তক শীতল জলদ্বারা প্রক্ষালন করিতে ভীত হইবার কোন কারণ নাই ।

সাধারণতঃ মস্তকে এক কিম্বা দুই ঘটি জল ঢালিলেই যথেষ্ট । রোগী নিতান্ত দুর্বল হইলে অথবা উঠিয়া বসি নিষিদ্ধ থাকিলে শায়িতাবস্থাতেই মস্তক ধোত করিবে । এমত স্থলে মস্তকের নিম্নে একখণ্ড 'অয়েল ক্লথ' পাতিয়া লইবে । স্কন্ধের নিম্নভাগে বালিশ রাখিয়া মস্তকের দিক্ একটু নীচু করিয়া জল ঢালিবে । শয্যার নিম্নে একটা পাত্র রাখিয়া দিবে যাহাতে জল গড়াইয়া তাহাতে পড়িতে পারে ।

মস্তক ধোত করিয়া চুলগুলি যাহাতে সত্বর শুষ্ক হয় তাহার ব্যবস্থা করিবে । চুল ভিজা থাকিলে অনিষ্টের আশঙ্কা, তজ্জন্ত শুষ্ক তোয়ালে কিম্বা সস্ত্রখণ্ডদ্বারা উত্তমরূপে মুছাইয়া দিবে এবং প্রয়োজন হইলে মস্তকে মৃদু ব্যজন করিবে । স্ত্রীলোকের চুল সহজে শুকাইবার সম্ভাবনা নাই, এজন্ত হাতে করিয়া বারবার 'নিড়াইয়া' দিবে ।

(৫) মুখপ্রক্ষালন—রুগ্নাবস্থায় সাধারণতঃ মুখে দুর্গন্ধ হইয়া থাকে । বিশেষতঃ বহু দিবসব্যাপী জ্বরাদি হইলে ত আর কথাই নাই, মুখ একে-বারে 'পাঁচিয়া' যাওয়ার মত হয় । এ অবস্থায় প্রতিদিন মুখ প্রক্ষালন করিলেও অনেক সময় মস্তকের পীড়া হইবার সম্ভাবনা । প্রতাহ উষ্ণ জলে ধোত করিলে তবুও অনেকটা প্রতিকার হইতে পারে । এরূপও দেখিতে পাওয়া যায়, অনেকে আলস্যবশতঃ সহজাবস্থাতেই দস্তধাবন করিতে ক্লেশ বোধ করেন, রুগ্নাবস্থায় ত কথাই নাই । ইহা অতি কষ্টকর অভ্যাস এবং স্বাস্থ্যের পক্ষেও অত্যন্ত অনিষ্টকর । পীড়িতাবস্থায় বিশেষ-ভাবে মুখপ্রক্ষালন করা কর্তব্য । প্রত্যুষে অস্ততঃ একবার গরমজলী মুখ ধুইবে । আদা, লবণ, কচি পেয়ারা অথবা পাতিলেবুদ্বারা দস্ত রগড়াইলে মুখ বেশ পরিষ্কার হয় । পাতিলেবুতে জিভও বেশ 'খর্খরে'

হয় । আমরুলের পাতা কচি কলার পাতায় বাঁধিয়া আঙুনে পোড়াইয়া উহাতে লবণ মিশ্রিত করিয়া তদ্বারা মুখ রগড়াইলে মুখ বেশ 'ঝরঝরে' হয় এবং মুখে কোনপ্রকার দুর্গন্ধ হইবার সম্ভাবনা থাকে না । চা-খড়ি ও কাঠ-কয়লাদ্বারা শীতল জলে মুখ ধুইলেও পরিষ্কার হয় বটে, কিন্তু রুগ্নাবস্থায় গরম জলে মুখ ধোয়াই ভাল ।

প্রত্যুষে নিদ্রাভঙ্গের পর মুখপ্রক্ষালন না করিয়া ঔষধ বা পথ্য কিছুই খাইবে না । আহারের পর উত্তমরূপে কুল্কুচি করিবে । কিছু আহার করিবার পূর্বেও কুল্কুচি করিয়া লওয়া ভাল । বিশ্বাস বোধ হইলে দিবসে ২৩ বার মুখ ধোত করা কর্তব্য । শুশ্রূষাকারীদিগের এ বিষয়ে একটু দৃষ্টি রাখা উচিত । এ সকল বিষয় সামান্য বলিয়া তাচ্ছিল্য প্রকাশ করা কর্তব্য নহে ।

(৬) দুর্বলাবস্থায় উত্থানাঙ্গি—অনেক সময় দেখিতে পাওয়া যায়, একদিনের জরেই রোগী এত দুর্বল হইয়া পড়ে যে, তাহার দাঁড়াইবার শক্তি থাকে না । রোগী স্বভাবতঃ দুর্বল হইলে মলমূত্রত্যাগের জন্ত অথবা অন্য কারণে তাহাকে নিরাশ্রয়ভাবে একাকী চলিতে দিবে না । তাহাতে বিপদের আশঙ্কা । রোগী কতটা দুর্বল হইয়া পড়িয়াছে, অনেক সময় নিজে ততটা বুঝিতে না পারিয়া নিজে নিজে দাঁড়াইতে অথবা চলিতে চেষ্টা করে । কিন্তু তাহা করিতে দেওয়া সঙ্গত নহে । সর্বদাই ধরিয়া তোলা উচিত এবং কাহারও গায়ে ভর দিয়া চলা ফেরা করিতে দেওয়া কর্তব্য । এরূপ না করিলে মাথা ঘুরিয়া রোগী সংস্কারহীন হইয়া যাইতে পারে । এমন কি অতিশয় দুর্বলাবস্থায় রোগীকে নিজে উঠিয়া বসিতেও দিবে না । বহুদিন একাদিক্রমে বিছানায় শায়িত থাকি নিতান্ত কষ্টকর এবং বড়ই ক্লান্তিজনক । এ অবস্থায় মধ্যে মধ্যে রোগীকে বসিতে দেওয়া মন্দ নহে । তবে বসিবার সময় কিছুতে ভর না দিয়া বসিতে দিবে

না ; পৃষ্ঠের দিকে এবং দুই পাশে বালিশ দিয়া বসিতে দিবে । দেয়ালে অথবা উঁচু বালিশে ঠেস দিয়া বসিতে দেওয়াই উচিত, বিছানার মাঝখানে নিরবলম্ব হইয়া কখনই বসিতে দিবে না ।

সময় সময় দেখা যায়, রোগী হাত পা বিছানা ছাড়াইয়া শূণ্ণে বুলাইয়া অথবা উর্দ্ধে উঠাইয়া রাখিয়াছে । ইহা দুর্বল ব্যক্তির পক্ষে ভাল নহে, কারণ কিছুকাল এরূপে রাখিলেই রক্ত চলাচল বন্ধ হইয়া হাত পা অবশ হইতে পারে এবং এমন কি গিচুনি পর্য্যন্তও হইয়া থাকে ।

(৭) নিদ্রাকর্ষণ—সুনিদ্রা নীরোগের লক্ষণ । অতএব যাহাতে রোগীর সুনিদ্রা হয় তাহার বিহিত ব্যবস্থা করা উচিত । ঔষধের নিদ্রা সুনিদ্রা নহে । সহজে নিদ্রার ঔষধ সেবন করান কর্তব্য নহে । নিদ্রাকর্ষণের জন্য নিম্নলিখিত উপায় অবলম্বন করিলে সচরাচর উপকার দর্শিতে পারে ।

রোগীর গৃহ যাহাতে নিস্তব্ধ হয়, তাহার ব্যবস্থা করিবে । গৃহে প্রদীপ থাকিলে হয় তাহা একেবারে নিভাইয়া দিবে, নতুবা নির্ঝাণপ্রায় করিয়া রাখিবে । রোগীর গৃহে অথবা স্রুতিগোচরে যাহাতে কোন প্রকার শব্দ না হয় তাহাব উপায় করিবে । রোগীর মস্তকে ধীরে ধীরে হাত বুলাইতে থাকিবে এবং আবশ্যিক হইলে মৃদু ব্যঞ্জন করিবে । কিয়ৎকাল এরূপ করিলেই রোগীর সুনিদ্রা হইবে ।

৯ । ঔষধবিধান—রোগীকে একেবারে দুই তিন প্রকার ঔষধ সেবন করিতে হইলে এবং শিশিগুলি ও ঔষধ দেখিতে প্রায় একরূপ হইলে শিশির গায়ে নম্বর দিয়া চিহ্নিত করিয়া লওয়া ভাল, নচেৎ খাওয়াইবার সময় ভ্রমক্রমে বিপর্যায় হওয়া বিচিত্র নহে । কোন ঔষধ দু এক দাগ খাইবামাত্র পরিত্যক্ত হইলে, অথবা বিশেষ কোন কারণে কিছুকালের জন্য বন্ধ করিবার ব্যবস্থা দিলে তৎক্ষণাৎ সে স্থান হইতে

উক্ত ঔষধের শিশি স্থানান্তরিত করিবে। ঔষধ দিবার সময় সর্বদা মাপিয়া দিবে আন্দাজে কখনও কোন ঔষধ খাইতে দিবে না।

গ্লাসে ঔষধ ঢালিয়া তৎক্ষণাৎ রোগীকে খাইতে দিবে। কারণ তাহাতে অনেক সময় এমন সমস্ত ঔষধ থাকিতে পারে যাহা সহজে উবিয়া যায়। ঔষধ গ্লাসে ঢালিবার পূর্বে শিশি উত্তমরূপে ঝাঁকিয়া লওয়া প্রয়োজন, নতুবা অনেক ঔষধ শিশির তলায় জমিয়া থাকিতে পারে। শিশির মুখ সর্বদাই উত্তমরূপে ঝাঁকিয়া রাখিবে। গ্লাসে ঔষধ ঢালিবার পূর্বে উহা সর্বদাই উত্তমরূপে ধৌত করিয়া লইবে, ইহার যেন কখন ব্যতিক্রম না হয়। কাংশু কিম্বা অন্য কোন ধাতব পাত্রেরে করিয়া কখনও ঔষধ খাইতে দিবে না। ঔষধের গন্ধ লইলে সে ঔষধ ব্যবহারে কোন ফলোদয় হয় না, আমাদের দেশে এরূপ প্রাচীন সংস্কার আছে। এ সংস্কার থাকা মন্দ নহে। রোগী যাহাতে দেখিতে অথবা আত্মাণ পাইতে পারে এরূপভাবে রোগীর কাছে ঔষধ ঢালিবে না। ঔষধ যদি বিশ্বাস হয় এবং উহা সেবনের পূর্বে কিম্বা পবে কিছু মুখে দেওয়া প্রয়োজন হয়, তবে ঔষধ খাইতে দিবার পূর্বেই তাহা জোগাড় করিয়া আনিয়া রাখিবে। কখন কখন দেখিতে পাওয়া যায় বিশ্বাস ঔষধ মুখে দিয়া রোগীর মুখ বিকৃত হইয়া গেলে পবে মুখ ধুইবার জল আনিবার জন্ত ছুটাছুটি করা হয়। ইহাতে নিরর্থক রোগীর ক্রেশ উৎপাদন করা হয় এবং ভবিষ্যতে ঔষধ খাওয়াইবার পক্ষেও অন্তরায় উপস্থিত করে।

ঔষধ ব্যবহারের পর রোগীর অবস্থার যদি কোন গুরুতর ব্যতিক্রম উপস্থিত হয়, তবে ঔষধ খাওয়া বন্ধ করিয়া তৎক্ষণাৎ চিকিৎসককে সংবাদ দিবে।

সাধারণতঃ আহারের এক কিম্বা অর্ধ ঘণ্টা পূর্বে ঔষধ সেবন করিতে দেওয়া উচিত। আর্সেনিক প্রভৃতি সংযুক্ত কতকগুলি ঔষধ আহারের

অব্যবহিত পরে খাওয়াই বিধি । এ সম্বন্ধে চিকিৎসকের ব্যবস্থানুযায়ী চলিবে । যে ঔষধ দিবসে মাত্র দুই কি তিন বার সেবন বিধি, সে সমস্ত ঔষধ প্রত্যুষে খালি পেটে একবার, মধ্যাহ্নে আহারের পূর্বে অথবা ১২টার সময় একবার এবং সন্ধ্যার পূর্বে একবার সেবন করাই সঙ্গত । নিদ্রিতাবস্থায় ঔষধ সেবন করান কোনক্রমেই সঙ্গত নহে । রোগীর নিদ্রাভঙ্গ করিয়া কখন ঔষধ খাইতে দিবে না । এ বিষয়টা বিশেষভাবে স্মরণ রাখা কর্তব্য । এক ঔষধ একাদিক্রমে দীর্ঘ কাল সেবন করিতে হইলে সপ্তাহান্তে ২।১ দিন করিয়া ঔষধ খাওয়া বন্ধ রাখা উচিত ।

(১) জোলাপের ঔষধ (Purgatives and Cathartics)—
জোলাপের ঔষধ প্রাতঃকালে আহারের পূর্বে সেবন করিতে হয় । মৃদুবিরেচক ঔষধাদি (Bed-pills) সাধাবণতঃ রাত্রিতে নিদ্রা যাইবার পূর্বেই সেবন বিধেয় । তবে চিকিৎসকের ব্যবস্থানুযায়ী এসময়ের পবিবর্তনও হইতে পারে ।

বিরেচক ঔষধের মধ্যে 'কেষ্টর অয়েল' (Castor oil) সর্বোৎকৃষ্ট । উহা সকল সময়েই ব্যবহার করা যায় । পূর্ণবয়স্ক ব্যক্তিকে অর্ধ ছটাক মাত্রায় এবং বালকদিগকে তাহাব অর্ধেক ও শিশুদিগকে বয়ঃক্রমানুসারে ১ কিম্বা ২ ড্রাম পর্য্যন্ত দেওয়া যাইতে পারে ।

অনেকের পক্ষেই 'কেষ্টর অয়েল' সেবন করা অতিশয় কষ্টকর । গ্রাসে খানিকটা গরম দুধ ঢালিয়া তাহাতে আবশ্যিক মত 'কেষ্টর অয়েল' দিয়া সেবন করিলে তত কষ্টকর বোধ হইবে না ।


'কেষ্টর অয়েল' ও 'কডলিভার অয়েল' (Cod liver oil) প্রভৃতি তৈলাক্ত ঔষধ অথবা তীব্র গন্ধযুক্ত ঔষধাদি সেবন করিতে হইলে সর্বদা ব্যবহারের ঔষধের গ্রাসে না দিয়া স্বতন্ত্র গ্রাসে করিয়া দিবে ।

মৃছবিরেচনার্থ সিডলিঞ্জ পাউডার (Seidlitz Powder), এনস্ ফ্রুট সল্ট (Eno's fruit salt) ইত্যাদি ব্যবহার করা যাইতে পারে । কারলস্ বেড-সল্ট (Carl's bed-salt) ইহাদিগের মধ্যে উৎকৃষ্ট বলিতে হইবে । এ সমস্ত ঔষধ প্রাতঃকালে শয্যাভ্যাগের পরই সেবন করা বিধেয় । 'সিডলিঞ্জ পাউডার' ডাক্তারখানায় পাওয়া যায় । উহা দুইটা কাগজের মোড়কে থাকে । একটা বড় কাচের গ্লাসে কিম্বা পাথরের বাটিতে অর্ধপোরা পরিমিত জল লইয়া প্রথমে উহাতে একটা পুরিয়ার ঔষধ মিশ্রিত করিবে, তৎপরে অপর পুরিয়ার ঔষধ উহাতে নিক্ষেপ করিলেই উচ্ছলিত হইয়া উঠিবে । এই উচ্ছলিত অবস্থায় রোগীকে পান করিতে দিবে । ইহাতে অধিক দাস্ত হয় না ।

জ্বালাপ লইলে যাহাতে শরীরে ঠাণ্ডা না লাগে তদ্বিষয়ে বিশেষ সতর্ক হওয়া প্রয়োজন । গায়ে কাপড় এবং পায়ে মোজা দেওয়া উচিত । সহজে জ্বালাপ না হইলে এক ছটাক পরিমাণ গরম দুগ্ধ কিম্বা উষ্ণ জল পান করিতে দিলে দাস্ত হইবার সম্ভাবনা । জ্বালাপ লইবার পর যাহাতে নিদ্রাবেশ না হয় সে বিষয়ে দৃষ্টি রাখিবে । প্রথম জ্বরের অবস্থায় চিকিৎসকের অনুমতি ভিন্ন কখনও জ্বালাপ দিবে না । জ্বরবিচ্ছেদকালে বিরেচক ঔষধ সেবন করিতে দেওয়া সঙ্গত ।

(২) নিদ্রার ঔষধ (Sleeping draughts)—নিদ্রার ঔষধ সেবন করিবার কোন নির্দিষ্ট সময় নাই । তবে সচরাচর রাত্রি ৮-৯ ঘটিকার সময়ই দেওয়া হইয়া থাকে । গুরুতর বহুগাদায়ক রোগে অল্প সময়েও দিবার প্রয়োজন হয় । চিকিৎসকের অভিপ্রায়ানুযায়ী এসকল সময়ের পরিবর্তন হইতে পারে । নিদ্রার ঔষধ সাধারণতঃ অবসাদক । যাহাতে এ ঔষধ চিকিৎসকের ব্যবস্থার অতিরিক্ত ব্যবহৃত না হয় শুশ্রূষাকারীর সে বিষয়ে বিশেষ সতর্কতা অবলম্বন করা কর্তব্য ।

(৩) জলীয় ঔষধ (Liquids)—জলীয় ঔষধ চিকিৎসকের ব্যবস্থানুযায়ী জল মিশ্রিত করিয়া কিম্বা মাত্রানুযায়ী গ্লাসে ঢালিয়া সেবন করিতে দিবে । সেবনীয় ঔষধের শিশির গাত্রে সাধারণতঃ দাগ কাটা থাকে । শিশির গাত্রে দাগ কাটা না থাকিলে মাপের গ্লাসে (৩নং চিত্র) ওজন করিয়া দিবে । আন্দাজে কখনও ঢালিয়া দিবে না ।



৩নং চিত্র ।

এলোপ্যাথিক ঔষধের শিশিতে করিয়া হোমিওপ্যাথিক ঔষধ কখনও রাখিবে না এবং যে গ্লাসে করিয়া এলোপ্যাথিক ঔষধ সেবন করান হইয়াছে, সেই গ্লাসে করিয়া হোমিওপ্যাথিক ঔষধ সেবন করিতে দিবে না । হোমিওপ্যাথিক চিকিৎসকগণ সাধারণতঃ শিশিতে কতকটা জল পূরিয়া তাহাতে কয়েক ফোঁটা ঔষধ ঢালিয়া দেন এবং ব্যবস্থানুযায়ী উহা কয়েক বারে সেবন করাইতে বলেন । হোমিওপ্যাথিক ঔষধে কোন অপকারের সম্ভাবনা নাই ভাবিয়া আন্দাজে উহা ঢালিয়া দেওয়া কর্তব্য নহে । শিশিস্থ ঔষধ যেকয় বারে সেবন করাইতে হইবে, শিশির গাত্রে তদনুযায়ী দাগ কাটিয়া লওয়া উচিত । তৎপর সময়ানুযায়ী উহা সেবন করিতে দিলে কোন গোলযোগ হইতে পারে না । নতুবা এমনও দেখিতে পাওয়া যায় যে, ৬ বারের ঔষধ হয়ত ৪ বার সেবন করাইবামাত্রই নিঃশেষিত হইয়া গিয়াছে । অথবা এমনও হইতে পারে যে, প্রথমে যে মাত্রায় দেওয়া হইয়াছে, তৎপর তাহার অর্ধেক মাত্রায় দিয়াও কুলাইতেছে না ; ইত্যাদি । অতএব এ বিষয়ে পূর্ক হইতেই সাবধান হওয়া প্রয়োজন ।

(৪) এফারভেসিং মিক্শচার (Effervescing mixture)
—এই ঔষধ দুইটা শিশিতে থাকে, উভয় শিশির ঔষধ একত্র করিয়া সেবন

করিতে দিতে হয় । উভয় শিশির এক এক দাগ দুইটি বিভিন্ন গ্লাসে ঢালিতে হইবে । তন্মধ্যে একটি গ্লাস বড় হওয়া প্রয়োজন । কারণ উভয় ঔষধের সংমিশ্রণ হইবামাত্র উহা উচ্ছলিত হইয়া উঠে । ছোট গ্লাসের ঔষধ বড় গ্লাসের ঔষধে ঢালিয়া দিবা মাত্র উচ্ছলিত হইয়া উঠিলে তদবস্থায় পান করিতে দিবে । জ্বরের সহিত বিবৃমিষা বর্তমান থাকিলে এইরূপ ফিভার মিকশচারে বিশেষ উপকার দর্শে ।

(৫) চূর্ণ ও বটিকা (Powders and Pills)—চূর্ণ ঔষধ সেবন করিবার সময় বোগীর মুখে অল্প পরিমাণ জল লইতে দিবে, তৎপরে চূর্ণগুলি মুখের ভিতরে ঢালিয়া দিবে । 'অনেকে চূর্ণ ঔষধ জলে গুলিয়া সেবন করেন । কিন্তু ইহাতে মুখে অত্যন্ত বিষাদ অনুভূত হয় । মুখের ভিতর জল রাখিয়া গলাধঃকরণ করিলে আর বিষাদ লাগিবার তত সম্ভাবনা নাই । বটিকা সেবন করিতে হইলে ঠিক চূর্ণের স্থায় জল মুখে লইয়া গিলিতে হইবে । একবারে একাধিক বটিকা সেবন করিতে হইলে পূর্বোক্ত প্রণালীতে এক এক বারে এক একটি করিয়া যতটা প্রয়োজন সেবন করিতে দিবে । সমস্তগুলি একবারে দিলে গলায় বাধিয়া সমূহ অনর্থ ঘটতে পারে । চূর্ণ কিম্বা বটিকা, আবশ্যক হইলে জলের পরিবর্তে দুগ্ধসহও সেবন করিতে দেওয়া যায় ।

হোনিওপ্যাথি ঔষধের ক্ষুদ্র ক্ষুদ্র বটিকা (Globules) মুখে ফেলিয়া দিলেই চলিতে পারে, জল দিবার কোন আবশ্যক হয় না । উক্ত বটিকা কখনও হস্তদ্বারা স্পর্শ করা উচিত নহে । এক টুকরা পরিষ্কৃত কাগজে আবশ্যক মত বটিকা লইয়া তদ্বারা মুখের ভিতরে ফেলিয়া দিতে হইবে । অথবা একটা পরিষ্কৃত নূতন খড়িকা জলে ডুবাইয়া তাহার জল ঝাড়িয়া ফেলিবে এবং খড়িকার মুখ বটিকায় স্পর্শ করাইবা মাত্র তাহা খড়িকার মুখে উঠিলা আসিবে । তখন উহা রোগীর মুখে দিতে হইবে । অপোগণ্ড

শিশুদিগকে বটিকা সেবন করিতে দেওয়াই সুবিধাজনক । কারণ উহারা তরল ঔষধ গিলিতে পারে না । মুখের ভিতর ক্ষুদ্র বটিকা ফেলিয়া দিলে উহা গলিয়া ক্রমে গলার ভিতরে প্রবিষ্ট হইবে । বটিকা সেবন করান তত সুবিধাজনক বোধ না হইলে একটী পরিষ্কৃত নূতন শিশিতে জল লইয়া উহাতে আবশ্যকমত বটিকা ফেলিয়া দিবে । তৎপরে উহা জলের সহিত উত্তমরূপে মিশ্রিত হইয়া গেলে মাত্রানুযায়ী সেবন করিতে দিবে ।

কবিরাজী বটিকা সেবন করিতে হইলে উহার অনুপান সহ খলে মাড়িয়া সেবন করিতে দিবে ।

(৬) তিক্ত ঔষধ (Bitter tonics)—তিক্ত ঔষধ সেবন করিবার পূর্বে হরীতকী চিবাইয়া (মুখ প্রক্ষালন না করিয়া) তৎপরে সেবন করিলে আর তিক্তাস্বাদ অনুভূত হইবে না । হরীতকী অভাবে আমলকীও ব্যবহার করা যাইতে পারে । শুধু পান চিবাইয়া তৎপর ঔষধ সেবন করিলেও মুখে বিস্বাদ লাগিবে না ।

(৭) মালিশ (Liniments)—মালিশের ঔষধ প্রয়োগ করিবার কোন নির্দিষ্ট সময় নাই । সচরাচর দিবসে দুই কি তিন বার মালিশের ব্যবস্থা করা হইয়া থাকে ।^{*} রোগের গুরুত্ব অনুসারে এ নিয়মের ব্যতিক্রমও হইতে পারে । মালিশ করিবার সময় গৃহের বাতায়নাদি উত্তমরূপে বন্ধ করিয়া দেওয়া উচিত । কারণ মালিশ করিবার সময় যাহাতে রোগীর গাত্রে বাতাস না লাগে সে দিকে বিশেষ দৃষ্টি রাখিতে হইবে । বিশেষতঃ বৃকে মালিশ করিবার সময় এ সতর্কতার বিশেষ আবশ্যক । এক সময়ে ১৫ মিনিট কাল মালিশ করিলেই যথেষ্ট । মালিশ করিবার সময় শিশি হইতে ঔষধ ঢালিয়া তৎক্ষণাৎ শিশির মুখ বন্ধ করিয়া দিবে । শিশি হইতে বারবার ঔষধ ঢালিবার প্রয়োজন হইবে বলিয়া শিশির কাক (Cork বা ছিপি) কখনও খুলিয়া রাখিবে না । একবারে যতটুকু মালিশ

করিতে হইবে তাহার পরিমাণ নির্দেশ করা যায় না, তবে গাত্রে যতটুকু শুষ্কি লইতে পারে তত টুকুই রাখিবে। মালিশ করিতে করিতে আলা ধরিয়া গেলে তখনই মালিশ বন্ধ করিয়া দিবে। মালিশ করিবার সময় হৃদের উপর দ্রুত ঘর্ষণ না করিয়া দুই বা ততোধিক আঙ্গুল অথবা হাতের ভালুদ্বারা মর্দন করিয়া দিতে হইবে। নতুবা দ্রুত ঘর্ষণে উপকার না হইয়া যথেষ্ট অপকার দর্শিতে পারে। মালিশ হইয়া গেলে ফ্যানেল ইত্যাদি গরম কাপড়ে গা ঢাকিয়া রাখিবে। বুকে মালিশ করিয়া অনেক সময় তুলা দিয়া ঢাকিয়া দিতে হয়।

(৮) প্রলেপ (Ointments)—ইহাও মালিশের ন্যায় আক্রান্ত স্থানে মাখাইয়া দিতে হয়, কিন্তু মালিশের ন্যায় বহুক্ষণ মর্দন করিতে হয় না। প্রলেপ বা মলম যথাস্থানে প্রয়োগ করিয়া এমনভাবে বাঁধিয়া দিবে যে, কাপড়ের ঘষায় কিম্বা অগ্নি কারণে উঠিয়া যাইতে না পারে। এক্ষণে নেকড়া কিম্বা তুলা দ্বারা বাঁধিয়া দেওয়াই উত্তম। কিন্তু যাহাতে প্রলেপের ঔষধ নেকড়া বা তুলায় শুষ্কি না যায়, তজ্জন্ম প্রলেপের উপর কলার কচি পাতা কিম্বা গটাপার্চা (Guttapercha tissue) দিয়া বাঁধিতে হইবে।

কখন কখন মলমও মালিশ করিতে হয়। এই প্রলেপ প্রতিলোম ভাবে করিতে হয়; অর্থাৎ যে দিকে লোমের গতি তাহার বিপরীত দিকে প্রলেপন করা কর্তব্য। অনুলোম অর্থাৎ যে দিকে লোমের গতি সেই দিকে মর্দন করা বিহিত নয়। কাবণ প্রতিলোম ভাবে প্রলেপ দিলে ঘর্ষণবহা শিরা সমূহের মুখ দ্বারা ভিতরে প্রবেশ করাতে শীঘ্র শীঘ্র উহার ক্রিয়া হয়।

(৯) গলার ভিতরে ঔষধ প্রদান—বাঁশের কিম্বা নারিকেলের শলাকা লইয়া উহার অগ্রভাগে খানিকটা তুলা জড়াইয়া তুলি প্রস্তুত

করিবে এবং তুলা জড়ান ভাগ ঔষধে ডুবাইয়া রোগীর গলার ভিতরে আলজিভের চারি পাশে উত্তমরূপে নাড়িয়া চাড়িয়া দিতে হইবে । এক তুলি একাধিক বার ব্যবহার করিবে না । একবার ব্যবহৃত হইলে সেই তুলি পুনরায় ঔষধে ডুবাইবে না । গলার ভিতরে ঔষধ দিবার সময় রোগীকে এমনভাবে হাঁ করিতে বলিবে যেন তাহার জিহ্বা মুখের ভিতর থাকে । হাঁ করিবার সময় জিহ্বা বাহির করিয়া দিলে গলার ভিতর কিছুই দেখা যাইবে না । ইহাতে ঔষধ দিবার পক্ষে ব্যাঘাত জন্মে । রোগী স্বাভাবিক ভাবে হাঁ করিবে এবং যিনি ঔষধ প্রদান করিবেন, তিনি একখানা চামচ লইয়া তদ্বারা জিভখানা চাপিয়া ধরিবেন, এ সময়ে যেন রোগী জিহ্বা আড়ষ্ট করিয়া না রাখে । সচরাচর অঙ্গুলি দিয়া চাপিয়া ধরিলে চামচের কাজ চলিতে পারে । রোগীকে ‘এ’ ‘এ’ শব্দ করিতে বলিবে, তাহা হইলেই অনায়াসে চামচ কিম্বা অঙ্গুলি দ্বারা চাপিয়া ধরিবার কার্য সম্পন্ন হইবে এবং গলার ভিতর বেশ পরিষ্কাররূপে দেখিতে পারা যাইবে ।

(১০) চক্ষু ঔষধ প্রদান—চক্ষুর ভিতরে ধাবন (Lotion) দিতে হইলে একটা নূতন পাথের কলমের অগ্রভাগ এক অঙ্গুলি পরিমাণ টেবুচা করিয়া কাটিবে । উক্ত কলমের অগ্রভাগ ‘লোশনে’ ডুবাইলেই ঔষধ উহাতে উঠিবে । ঐ ঔষধ চক্ষুর ভিতরে ফোটা ফোটা করিয়া দিবে । সুবিধা হইলে ‘ড্রপার’ (Dropper) যন্ত্রে করিয়া ঔষধ দেওয়াই সম্ভব । ‘ড্রপারের’ (৪ নং চিত্র) উপরিভাগ অর্থাৎ রবারের



৪ নং চিত্র ।

অংশ তর্জনী এবং বৃদ্ধাঙ্গুলি দ্বারা চাপিয়া ক্রমে ‘লোশনে’ ডুবাইবে, তৎপরে চাপ ছাড়িয়া দিলেই নিম্নভাগে অর্থাৎ কাচ নির্মিত অংশ ঔষধ

পূর্ণ হইবে। এই ঔষধপূর্ণ ড্রপারটি চক্ষুর উপরে ধরিয়া রবারের অংশ ক্রমশঃ টিপিলেই চক্ষুর ভিতরে বিন্দু বিন্দু করিয়া ঔষধ পড়িবে। নতুবা একবারে অধিক পরিমাণে ঔষধ পড়িয়া যাইতে পারে।

১০। আহাৰ—দেহ পোষণার্থ খাদ্যের আবশ্যক আহাৰই জীবনশক্তি। রুগ্নাবস্থায় শরীর দুর্বল হইলে ইহার বিশেষ সুব্যবস্থার প্রয়োজন। অনেকে মনে কবেন—রুগ্নাবস্থায় লজ্জনই একমাত্র বিধি; সৰ্ব্বতোভাবে লজ্জন না হউক, অন্ততঃ যথাসম্ভব অল্পাহাৰ বা সমস্ত দিনে দুইবার মাত্র কিঞ্চিৎ বালিঞ্জলই যথেষ্ট। অনেকে মনে করেন—‘দুর্বলের পথ্য’ দুগ্ধপান করিতে দেওয়াও অশুচিত। বলা বাহুল্য এ সংস্কার অতিশয় ভ্রমাত্মক। একেই পীড়িতাবস্থায় আহাৰের প্রবৃত্তি নিস্তেজ হয়, ইহার উপর যদি আবার যথাসম্ভব স্বল্পাহাৰের ব্যবস্থা করা হয়, তবে রোগীর ক্রমশঃ দুর্বল হইবার সম্ভাবনা। আহাৰ না পাইলে বলের সঞ্চাৰ হইবে কিরূপে? এমতাবস্থায় প্রচুর পরিমাণে দুগ্ধপান করিতে দেওয়াই কর্তব্য। অবশ্য বোগবিশেষে বিভিন্ন ব্যবস্থার প্রয়োজন হয়।


সুপথ্য যেমন দেহের পুষ্টিসাধনে সহায়তা করে, কুপথ্য তেমনি সৰ্ব রোগের আকর। পীড়িতাবস্থায় এ বিষয়ে বিশেষ সতর্কতা অবলম্বন করা প্রয়োজন। পথ্য বিষয়ে অমনোযোগী হইলে শত ঔষধ ব্যবহারেও কোন প্রতিকারের আশা করা যাইতে পারে না। অনেকস্থলে কেবল পথ্যের দোষেই রোগ দূর হয় না। স্বীলোকেরা প্রায়ই মমতাপরবশ হইয়া রোগীকে অনেক সময় গোপনে কুপথ্য প্রদান করিয়া থাকেন এবং শেষে বিপদ ঘটিলে হা হতোহ্মি করেন। কিন্তু একথা একবার ভাবিয়া দেখেন না, যদি সুপথ্যের ব্যবস্থা করা না হয় তাহা হইলে কেবল অভিজ্ঞ চিকিৎসক ও অত্যাৎকুষ্ট ঔষধ কিছুই করিতে না। পথ্যের অব্যবস্থার জন্য অনেক সময় রোগীদিগকে প্রায়

অনাহার ক্লেশ ভোগ করিতে হয়। শুশ্রূষাজননী প্রাতঃস্মরণীয়া কুমারী নাইটিঙ্গেল বলেন, চারিটা কারণে রোগীদিগকে অনাহারক্রিষ্ট হইতে দেখা যায়—

- প্রথম কারণ—পথ্য প্রস্তুতে অপারদর্শিতা ;
- দ্বিতীয় কারণ—পথ্য নির্দ্ধাবণে অপারগতা ;
- তৃতীয় কারণ—সময় নির্দেশে অসমীচীনতা ; এবং
- চতুর্থ কারণ—রোগীৰ আহারে অনভিলাষ।


কোন্ রোগে কি পথ্য ও কি অপথ্য, কি উপায়ে পথ্য প্রস্তুত করিলে রোগীৰ পক্ষে যথার্থ উপাদেয় ও পুষ্টিকর হইবে পথ্য প্রকরণে তাহা বিশদভাবে বিবৃত হইল।

(১) পথ্যপ্রদান-প্রণালী—শরীর অতিশয় দুর্বল হইলে অথবা গা বমি বমি করিলে বহুক্ষণ পরে একবার অধিক পরিমাণে আহাৰ করিতে না দিয়া বারবার স্বল্প পরিমাণে দেওয়াই সঙ্গত। ঘণ্টায় ঘণ্টায় ৩৪ চামচ করিয়া দেওয়া মন্দ নহে। অনেকে বারবার দেওয়ার কষ্ট হইতে অব্যাহতি পাইবার জন্ত একবারে অধিক পরিমাণে সেবন করিতে দেন। ইহাতে পরিপাকের পক্ষেও ব্যাঘাত জন্মে এবং সহজে বমন হইবারও সম্ভাবনা। রুগ্নাবস্থায় প্রতিবারে স্বল্প পরিমাণে আহাৰ করিতে দেওয়াই সর্বতোভাবে বিধেয় এবং যথাসম্ভব ঘন ঘন দেওয়া কর্তব্য। রোগী অতিরিক্ত দুর্বল হইলে শায়িতাবস্থায় চামচ কিম্বা ঝিলুকে করিয়া অথবা ফিডিংকাপে (Feeding cup) করিয়া (৫ ও ৬ নং চিত্র) খাওয়াইবে। চিবুকের নিম্নে একখানা শুষ্ক তোয়ালে বা গামছা পাতিয়া দিবে (৭ নং চিত্র)।



৫ নং চিত্র ।

একবার অধিক করিয়া ঢালিয়া দিবে না তাহাতে চর্চাং নিশ্বাসরোধ হইতে পারে এবং অনেক সময় মুখ হইতে উপ্চিয়া পড়িতে পারে। আহার্য্য



উপ্চিয়া

পান পিত্ত।

বাহাতে অধিক উষ্ণ বা শীতল না হয় তাহা পূর্বেই পরীক্ষা করিয়া লইবে। রোগী গিলিতে কষ্ট বোধ করলে গলা এবং বুক আস্তে আস্তে মাজিয়া দিবে।

বোগীর সমক্ষে আহার্য্য উপস্থিত করিবার পূর্বে যেন সে সম্বন্ধে তাহাকে কিছুই জানিতে অথবা দেখিতে বা ভ্রাণ লইতে দেওয়া না হয়। আহারের সমস্ত উপকরণ একবারে আনিয়া উপস্থিত করিবে। রোগীর যেন বালি খাইতে গিয়া মূনের জল অপেক্ষা করিতে না হয়, ছুদ খাইতে গিয়া মিছরির অভাবে বসিয়া থাকিতে না হয়। বাহা কিছু প্রয়োজনীয় 'সমস্ত সংগ্রহ করিয়া তবে বোগীর সম্মুখে নিয়া পরিবে। তাহা না হইলে বোগীর পৈশাচ্যুতি হইয়া আহারে অপ্রবৃত্তি জন্মিবে।' কোন পাণ্ড একবারে অধিক পরিমাণে নিয়া রোগীর কাছে উপস্থিত করিবে না। তাহাতে রোগীর মন ভরসাহীন হইয়া পড়িতে পারে। দেখিয়াই যেন রোগী বলিয়া না বসে, 'এত আহার করিতে পারিব না।' স্বল্প পরিমাণে

দিলে রোগীর ভরসা হয় । প্রয়োজন হইলে বরং আর একবার দেওয়া যাইতে পারে, তাহাতে কোন ক্ষতি নাই ।

রোগী আহার করিতে বারম্বার অনিচ্ছা প্রকাশ করিলে পীড়াপীড়ি না করিয়া সময়ে সময়ে তাহার সম্মুখে আহাৰ্য্য আনিয়া ধরিবে এবং খাওয়াইবাব চেষ্টা করিবে । কখন কখন বোগীর সম্মুখে বসিয়া অল্পকৈ খাইতে দিলে অল্পের খাওয়া দেখিয়া বোগীর আহারে প্রবৃত্তি জন্মিতে পারে । জোর করিয়া কখনও আহারে প্রবৃত্ত করা উচিত নহে ; তাহাতে বরং অনিষ্টের সম্ভাবনা । ক্ষুধা পাঠিলে খাবে অথবা কাছে খাবাব রাখিয়া দিলে তাহা দেখিয়া আহার করিবাব বাসনা উদ্ভিক্ত হইতে পাবে এই উদ্দেশ্যে অনেকে আহাৰ্য্য দ্রব্যাদি সৰ্বদা রোগীর পাশে রাখিয়া দেয় । কিন্তু ইহাতে ক্ষুধার উদ্বেক না হইয়া বরং আরো অধিক অরুচি উৎপাদন করিবাব সম্ভাবনা ।

(২) বাসি পথা—পূৰ্ব্বেই প্রস্তুত পথা অপরাহ্নে দেওয়া সঙ্গত নহে । পাউকটী ব্যতীত এক দিনের প্রস্তুত পথা অপব দিবস কখনই দেওয়া কর্তব্য নহে । বালি, ত্রু Broth ইত্যাদি ৩ ঘণ্টার অধিক কাল প্রস্তুত কাবয়া পথা বিধেয় নহে । রোগীকে কখনও অপরিষ্কৃত পথা খাইতে দিবে না । বালি ইত্যাদি সৰ্বদাই চাকিয়া দেওয়া উচিত ।

(৩) অধিক রাত্রিতে আহার—অধিক রাত্রিতে আহার করিলে পারপাকের ব্যাধাত জন্মিয়া অসুখ বুদ্ধির সম্ভাবনা । রাত্রি ১০ ঘটিকার পূৰ্ব্বেই যাহাতে আহার কায্য সমাধা হয় তাহার বিশেষ বন্দোবস্ত করা উচিত । কোন কোন সময়ে চিকিৎসকের ব্যবস্থা অনুসাবে এ নিয়মের ব্যতিক্রমও ঘটয়া থাকে ।

(৪) বিবমিদায়—রোগী আহার করিবামাত্র বমন করিয়া ফেলিলে অথবা রোগীর গা বমি বমি করিলে পথ্যাদিতে বরফ মিশ্রিত

করিয়া দিবে, তাহা হইলে আর বমন হইবে না। আত্মাবেব অব্যবহিত পরে জলেব পরিবর্তে 'সোডাপানি' (Soda water) পান করিতে দিলে বমন হইবার সম্ভাবনা থাকে না। আবশ্যিক হইলে দুগ্ধ ইত্যাদির সহিত সোডাপানি মিশ্রিত করিয়া পান করিতে দেওয়া যায়। কুচি বরফ মুখে রাখিতে দেওয়া মন্দ নহে। ডাকের জল পান করিতে দিলেও বমন নিবারণিত হইতে পারে। বিবিধিমা নিবারণের কয়েকটা উৎকৃষ্ট মুষ্টিযোগ, মুষ্টিযোগ প্রকরণে দ্রষ্টব্য।

১১। সংক্রামক রোগে—ওলাউঠা, প্লেগ, বসন্ত, হাম, স্কার্লেট ফিবার, (Scarlet fever), পীতজ্বর (Yellow fever), ডিপথিরিয়া (Diphtheria) প্রভৃতি সংক্রামক রোগে বোগকে, অন্ত্র রাখবার সুবিধা না হইলে বোগ যাহাতে অল্পে সংক্রান্ত না হইতে পারে তৎপক্ষে বিশেষ দৃষ্টি রাখা কর্তব্য। এমতবস্থায় শিশুসন্তানাদগকে সর্বাগ্রে পৃথক রাখিবার বন্দোবস্ত করিতে হইবে, কারণ বয়স্ক ব্যক্তিদিগের অপেক্ষা বালকদিগের অতি সহজে সংক্রামক রোগে আক্রান্ত হইবার সম্ভাবনা। ইষ্টক নিশ্চিত দ্বিতল কিম্বা ত্রিতল গৃহ হইলে গৃহের সর্বোচ্চস্থানে খোলা জায়গায় এক প্রান্তভাগে রোগার গৃহ নির্দেশ করিবে। উক্ত গৃহে প্রচুর পরিমাণে বায়ুর চলাচল হওয়া প্রয়োজন। বিশুদ্ধ বায়ুই এ সকল রোগ উপশম এবং নিবারণের এক প্রধান উপায় জানিবে। ইষ্টকনিশ্চিত গৃহ না হইলে বাটীৰ ষথাসম্ভব বাহিৰ্ভাগে অথবা প্রশস্ত প্রান্তের এক প্রান্তে রোগার গৃহ মনোনয়ন করিবে।

গৃহে অত্যাশ্চক্য দ্রব্যাদি ব্যতীত অপর কোন সামগ্রী রাখিবে না। পশমী বস্ত্রাদি উক্ত গৃহে কখনই রাখিবে না, কারণ রোগের বীজ বায়ুতে ভাসমান থাকিয়া উক্ত পশমে আশ্রয় গ্রহণ করিতে পারে। এমন

কি একপাবস্থায় বীজাণু বৎসরাধিক কাল জীবিত থাকিয়া মহা অনিষ্টের সূত্রপাত করিতে পারে ।

রোগীর মল মূত্র বা খুঁ ও বমন ইত্যাদির জন্ত আলকাতরা দেওয়া কোন পাত্র ব্যবহার করিবে এবং মল মূত্র ত্যাগ বা বমন হইবামাত্র উহাতে সংক্রমণ-নিবারক ঔষধাদি ছড়াইয়া দিবে । মল ও বমন হিরাকস (Ferri Sulph) বা কার্বলিক লোশন (বড় এক বোতল গরম জলে দুই আউন্স কার্বলিক এসিড্) মিশ্রিত করিয়া বাটি হইতে দূরে পুতিয়া ফেলিবে ।

রোগীর গৃহে শুশ্রূষাকারী ব্যতীত অপর কাহাকেও যাইতে দেওয়া কর্তব্য নহে । সম্ভবপর হইলে কেবলমাত্র একজন শুশ্রূষাকারীর উপর রোগীর ভারার্পণ করা উচিত এবং রোগীর গৃহের সন্নিহিতস্থ অপর কোন গৃহে পরিচর্যাকারীর বাসস্থান নির্দেশ করা প্রয়োজন । বাড়ীর অন্ত কাহারও সহিত পরিচর্যাকারীর মেশামিশি করা উচিত নহে । কারণ তাহাতে অপর সাধারণের অনিষ্ট হইতে পারে । রোগীর এবং শুশ্রূষাকারীর ব্যবহারের জন্ত স্বতন্ত্র আহার-পাত্র ব্যবহার করা উচিত ।

রোগীর গৃহে প্রচুর পরিমাণে সংক্রমাপহ ঔষধাদি ব্যবহার করা কর্তব্য । জলমিশ্রিত কার্বলিক এসিড (এক বোতল জলে দেড় আউন্স কার্বলিক এসিড) বা চূণের জলে কাপড় ভিজাইয়া গৃহের দ্বার এবং বাতায়নাদিতে টাঙ্গাইয়া দেওয়া উচিত । কার্বলিক লোশন অথবা কার্বলিক সাবান (10 per cent.) বা অন্য কোন সংক্রমণ নিবারক পদার্থ দ্বারা পরিচর্যাকারীর হস্তপদাদি ধৌত করা কর্তব্য । সর্বদা পরিষ্কার পরিচ্ছন্ন থাকা নিতান্ত প্রয়োজন । রোগীকে পথা ও ঔষধাদি দিবার পূর্বে কার্বলিক সাবান দ্বারা উত্তমরূপে হস্ত ধৌত করিয়া লওয়া উচিত ।

পীড়িতাবস্থায় বস্ত্রাদি ধৌত কারতে না দিয়া একস্থানে ঢাকা দিয়া রাখিয়া দেওয়া কর্তব্য ; এবং আরোগ্য লাভ হইলে শয্যাবস্ত্রাদির

সহিত এককালে জ্বালাইয়া দেওয়া উচিত । কারণ অত্যুষ্ণ জলে ধোত করিলেও সংক্রামক রোগের বীজ এককালে বিনষ্ট হয় কি না সন্দেহ । সময়ে উহারা আবার জীবিত হইয়া পীড়া উৎপাদন করিতে পারে । এমত স্থলে সমস্ত একবারে ধ্বংস করাই শ্রেয়ঃ । তবে কোন কোন রোগে বহুমূল্য শয্যাবস্ত্রাদি ফুটন্ত গরম জলে ধোত করিয়া লওয়া যাইতে পারে । বিশেষ বিবরণ অষ্টম পরিচ্ছেদে দ্রষ্টব্য ।

রোগী আরোগ্য লাভ করিবার পর গৃহ রসকপূর মিশ্রিত জল অর্থাৎ পারক্লোরাইড্ অব্ মার্কারী লোশন্ (Perchloride of mercury lotion) দ্বারা উত্তমরূপে ধোত করা কর্তব্য । ইষ্টকনির্মিত গৃহ হইলে উত্তমরূপে চূণকাম করা প্রয়োজন । গৃহের দ্বার রুদ্ধ করতঃ মধ্যভাগে কয়েক দিন অগ্নি প্রজ্বলিত করা এবং প্রচুব পরিমাণে গন্ধক পেড়াইয়া এবং অন্যান্য সংক্রাম্যপহ ঔষধাদি ব্যবহার করিয়া উক্ত গৃহ বিশেষভাবে পরিষ্কৃত ও নির্দোষ করা বিধেয় । একটা হাঁড়িতে অথবা গৃহের মেজেতে জলস্ত অন্ধার রাখিয়া তাহার উপরে একটা পাত্রে কতকটা গন্ধক রাখিয়া দিবে এবং গৃহের সমস্ত দরজা জানালা সম্পূর্ণরূপে রুদ্ধ করিয়া দিবে । অগ্নিসস্তাপে উক্ত পাত্রস্থ গন্ধক হইতে ধূম নির্গত হইয়া গৃহের দূষিত বায়ু পরিশোধিত করিবে ।

১২ । বৈদ্য-সঙ্কট—আমাদের দেশে আজকাল এলোপ্যাথি, হোমিওপ্যাথি ও কবিরাজী, এই তিন প্রকার চিকিৎসা প্রণালীই প্রচলিত দেখিতে পাওয়া যায় । কোন প্রণালী অবলম্বন করিবে লোকে তাহা অনেক সময়ে সহজে বুঝিয়া উঠিতে পারে না । এজন্য বহুসময়ে চিকিৎসা কার্ষ্যেরও ব্যাঘাত উপস্থিত হয় । প্রথম সমস্তা কোন মতে চিকিৎসা করা কর্তব্য । এ বিষয়ে ঐহাদিগের কোন বিশেষ মতে গভীর আস্থা আছে, তাহাদিগের তত অনুবিধার কারণ নাই ।

কারণ তাঁহাদিগের সংস্কারানুযায়ী, এলোপ্যাথি, হোমিওপ্যাথি বা কবিরাজী বাহা হয়, তাহা প্রথমেই ঠিক করিয়া থাকেন। কিন্তু যাহারা কোন মত বিশেষের উপর বিশেষভাবে আস্থাবান্ নহেন, তাঁহাদিগের প্রথমেই এই সঙ্কট উপস্থিত হয়। কোন মতে চিকিৎসা করাইবেন তাহা ঠিক করিয়া উঠিতে পারেন না। অনেক সময় এমনও দেখিতে পাওয়া যায়, কবিরাজীমতে চিকিৎসা চলিতেছে, মাঝে একটু হোমিওপ্যাথিও খাওয়াইয়া লইতেছেন, অথবা এলোপ্যাথি চলিতেছে, গোপনে হোমিওপ্যাথিরও ব্যবস্থা লইয়া আসিলেন। একজন আসিয়া বলিল 'এলোপ্যাথি আত্মরিক চিকিৎসা, কবিরাজী কর' ; অথবা 'হোমিওপ্যাথি জল, এলোপ্যাথি কর' ; ইত্যাদি। অমনি তাঁহাদের চিত্ত বিচলিত হইয়া উঠিল। এ অবস্থা বড়ই শোচনীয় বলিতে হইবে। সামান্য রোগে ততটা অনিষ্ট না হউক কিন্তু গুরুতর রোগে অথবা সঙ্কটাপন্ন অবস্থায় এরূপ ঘটিলে বড়ই আশঙ্কার কথা।

এই গেল কোন মতে চিকিৎসা করিতে হইবে তাহার নির্বাচন-সমস্যা। তৎপর আবার ব্যক্তিগত সমস্যা ; অর্থাৎ কোন চিকিৎসক-দ্বারা চিকিৎসা করাইতে হইবে। অবশ্য একস্থানে বহু সুষোগ্য চিকিৎসক বর্তমান থাকিলেই এ সমস্যায় উপনীত হইতে হয়, নতুবা নহে। লঘু কারণে ঘন ঘন চিকিৎসকের পরিবর্তন করা কখনও সঙ্গত নহে। রোগী দেখিয়াই যিনি অব্যর্থ ঔষধ ব্যবস্থা করিতে পারেন, তিনি অবশ্য ধনস্তুবিতুল্য চিকিৎসক। কিন্তু এরূপ চিকিৎসক অতি বিরল। চিকিৎসক যতই কেন সূক্ষ্ম ও বহুদর্শী হউন না, তাঁহাকে অনেক সময়ে ঔষধ প্রয়োগ করিয়া তাহার ফলাফল পরীক্ষা করিতে হয়। এলোপ্যাথি ও বৈজ্ঞানিক অনেক সময়েই মিশ্র ঔষধ ব্যবহৃত হইয়া থাকে। কখন কখনও দেখা যায় এই মিশ্র ঔষধের কোন একটীতে রোগীর উপকার

হইতেছে, অপর আর একটিতে রোগীর অণু বিষয়ে অপকার হইতেছে ।
 ঔষধের ফলাফল দেখিবার জন্ত চিকিৎসকের সময় প্রতীক্ষা স্বাভাবিক ।
 কিন্তু রোগী কিম্বা তাঁহার অভিভাবকগণ অনেক সময়ে রোগ উপশমের
 বিলম্ব দেখিলে অত্যন্ত অধীর হইয়া পড়েন । এই সময়ে তাঁহাদের
 চিকিৎসক পরিবর্তনের ইচ্ছা হইয়া থাকে । কিন্তু এইরূপ চিকিৎসক
 পরিবর্তনেই রোগ সহজে আরোগ্য হয় না ; বহু সময়ে নূতন আনীত
 চিকিৎসকেরও ঐরূপ সময় প্রতীক্ষা করিতে হয় । অনেক সময়ে এরূপও
 দেখা যায় যে, পূর্ব চিকিৎসক রোগীকে বতটুকু সুস্থ করিয়া তুলিয়াছিলেন,
 নূতন চিকিৎসক অণুরূপ ঔষধের পরীক্ষা করিতে ঘাইয়া রোগীকে তাহা
 হইতে অধিক রুগ্ন করিয়া ফেলেন । আবার এরূপ দৃষ্টান্তও বিরল নহে,
 পূর্ববর্তী চিকিৎসক দুই এক দিন সময় পাইলেই রোগীকে আরোগ্য
 করিয়া যশোলাভ করিতে পারিতেন । তাঁহাকে সে অবসর না দেওয়াতে
 পরবর্তী চিকিৎসক, পূর্ববর্তী চিকিৎসকের গুণে যশোলাভ করিয়া থাকেন ।
 ইহাতে পূর্ববর্তী চিকিৎসকের সামান্য ক্ষোভের কারণ হয় না । যাহারা ঘন
 ঘন চিকিৎসক পরিবর্তন করেন, এই কারণে চিকিৎসকগণও তাঁহাদের প্রতি
 তুষ্ট থাকেন না । ইহাতে চিকিৎসকের মনোযোগের ক্রটি হয়, সুতরাং রোগীর
 ও অল্পাধিক অনিষ্ট হইয়া থাকে । এই সকল কথা বিবেচনা করিয়া চিকিৎসক
 পরিবর্তন করিবার সময় অতিশয় সাবধান হওয়া কর্তব্য । যে চিকিৎসকের
 উপর আস্থা নাই, সেট চিকিৎসককে না ডাকাই সঙ্গত । পূর্বে বিবেচনা
 পূর্বক চিকিৎসক নিযুক্ত করিলে আর এরূপ বিভ্রাটের কারণ হয় না ।

যাহারা দীর্ঘকাল কোন পুরাতন রোগে কষ্ট পাইয়া থাকেন, তাঁহারা
 অনেক সময়ে ইচ্ছা করেন, দুই চারি দিন ঔষধ সেবনের পরই হঠাৎ
 আরোগ্য লাভ করেন । কিন্তু এরূপ ব্যস্ততা সঙ্গত নহে । যে রোগ তিলে
 তিলে রোগীর রক্ত মাংস অধিকার করিয়াছে, তাহা কখনই এত সহজে

আরোগ্য হওয়া সম্ভবপর নহে । একরূপাবস্থায় ঐর্ষ্যাধারণ পূর্বক দীর্ঘ-কাল ঔষধ সেবন করা রোগীরপক্ষে একান্ত কৰ্ত্তব্য । পুরাতন রোগে এক ঔষধ বহুদিন ব্যবহার পূর্বক তাহার ফল পরীক্ষা না করিয়া অন্য ঔষধ ব্যবহার করা কৰ্ত্তব্য নহে । চিকিৎসক পরীক্ষার উদ্দেশ্যে এক সময়ে ভিন্ন ভিন্ন চিকিৎসকের নিকট হইতে ব্যবস্থাপত্র সংগ্রহ করা অতিশয় দোষাবহ । একরূপ করিলে রোগী বিশ্বাসের সহিত কোন ঔষধ সেবন করিয়া উঠিতে পারে না । একবার এক ব্যবস্থা অনুসারে ঔষধ সেবন, পুনরায় অপর ব্যবস্থানুযায়ী ঔষধ সেবনে রোগ আরও কঠিন হইয়া উঠে ।

অনেক সময় লোকে রোগের সূচনায় তাহার প্রতিকার করে না । আবার অনেক সময়ে কঠিন রোগও অতি সামান্য মনে করিয়া যথা সময়ে যথোচিত চিকিৎসা করিতে উদাসীন থাকে ; আবার একরূপও দেখা যায় যে, রোগ সামান্যই হউক কিম্বা কঠিনই হউক, রোগী অজ্ঞ চিকিৎসকের ব্যবস্থানুসারে চলিয়া রোগ দুর্শ্চিকিৎস্তু করিয়া ফেলে । বর্তমান সময়ে সংবাদপত্র সমূহে নানা প্রকার ঔষধের যেরূপ মনোমুগ্ধকর বিজ্ঞাপন দেখা যায়, তাহাতে অনেক রোগী ঐ সকল ঔষধ তাহার স্বকীয় রোগের অব্যর্থ ঔষধ মনে করিয়া ব্যবহার করিয়া থাকে । রোগী আপনার রোগের লক্ষণ অনেক সময়ে ভুল বুঝিয়া থাকে । তাহাতে বিজ্ঞাপনের ঔষধ প্রকৃত লক্ষণানুযায়ী না হওয়াতে প্রায়ই অত্যন্ত অনিষ্ট ঘটাইয়া থাকে । চিকিৎসকের পরামর্শ ভিন্ন অথবা বিশেষ পরীক্ষিত না হইলে বিজ্ঞাপনের ঔষধ ব্যবহার করা কখনও কৰ্ত্তব্য নহে । অধিক ঔষধ সেবনও একটী রোগবিশেষ । অনেক লোককে দেখিতে পাওয়া যায়, তাহারা অকারণে অথবা লঘু কারণে বা রোগের কোন লক্ষণ কল্পনা করিয়া ঔষধ সেবন করিয়া থাকেন । ইহাতেও বহু অনিষ্টের সূত্রপাত হইয়া থাকে ।

দ্বিতীয় পরিচ্ছেদ ।

বাহ্য প্রয়োগ ।

১৩ । সেক (Fomentation)—বেদনার পক্ষে সেক অতিশয় উপকারী । কখন কখন রোগী প্রস্রাব করিতে কষ্টবোধ করিলে রোগীর তলপেটে সেক দেওয়ায় অত্যন্ত উপকার দর্শে । গুরুতর বেদনায় প্রতি দশ পনের মিনিট অন্তর সেক দেওয়া উচিত । সাধারণতঃ ঘণ্টায় একবার কিম্বা প্রতি দুই কি তিন ঘণ্টা অন্তর একবার সেক দিলেই চলিতে পারে । সেক দেওয়ার সময়েও গাত্রে যাহাতে ঠাণ্ডা লাগিতে না পারে তদ্বিষয়ে বিশেষ দৃষ্টি রাখিতে হইবে । বিশেষতঃ বুকে কিম্বা পিঠে সেক দিতে হইলে এ বিষয়ে অতিশয় সাবধানতা আবশ্যিক । বাহিরের বায়ু যাহাতে রোগীর শরীরে না লাগে সর্বাগ্রে তাহার উপায় অবলম্বন করিতে হইবে । সেক দিবার অব্যবহিত পরেই উত্তমরূপে গাত্র ঢাকিয়া দিবে ।

রোগীর অসহ্য হয় এরূপ উত্তপ্ত সেক দিবে না । কারণ অসহনীয় উত্তপ্ত সেক দিলে রোগী গায়ে ফোঁস্কা পড়িতে পারে অথবা চামড়া ঝলসিয়া যাইতে পারে । সত্বর উপশমের আশায় অত্যন্ত উত্তপ্ত সেক দেওয়া বিধেয় নহে, বিশেষতঃ শিশুদিগের গাত্রে সেক দিতে হইলে বিশেষ সতর্ক হওয়া প্রয়োজন ; কারণ পরিণত-বয়স্ক ব্যক্তির চামড়া অপেক্ষা শিশুদিগের চামড়া সাধারণতঃই অতিশয় কোমল । বেদনাস্থলে সেক দিলে রোগীর আরাম বোধ হওয়ারই কথা । সে স্থলে রোগী যদি

যাতনা প্রকাশ করে, তাহা হইলে বুঝিতে হইবে যে ঐরূপ উত্তপ্ত সেক উপকারী নহে । সেক দিবার সময় রোগী অতিশয় উষ্ণ বোধ করিলে চামড়ার উপর প্রয়োজন মত কয়েক ভাঁজ কাপড় দিয়া তত্পরি সেক দিলেই রোগীর পক্ষে উহা আর অসহ্য হইবে না । তৎপরে উত্তাপ কমিয়া আসিলে নীচের কাপড় খানা সরাইয়া লইবে । গরম ফ্ল্যানেল কিম্বা গরম বালি বা ভূসির খলি রোগীর গাত্রে যথাস্থানে স্থাপন করিয়া রবার বা অয়েল ক্লথ, মোমজামা (Wax cloth) অথবা গাটাপার্চা দ্বারা ঢাকিয়া দিলে উত্তাপ অধিকক্ষণ স্থায়ী হয় ।

(১) শুষ্ক সেক—সামান্য বেদনায় শাদা ফ্ল্যানেলের টুকরা কিম্বা তদনুরূপ কোন প্লশমী বস্ত্রখণ্ড অগ্নিতাপে উষ্ণ করতঃ বেদনাস্থানে বাঁধিয়া দিলেই চলিতে পারে । রক্তিন ফ্ল্যানেল অপেক্ষা শাদা ফ্ল্যানেলে উত্তাপ অধিককাল স্থায়ী হয়, এজন্য শাদা ফ্ল্যানেল ব্যবহার করাই কর্তব্য । রোগীর সন্নিকটে একটা পাত্রে জলন্ত অন্ধার রাখিয়া দুই খণ্ড ফ্ল্যানেল উষ্ণ করিবে । এক খণ্ড রোগীর গাত্রে প্রয়োগ করিবে, অপর খণ্ড উষ্ণ করিতে থাকিবে । শুষ্ক বস্ত্র অতি সত্বরে শীতল হইয়া যায়, এজন্য ঘন ঘন বদল করিতে হয় বলিয়া এবং উহা প্রয়োজনমত অধিক উষ্ণ করিতে পারা যায় না বলিয়া এরূপ সেক দেওয়া সকল সময়ে তত সুবিধাজনক নহে ।

(২) গরম জলের সেক—গরম জলে ফ্ল্যানেল, লিণ্ট (Lint) কিম্বা তদনুরূপ কোন বস্ত্রখণ্ড ভিজাইয়া সেক দেওয়াকেই গরম জলের সেক বলে । এইরূপ সেকই সচরাচর দেওয়া হইয়া থাকে । ইহার বিশেষ গুণ এই যে, ইহাতে ফ্ল্যানেলের উত্তাপ অধিক হয় এবং বহুক্ষণ স্থায়ী হয় । কিন্তু ফ্ল্যানেল হইতে উত্তমরূপে জল নিংড়াইয়া ফেলিতে না পারিলে অপকারেরও যথেষ্ট সম্ভাবনা । অতএব এ বিষয়ে বিশেষ

সাবধান হইতে হইবে । যে স্থানে সেক দিতে হইবে সে স্থানে একখণ্ড নেকড়া বিছাইয়া তাহার উপরে সেক দেওয়া উত্তম । কারণ তাহাতে জল শুষিয়া লইতে পারে ।

কেটলিতে করিয়া জল গরম করাই সুবিধাজনক । কারণ তাহাতে জল অধিককাল উষ্ণ থাকিতে পারে এবং কেটলির ডাণ্ডাতে (হাতলে) ফ্ল্যানেল জড়াইয়া জল নিংড়ান সুবিধাজনক । উষ্ণ জল রাখিবার জন্য পৃথক্ পাত্রেবও আবশ্যক হয় না । কেটলির অভাবে মেটে কিস্বা পিত্তলের হাঁড়িতে জল গরম করিতে হইলে উহার মুখ অন্য পাত্র দ্বারা ঢাকিয়া দিবে ।

৬ কি ৮ অঙ্গুলি পরিমিত চওড়া একখণ্ড শাদা ফ্ল্যানেলের টুকরা দুই ভাঁজ করিয়া এমন ভাবে উষ্ণ জলে ডুবাইবে যেন উহার অগ্রভাগ ভিজিয়া না যায় । কারণ ফ্ল্যানেল খণ্ডের সমস্ত ভাগ উত্তপ্ত হইলে হাতে ধরিয়া নিংড়ান দুষ্কর । উষ্ণ জলে ফ্ল্যানেল খণ্ড ভিজাইয়া তৎক্ষণাৎ তুলিয়া লইবে এবং ভাঁজের ঠিক মধ্যভাগে একখানা কাটি চালাইয়া দিবে । তৎপরে এক হাতে অথবা একজনে কাটি ঘুরাইতে থাকিবে এবং অপর হাতে বা অপর এক জনে ফ্ল্যানেলের অগ্রভাগ সজোরে ধরিয়া থাকিবে । জল নিঃশেষিত হইয়া না যাওয়া পর্য্যন্ত এইরূপ করিবে এবং অবশেষে উত্তমরূপে জল ঝরিয়া গেলে প্রয়োজনমত ভাঁজ করিয়া যথাস্থানে লাগাইবে । কেটলিতে জল গরম করিলে সুবিধা এই যে এক জনেই কেটলির ডাণ্ডাতে ফ্ল্যানেল খণ্ড জড়াইয়া জল নিংড়াইয়া লইতে পারে । জল নিংড়াইবার অপর একটা উৎকৃষ্ট উপায় এই যে, গরম জলে ফ্ল্যানেলের টুকরা ভিজাইয়া উহা একখানা তোয়ালে কিস্বা গামছাব মধ্যে রাখিয়া গামছার দুই প্রান্তে ধরিয়া নিংড়াইতে থাকিবে । তাহা হইলেই জল বাহির হইয়া যাইবে । তবে

অনেক সময় দেখিতে পাওয়া যায়, উক্ত উপায়ে জল সম্যক্রূপে বহির্গত হয় না। এ অবস্থায় গামছার উপরে প্রচুর পরিমাণে চাপ দিতে পারিলে সমস্ত জল নিঃশেষিত হইয়া যাইবে। সেক দিবার জল অধিক উষ্ণ হওয়া প্রয়োজন, কারণ জল সামান্য গরম হইলে শীঘ্র শীতল হইয়া যাইবার সম্ভাবনা। জল নিংড়াইবার সময় যত তাড়াতাড়ি হয় ততই ভাল। জল নিংড়াইতে নিংড়াইতে যাহাতে ফ্ল্যানেল খণ্ড শীতল হইয়া না যায় তদ্বিষয়ে বিশেষ দৃষ্টি রাখিতে হইবে।

(৩) তাৰ্পিণ সেক—তাৰ্পিণের সেক দিবার প্রয়োজন হইলে পূৰ্বোক্তরূপে গরম জলে ফ্ল্যানেলখণ্ড ভিজাইয়া তাহাতে কিঞ্চিৎ* তাৰ্পিণ তৈল উত্তমরূপে ছড়াইয়া দিবে। একস্থানে অধিক পরিমাণে তৈল পড়িলে রোগীর গাত্রে অতি সহজে ফোঁকা পড়িতে পারে। এজন্য সেক দিবার সময় মাঝে মাঝে রোগীর চামড়া পরীক্ষা করা উচিত।

গুরুতর বেদনা বোধ করিলে তাৰ্পিণ তৈলের পরিবর্তে 'লডেনাম' (Laudanum) ব্যবহারে উপকার দর্শিতে পারে।

(৪) পোস্তর টেড়ীর সেক—এক হাঁড়ি (আড়াই সের) ফুটন্ত জলে ৩৪টা (অর্ধ পোয়া পরিমিত) পোস্তর টেড়ী† ফেলিয়া দিবে এবং পাত্রেৰ মুখ উত্তমরূপে ঢাকিয়া ১৫ মিনিট্ কাল জ্বলে রাখিবে। তৎপর উহা এক খণ্ড পরিষ্কৃত নেকড়ায় ছাকিয়া লইবে এবং উক্ত জলে ফ্ল্যানেলের টুকরা ভিজাইয়া পূৰ্বোক্ত রূপে সেক দিতে হইবে। পাত্র চইতে যাহাতে বাষ্প বাহির হইয়া না যায় এজন্য সেক দিবার সময় হাঁড়িতে ফ্ল্যানেল খণ্ড ডুবাইয়া তৎক্ষণাৎ তুলিয়া লইবে এবং পুনরায় হাঁড়ির মুখ ঢাকিয়া দিবে। পোস্তর টেড়ী জলে দিবার সময় খণ্ড খণ্ড

* একডাম পর্য্যন্ত দেওয়া যাইতে পারে।

† Poppyhead.


করিয়া লইবে । পোস্তুর টেড়ী দেখিতে অনেকটা ডালিমের স্থায় ।
উহা দুই প্রকার, দেশী ও টার্কিশ্ । টার্কিশ্ টেড়ী ঠিক ডালিমের স্থায়
বড় হয় । দেশী পোস্তুর টেড়ী অত্যন্ত ছোট, একত্র ৩৪টা একবারে দিতে
হয় । টার্কিশ্ টেড়ী একটার অধিক দিবার প্রয়োজন হয় না, অধিক
বড় হইলে আধখানা দিলেও চলিতে পারে । পোস্তুর টেড়ী হইতে আফিং
প্রস্তুত হয়, একত্র আফিংএর লাইসেন্স্ প্রাপ্ত দোকান ভিন্ন অন্য কোথাও
উহা পাওয়া যায় না ।

(৫) বালি সেক—খই কিম্বা ছোলা ভাজিবার সময় যেক্রমে
বালি উত্তপ্ত করিতে হয়, সেইক্রমে বালি ভাজিয়া একটা কাপড়ের খলিতে
পূরিয়া বেদনাস্থানে স্থাপন করিবে । যে স্থান ব্যাপিয়া সেক দিতে হইবে,
খলিয়াটী তদপেক্ষা ৩৪ অঙ্গুলি বড় করিয়া প্রস্তুত করিবে । ভিতরে
বালি পূরিয়া খলির মুখ উত্তমক্রমে বাঁধিয়া দিবে, নতুবা হঠাৎ খুলিয়া গেলে
বিপদ ষটিবার সম্ভাবনা ।


(৬) ভূসির সেক—গমের ভূসি উপরোক্ত রূপে ভাজিয়া খলির
ভিতরে পূরিয়া ব্যবহার করিতে হইবে । ভূসি ভাজিবার সময় যাহাতে
পুড়িয়া না যায়, সে বিষয়ে বিশেষ দৃষ্টি রাখিতে হইবে । বালি অথবা ভূসির
সেক দিতে হইলে বার বার বদলাইবার প্রয়োজন হয় না । এক বার গরম
করিয়া দিলে উহা অনেকক্ষণ উষ্ণ থাকে এবং এক সময়ে এক বারের
অধিক দিতে হয় না ।

(৭) আকন্দের সেক—বেদনাস্থানে পুষ্ণতন ঘৃত মালিশ করতঃ
আকন্দের পাতা অগ্নিসস্তাপে উত্তপ্ত করিয়া উক্ত স্থান ঢাকিয়া দিতে
হইবে । কখন কখন আকন্দ-পত্রে ঘৃত মাখাইয়া উহা অগ্নিতাপে উষ্ণ
করতঃ বেদনাস্থানে প্রয়োগ করা যায় । কাশ রোগে সাধারণতঃ এইরূপ
সেক দিবার প্রয়োজন হয় ।

(৮) বোতল সেক—জল উত্তমরূপে উষ্ণ করতঃ গরম জলের বোতলে* (৭ ও ৮ নং চিত্র) অথবা লেমনেড্ বাপোটের বোতলে পুরিয়া



৮ নং চিত্র ।



৯ নং চিত্র ।

ছিপিদ্বারা উহার মুখ দৃঢ়রূপে বন্ধ করিয়া দিবে। তৎপর উক্ত বোতল ষথাস্থানে প্রয়োগ করিবে। পুরু বোতল না হইলে উত্তাপে ফাটিয়া যাইবার সম্ভাবনা, এজন্য লেমনেডের বোতল ব্যবহার করাই কর্তব্য।

(৯) ভাতের সেক—গরম ভাত একটা পরিষ্কৃত নেকড়ায় বাধিয়া তাহার ভাপরা দিলে চকের অগ্নী প্রভৃতিতে বিশেষ উপকার দর্শে। ভাতের মাড় উত্তমরূপে ছাঁকিয়া লওয়া প্রয়োজন।

(১০) যোয়ান সেক—তিন অঙ্গুলি পরিমিত চওড়া এবং অর্দ্ধহস্ত পরিমিত লম্বা একখণ্ড পরিষ্কৃত নেকড়াতে সর্ষপ তৈল মাখাইয়া তাহাতে যোয়ান (যমানী) দিয়া সলিতার মত করিয়া পাকাইয়া লইবে। তৎপর উহার অগ্রভাগে আগুন ধরাইবে। উক্ত আগুনে হাত তাতাইয়া

* রবার নিশ্চিত এক প্রকার বোতল। ইহাকে Hot water bottle কহে।

শিশুদিগের পেটে সেক দিতে হয় । শিশুদিগের পেট কামড়ানি হইলে অথবা পেট ফাঁপিলে যোয়ান সেকে বিশেষ উপকার হয় ।

১৪ । কটি-স্নান (Hip-bath)—যাহাতে সচ্ছন্দে বসিতে পারা যায় এমন একটা বড় গামলার তিন ভাগ গরম জলদ্বারা পূর্ণ করিয়া উহাতে রোগীর কোমর পর্য্যন্ত ডুবাইয়া বসিতে দিবে । জল যত অধিক উষ্ণ হয় ততই ভাল । অবশ্য রোগীর যাহাতে অসহ্য না হয় সে বিষয়ে দৃষ্টি রাখিতে হইবে । উক্ত গরম জলে রোগীকে ১৫ মিনিট কালের অধিক বসিতে দিবে না । ঋতুকালে যথারীতি শ্রাব না হইলে অথবা কটিদেশে বেদনা থাকিলে কটি-স্নানের প্রয়োজন হয় । মূত্রাশয়ে প্রশ্রাব জমিয়া থাকিলে এবং মূত্রত্যাগ না হইলে কটি-স্নানে বিশেষ উপকার দর্শে ।

১৫ । ফুট্‌ব্যাথ্ (Foot-bath)—একটা পাত্রে গরম জল রাখিয়া তাহাতে রোগীর পদদ্বয় স্থাপন করিবে এবং এক খানা মোটা কাপড়দ্বারা উক্ত পাত্র সহিত রোগীর গাত্র গলদেশ পর্য্যন্ত উত্তম রূপে ঢাকিয়া দিবে । রোগীর যথেষ্ট ঘর্ম হইয়া গেলে উক্ত পাত্র হইতে পদদ্বয় উঠাইয়া লইবে এবং এক খণ্ড পরিষ্কৃত বস্ত্রদ্বারা গা মুছাইয়া দিবে । তৎপর একপ ভাবে রোগীর গা ঢাকা দিয়া রাখিবে যাহাতে কোনরূপে ঠাণ্ডা লাগিতে না পারে । সর্দি প্রভৃতি রোগে ইহাতে বিশেষ উপকার দর্শে ।

১৬ । পুন্টিশ্ (Poultice)—বিষ্ফোটক, বাঘি, ফোলা এবং বেদনা ইত্যাদিতে পুন্টিশ্ ব্যবহার হইয়া থাকে । পুন্টিশ্ দিলে বেদনা নিবারণ হয় এবং শক্ত ফোড়া ইত্যাদি পাকিয়া যায় । পুন্টিশ্ সাধারণতঃ গরম করিয়া তপ্ত অবস্থায় দেওয়া হয় । উত্তাপ দেওয়াই পুন্টিশের উদ্দেশ্য ; এজন্য যত উষ্ণ দেওয়া যাইতে পারে, ততই শীঘ্র ফল পাওয়া যাইবে এই ভাবিয়া অনেকে এত গরম থাকিতে উহা রোগীর গাত্রে লাগাইয়া দেন যে, অনেক সময় তাহাতে ফোঁস পড়িবার সম্ভাবনা হয় । রোগী নিতান্ত

যাতনা প্রকাশ করিলেও তাঁহারা কিছুতেই ছাড়িতে চাহেন না । রোগী সহ্য করিতে পারে এরূপ উত্তপ্ত পুন্টিশ্ দেওয়াই বিধেয় । পুন্টিশ্ অধিক উষ্ণ বোধ করিলে ত্বকের উপরে আবশ্যকমত কয়েক ভাঁজ কাপড় পাতিয়া দিবে এবং ক্রমে সহিয়া গেলে উক্ত বস্ত্রখণ্ড তুলিয়া লইবে । এ কথাটাও বিশেষ ভাবে স্মরণ রাখিতে হইবে যে, পুন্টিশ্ উষ্ণ অবস্থায় প্রয়োগ করিতে হয়, অতএব শীতল হইয়া গেলে উহা তৎক্ষণাত্ তুলিয়া ফেলা কর্তব্য । একবার যে পুন্টিশ্ ব্যবহার করা হইয়াছে তাহা পুনরায় উত্তপ্ত করিয়া ব্যবহার করা কর্তব্য নহে । পুন্টিশ্ দ্বারা নাভিমূল কিম্বা স্তনের অগ্রভাগ কখনই ঢাকিয়া দিবে না । স্তন কিম্বা নাভির চারিপাশে পুন্টিশ্ দিবার প্রয়োজন হইলে, হয় স্বল্প চারি খণ্ড পুন্টিশ্ প্রস্তুত করিবে, না হয় পুন্টিশের মধ্য-ভাগে প্রয়োজনমত একটা ছিদ্র রাখিবে । শিশুদিগকে পুন্টিশ্ দিবার সময় এ কথাটা বিশেষ ভাবে স্মরণ রাখিতে হইবে যে তাহাদিগের ত্বক অতিশয় কোমল ; এক জন পরিণত বয়স্ক ব্যক্তি যে উত্তাপ সহজে সহ্য করিতে পারে, একজন শিশু কিম্বা বালক কখনই তাহা পারিবে না । কোন ঘাব উপরে পুন্টিশ্ দিবার প্রয়োজন হইলে অগ্রে উক্ত ঘা উত্তম-রূপে ধোত করিবে এবং একখণ্ড পরিষ্কার পাতলা নেকড়া দ্বারা ঘাব মুখ ঢাকিয়া দিবে ও তত্পরি পুন্টিশ্ ব্যবহার করিবে । উত্তাপ স্থায়ী করিবার জন্ত অরেল বা রবার্ ক্রথ্, গটাপার্চা, মোম্জামা অথবা তদ্রূপ কোন বস্ত্রদ্বারা গরম পুন্টিশ্ ঢাকিয়া তত্পরি ব্যাণ্ডেজ্ বাধিয়া দিবে ।

(১) ময়দার পুন্টিশ্—ঠাণ্ডা জলে বেশ পাতলা করিয়া ময়দা গুলিয়া আলে চড়াইবে এবং ঘন না হওয়া পর্য্যন্ত ক্রমাগত নাড়িতে থাকিবে ; কারণ এরূপ না করিলে গুটি বাধিয়া যাইবে । একটু পাতলা থাকিতেই আল হইতে নামাইয়া ফেলা কর্তব্য, নতুবা অতিরিক্ত ঘন

হইবে এবং ব্যবহারের পক্ষে অসুবিধা ঘটবে। উক্ত ময়দার কাই একখণ্ড পরিকৃত নেক্‌ড়ায় করিয়া যথাস্থানে প্রয়োগ করিতে হইবে। যে স্থান ব্যাপিরা পুন্টিশ্ দিতে হইবে, তাহা হইতে দুই অঙ্গুলি পরিমাণ বড় করিয়া তাহার দ্বিগুণ পরিমাণ একখণ্ড পরিকৃত নেক্‌ড়া দুই ভাঁজ করিয়া লইবে এবং উহার এক ভাগে উক্ত গরম ময়দা পুরু করিয়া এমন ভাবে বিছাইবে, যেন তাহার চারিদিকে এক অঙ্গুলি পরিমাণ নেক্‌ড়া খালি থাকে। তৎপর নেক্‌ড়ার অবশিষ্ট অংশদ্বারা উক্ত ময়দা ঢাকিয়া দিবে। এই পুন্টিশ্ যথাস্থানে প্রয়োগ করিয়া, যাহাতে উহা স্থানচ্যুত না হইয়া যায় এক্ষণ্ড নেক্‌ড়ার ফালি জড়াইয়া উত্তমরূপে বাধিয়া দিবে।

(২) তিসির পুন্টিশ্—তিসি বাটিয়া উহা শীতল জলে গুলিয়া ময়দার পুন্টিশের গ্ৰাঘ প্রস্তুত করিতে হইবে। জ্বালে চড়াইয়া ক্রমাগত না নাড়িলে অতি সহজে পুড়িয়া যাইতে পারে। অতএব এ বিষয়ে বিশেষ সাবধান হওয়া প্রয়োজন। ব্যবহার-প্রণালী পূর্বেকৃত রূপ।

(৩) ভূসির পুন্টিশ্—গমের ভূসি কিঞ্চিৎ পেষিয়া শীতল জলে মিশ্রিত করতঃ পূর্বেকৃত প্রণালীতে কিয়ৎকাল জ্বাল দিলেই ঘন আটার মত হইবে। যখন জলভাগ প্রায় শুবিয়া যাইবে, তখন ময়দার পুন্টিশের গ্ৰাঘ বস্তুখণ্ডে করিয়া প্রয়োগ করিবে।

(৪) খৈলের পুন্টিশ্—গরম জলে উত্তমরূপে খৈল মিশ্রিত করিয়া তিসির পুন্টিশের গ্ৰাঘ প্রস্তুত করিবে। ব্যবহার-প্রণালীও তদ্রূপ।

(৫) কয়লার (Charcoal) পুন্টিশ্—দুই আউন্স পাউরুটার শাঁস ১০ আউন্স গরম জলে ১০ মিনিট কাল ডুবাইয়া রাখিতে হইবে। তৎপর উহার সহিত অর্ধ আউন্স কাঠের কমলা চূর্ণ এবং দেড় আউন্স তিসি চূর্ণ ক্রমে মিশ্রিত করিতে হইবে। উত্তম রূপে মিশ্রিত হইলে পূর্বেকৃত প্রণালীতে পরিকৃত বস্তুখণ্ডে করিয়া যথাস্থানে প্রয়োগ করিবে।

(৬) রাইএর পুন্টিশ্—রাইচূর্ণ (Durham mustard) গরম জলে ঘন করিয়া গুলিয়া অথবা টাটকা রাই বাটিয়া পুরু কাগজ কিম্বা লিণ্টের উপরে প্রয়োজন মত বিস্তৃত করিয়া লইবে এবং যে দিকে রাই থাকিবে সেই ভাগ গাত্রে প্রয়োগ করিবে। এই পুন্টিশ্ সাধারণতঃ ১০ হইতে ২০ মিনিট্ পর্য্যন্ত রাখা যাইতে পারে। কেহ কেহ বা ইহার অধিক কালও সহ্য করিতে পারে। পুন্টিশ্ ব্যবহাবে জ্বালা বোধ করিলে উক্ত স্থানে কিঞ্চিৎ ময়দা ছড়াইয়া দিলেই জ্বালা কমিয়া যাইবে। পুন্টিশ্ ব্যবহার করিবার পর উক্ত স্থানে মাখনের প্রলেপ দিলে চামড়ায় আরাম বোধ হইবে। রোগীর প্রবল বমনোদ্বেক হইলে সাধারণতঃ রাইএর পুন্টিশ্ ব্যবহার করা হইয়া থাকে। রাই চূর্ণ শীতল জলে মিশ্রিত করিয়াও পুন্টিশ্ করা যাইতে পারে। উহাতে আর উত্তাপ দিতে হয় না। রাইএর পুন্টিশ্ অধিক উগ্র করিবার প্রয়োজন হইলে উহাতে কয়েক ফোঁটা সিকি (Vinegar) অথবা 'লাইকার লিটা' (Liq. Litty) মিশ্রিত করিয়া লইলেই চলিতে পারে। মূত্ৰ করিবার প্রয়োজন হইলে রাই চূর্ণের সহিত তিসি চূর্ণ মিশ্রিত করিয়া লইতে হয়।


(৭) তোক্‌মারির পুন্টিশ্—শীতল জলে তোক্‌মারি ভিজাইয়া রাখিলে কয়েক ঘণ্টা কাল পরই উহা ফুলিয়া উঠিবে এবং সিদ্ধ হওয়ার স্মার দেখাইবে। তখন উহা নেকড়ায় করিয়া রাইয়ের পুন্টিশের স্মার ব্যবহার করিবে। অন্যান্য পুন্টিশ্ উষ্ণাবস্থায় ব্যবহার করিতে হয়, কিন্তু তোক্‌মারির পুন্টিশ্ কখনও গরম করিয়া ব্যবহার করিতে হয় না। শীতল অবস্থাতেই উহা ব্যবহার্য। এই পুন্টিশ্ ২৩ ঘণ্টা অন্তর পরিবর্তন করা উচিত। তোক্‌মারির পুন্টিশ্ ব্যবহারে ফোড়া ইত্যাদি অতি সহজে ফাটিয়া যায়। ফোড়ার মুখ শক্ত থাকিলে এই পুন্টিশ্ ব্যবহারে

অত্যন্ত উপকার দশে । ফোড়ার মুখ কাটিয়া পূঁয বাহির হইয়া গেলে গরম ঘৃত নেকড়ায় করিয়া তদ্বারা ঘায়ের মুখে পটি দিতে হয় ।

(৮) তোক্বালামের পুল্টিশ্—ঠিক তোক্‌মারিব পুল্টিশেব ন্যায় প্রস্তুত ও ব্যবহার করিতে হয় । ইহা তোক্‌মাবি হইতে উগ্রগুণ-বিশিষ্ট ; এজন্য তোক্‌মাবির পুল্টিশ্ হইতে ইহা অধিক কলদায়ক । ইহাতে অতি অল্প সময়েই কাজ দেয় ।

১৭ । এনিমা (Enema)—মলদ্বারে পিচকারীদ্বারা ঔষধ বা অপর কিছু প্রবিষ্ট করানকে 'এনিমা' বলা হয় । নানা কারণে এনিমা দিবার প্রয়োজন হইতে পারে । বিরেচক, অবসাদক, উত্তেজক বা পুষ্টিকারক রূপে সাধারণতঃ এনিমা ব্যবহৃত হইয়া থাকে ।

(১) যন্ত্র—রবরের লম্বা নল বিশিষ্ট পিচকারীদ্বারা সাধারণতঃ এনিমা দেওয়া হইয়া থাকে । উহা সাধারণতঃ 'হিগিন্সনস্ সিরিঞ্জ' (Higginson's Syringe) নামে অভিহিত হয় । ধাতু-নির্মিত আর এক প্রকার 'এনিমা সিরিঞ্জ' আছে, তাহাকে 'রীডস্ এনিমা' (Reed's enema) বলে । এনিমা দিবার জন্য 'রেক্টেল সিরিঞ্জ' ইত্যাদি আরো নানারূপ পিচকারী আছে ।




১০ নং চিত্র ।

সিরিঞ্জ 'ই' (১০ নং চিত্র) ব্যবহৃত হইয়া থাকে ; এবং তাহাই সর্বোৎকৃষ্ট বলিতে হইবে । তবে কখন কখন কাচের পিচকারী

(Male glass syringe) দ্বারাও এনিমা দেওয়া হইয়া থাকে : কিন্তু তাহা নিরাপদ নহে । কারণ মলদ্বারে পিচকারীর অগ্রভাগ প্রবেশ

করাইবার সময় তথাকার পেশী সমূহের আক্ষেপ হইয়া থাকে । তদ্বারা পিচকারীর অগ্রভাগ ভিতরে প্রবিষ্ট করিবার পক্ষে বাধা জন্মায় । এ অবস্থায় কাচনির্মিত পিচকারীর অগ্রভাগ সহসা ভাঙ্গিয়া যাইতে পারে । বিশেষতঃ কোন ঔষধ বা অপর কিছু অধিক পরিমাণে সরলান্ত্রে প্রবেশ করাইবার প্রয়োজন হইলে কাচের পিচকারীতে তাহা ধরিবে না । একবার পিচকারীর অগ্রভাগ সরলান্ত্রে প্রবেশ করাইলে উহার অভ্যন্তরস্থ ঔষধ বা পথ্য শেষ না হওয়া পর্য্যন্ত কখনই উহা বাহির করিয়া বার বার ব্যবহার করা যায় না । কাজেই কাচের পিচকারীতে নানা অসুবিধা ঘটবার সম্ভাবনা । রবরের পিচকারীর একটা বিশেষ সুবিধা এই যে, রোগী অনেক সময় নিজে নিজেই উহা ব্যবহার করিতে পারে কিন্তু কাচের পিচকারী কখনও অস্ত্রের সাহায্যে ভিন্ন ব্যবহার করা যাইতে পারে না ।

কোষ্ঠ কাঠিহ হইলে অনেক সময় সরলান্ত্রে গ্লিসারিন্ প্রবিষ্ট করাইলে সহজে মল নির্গত হইয়া থাকে । এজন্য স্বতন্ত্র কাচের পিচকারী (১১ নং চিত্র) ব্যবহৃত হইয়া থাকে । তাহাকে 'গ্লিসারিন্ সিরিঞ্জ' (Glycerine Syringe) বলে ।



১১ নং চিত্র ।

(২) প্রয়োগ প্রণালী—এনিমা দিবার সময় রোগীকে শয্যার এক-বারে কিনারায় বামকাতে শয়ন করাইবে এবং পা গুটাইয়া, হাঁটু বুকের সঙ্গে লাগাইয়া রাখিতে বলিবে । তৎপর রোগীর পিছনের দিকে দাঁড়াইয়া পিচকারীর মুখ সরলান্ত্রে আস্তে আস্তে প্রবেশ করাইয়া দিবে । পিচকারী ব্যবহার করিবার পূর্বে উহার অগ্রভাগে 'সুইট অয়েল' কিম্বা নারিকেল তৈল বেশ করিয়া মাখাইয়া দিবে, যাহাতে রোগীর মলদ্বারে প্রবেশ

করাইবার সময় অতি সহজে প্রবিষ্ট হইতে পারে । সরলান্দ্রে পিচকারীর অগ্রভাগ প্রবেশ করাইবার সময় কিছুমাত্র বল প্রয়োগ করিবে না । অতি সাবধানে ক্রমে প্রবিষ্ট করিবে । পিচকারীর মুখ গুহ্বদ্বারে সংলগ্ন করতঃ রোগীকে কোঁথ দিতে বলিবে । তাহা হইলেই উক্ত পিচকারীর মুখ অতি সহজে ও বিনা জোরে সরলান্দ্রে প্রবিষ্ট হইবে । সরলান্দ্রে প্রবেশ করাইবার পূর্বে সর্বদাই পিচকারীটী এক্ষেপে পূর্ণ করিয়া লইবে, যাহাতে পিচকারীর ভিতরে বিন্দুমাত্র বাতাস থাকিতে না পারে । নতুবা পেটের ভিতরে বায়ু প্রবিষ্ট হইয়া মহা অনিষ্ট ঘটাইতে পারে । এনিমা প্রয়োগ কালে অতি বেগে পিচকারীতে চাপ দিবে না । ধীরে ধীরে ক্রমাগত সমবেগে চাপ দিতে থাকিবে । বোগী বেগ ধারণ করিতে অক্ষম এক্ষপ ভাব প্রকাশ করিলে, তৎক্ষণাৎ পিচকারী খুলিয়া লইবে । এনিমা দিবার পর অন্ততঃ ১০ মিনিট্ কাল গুহ্বদ্বার চাপিয়া রাখিতে চেষ্টা করিবে । আহাৰ্য্য এনিমা প্রয়োগকালে অতি মৃদু ভাবে চাপ দিতে হইবে, নতুবা রোগী বেগ ধারণে সমর্থ হইবে না এবং এ অনস্তায় অতি সহজে প্রবিষ্ট দ্রব্য বাহির হইয়া যাইবার সম্ভাবনা ।

(৩) সাধারণ এনিমা—গুধু গরম জলধারা অথবা গরম জলের সহিত সাবান মিশ্রিত করিয়া যথেষ্ট পরিমাণে ফেনাইয়া লইয়া তদ্বারা এনিমা দেওয়া হইয়া থাকে । এইরূপে এক হইতে দুই পাইন্ট্ জল প্রবিষ্ট করা যাইতে পারে । ইহাতে বদ্ধ মল সমস্ত বাহির হইয়া যায় । সচরাচর প্রসবের পূর্বে অথবা প্রয়োজন হইলে অল্পপ্রয়োগের পূর্বে এই এনিমা দেওয়া হইয়া থাকে ।


(৪) বিরেচক এনিমা—এক কিষা অন্ধ আউল কেটের অয়েল বা স্ফুইট্ অয়েল, ৪ কিষা ২ ড্রাম লবণ অথবা তাপিন্ তৈল এক পাইন্ট্ গরম জলে মিশ্রিত করতঃ বিরেচক এনিমা প্রদান করা হইয়া থাকে । বিরেচক

এনিমা দিবার প্রয়োজন হইলে ডাক্তারের উপদেশানুসারে চলাই কর্তব্য।
অতএব এ বিষয়ে বিস্তৃত আলোচনা নিম্নপ্রয়োজন।

(৫) পুষ্টিকর (আহার্য) এনিমা—কোন কারণে রোগী ঔষধ বা পথ্য সেবন করিতে অপারগ হইলে রোগীর দেহ পোষণার্থ মলদ্বার দিয়া আহার্য দ্রব্য প্রবেশ করাইয়া দিতে হয়। অবশ্য চিকিৎসকের ব্যবস্থানুযায়ীই এসমস্ত করা আবশ্যিক। পুষ্টিকর এনিমা প্রয়োগ করিতে হইলে উহা পরিমাণে যথাসম্ভব অল্প হওয়া প্রয়োজন। কারণ পরিমাণে যত অল্প হইবে ততই পেটে থাকিবার সম্ভাবনা। একবারে ৪ আউন্সের অধিক কখনই দেওয়া কর্তব্য নহে। অধিক বলকারক দ্রব্য ১ আউন্স পরিমাণ হইলেই যথেষ্ট। আহার্য এনিমা অতি সাবধানে প্রয়োগ করা কর্তব্য, কারণ বেগে প্রবিষ্ট করিলে পাকস্থলী উত্তেজিত হইয়া সমস্ত বহির্গত হইয়া পড়িবে। অতএব অতি ধীর বেগে চালনা করাই সঙ্গত। আহার্য এনিমা প্রয়োগকালে যাহা প্রবেশ করাইতে হইবে তাহা সমস্ত পিচকারীর ভিতরে লইয়া তৎপরে সরলান্ত্রে প্রবেশ করাইতে থাকিবে। এসময়েও বাহ্যতে বায়ু প্রবিষ্ট না হয় তদ্বিষয়ে বিশেষ সাবধান হইতে হইবে।

১৮। ভাপুরা গ্রহণ (Inhalation)—বুকের এবং গলার ভিতরের কোন কোন অস্থানে অনেক সময় গরম জলের ভাপুরা (vapour) লইবার প্রয়োজন হয়। সাধারণতঃ ইন্হেলার (Inhaler) যন্ত্রে করিয়াই ভাপুরা লইতে হয়। জল উষ্ণ করিলে তাহা হইতে যে বাষ্প উঠিত হয় তাহাকে ভাপুরা বলে। 'ইন্হেলার' যন্ত্রে (১২ নং চিত্র) ফুটন্ত গরম জল পূরিয়া এবং প্রয়োজন হইলে উহার সহিত ঔষধ মিশ্রিত করিয়া তাহার ভাপুরা লইতে হইলে 'ইন্হেলার' যন্ত্রের নলটী নুখের ভিতরে পূরিয়া দিলে অথবা উহার কাছে রোগী হাঁ করিয়া নিখাস টানিলেই গলার ভিতরে উক্ত বাষ্প প্রবিষ্ট হইবে। 'ইন্হেলার' অভাবে


অন্য কোন একটি পাত্রে প্রয়োজন



১২ নং চিত্র :

মত ফুটন্ত গরম জল বা ঔষধ-
মিশ্রিত গরম জল রাখিয়া পানের
খিলির মত একটি কাগজের
ঠোঙ্গা প্রস্তুত করতঃ উহার সূক্ষ্ম
ভাগ উপরের দিক করিয়া তদ্বারা
উক্ত পাত্রের মুখ উত্তমরূপে
ঢাকিয়া দিবে। ঠোঙ্গাব অগ্রভাগ
মুখের ভিতর পুরিয়া দিলে অথবা

উহার কাছে মুখ রাখিলে রোগী সচ্ছন্দে ভাপ্রা লইতে পারিবে। উক্ত
কাগজের ঠোঙ্গাদ্বারা পাত্রের মুখ একরূপে ঢাকিয়া দিতে হইবে, যেন



১৩ নং চিত্র ।

ঠোঙ্গার ঠিক মধ্যস্থানের
ছিদ্র বাতীত অপর
কোন স্থান দিয়া বাষ্প
বাহির হইয়া যাইতে না
পারে। চা-দানে ফুটন্ত
গরম জল পুরিয়া উহার
নল মুখের ভিতর দিয়া
ভাপ্রা লইলেও 'ইন্-
হেলার' যন্ত্রের কাজ
চলিতে পারে।


'ইন্হেলার' নানা-

প্রকার। তন্মধ্যে এক

প্রকার যন্ত্র (১৩নং চিত্র) আছে, যাহাতে পূর্বোক্তরূপে জল গরম করিয়া
ঢালিয়া দিতে হয় এবং তৎপরে উহার নল দিয়া যে বাষ্প বাহির হইতে

থাকে তাহাবই ভাপরা লইতে হয়। অন্য একপ্রকার যন্ত্র আছে, তাহাতে যন্ত্রের ভিতরই জল উষ্ণ হইতে থাকে এবং 'ইনহেলার'টী রোগীর সম্মুখে রাখিয়া দিলে দূর হইতেই সে তাহার ভাপরা লইতে পারে। এই শেষোক্ত প্রকার যন্ত্রই উত্তম। ইহাকে 'সিগল্‌স্ ইনহেলার' (Seigals Inhaler) বা 'স্টিম্ এটোমাইজার' (১৪ নং চিত্র) কহে।

এটোমাইজার (Steam Atomizer) ব্যবহার প্রণালী—
উহাতে যে কেটলির স্থায় টিনের একটি ছোট পাত্র আছে তাহাতে জল দিয়া * নিম্নেব কুপিতে স্পিরিট ভরিয়া তাহা জ্বালাইয়া দিতে হয়। উক্ত পাত্রস্থ জল উষ্ণ হইয়া উঠা হইতে সক্রম জল দিয়া বাষ্প নির্গত হয় এবং কাচের চোঙ্গার ভিতর দিয়া সজোর রোগীর গলাব ভিতরে প্রবিষ্ট হয়। চোঙ্গার কাছে যে ছোট গ্লাস আছে তাহা অনবরত শীতল জলদ্বারা পূর্ণ করিয়া দিতে হইবে। কখন কখন জলের সহিত ঔষধও ব্যবহার কবিতে হয়। উক্ত




১৪ নং চিত্র।

ঔষধ কখনও কেটলির ভিতরে এবং কখনও বা কাচের গ্লাসে দিতে হয়। এ বিষয়ে চিকিৎসকের উপদেশানুযায়ী চলিতে হইবে। রোগীর শয্যার পাশে অঙ্গ হস্ত পরিমিত দূরে একটি টুলের উপর যন্ত্রটি রাখিবে এবং উঠা হইতে যে জল গড়াইয়া পড়িবে তাহা ধরবার জন্য নিম্নে একটি পাত্র রাখিবে। কেটলিতে যতক্ষণ জল থাকিবে, এক একবারে ততক্ষণ

* জল দ্বারা কেটলির তিন ভাগ পূর্ণ কবিতে হইবে। কেটলি একেবারে পূর্ণ করিয়া কখনই জল দিব না।

ব্যবহার করিতে হইবে । প্রত্যেক বার ব্যবহারের পর যত্নের প্রত্যেক অংশ শুষ্ক বস্ত্রখণ্ডদ্বারা উত্তমরূপে পরিষ্কার করিয়া রাখিবে ।

যক্ষ্মা ইত্যাদি রোগে ঔষধের ভাপের লইবার জন্য আর এক প্রকার ঠুলির ন্যায় যন্ত্র (১৫ নং চিত্র) আছে, তাহাকে 'কগ্‌হিলস্ ইন্‌হেলার'




১৫ নং চিত্র ।

(Coghills Inhaler)

বলে । তাহাতে তুলার উপরে ঔষধ ছড়াইয়া উক্ত তুলা ইন্‌হেলারের ভিতরে রাখিয়া যন্ত্রটি রোগীর মুখে বাঁধিয়া দিতে হয় । তৎপরে রোগী নিশ্বাস টানিবার সময় উক্ত ঔষধের ভাপের গলার ভিতরে প্রবেশ করে ।

১৯ । স্প্রে (Spray)—রবর নির্মিত এক প্রকার যন্ত্র (১৬




১৬ নং চিত্র ।


নং চিত্র) । গলার ভিতরে কোন প্রকার ক্ষত কিম্বা অন্য কোন প্রকার প্রদাহ হইয়া কাশির উদ্বেক হইলে অনেক সময় ঔষধের ফেঙ্‌ড়ী (spray) দিবার প্রয়োজন হয় । যন্ত্র সংলগ্ন কাচপাত্রে ঔষধ বাঁধিয়া যন্ত্রস্থিত রবর গোলকে ক্রমাগত চাপ দিতে থাকিলে উক্ত ঔষধ গলার ভিতরে বেগে প্রবিষ্ট হইবে । ফেঙ্‌ড়ী দিবার সময় কয়েক সেকেন্ড

অস্তুর চাপ দেওয়া বন্ধ করিতে হইবে। কারণ এরূপ না করিলে অনেক সময় রোগীর নিশ্বাসরোধ হইবার উপক্রম হয়।

২০। ড়ুশ্ (Douche)—ইহা একটা টিন্ (১৭ নং চিত্র) বা কাচের গোল পাত্রে (১৮ নং চিত্র) নিম্নভাগে রবরের নল লাগান যন্ত্র-বিশেষ। নলের আগায় ব্যবহার করিবার জন্য তইটা 'নোজ্‌ল্' (nozzle)



১৭ নং চিত্র।




১৮ নং চিত্র।

বা নল-মুখ থাকে। উহার একটা সরু এবং খাট এবং অপরটা অপেক্ষাকৃত মোটা এবং লম্বা। ছোটটি সরলান্ন এবং বড়টি ঘোনিঘার ধোত করিবার জন্য ব্যবহৃত হইয়া থাকে। অধিক ফলপ্রদ এবং সুবিধাজনক বলিয়া আজ-কাল এনিমা সিরিঞ্জের (৫৪ পৃষ্ঠা) পরিবর্তে ইহারই অধিক ব্যবহার হয়।

ব্যবহার প্রণালী—সর্ব প্রথমে যন্ত্রটির প্রত্যেক অংশ গরমজলে উত্তমরূপে ধোত করিয়া লইবে। তৎপর উহা রোগীর শয্যার সন্নিকটে দেয়ালে ঝুলাইয়া দিবে অথবা শয্যা হইতে কিঞ্চিৎ উর্ধ্বে কোন উচ্চস্থানে রাখিয়া দিবে। পরে প্রয়োজন মত হাতের পিঠে সহ হই এরূপ গরম জল-

দ্বারা উক্ত টিন বা কাচ পাত্রটী পূর্ণ করিবে এবং তাহাতে চিকিৎসকের উপদেশানুযায়ী ঔষধাদি মিশ্রিত করিবে। পাত্র জলপূর্ণ করিবার সময় রবারের নলের আগার সংযুক্ত কাচকড়া নিশ্চিত 'ষ্টপকক্' (stop cock) বা কল-কাঠিটী বন্ধ করিয়া দিবে। তৎপর এনিমা রূপে ব্যবহার করিতে হইলে রোগীকে বামকাতে শয়ন করাইয়া নলমুখটী রোগীর কাছে নিয়া ষ্টপককটী খুলিয়া দিবে এবং ঠিক এনিমার ন্যায় (৫৫ ও ৫৬ পৃষ্ঠা) নল-মুখটী ভিতরে প্রবিষ্ট করাইবে। ডুশ ব্যবহার করিবার সময় পাত্রের জল যাহাতে সম্পূর্ণ নিঃশেষ হইয়া না যায় সে বিষয়ে বিশেষ দৃষ্টি রাখিবে। কারণ নলের ভিতর দিয়া কোন ক্রমে উপরে বায়ু প্রবিষ্ট হইলে সমূহ অনিষ্টের সম্ভাবনা। এজন্য পাত্রের প্রায় সিকি ভাগ জলপূর্ণ থাকিতেই 'ষ্টপককটি' বন্ধ করিয়া নল-মুখটী খুলিয়া লইবে।

নাকের কোন কোন অস্থিতে নেজেল্ ডুশ্ (Nasal Douche)




১৯ নং চিত্র ।

ব্যবহৃত হইয়া থাকে। ইহা এক প্রকার রবার নির্মিত যন্ত্র (১৯ নং চিত্র)। ইহা দ্বারা নাকের ভিতরে জলের ধারা দেওয়া হয়। নলের গোড়ায় যে একটী টিনের বাক্সের ন্যায় পাত্র থাকে তাহাতেই জল থাকিবে। উক্ত পাত্রে জল ঢালিয়া নাসিকা হইতে প্রায় এক হস্ত পরিমিত উর্দ্ধে স্থাপন করিয়া নলের অগ্রভাগ নাসিকার ভিতরে প্রবেশ করাইলেই জল-স্রোত সজোরে নাসিকার ভিতরে প্রবেশ করিবে।


২১। ট্রুস্ (Truss)—চামড়ার প্যাড (pad) দেওয়া স্প্রিং নির্মিত বন্ধ বিশেষ। অগ্রবৃদ্ধি (Hernia) রোগে ইহা ব্যবহার করিতে

হয়। ট্রস্ (২০, ২১ ও ২২ নং চিত্র) কিনিবার প্রয়োজন হইলে কোমরের
নিম্নে কুচ্কির বেড় মাপিয়া ক্রয় করা আবশ্যিক। ডাক্তারখানায় স্বয়ং



২০ নং চিত্র (একদিকের উরুর জন্ত) ।


উপস্থিত হইয়া মাপ মত ঠিক করিয়া আনাই কতবা। নতুবা ছোট
বড় হইতে পারে এবং তাহাতে কোন ফলও হয় না। ট্রস্ ঠিক মাপ মত
হইয়াছে কিনা তাহা জানিবার উপায় এই—ট্রস্ পরিয়া পা ফাঁক করিয়া



২১ নং চিত্র (উভয় কুচ্কির জন্ত) ।

দাঁড়াইয়া খুব জোরে কাশিলে যদি কুচ্কির কাছে ফুলিয়া উঠে তবে ট্রস্টি
বড় হইয়াছে বুঝিতে হইবে। জোরে কাশিলে ও যদি উহা স্বাভাবিক
অবস্থায় থাকে তাহা হইলে ঠিক মত ট্রস্ হইয়াছে জানিতে হইবে। প্রাতে
শয্যা হইতে উঠিবার পূর্বেই ট্রস্ পরিবে এবং রাত্ৰিতে শয়ন করিবার পর
উহা খুলিয়া লইবে। স্নান করিবার সময় পবিবার জন্ত অতিরিক্ত ট্রস্

রাখিতে পারিলেই ভাল ২৭ এবং একপাশে অম্লবৃদ্ধি হইলেও উভয়
পাশে ট্রান্স পবাই উত্তম ।



২০ নং চিত্র (একনিকের ক্‌কির, জন্ম) ।

২২ । ব্লিস্টার (Blister) বা ফোস্কা—বমন নিবারণার্থ
উদরে এবং পুরিসি, নিউমোনিয়া প্রভৃতি রোগে বুকে পীঠে ব্লিস্টার দেওয়া
অর্থাৎ চামড়ায় ফোস্কা করিবাব প্রয়োজন হয় । চিকিৎসকের বিধানানুযায়ী
নানা প্রকার ব্লিস্টারের ব্যবস্থা হইয়া থাকে । পীড়িতস্থানে তরল ঔষধ বা
পলস্তারা (বস্ত্রলিপ্ত মলম) প্রয়োগদ্বারা এই ফোস্কা উৎপাদন করা হয় ।

প্রয়োগ প্রণালী—(১) রাই সরিষার পল্টিশ্ (Mustard
Poultice) প্রয়োগ করিতে হইলে চামড়ার উপর একখণ্ড পরিষ্কৃত
পাতলা নেকড়া বিছাইয়া তাহার উপর পল্টিশের যে দিকে ঔষধ লাগান
আছে সেই দিক লাগাইয়া দিবে । একরূপ করিলে রাইগুলি চামড়ায়
আঁটিয়া ধরিবে না, কাজেই ফোস্কা উঠিবার পর পল্টিশ টি তুলিয়া লইতে
অসুবিধা হইবে না এবং কোমল স্কে তীব্রতার লাঘব হইবে । ২০
মিনিট কাল পল্টিশটা রাখিয়াই তুলিয়া ফেলিবে কিম্বা অধিক যত্ন
অনুভব করিলে ইহার পূর্বেই তুলিয়া লইবে । পল্টিশ্ তুলিয়া লইবার পর
গরমজলে পরিষ্কৃত নেকড়া ভিছাইয়া তদ্বারা পীড়িত স্থানটা ধীরে ধীরে
মুছাইয়া দিবে এবং তৎপব তুলা দিয়া ঢাকিয়া দিবে । শিশুদিগের চামড়া
অতিশয় কোমল একন্য প্রয়োজন হইলে চামড়ার উপরে যে নেকড়াটি

দিতে হইবে তাহা দুর্ভাঙ্গ করিয়া দেওয়া আবশ্যিক এবং পল্টিশটা ৮ মিনিটের অধিক রাখা কর্তব্য নয় ।

(২) পলস্তারা বা 'বেলেস্তারা' (Cantharides plaster ইত্যাদি) ঠিক চামড়ার উপর লাগাইয়া দিলে উহা আপনা হইতেই আটিয়া ধরে । প্রয়োগের পর প্রায় দুই ঘণ্টার মধ্যেই জ্বালা আরম্ভ হয় । ছয় সাত ঘণ্টা রাখিয়াই উহা খুলিয়া ফেলিতে হয় । তবে রোগীর চামড়া কোমল হইলে ইহার পূর্বেই খুলিবার আবশ্যিক হয় । ফোস্কা উঠিবারাত্র পটিটা তুলিয়া লইবে এবং ফোস্কার ক্ষীত অংশের তলা অর্থাৎ পাশের দিকে সূচ দিয়া ফুটা করিয়া বা ধারাল কাঁচি দিয়া একটু কাটিয়া ভিতরের জলীয় অংশ বাহির করিয়া দিবে । সূচ বা কাঁচি ব্যবহার করিবার পূর্বে উহা ফুটন্ত গরমজলে পাচ মিনিট কাল ডুবাইয়া রাখিবে । কিন্তু ফোস্কার উপরের চামড়া যেন কোন প্রকারে উঠিয়া না যায় সে বিষয়ে বিশেষ সতর্ক হইবে । তৎপর উহার উপরে মাখন বা 'ভ্যাসেলিন' (vasaline) মাখাইয়া দিবে । অথবা সুইট্ অয়েলে পরিষ্কৃত নেকড়া ডুবাইয়া তদ্বারা ঢাকিয়া রাখিবে ।

(৩) ফোস্কা দায়ক উপরোক্ত প্রলেপ ব্যতীত 'লিনিমেন্ট আইওডিন (Liniment Iodine) প্রভৃতি প্রদাহ জনক তরল ঔষধ সমূহের প্রয়োগ দ্বারাও পীড়িত স্থানে প্রদাহ উৎপন্ন করিবার ব্যবস্থা হইয়া থাকে । এই সকল উত্তেজক ঔষধ পালক বা তুলিতে করিয়া বার বার পীড়িত স্থানে বুলাইতে হয় ।

২৩ । সাপোজিটরি (Suppository)—গুহ্যদ্বারে প্রদত্ত আটক বা ঠুসিবিশেষ । ইহার আকার মোচার অগ্রভাগের জায় । সাধারণতঃ কোষ্ঠকাঠিন্বে বা রক্তশ্রাব নিবারণার্থে ইহার ব্যবহার হইয়া থাকে । কোষ্ঠবদ্ধতায় 'গ্লিসারিন সাপোজিটরি'ই সচরাচর ব্যবহৃত হয় । ইহা ডাক্তারখানায় তৈয়ারী কিনিতে পাওয়া যায় । চিকিৎসকের

ব্যবস্থানুযায়ী বিবিধ ঔষধ মিশ্রিত করিয়াও ইহা প্রস্তুত হইয়া থাকে । ইহার সূক্ষ্মাংশ মলদ্বারে প্রবেশ করাইয়া ভিতরে ঠেলিয়া দিতে হয় ।

২৪ । ম্যাসাজ্ (Massage) বা 'ডলাই-মলাই'—সর্বাত্মক মর্দন-পীড়নাদি দ্বারা চামড়া, মাংসপেশী প্রভৃতির উত্তেজনা সম্পাদিত হয় এবং তাদ্বারা দেহে রক্ত রস সঞ্চারের সহায়তা ও জীর্ণ পদার্থ সমূহের বহিষ্করণ ক্রিয়া বৃদ্ধিত হয় । তাহার ফলে ক্ষুধা উদ্ভুক্ত হইয়া ক্ষয় পূরণে সহায়তা করে । এতাদ্বারা শারীরিক বলও বৃদ্ধি পায় এবং নিদ্রা-কর্ষণেরও সাহায্য হয় । হিন্দুস্থানী ক্ষৌরকারগণ এ কাজে সিদ্ধহস্ত । রীতিমত মর্দন-পীড়নাদি এবং পথ্যাদির বিশেষ ব্যবস্থাদ্বারা হিষ্টিরিয়ায়, স্নায়ুরোগে এবং দুর্বলতায় রোগীদিগের অতিশয় উপকার দর্শে ।

তৃতীয় পরিচ্ছেদ ।

অস্ত্রপ্রয়োগে ।

২৫ । অস্ত্র প্রয়োগের পূর্বে—সম্ভবপর হইলে অস্ত্রপ্রয়োগের দিবস প্রাকঃকালে রোগীকে স্নান করান কর্তব্য । ক্লোরোফর্ম (Chloroform) দ্বারা অচেতন করিবার প্রয়োজন হইলে অস্ত্রপ্রয়োগের পূর্ক দিবস রাত্রিতে রোগীকে ক্যাষ্টর অয়েলদ্বারা জ্বালাপ দিবে এবং অস্ত্রপ্রয়োগের ৪।৫ ঘণ্টা পূর্কে পুনরায় এনিমা দ্বারা (৫৪ পৃষ্ঠা) অস্ত্রস্থিত অবশিষ্ট মলাদি সম্পূর্ণরূপে বাহির করিয়া দিবে । অস্ত্রপ্রয়োগের পূর্কে রোগীকে কিছুই খাইতে দিবে না, কারণ উহাতে অস্ত্র প্রয়োগকালে বমনোদ্বেক হইয়া রোগীর শ্বাসপ্রশ্বাসে বাধা জন্মিতে পারে । তবে নিতান্ত আবশ্যক বোধ হইলে স্বল্প পরিমাণ তরল খাদ্য (দুগ্ধ ইত্যাদি) দেওয়া যাইতে পারে ।

রোগীকে যথাসম্ভব ঐল্ল কাপড় পরিত্তে দিবে । যে অঙ্গে অস্ত্র করিতে হইবে তাহা একরূপে ঢাকিয়া রাখা উচিত, যেন প্রয়োজনকালে অবিলম্বে আবরণটি সরাইয়া ফেলা যায় ।

যে স্থানে অস্ত্র করিতে হইবে সে স্থানে চুল থাকিলে, অস্ত্র করিবার পূর্কদিবস তাহা কামাইয়া ফেলিবে এবং কার্বলিক সাবানদ্বারা উক্ত স্থান উত্তমরূপে ধৌত করিবে । তৎপর উক্ত স্থান তাপিন তৈলদ্বারা ধৌত করিয়া পুনরায় সাবানদ্বারা এমনভাবে ধৌত করিবে, যেন তাপিনের তেলাভাব না থাকে । অবশেষে একভাগ কার্বলিক এসিডে ২০ ভাগ গরম জল মিশ্রিত করিয়া তদ্বারা উক্তস্থান ধৌত করিবে এবং

সর্বশেষে উহাতে 'টিক্কার আইওডিন' (Tinct. Iodine) লাগাইয়া একখণ্ড পরিষ্কার গজ্ (Gauze) দ্বারা বাঁধিয়া রাখিবে ।

২৬। প্রয়োজনীয় দ্রব্যজাত—অস্ত্র করিবার সময় যে সকল দ্রব্য আবশ্যিক হইতে পারে, পূর্বেই তৎসমুদয় সংগ্রহ করিয়া রাখিবে । নিম্নলিখিত জিনিসগুলি সচরাচর আবশ্যিক হইয়া থাকে । যথা—জল (উষ্ণ ও শীতল), গামছা, কার্বলিক সাবান, মেটে হাঁড়ি, সরা বা গামলা ইত্যাদি, পাথর বা কাচের বাটী অথবা এনামেলের বাটী, প্রচুর পরিষ্কৃত নেকড়া, তুলা, লিণ্ট, সূচ সূতা, সেফ্টি পিন, কার্বলিক লোশন *, পারক্লরাইড + লোশন (Lotio. Hydrag. Perchlor.), বোরাসিক এসিড (Acid Boracic), আইডোফর্ম (Iodoform), কার্বলিক অয়েল †, স্পঞ্জ, ফ্যানেল, ব্যাণ্ডেজ, কাঁচি, খুর, প্রোব, কার্বলিক টো, (Carbolic Tow). এব্‌সরবেণ্ট কটন, (Absorbent Cotton), সেলিসিলিক উল (Salicylic Wool) বা বোরাসিক লিণ্ট (Boric Lint) অথবা এলেম্ব্রথ উল (Sal-Alambroth Wool) কিম্বা বোরাসিক গজ্ (Boracic Gauze), ড্রেইনেজ টিউব (Drainage Tube) এবং লিগেচার (Ligature) ইত্যাদি ।

২৭। শয্যা—অস্ত্র করিবার জন্ত এক প্রকার উচ্চ এবং প্রশস্ত টেবিল আছে, সাধারণতঃ তাহার উপরে রোগীকে শয়ন করাইয়া

* একভাগ কার্বলিক এসিড ১০০ ভাগ জল ।

† বাঙ্গালা নাম 'রসকপূর' । এক বোতল (২০ আউন্স) জলে ২।। গ্রেন 'হাই-ড্রাজ্জিরাই পারক্লরাইড' মিশ্রিত করিয়া লইতে হইবে । ইহা অতি সাবধানে ব্যবহার করা উচিত । কারণ উহা অতিশয় বিষাক্ত ।

‡ একভাগ কার্বলিক এসিড, ৮ ভাগ তৈল ।

অঙ্গপ্রয়োগ করা হয় । বাড়ীতে প্রশস্ত টেবিলের অভাব হইলে তক্ত-পোষের উপর রোগীকে শয়ন করাইয়া অঙ্গ করাই সুবিধা । প্রয়োজন হইলে উহা আবশ্যিক মত উচু করিয়া লইবে । টেবিলের উপর অঙ্গ করিতে হইলে, অঙ্গ করিবার পূর্বেই অগ্ৰত রোগীর শয্যা প্রশস্ত করিয়া রাখিতে হইবে এবং অঙ্গ প্রয়োগের পর রোগীকে সাবধানে টেবিল হইতে শয্যায় শোয়াইবে ।

পুরু গদি কিম্বা তোষকের উপর বিছানার চাদর পাতিয়া তত্পরি একখানা অয়েল ক্লথ কিম্বা রবর ক্লথ বিছাইবে । নতুবা পুঁষ বস্ত্র লাগিয়া সমস্ত বিছানা নষ্ট হইয়া যাইবার সম্ভাবনা । বারবার সমস্ত বিছানা পরিবর্তিত করা সহজ নয় এবং রোগীকে অধিক নাড়াচাড়া করা কর্তব্য নয়, এজন্য আবশ্যিক মত শয্যা করিয়া তাহা অয়েল কিম্বা রবর ক্লথ দ্বারা ঢাকিয়া দেওয়াই সঙ্গত । সর্বোপরি এক খণ্ড পুরাতন বস্ত্র কিম্বা বিছানার চাদর বিছাইলেই চলিতে পারে । তৎপরে অঙ্গ প্রয়োগান্তে উক্ত অয়েল বা রবর ক্লথ এবং উপরের বস্ত্রখণ্ড তুলিয়া লইলে নিম্নের শয্যাতে পুঁষ বস্ত্র লাগিয়া কিছুমাত্র অপরিষ্কৃত হইবার সম্ভাবনা থাকে না এবং রোগীকেও অধিক নাড়াচাড়া করিতে হয় না ।

রোগীর শয্যা কোমল হওয়া প্রয়োজন । কারণ অঙ্গপ্রয়োগের পর সাধারণতঃ বহুদিন শয্যাশায়ী হইয়া থাকিতে হয় । কঠিন শয্যায় শয়ন করা তখন অতিশয় কষ্টকর হইয়া উঠে এবং এ অবস্থায় শয্যা অপরিষ্কৃত বা কোন স্থানে কোঁকড়ান থাকিলে ‘শয্যাক্ত’ (Bed-sore) হইবার নিতান্ত সম্ভাবনা । অতএব রোগীর শয্যা যাহাতে আরামপ্রদ হয় সর্ব প্রযত্নে তাহার উপায় করা কর্তব্য ।

(১) বিছানার চাদর পরিবর্তন-প্রণালী—রোগীকে শয্যা হইতে স্থানান্তরিত না করিয়া বিছানার চাদর পরিবর্তন করিতে হইলে

অনেক সময় অসুবিধা ঘটে এবং অপর দুই এক জনের সাহায্য ব্যতীত একাকী তাহা সম্পন্ন করা দুঃসাধ্য হইয়া উঠে। এমতাবস্থায় পরিষ্কৃত চাদরখানা দেড় কিম্বা দুই হস্ত পরিমিত খোলা রাখিয়া অবশিষ্ট অংশ পাটীর গায় গুটাইয়া লইবে। তৎপর রোগীর মস্তকভাগ কিঞ্চিৎ উচু করিয়া অপরিষ্কৃত চাদর খানা গুটাইয়া গলদেশের নিম্নভাগে রক্ষা করিবে এবং উক্ত গুটান পরিষ্কৃত চাদরের খোলা অংশ মস্তকের নিম্নে বিছাইয়া দিবে ও গুটান অংশ গলার নীচে রাখিবে। তৎপর অপরিষ্কৃত চাদরখানা উপরোক্তরূপে গুটাইতে থাকিবে, এবং পরিষ্কৃত চাদরের গুটান অংশ ক্রমে খুলিতে থাকিবে। শরীরের নীচে চাদর গুটাইবার কালে অনেক সময় রোগী নিজেই দেহভাগ কিঞ্চিৎ উঠাইয়া ধরিতে পারে। তবে রোগী অশক্ত হইলে অপর কেহ রোগীর দেহভাগ কিঞ্চিৎ তুলিয়া ধরিবে, তাহা হইলে আর কোন অসুবিধা ঘটিবে না।

রোগীর পার্শ্ব পরিবর্তনের কোন বাধা না থাকিলে তাহাকে এক পাশে কাত করিয়া অপর পার্শ্বস্থ অপরিষ্কৃত চাদরখানা গুটাইয়া ফেলিবে এবং পরিষ্কৃত চাদরখানা লম্বভাবে অর্দ্ধভাগ পূর্বোক্তরূপে গুটাইয়া খোলা অংশ বিছানায় পাতিয়া দিবে। তৎপর রোগীকে পুনরায় পার্শ্ব পরিবর্তন করাইয়া ময়লা চাদরখানা তুলিয়া ফেলিবে এবং পরিষ্কৃত চাদরের গুটান অংশ খুলিয়া দিবে। বিছানার চাদর, অয়েল বা রবর ক্লথ কিম্বা অন্য কোন বস্ত্র রোগীর নিম্নে বিছাইয়া দিতে হইলে অথবা রোগীর শয্যা হইতে তুলিয়া ফেলিতে হইলে উপরোক্ত উপায় অবলম্বন করিবে।

(২) গাত্রাবরণ পরিবর্তন—রোগীর গাত্রবস্ত্র পরিবর্তন করিতে হইলে হঠাৎ একেবারে সমস্ত কাপড় তুলিয়া লইবে না, তাহাতে গাত্রে অকস্মাৎ ঠাণ্ডা লাগিয়া অনিষ্ট হইতে পারে। লেপ, কবল, অথবা অপর


কোন গাত্রবস্ত্র যাহা ঢাকা দিতে হইবে তাহা রোগীর গাত্রে সর্বোপরি বিছাইয়া আবশ্যকমত নিম্নের কাপড় ক্রমে সরাইয়া লইবে ।

২৮। অঙ্গাবরণ পরিবর্তন—রোগীর গাত্রে জামা ইত্যাদি সপ্তাহে অন্ততঃ দুই তিন বার পরিবর্তন করা বিধেয়। অঙ্গাবরণ পরিবর্তন করিবার সময়, যাহা কিছু প্রয়োজন সমস্ত সংগ্রহ না করিয়া পূর্বেই গায়ের জামা ইত্যাদি খুলিয়া ফেলিবে না। গায়ে কাপড় পরাইবার পূর্বে কোন অঙ্গ যাহাতে ভিছা না থাকে সে বিষয়ে বিশেষ দৃষ্টি রাখিবে। পরাইবার কাপড় রৌদ্রে উত্তমরূপে শুষ্ক করিয়া লইবে। বর্ষাকাল হইলে আঙনের তাপে উত্তপ্ত করিয়া লইবে। কাপড় বদলাইবার সময় সমস্ত অঙ্গ একেবারে না খুলিয়া এক এক অঙ্গ করিয়া খুলিবে এবং তৎক্ষণাৎ তাহাতে নূতন কাপড় পরাইয়া দিবে। কাপড় পরাইবার সময় রোগীর সাহায্য না লইতে যথাসম্ভব চেষ্টা করিবে। তবে রোগী বিশেষ কোন কষ্ট বোধ না করিলে প্রয়োজন মত সাহায্য লওয় যাইতে পারে।

২৯। অস্ত্রপ্রয়োগের পর কর্তব্য—অস্ত্রপ্রয়োগের পর রোগীকে চিৎ হইয়া শয়ন করিতে দিবে। রোগীর চিবুক যাহাতে বুকের সঙ্গে লাগিয়া না থাকে সে বিষয়ে বিশেষ দৃষ্টি রাখিতে হইবে। ক্লোরোফর্ম দ্বারা অচেতন করিয়া অস্ত্রপ্রয়োগ করা হইয়া থাকিলে অস্ত্র-প্রয়োগের পর রোগীকে চিৎ করিয়া শয়ন করাইবে এবং রোগীর মস্তক বালিশের উপর রাখা না করিয়া শুধু বিছানার উপর রাখিবে। রোগীর বমনোদ্বেক হইলে মস্তকটী একপাশে কাত করিয়া ধরিবে এবং যে পর্য্যন্ত ক্লোরোফর্মের নেশা (effect) বর্তমান থাকে ততক্ষণ রোগীর নাড়ী ও শ্বাসপ্রশ্বাস ক্রিয়া বিশেষভাবে পর্য্যবেক্ষণ করিবে এবং কোন প্রকার পরিবর্তন দেখিলেই চিকিৎসককে সংবাদ দিবে।

রোগী যাহাতে নির্মল বায়ু সেবন করিতে পারে তাহার বিহিত উপায় অবলম্বন করিবে, পক্ষান্তরে রোগীকে সৰ্বদা উষ্ণ রাখিতে চেষ্টা করিবে। পদদ্বয় যাহাতে উষ্ণ থাকে তাহার বিশেষ বন্দোবস্ত করিতে হইবে। বমনোদ্ভেক হইলে রোগীকে শয্যার পার্শ্বে কাত করিয়া মস্তকের নিম্নে বমনপাত্র স্থাপন করিবে। কিন্তু যদি রোগীকে কাত করান সঙ্গত বোধ না হয় তাহা হইলে মস্তকের ভাগ একটু উচু করিয়া মুখের কাছে বমনপাত্র ধরিবে। বরফখণ্ড মুখে দিলে অথবা সোডাওয়াটার পান করিতে দিলে বমনোদ্ভেক নিবারিত হইবে।

অধিকাংশ স্থলেই অস্ত্রপ্রয়োগের পর রোগীকে অধিক নাড়াচাড়া করিতে দেওয়া অকর্তব্য। এমন কি, অনেক সময় কোন প্রকার নাড়া-চাড়া করা একেবারে নিষিদ্ধ। শয্যার উপরই মল মূত্র ত্যাগের বন্দোবস্ত



২৩ নং চিত্র।

করিতে হয়। এ অবস্থায় 'বেডপ্যান'এ (২৩ নং চিত্র) করিয়া মলমূত্র ত্যাগ করান সঙ্গত। অস্ত্র প্রয়োগের পর রোগীর প্রতি বিশেষ লক্ষ্য


রাখা প্রয়োজন। যদি দেখা যায় রোগী অত্যন্ত অবসন্ন হইয়া পড়িয়াছে, তাহা হইলে তৎক্ষণাৎ চিকিৎসককে সংবাদ দেওয়া কর্তব্য।

৩০। ব্যাণ্ডেজ্ (Bandage) বা বন্ধনী—ক্ষতমুখে ঔষধ প্রয়োগ করিলে যাহাতে তাহা উঠিয়া বা স্থানচ্যুত হইয়া না যায় তজ্জগু, অথবা ক্ষতমুখ একত্র জুড়িয়া বাঁধিয়া দিবার জগু যে বস্ত্রখণ্ডের প্রয়োজন হয়, তাহাকে ব্যাণ্ডেজ্ কহে। নূতন মলমল, মাঠাঝালাম বা নয়ানগু ক কাপড় অথবা পরিষ্কৃত পুরাতন শক্ত বস্ত্র প্রয়োজন মত ফালি করিয়া কাটিয়া ব্যাণ্ডেজ্ তৈয়ার করিতে হয়। ইসপাতাল

প্রভৃতিতে সাধারণতঃ ব্যাণ্ডেজের জন্ত দেশী যুগীর কাপড় ব্যবহার করা হইয়া থাকে ।

(১) আয়তন—আঙ্গুলে ব্যাণ্ডেজ বাঁধিতে হইলে উহা তিন সূত (পৌনে এক ইঞ্চি) চওড়া এবং ১কিঞ্চা ১।।গজ লম্বা ; মস্তকের জন্ত ১।।ইঞ্চি চওড়া এবং ৩ হইতে ৬গজ পর্য্যন্ত লম্বা ; বুক, পেট এবং অন্যান্য দেহ-ভাগের জন্ত ৩ ইঞ্চি চওড়া এবং ৬ হইতে ৮ গজ পর্য্যন্ত লম্বা হওয়া আবশ্যিক । যে স্থানে ব্যাণ্ডেজ বাঁধিতে হইবে তদনুযায়ী চওড়া করিয়া ব্যাণ্ডেজের কাপড় ছিঁড়িয়া লইবে এবং বেশী লম্বা করিতে হইলে প্রয়োজনমত মধ্যভাগে উত্তমরূপে সেলাই করিয়া লইবে ।

(২) প্রস্তুত-প্রণালী—ব্যাণ্ডেজ ব্যবহার করিবার পূর্বে উহা ফিতার মত করিয়া গুটাইয়া রাখা আবশ্যিক (২৪ নং চিত্র) । ব্যাণ্ডেজ দুই প্রকারে গুটাইতে হয় । সচরাচর যে ব্যাণ্ডেজ ব্যবহার করা হয় তাহার এক দিকের মুখ গুটান থাকে । মস্তকে ব্যাণ্ডেজ বাঁধিতে




২৪ নং চিত্র ।

হইলে ফালির উভয় দিক গুটাইয়া রাখা প্রয়োজন । ফালির এক দিক গুটাইতে হইলে একজন সঙ্গোরে ফালির একমুখ ধরিয়া থাকিবে, অপর একজন ফালির অপর মুখ দুই হাতের তর্জনী এবং বৃদ্ধাঙ্গুলীর ভিতরে রাখিয়া শলিতার মত পাকাইবে । তৎপর হাতের তালুতে করিয়া দুই হাতে পাক দিতে থাকিবে । গুটাইবার সময় জোরে পাক দিতে হইবে, নতুবা টিলা হইলে ব্যাণ্ডেজ বাঁধিতে অসুবিধা হয় ।

ফালির উভয় দিক গুটাইতে হইলে ঠিক মধ্যভাগে চিহ্নিত করিয়া লইবে এবং উপরোক্ত প্রণালাতে এক প্রান্ত উক্ত চিহ্ন পর্য্যন্ত গুটাইয়া পিন্ আঁটিয়া রাখিবে, তৎপর অপর প্রান্ত পূর্বোক্তরূপে উক্ত চিহ্ন পর্য্যন্ত গুটাইয়া রাখিবে ।

(৩) বাঁধিবার-নিয়ম—শুক্রযাকারীর পক্ষে ব্যাণ্ডেজ বাঁধিবার প্রণালী শিক্ষা করা নিতান্ত প্রয়োজন। এবিষয়ে দক্ষতা লাভ করিতে হইলে অভ্যাসের আবশ্যিক। যিনি যত অধিক পরিমাণে ব্যাণ্ডেজ বাঁধিবেন তিনি ততই সহজে ও উত্তমরূপে ব্যাণ্ডেজ বাঁধিতে পারিবেন। এ বিষয়ে পুস্তকে লিখিয়া শিক্ষা দান করা অতি কঠিন। চিকিৎসকের নিকট একবার দেখিয়া লইলে শিক্ষার পক্ষে অনেক পরিমাণে সাহায্য হইতে পারে।

রোগীর দক্ষিণ অঙ্গে ব্যাণ্ডেজ বাঁধিতে হইলে ব্যাণ্ডেজের গুটান অংশ বাম হস্তে ধরিবে এবং বাম অঙ্গে ব্যাণ্ডেজ বাঁধিতে হইলে উক্ত অংশ দক্ষিণ হস্তে ধারণ করিবে। ব্যাণ্ডেজ বাঁধিবার সময় শুক্রযাকারীর দক্ষিণ হস্তে ব্যাণ্ডেজের গুটান অংশ রাখিয়া উহার খোলা মুখটা বাম হস্তে লইয়া খোলা অংশের উপরের পিঠ যথাস্থানে স্থাপন করিবে। তৎপর গুটান অংশ ডান হাতে চাপিয়া ক্রমে খুলিতে থাকিবে এবং দৃঢ়রূপে পের্চাইবে,




২৫ নং চিত্র ।

নতুবা খসিয়া যাইবার সম্ভাবনা। পের্চান শেষ হইলে 'সেফ্‌টীপিন' (Safety pin) দ্বারা আঁটিয়া রাখিবে। সেইফ্‌টী পিনের (২৫ নং চিত্র) অভাবে বেলের কাঁটা বা উক্তরূপ অথবা কোন কাঁটার তীক্ষ্ণ অগ্রভাগ ভাঙ্গিয়া ফেলিয়া তদ্বারা গাঁথিয়া রাখিবে।

পায়ে ব্যাণ্ডেজ বাঁধিতে হইলে—গাঁটের চতুর্দিকে X চিহ্নের গ্ৰাম অথবা ০০ অঙ্কের গ্ৰাম করিয়া আড়াআড়ি ভাবে পেঁচাইতে হইবে।
পায়ের তলায় বাঁধিতে হইলে আঙ্গুলের কাছে আরম্ভ করিবে এবং আড়াআড়ি ভাবে পেঁচাইয়া গাঁটের কাছে সোজাসুজি কয়েক পেঁচ দিয়া তৎপর পুনরায় আড়াআড়ি করিয়া পেঁচাইতে হইবে (২৬ নং চিত্র)।
পায়ে ব্যাণ্ডেজ বাঁধিতে হইলে সাধাবগতঃ গোড়ালী খোলা রাখিতে হয়।




২৬ নং চিত্র।



২৭ নং চিত্র।

কিন্তু যদি কোন কারণে গোড়ালী ঢাকিয়া দিবার আবশ্যক হয় তবে পায়ের তলা ও গোড়ালীর পিছনের দিকে উত্তমরূপে আড়াআড়ি করিয়া পেঁচ দিতে হইবে। (২৭ নং চিত্র)

হাঁটুতে ব্যাণ্ডেজ বাঁধিতে হইলে—আড়াআড়ি ভাবে পেঁচাইতে হইবে । হাঁটুর কিঞ্চিৎ উর্দ্ধভাগে আরম্ভ করিয়া পায়ের গোছের কাছে আনিয়া শেষ করিবে (২৮ নং চিত্র) । হাঁটুর উপরিভাগে আড়াআড়ি ভাবে পেঁচাইয়া




২৮ নং চিত্র ।


গোছের কাছে সোজাসুজি পেঁচাইতে হইবে অথবা হাঁটুর নিম্নভাগে সোজা-সুজি জড়াইয়া হাঁটুর উপরিভাগে আড়াআড়ি ভাবে পেঁচাইবে । তৎপর হাঁটুর উর্দ্ধ ভাগে তুলিয়া পুনরায় সোজাভাবে পেঁচাইয়া শেষ করিবে ।

কুঁচকিতে ব্যাণ্ডেজ বাঁধিতে হইলে—রোগীকে সম্মুখে দাঁড় করাইয়া বাঁধাই সুবিধাজনক । কুঁচকির নিম্নভাগে ভিতরের দিক দিয়া আরম্ভ করিয়া উর্দ্ধদেশ পেঁচাইয়া তলপেটের নিম্নভাগ দিয়া অপর দিকস্থ উর্দ্ধদেশের সংযোগ স্থানের অস্থির উপরিভাগ দিয়া কোমরের পিছন অর্থাৎ

কটিদেশ পেঁচাইয়া কুঁচকির উপরে আনিবে এবং আড়াআড়ি ভাবে জড়াইবে (২৯ নং চিত্র) । পুনরায় কুঁচকির নীচ দিয়া উরুদেশ পেঁচাইয়া পূর্বোক্তরূপে কোমর জড়াইয়া কুঁচকির উপরিভাগে আনিবে । এইরূপে কয়েকবার আড়াআড়ি ভাবে জড়াইয়া শেষ করিবে ।



২৯ নং চিত্র ।




৩০ নং চিত্র ।

উভয় কুঁচকি একবারে বাঁধিতে হইলে—ডান কুঁচকিতে আরম্ভ করিয়া উপরোক্তভাবে কোমর জড়াইয়া, তলপেটের উপর দিয়া বামদিকের কুঁচকি ঢাকিয়া উরুদেশের পিছন দিক ঘুরাইয়া কুঁচকির নিম্নভাগ দিয়া উপরের দিকে তুলিবে এবং পুনরায় কোমরের পিছন দিক ঘুরাইয়া ডান দিকের কুঁচকির উপরে লইয়া যাইবে (৩০ নং চিত্র) । ইহাও আড়াআড়ি ভাবে পেঁচাইতে হইবে । এইরূপ করিলে দুই দিকের কুঁচকিই ঢাকিয়া যাইবে ।

স্তনে ব্যাণ্ডেজ বাঁধিতে হইলে—কোমরে সোজানুজি কিম্বা আড়া-আড়ি ভাবে কতকটা জড়াইয়া তৎপরে স্তনের নিম্নদেশ দিয়া পেঁচাইয়া


বগলে ব্যাণ্ডেজ বাঁধিতে হইলে—বগলের ভিতর হইতে আরম্ভ করিয়া স্কন্ধের উপরিভাগে আনিয়া ঘাড়ের দিক্ দিয়া ঘুরাইয়া পুনরায় বগলে আনিয়া অথবা ঘাড়ের দিক্ দিয়া অপর বগলের ভিতর দিয়া পুনরায় উক্ত স্কন্ধের উপরিভাগে আনিয়া পশ্চাৎ দিক্ হইতে পুনরায় উক্ত বগলে প্রবেশ করাইবে (৩৫ নং চিত্র)। এইরূপে একটীর পর



৩৫ নং চিত্র ।

আর একটি পেঁচ দিবে । প্রথম পেঁচটা স্কন্ধদেশে গলার অতিশয় নিকটে দিতে হইবে । স্কন্ধদেশের তৎপরবর্তী পেঁচগুলি ক্রমে গলা হইতে বাহ্য-মূলের দিকে সরিয়া যাইবে ।


পায়ের বুড়ো আঙ্গুলে বাঁধিতে হইলে—এক ইঞ্চি চওড়া ব্যাণ্ডেজই প্রশস্ত । ব্যাণ্ডেজের খোলা মুখটা পায়ের তলা দিয়া গাঁটের কাছে আনিয়া একটি গির দিবে (৩৬ নং চিত্র) ; তৎপর ব্যাণ্ডেজের ফালিটি ধরিয়া পায়ের গাঁটের উপর দিয়া একটি পেঁচ দিবে ও পায়ের তলার দিক্ দিয়া



৩৬ নং চিত্র ।

বুড়ো আঙ্গুলের নীচে আনিয়া
একটি পেঁচ ঘুরাইয়া আনিবে ।
তৎপর আঙ্গুলের উপর দিয়া
∞ আকৃতি করিয়া একটি পেঁচ
দিবে । পরে তিন চারিটি গোল
পেঁচ দিয়া আঙ্গুলের উপর দিয়া
ঘুরাইয়া আনিবে ; অথবা
আঙ্গুলের মাথায় ক্রমাগত
কয়েকটি ∞ আকৃতির পেঁচ
তুলিয়া পায়েয় গাঁটের কাছে
আনিয়া বাঁধিয়া দিবে ।

গলায় ব্যাণ্ডেজ বাঁধিতে হইলে—
স্বক্ৰদেশে আরম্ভ করিয়া বগলের
ভিতর দিয়া গলায় লইয়া যাইবে এবং
তথায় সোজাসুজি জড়াইতব (৩৭
নং চিত্র) । গলায় এবং বগলে দুই
তিনবার আড়াআড়ি করিয়া পেঁচ
দিবে । তৎপর গলায় দুই একটি পেঁচ
দিয়া চিবুকের নীচ দিয়া মস্তকের
উপরিভাগে লইয়া যাইবে । এই
রূপে দুই তিনবার পেঁচাইবে এবং
অবশেষে কপালের উপর দিয়া
আনিয়া শেষ করিবে ।



৩৭ নং চিত্র ।

মস্তকে ব্যাণ্ডেজ বাঁধিতে হইলে—ত মুখো ব্যাণ্ডেজ ব্যবহার করাই
সঙ্গত । ব্যাণ্ডেজের মধ্যভাগ ঠিক কপালের মধ্যভাগে যথাসম্ভব ভুরু
চাপিয়া স্থাপন করিবে এবং প্রথমে পাগড়ীর গায় করিয়া মস্তকের
চারিদিকে পেঁচাইয়া তৎপর এক মুখ তালুর উপর দিয়া ঘাড়ের কাছে



৩৮ নং চিত্র ।

- লইয়া যাইবে এবং ব্যাণ্ডেজের অপর মুপদ্বারা পুনরায় কপাল ঘেরিয়া
পেঁচাইয়া দিবে এবং পূর্বোক্ত মুখ পুনরায় তালুর উপর দিয়া লইয়া
যাইবে (৩৮ নং চিত্র) । কয়েকবার এইরূপ করিয়া বাঁধন শেষ করিবে ।
- অথবা কপাল হইতে আরম্ভ করিয়া ঘাড়ের দিকে সোজা ভাবে পেঁচাইয়া
চিবুকের (খুতনির) নীচ দিয়া মস্তকের উপরে লইয়া যাইবে এবং এইরূপ
কয়েকবার পেঁচাইয়া বাঁধন শেষ করিবে ।

চক্ষুতে বাধিতে হইলে—ব্যাণ্ডেজের খোলা মুখটা পীড়িত চক্ষুটির উপর দিয়া কপালের উপরিভাগে স্থাপন করতঃ ফালিটা ভাল চক্ষুটির উপর দিয়া আনিয়া মাথার পিছন দিক ঘুরাইয়া আনিবে (৩৯ নং চিত্র)। তৎপর কাণের নীচ দিয়া একটা পেঁচ তুলিয়া পুনরায় পীড়িত চক্ষুটির উপর দিয়া কপালের কাছে আনিবে এবং ভাল চক্ষুটির উপরের দিকে আনিয়া মাথার পিছন দিয়া ঘুরাইয়া আনিয়া সেক্টা পিন আঁটিয়া দিবে।



৩৯ নং চিত্র ।


মলদ্বার কিম্বা 'পেরিনিয়ামে' (Perinaeum) ব্যাণ্ডেজ বাধিতে হইলে—প্রথমে ব্যাণ্ডেজটা T আকৃতি করিয়া প্রস্তুত করিবে। রোগীর কোমরের মাপে দুইটা ফালি কাটিয়া একটা ফালির মুখ অপর ফালির ঠিক মধ্যস্থানের একপ্রান্তে সেলাই করিয়া লইবে। যে ফালির মধ্যভাগে অণু ফালিটা জুড়িয়া দেওয়া হইল, সেই ফালিটা রোগীর কোমরে একরূপভাবে বাধিয়া দিবে যাহাতে অপর ফালিটা রোগীর কোমরের পিছনে ঠিক মধ্যভাগে থাকে। তৎপর উহা রোগীর দুই উরুতের ভিতর দিয়া সম্মুখের দিকে আনিবে এবং তলপেটের কাছে পূর্ব জড়ান ফালিটির সহিত বাধিয়া দিবে। ব্যাণ্ডেজ বাধিবার পূর্বে T আকৃতি করিয়া উহা সেলাই করিয়া না লইলেও চলিতে পারে। উক্তরূপ ব্যাণ্ডেজ না হইলে ব্যাণ্ডেজের খোলা মুখটা রোগীর কোমরে উত্তমরূপে জড়াইয়া পিছনের দিকে ঠিক মাঝখানে একটা পেঁচ তুলিয়া সম্মুখের দিকে আনিলেই উহা T আকৃতি বিশিষ্ট হইবে। তৎপর উহা কোমরে জড়ান অংশে বাধিয়া দিলেই চলিতে



৪০ নং চিত্র ।


পারে । সাধারণতঃ মলম্বারের নালী বা অর্শের বলি ইত্যাদিতে অস্ত্র প্রয়োগ করিলে এইরূপ ব্যাণ্ডেজ বাঁধিবার আবশ্যক হইয়া থাকে । একশিরা ইত্যাদি রোগেও এইরূপ ব্যাণ্ডেজের প্রয়োজন হয় ।

কখন কখন ব্যাণ্ডেজ বাঁধিবার পর অথবা অন্য কোন কারণে গলার সহিত হাত বাঁধিয়া কুলাইয়া রাখিবার প্রয়োজন হয় । এরূপ স্থলে কুমাল দ্বারা অথবা অন্য কোন পরিকৃত নেকড়ার ফালির দ্বারা বাঁধিয়া দিবে (৪০ নং চিত্র) ।



৪১ নং চিত্র ।

- ৩১ । স্প্লিন্ট (splint)—কোন অঙ্গের অস্থি স্থানচ্যুত হইলে অথবা ভাঙ্গিয়া গেলে উহা স্বস্থানে ঠিক করিয়া বাঁধিয়া দিবার জন্য যে কাষ্ঠখণ্ড ব্যবহৃত হয়, তাহাকে 'স্প্লিন্ট' কহে (৪১ ও ৪২ নং চিত্র) । জোরে চাপিয়া না রাখিলে আহত স্থানের অস্থি পুনরায় স্থানচ্যুত হইয়া যাইতে পারে, এক্ষণে ইহার বিশেষ




৪২ নং চিত্র ।

আবশ্যক । স্পিণ্ট নানা প্রকার । অঙ্গ বিশেষের জন্ত ভিন্ন ভিন্ন আকৃতির স্পিণ্টের প্রয়োজন হইয়া থাকে । কখন কখন নেকড়ার 'প্যাড' (pad) অর্থাৎ গদি প্রস্তুত করিয়া তদ্বারা ব্যাণ্ডেজ বাঁধিয়া দিলে সহজে খসিয়া পড়িতে পারে না । শরীরেব যে সকল অংশে স্পিণ্ট বাঁধিবার অনুবিধা হয় সেই সকল স্থলে 'প্যাড' ব্যবহৃত হইয়া থাকে ।

৩২ । শয্যাঙ্কত (Bed-sore)—অঙ্গ প্রয়োগের পর যে সকল যন্ত্রণাদায়ক উপসর্গ উপস্থিত হয় তন্মধ্যে শয্যাঙ্কত সর্বাপেক্ষা কষ্টকর । যাহাতে শয্যাঙ্কত না হইতে পারে সেই জন্ত পূর্ক হইতেই বিশেষ সতর্কতা অবলম্বন করা কর্তব্য । কারণ একবার এই যন্ত্রণাদায়ক উপসর্গ উপস্থিত হইলে যত দিন রোগী শয্যাশায়ী হইয়া থাকিবে, ততদিন আর তাহার প্রতিকারের কোন সম্ভাবনা থাকে না । রোগীর মেরুদণ্ড এবং নিতম্বদেশের চর্ম্মোপরি ক্ষত হইবার ঐষৎ চিহ্ন দৃষ্ট হইলে তৎক্ষণাৎ তাহার প্রতিকারের উপায় অবলম্বন করা উচিত । ইহার উপশমার্থ নানা প্রকার উপায় অবলম্বন করা যাইতে পারে । সমভাগ ব্রাণ্ড (Vin. Gallici) এবং জলপাইর তৈল (Sweet Oil) মিশ্রিত করতঃ


হাতের তালুতে করিয়া দিবসে দুইবার আক্রান্ত স্থানে পাঁচ মিনিট কাল মালিশ করিলে অনেকটা উপকার দর্শিতে পারে । অথবা ১ ড্রাম ফটকিরি ৪ আউন্স জলে গলাইয়া তদ্বারা আক্রান্ত স্থান দিবসে দুইবার ধুইয়া দিলে ঐ স্থানের চামড়া ক্রমে শক্ত হইয়া যাইবে এবং যন্ত্রণা নিবারিত হইবে । একটা গোলাকৃতি



৪৩ নং চিত্র ।

বালিশ মধ্যস্থানে ফাঁকা রাখিয়া অঙ্গুরীর ত্রায় প্রস্তুত করিয়া আক্রান্ত

স্থানের নীচে দিলে উহাতে চাপ লাগিবে না। কাপড় দিয়া কুণ্ডলার
 ত্রায় প্রস্তুত করিয়া দিলেও চলিতে পারে। শয্যাকৃত নিবারণ করিবার
 জন্য রোগীকে কোমল শয্যায় শয়ন করিতে দেওয়া কর্তব্য। রোগী
 এবং রোগীর বিছানা যাহাতে সর্বদা পরিষ্কার পরিচ্ছন্ন থাকে, সে বিষয়ে
 বিশেষ দৃষ্টি রাখা আবশ্যিক। মলমূত্র ত্যাগ করিবার সময় কোন কারণে
 বিছানা ভিজিয়া গেলে বা অপরিষ্কার হইলে তৎক্ষণাৎ তাহা পরিবর্তন
 করিয়া দেওয়ার বিশেষ প্রয়োজন। বিছানার কোন স্থানে যাহাতে
 কোঁচকাইয়া না থাকে সর্বদা তাহা দেখা আবশ্যিক। রোগীর কোমরের
 নীচে হাওয়ার (রবর নিম্বিত ফাঁপা কুশন) বালিশ (৪৩ নং চিত্র)
 ব্যবহার করিতে পারিলে বিশেষ ফলোদয় হয়। অনেক সময় হাওয়া বা



৪৪ নং চিত্র।

জলের (রবর নিম্বিত ফাঁপা শয্যা) বিছানা (৪৪ নং চিত্র) অথবা
 পালকের শয্যা ব্যবহার করিবারও প্রয়োজন হয়। অভাব পক্ষে শুধু
 স্প্রিং মেট্রেস (Spring mattress) এর উপর পুরু এবং নরম তোষক
 পাতিয়া দিলেও কতকটা সুবিধা হইতে পারে।

শয্যাকৃত হইলে—এক আউন্স সুইট্ অয়েলে ১০ ফোঁটা কার্বলিক
 এসিড্ মিশ্রিত করতঃ ঘামুখে লাগাইয়া বোরাসিক্ কটন (Boracic
 cotton) বা সেলিসিলিক্ উল্ (Salicylic Wool) দ্বারা ঢাকিয়া
 রাখিবে। প্রথম হইতেই শয্যাকৃত নিবারণের উপায় অবলম্বন করাই
 সর্বতোভাবে বিধেয়।

চতুর্থ পরিচ্ছেদ ।

ক্ষত-শুশ্রূষা ।

৩৩ । ক্ষত পরিষ্কার—অস্ত্র প্রয়োগ জন্য অথবা অন্য কোন কারণে ক্ষত হইলে তাহা উত্তমরূপে পরিষ্কৃত করিয়া তাহাতে ঔষধ প্রয়োগ করতঃ ব্যাণ্ডেজ বাধিয়া দিতে হয় । শুশ্রূষার উপর ক্ষত আরোগ্য সম্পূর্ণ নির্ভর করে । ক্ষত অপরিষ্কৃত রাখিলে ঘা পচিয়া যায় এবং উহাতে পুঁষ জন্মে । উত্তমরূপে পরিষ্কৃত না করিলে ক্ষত সহজে শুকাই না এবং জ্বালা বন্ধনা বৃদ্ধি পায় । ক্রমে ক্ষত দুর্বোরোগ্য ব্যাধিতে পরিণত হয় । অনেক সময় একপেই নালী ঘা উৎপন্ন হইয়া থাকে । ঘামুখে, ধূলা, মাটি বা অন্য কোন অপরিষ্কৃত দ্রব্য থাকিলে তাহা উত্তমরূপে ধৌত করিয়া তৎপরে ক্ষতস্থান বাধিয়া দিতে হইবে, নতুবা অপরিচ্ছন্নতা হইতে ধনুষ্টকার ও এঁরসিপেলাস্ ইত্যাদি কঠিন রোগ হওয়াও বিচিত্র নহে । ৬৮ পৃষ্ঠায় যে সকল উপকরণের উল্লেখ করা হইয়াছে, ক্ষত-শুশ্রূষায় প্রায় সে সমস্তেরই প্রয়োজন হইয়া থাকে ।

৩৪ । পটি খুলিবার নিয়ম—ক্ষত ধৌত করিয়া বাধিবার জন্ত যাহা কিছু প্রয়োজন হইতে পারে সে সমস্ত পূর্বে সংগ্রহ না করিয়া পরিষ্কৃত করিবার জন্ত কখনই ঘা খুলিয়া ফেলিবে না । তবে ঘা উপরে পল্টিশ্ দিবার প্রয়োজন হইলে উহা কিছুকাল পূর্বেই খুলিয়া পরিষ্কার করিবে এবং পল্টিশ্ প্রস্তুত না হওয়া পর্যন্ত একখণ্ড পরিষ্কৃত পাতলা নেকড়া দ্বারা ঘা-মুখ ঢাকিয়া রাখিবে । দেহের বহু

অংশ পুড়িয়া গেলে একবারে সকল অংশ না খুলিয়া ক্রমে এক এক অঙ্গ করিয়া খোলা উচিত এবং উক্ত অঙ্গে নূতন পটি লাগাইয়া তৎপরে অপর অঙ্গ খোলা কর্তব্য । ক্ষত হইতে পটি খুলিবার সময় অতি সাবধানে খুলিতে হইবে । ঘা-মুখে পটি লাগিয়া থাকিলে কখনও হঠাৎ জোরে টানিয়া খুলিতে চেষ্টা করিবে না । গরম জল 'অথবা উপযুক্ত লোশন্ দ্বারা ক্রমে ভিজাইয়া পরে সামান্য টানিলেই উহা আপনা হইতে উঠিয়া আসিবে । পটির চারিদিক্ গরম জলদ্বারা ভিজাইবে এবং ক্রমে চারিদিক্ হইতে অল্প অল্প করিয়া এমন ভাবে খুলিতে থাকিবে যাহাতে ঘা-মুখস্থিত মধ্যভাগ সকলের শেষে উঠিয়া আইসে । এক এক দিকে খুলিয়া ঘা-মুখের নিকটে আনিয়া রাখিয়া দিবে । তৎপর, অপর দিক হইতে খুলিতে আরম্ভ করিয়া ঘা-মুখের নিকটে আনিয়া রাখিবে । এইরূপে চারি দিক হইতে তুলিয়া মধ্যভাগ সকলের শেষে তুলিয়া লইতে হইবে । ক্ষতের চতুর্দিকে ধৌত করিবার সময়েও এইরূপে চারিদিক হইতে ধৌত করিয়া ক্ষতের দিকে আনিবে ।

পটি বাধিবার পর যদি রোগী বেদনা অনুভব করে অথবা রোগীর দেহের উত্তাপ বৃদ্ধি পায় কিম্বা ক্ষতের পুঁথ রক্তে ব্যাণ্ডেজ ভিজিয়া যায়, তাহা হইলে পটি বদলাইয়া নূতন ব্যাণ্ডেজ বাধিয়া দিবে ।

৩৫ । ক্ষত-ধৌত-প্রণালী—ঘাষের কিনারা এবং উহার চারিদিকে পুঁথরক্ত থাকিলে সর্বপ্রথমে তাহা উত্তমরূপে ধৌত করিয়া ফেলা কর্তব্য । ক্ষতস্থান সর্বশেষে ধৌত করিতে হইবে এবং উহা হস্ত দ্বারা ধৌত না করিয়া পিচকারীদ্বারা ধৌত করা উচিত । কারণ পিচকারীদ্বারা ক্রমাগত সমবেগে জলের ধারা দিলে ক্ষতস্থানের পুঁথরক্ত অতি সহজে পরিষ্কৃত হইয়া যাইবে এবং ক্ষতস্থান কোন কিছু দ্বারা স্পর্শ করিবারও প্রয়োজন হইবে না । হস্ত কিম্বা অন্ত কিছু দ্বারা ক্ষতস্থান পরিষ্কার

করিলে রোগী কষ্টানুভব করিবে এবং তদ্বারা নানা অনিষ্ট ঘটবারও সম্ভাবনা। পিচকারী দিবার পূর্বে ক্ষতস্থানের নিম্নে কোন একটা পাত্র রাখিয়া দেওয়া উচিত, যাহাতে ক্ষত-ধৌত অপরিষ্কৃত জল গড়াইয়া তাহাতে পড়িতে পারে। বিছানা কিম্বা অন্ত কোন কাপড়ে যাহাতে উক্ত অপরিষ্কৃত জল না পড়িতে পারে সে বিষয়ে পূর্ক হইতে সতর্ক হওয়া প্রয়োজন। ক্ষত প্রক্ষালন করিবার পূর্বে অয়েল কিম্বা রবর ক্লথ অথবা তদভাবে কলার পাতা বা মানকচুর পাতা দ্বারা বিছানার উক্ত অংশ ঢাকিয়া লওয়া উচিত।

ক্ষত ধৌত করিতে হইলে ঈষদুষ্ণ জল ব্যবহার করা কর্তব্য। গরম জল ব্যবহার করিবার সময় একথা সর্বদাই স্মরণ রাখিতে হইবে যে রোগীর অসহ্য হয় একরূপ গরম কখনই ব্যবহার করিবে না। পচা ঘা এবং দুর্গন্ধযুক্ত ক্ষত পরিষ্কার করিতে হইলে জলের সহিত পারক্লরাইড্ লোশন্, কার্বলিক্ লোশন্, বোরাসিক্ লোশন্, হাইড্রোজেন্ পেরোক্সাইড্ লোশন্ (Hydrogen peroxide lotion) ইত্যাদি পচননিবারক ঔষধ সমূহ মিশ্রিত করিয়া লওয়া প্রয়োজন এবং ক্ষত হইতে দুর্গন্ধ দূর না হওয়া পর্যন্ত প্রতিদিন এইরূপে দুই বা ততোধিকবার পরিষ্কার করা কর্তব্য।

৩৬। সতর্কতা—যাহার হাতের কোন স্থানে ফাটা কিম্বা কোন প্রকার ক্ষত আছে তাহার পক্ষে ক্ষত ধৌত না করাই সঙ্গত। তবে অভাবপক্ষে উক্ত ক্ষত উত্তমরূপে বাঁধিয়া তৎপর পরিচর্যায় নিযুক্ত হওয়া কর্তব্য। ক্ষত পরিষ্কার করিবার পূর্বে নখ কাটিয়া লওয়া উচিত এবং যাহাতে কোন প্রকার ময়লা না থাকিতে পারে একরূপ ভাবে পরিষ্কার করিয়া লওয়া উচিত।

পিচকারীর দ্বারা ক্ষত ধৌত করিবার সময় যাহাতে ছিটিয়া হঠাৎ শুষ্ককারীর চক্ষে পতিত না হয় সে বিষয়ে অত্যন্ত সতর্ক হওয়া প্রয়োজন।

কারণ ক্ষতধোত অপরিষ্কৃত জল কোনক্রমে চক্ষে লাগিলে অত্যন্ত অনিষ্ট হইতে পারে । ক্ষত পরিষ্কৃত করিবার সময় কখনও উক্ত অপরিষ্কৃত হস্ত দ্বারা চক্ষু রগড়ান ইত্যাদি কার্য্য করা কর্তব্য নহে । ক্ষত পরিষ্কার করিবার পর সর্বদাই, সাবানজলদ্বারা উত্তমরূপে হাত ধুইয়া ফেলিবে এবং জল মিশ্রিত * কার্বলিক এসিড ইত্যাদি সংক্রমাপহ ঔষধ সমপরিমাণ গরম জল সহ মিশ্রিত করিয়া তদ্বারা হস্ত এবং আবশ্যক যন্ত্র ও পাত্র ইত্যাদি উত্তমরূপে ধোত করিয়া লইবে । 'পাইমিয়া' (Pyæmia) এবং 'এরিসিপেলাস্' (Erysipelas) প্রভৃতি ভয়াবহ সংক্রামক রোগে এ সকল বিষয়ে বিশেষ ভাবে সাবধানতা আবশ্যক । ক্ষত পরিষ্কার করিবার পূর্বেও এইরূপে হস্তাদি ধোত করিয়া লওয়া নিতান্ত কর্তব্য ।

৩৭ । পটি—কাটা ঘা কিম্বা অন্য কোনপ্রকার ক্ষতের ঠিক উপরিভাগে কেবলমাত্র ক্ষতস্থান ব্যাপিয়া যে নেকড়া বা লিণ্ট খণ্ড ব্যবহার করা হয় তাহাকে পটি কহে । ক্ষত শুক্রযায় পটি বিশেষ উপকারী । ক্ষত বিশেষে নানাপ্রকার পটি ব্যবহৃত হইয়া থাকে । সচরাচর যে কয় প্রকার পটি ব্যবহার করা হইয়া থাকে, নিম্নে তাহার বিবরণ প্রদত্ত হইল ।

(১) শুষ্ক পটি (Dry dressing)—টাটকা ঘা জুড়িয়া দিবার পক্ষে সর্বপ্রথমে শুষ্ক পটি ব্যবহার করাই উত্তম । শুষ্ক লিণ্ট দ্বারা ঘা-মুখ একত্র জুড়িয়া তদুপরি ব্যাণ্ডেজ বাঁধিয়া দিতে হয় । খুলিবার সময় অতি সাবধানে ধীরে ধীরে খুলিতে হইবে এবং যাহাতে পটির সহিত ক্ষত অংশের কতকটা উঠিয়া না আইসে অথবা ক্ষতমুখ স্থানচ্যুত হইয়া না যায় তজ্জন্ত খুলিবার পূর্বে গরম জলদ্বারা পটিটা উত্তমরূপে ভিজাইয়া লইতে হইবে ।

* ১০০ ভাগ জলে ৫ ভাগ কার্বলিক এসিড মিশ্রিত করিতে হইবে । অর্থাৎ এক পাইন্ট জলে ১ আউন্স কার্বলিক এসিড মিশ্রিত করিয়া লইলেই চলিতে পারে ।

(২) পচননিবারক পটি (Antiseptic dressing)— কার্বলিক, বোরাসিক বা পারক্লরাইড্ লোশন্, আইডোফরম্ ইত্যাদি এবং কার্বলিক গজ, সেলিসিলিক উল প্রভৃতি দ্বারা পটি বাঁধিয়া দিলে ক্ষত পচিয়া যাইতে পারে না। পচননিবারক পটি বাঁধিবার সময় অনেক স্থলে 'ড্রেইনেজ্ টাউব্' নামক এক প্রকার সচ্ছিদ্র রবরের নলের আবশ্যক হয়।

(৩) জলপটি (Water dressing)—লিণ্ট কিম্বা পরিকৃত পাতলা নেকড়া শীতল জলে অথবা প্রয়োজন মত লোশনে ভিজাইয়া জলপটি ব্যবহার করিতে হয়। পটি দিয়া তাহার উপর কচি কলার পাতা কিম্বা 'গটাপার্চা' দ্বারা ঢাকিয়া ব্যাণ্ডেজ বাঁধিয়া দিতে হইবে। একরূপ করিলে জল সত্বরে শুষ্ক হইয়া যাইতে পারিবে না এবং রোগীর বস্ত্রাদি কিম্বা 'বিছানা' ভিজিয়া যাইবারও কোন সম্ভাবনা থাকিবে না। পটির লিণ্ট অথবা নেকড়াখানা দুই ভাঁজ করিয়া ক্ষতস্থানে লাগাইতে হইবে এবং উহা ঠিক ক্ষতের মাপ অনুযায়ী করিয়া কাটিয়া লইতে হইবে। কলার পাতা বা 'গটাপার্চা' পটি হইতে কিঞ্চিৎ বড় করিয়া কাটিয়া লইতে হইবে এবং তদ্বারা লিণ্ট বা নেকড়াখণ্ড একরূপে ঢাকিয়া দিবে যেন পটিব কোন অংশ বাহির হইয়া থাকিতে না পারে। একরূপ না করিলে পটি হইতে জল গড়াইয়া ব্যাণ্ডেজের কাপড়ে পড়িবে এবং পটির সমস্ত জল উক্ত কাপড়ে শুষিয়া যাইবে। ক্রমে পটিও ক্ষতমুখে দৃঢ়রূপে আবদ্ধ হইয়া যাইবে। এই পটি দিবসে সাধারণতঃ দুইবার বদলাইতে হইবে। অধিক স্রাব হইলে উহা আরো ঘন ঘন পরিবর্তন করা আবশ্যক হইতে পারে।

(৪) উদ্বায়ু পটি (Evaporating dressing)—ক্ষতস্থান সর্বদা শীতল রাখিবার উদ্দেশ্যে এই পটি ব্যবহৃত হইয়া থাকে। যে অঙ্গে ক্ষত আছে তাহা একখানা রবার বা অয়েল ক্লথের উপর রাখিয়া উক্ত অংশের অঙ্গাবরণ খুলিয়া ফেলিবে। তৎপর একখণ্ড লিণ্ট কিম্বা পরিকৃত

নেকড়া কয়েক ভাঁজ করিয়া শীতল জলে ভিজাইয়া তদ্বারা ক্ষতস্থান ঢাকিয়া দিবে এবং উহা ক্রমাগত ভিজাইয়া দিতে থাকিবে । বায়ুতে পটির জল শুষ্ক হইবামাত্র পুনরায় তাহা জলদ্বারা ভিজাইয়া দিতে হইবে ।

(৫) জলাভিষেক (Irrigation)—ক্ষতস্থান শীতল রাখিবার পক্ষে জলাভিষেক প্রকৃষ্ট উপায় । এতদ্বারা ক্ষতস্থানে প্রদাহ হইবার পক্ষে বাধা জন্মে । কিন্তু একবারে অধিককাল ব্যাপিয়া জলাভিষেক না করিলে প্রদাহ হইবার সম্পূর্ণ সম্ভাবনা । ডুশ্ যন্ত্রের প্রণালী (৬১ পৃষ্ঠা) অবলম্বন করিয়া ক্ষতস্থানে জলপ্রবাহ প্রয়োগ করিতে হয় । রোগীর শয্যার কিঞ্চিৎ উপরে একটি পাত্রে শীতল জল রাখিয়া তাহা হইতে একটি রবরের নল যোগে ক্ষতস্থানে জলধারা দিতে হইবে । পরিষ্কৃত নেকড়া কিম্বা লিণ্ট ভিজাইয়া ক্ষতস্থান ঢাকিয়া দিবে এবং উক্ত নেকড়া বা লিণ্ট উপরোক্ত উপায়ে সিক্ত রাখিবে । ক্ষতস্থান হইতে জল গড়াইয়া পড়িবার জ্ঞান নিয়ে একটি পাত্র রাখিয়া দিবে । পচা ঘায়ের উপরে জলাভিষেক করিবার প্রয়োজন হইলে শীতল জলের পরিবর্তে উষ্ণ জল ব্যবহার করিতে হইবে ।

(৬) মলমের পটি (Ointment 'dressing')—ক্ষতমুখে প্রয়োগ করিবার জ্ঞান সচরাচর নানাপ্রকার মলমের ব্যবস্থা হইয়া থাকে । এক খণ্ড লিণ্ট এবং তদভাবে পরিষ্কৃত নেকড়ার উপরে পাতলা করিয়া মলমের ঔষধ লাগাইয়া উহা ক্ষতস্থানে প্রয়োগ করিতে হয় । লিণ্টের যে দিক তুলা দেওয়ার মত দেখায় সেই দিকে মলম মাখাইতে হইবে । পটির যে দিকে মলম লাগাইবে সেই দিক ক্ষতমুখে প্রয়োগ করিবে এবং পটিটী যাহাতে খসিয়া না পড়ে তজ্জ্ঞান উহার উপরে ব্যাণ্ডেজ বাঁধিয়া দিবে । এই পটি সাধারণতঃ দিবসে একবার পরিবর্তন করিতে হয় ।

পঞ্চম পরিচ্ছেদ ।

দুর্ঘটনা ।

৩৮ । অগ্নিদাহ—কাহারও কাপড়ে আগুন লাগিলে তাড়া-তাড়ি না করিয়া স্থস্থির ভাবে অগোণে গাত্র হইতে কাপড় খুলিয়া লইতে চেষ্টা করিবে । কিন্তু খুলিবার সময় বিশেষ সাবধান হইবে যেন নিজের বস্ত্রাদিতে অগ্নিসংযোগ না হয় । ইজারবডি কিম্বা জামা ইত্যাদি বাধা পোষাক গায়ে থাকিলে উহা খুলিবার চেষ্টা করিতে করিতে সর্বাত্ম দগ্ধ হইয়া যাইবার সম্ভাবনা । সে ক্ষণ তাহাকে মাটিতে গড়াইয়া অগ্নিসংলগ্ন স্থানে অন্য কোন মোটা কাপড় চাপা দিবে । সুবিধা থাকিলে জল দ্বারা অগ্নি নির্কারণ করিয়া তৎপরে গাত্র হইতে ঐ সকল বস্ত্র খুলিয়া লইবে । কেরাসিন তৈল, গ্যাস অথবা স্পিরিট্ (Spirit) জলিয়া উঠিলে উহার উপর প্রচুর ধূলি বা বালি নিক্ষেপ করিলেই আগুন নিভিয়া যাইবে । এসময়ে অধীর হইলে বরং আরো অধিক বিপদের সম্ভাবনা । দগ্ধস্থানে কাপড় আটকাইয়া গেলে তাড়াতাড়ি করিয়া টানিলে কাপড়ের সঙ্গে চামড়া পর্যন্ত উঠিয়া আসিতে পারে । এজন্য ব্যগ্র না হইয়া উক্ত স্থানে কয়েক মিনিট কাল জল প্রয়োগ করিলে উহা তখন অতি সহজে উঠিয়া আসিলে । দুঃখের বিষয় এসময়ে অনেকেই হতবুদ্ধি হইয়া পড়েন এবং তাহাতে অধিকতর অনিষ্ট হইয়া থাকে ।

দেহের কোন স্থান গরম জ্বনিষ লাগিয়া অথবা আগুনে পুড়িয়া গেলে তৎক্ষণাৎ তাহা শীতল জলে ডুবাইয়া ক্রমাগত ৩৪ ঘণ্টা কাল রাখিতে

পারিলে বেশ উপকার হয় । ইহাতে জ্বালা দূর হয় ও ফোকা পড়িতে পারে না এবং ঘা হইলেও খুব গভীর হয় না । কিন্তু অধিক ক্ষণ জলে রাখিতে না পারিলে জ্বালা যন্ত্রণা আরো অধিক হয় । কোন স্থান ঝলসিয়া গেলে তৎক্ষণাৎ তাহা আগুনের উত্তাপে ধরিতে পারিলে উপকার দর্শে । পুড়িবামাত্র ঘৃতকুমারীর আঠা লাগাইলে তৎক্ষণাৎ জ্বালা নিবারিত হইবে এবং ফোকা পড়িবে না ।

সামান্য পোড়ায় গোল আলু বাটিয়া লেপ দিলে উপশম হয় । তিল বাটিয়া মাখন ও তুণ্ডের সহিত উত্তমরূপে মিশ্রিত করিয়া দগ্ধস্থানে দিলে অথবা লঙ্কার পাতার রস লেপন করিলে তৎক্ষণাৎ জ্বালা নিবারিত হয় । মাত্ গুড় অথবা ছাঁকার বাসি জল ক্ষত স্থানে দিলে তৎক্ষণাৎ জ্বালা দূর হয় । একটি শিশিতে অর্ধেক তিলের তৈল ও অর্ধেক চুণের জল * রাখিয়া উত্তমরূপে নাড়িয়া তদ্বারা তুলা ভিজাইয়া দগ্ধ স্থানের উপরে দিলে অগ্নিদাহ জন্ত ক্ষত শীঘ্র সারিয়া যায় । তিলের তৈলের অভাবে নারিকেল তৈলেও বিশেষ উপকার দর্শে । শীতল জলে সোডা (Sodi Bicarb) মিশ্রিত করিয়া উহাতে দগ্ধ অঙ্গ ডুবাইয়া রাখিলে তৎক্ষণাৎ জ্বালা নিবৃত্ত হয় । হেজেলিন্ ক্রিম্ (Hazeline cream) লাগাইলে জ্বালা যায় এবং ক্ষত ভাল হয় ।

- (১) ফোকা উঠিলে—উপরের চামড়া যাহাতে উঠিয়া যাইতে না পারে তদ্বিষয়ে বিশেষ সাবধান হইবে । ফোকায় নিম্নে একধারে সূচ কিম্বা অন্ত কোন সূক্ষ্ম যন্ত্র দ্বারা ছিদ্র করিয়া ভিতরে জল বাহির করিয়া ফেলিবে, কিন্তু সাবধান যেন উপরের চামড়া উঠিয়া না যায় ।
- চামড়ায় ঢাকা স্থান কেবল তুলা দিয়া ঢাকিয়া রাখিবে । কিন্তু কোন

* ইহারই নাম করন অয়েল (Carron oil) ।

कारणे चामड़ा उठिया गेले तथाय केरन् अयेले तूला भिजाईया दिवे ।
दङ्ककत प्रतिदिन धोत करिवार प्रयोजन नाई, दुई एक दिवस अस्तुर
तूला परिवर्तन करिया मिलेई चलिते पारे ।

(२) सङ्किस্থाने ऋत हईले—दङ्कस्थान अति सहजे जूडिया
याय । दङ्क हस्तपदादिव आङ्गुल किन्ना बगल ओ ऋक प्रायई जोड़ा लागिया
याईते देखा याय । एजना এই सकल स्थाने ऋत हईले अतिशय सतर्कता
अवलम्बन करा कर्तव्य । गटापाटा किन्ना काँच कलापाताय तेल माखाईया
हस्तपदादिव अङ्गुलिव फाँके एवं अपरापर सङ्किस্থाने स्थापन करिवे ।
ताहा हईले घा शुष्क हईते आरम्भ हईले आर जूडिया याईवार आशका
पाकिवे ना ।

७९ । कोन एसिड् (acid) अथवा द्रावक प्रभृति
ऋयकारक तरल पदार्थ लागिया पूडिया गेले—तङ्कगां
ऋतस्थाने प्रचुर परिमाणे जल सजोरे टालिया दिवे अथवा सम्भवपर
हईले जलेश सहित मोडा मिश्रित करतः उक्त जल द्वारा उक्तमरूपे
धुईया दिवे । किन्तु चूने गा पूडिले ताहाते कथनओ जल दिवे ना ;
दिले आला आरओ वाडिवे । तखन सिकार सहित जल मिशाईया सेई जल
मिश्रित सिका ऋत स्थाने दिवे । एसिड् वा द्रावक प्रभृतिते गा पूडिले
ऋतस्थाने चूनेर जल, भस्म अथवा चा-खडि़र गुँडा दिवे । ऋत हईले
आङ्गुने पोड़ा घा एर न्याय चिकित्सा करिते हईवे ।

८० । कोन अङ्ग पेसिया (चेप्टिया) गेले—
आहत स्थाने नूतन माखन वा नारिकेल तैल मालिश करिलेई क्रमे भाल
हईया उठिवे । जलमिश्रित त्राणुद्वारा एक थणु नेकड़ा वा ब्लूटिंग कागज
भिजाईया पटि बांधिया मिले एवं उहा शुष्क हईले पुनर्राय भिजाईया मिले
उपकार दर्शे ।

৪১। উচ্চস্থান হইতে পড়িয়া অথবা অন্য কোন কারণে গুরুতর আঘাত প্রাপ্ত হইলে—তৎক্ষণাৎ ডাক্তার ডাকিবার আতিশয় প্রয়োজন। কিন্তু ডাক্তার আসিতে যে বিলম্ব হইবে উক্ত সময়ের মধ্যে নিম্নলিখিত উপায় অবলম্বন করিতে হইবে।

(১) অচেতন হইলে—সচরাচর অল্পকাল মধ্যেই পুনরায় চেতনা সঞ্চার হইয়া থাকে। মস্তকে গুরুতর আঘাত লাগিলে মুখমণ্ডল পাণ্ডুবর্ণ এবং রক্তবিহীন হইয়া উঠে। কখন বা কিছুকাল পর বারম্বার বমন হইতে থাকে। এরূপ অবস্থায় গাত্রে বস্ত্রাদি থাকিলে, বিশেষতঃ গলদেশের বস্ত্রাদি অতি সত্বরে খুলিয়া ফেলিবে এবং তৎক্ষণাৎ ডান পাশে এমন ভাবে শয়ন করাইবে যেন মস্তক শরীর হইতে উর্দ্ধ ভাবে থাকে। মস্তকের নিম্নে বালিশ দিলেই ইহা হইবে। তৎপর, চোখে মুখে শীতল জলের ছিটা দিতে থাকিবে এবং জলপান করিতে দিবে। প্রয়োজন হইলে মস্তকে বরফ অথবা শীতল জলের পটি দিবে। গৃহের দ্বার বাতায়নাদি খুলিয়া দিবে এবং রোগীর পাশে জনতা হইতে দিবে না।

আঘাতপ্রাপ্ত ব্যক্তিকে (বিশেষতঃ যাহার মস্তকে আঘাত লাগিয়াছে) চিকিৎসকের নিকট লইয়া যাইবার প্রয়োজন হইলে শায়িত অবস্থায় নিবে। হাঁটিয়া, ষোড়ায় চড়িয়া কিম্বা গাড়ী বা পাকীতে বসিয়া যাইতে দিবে না। খাটুলি অথবা কোন বড় তক্তায় খড় বিছাইয়া তাহার উপর একটা কম্বল পাতিয়া লইবে। তৎপর উহা রোগীর মাথার কাছে লম্ব-ভাবে রাখিবে এবং কয়েক জনে ধরাধরি করিয়া রোগীকে শায়িত অবস্থায় উহাতে তুলিয়া দিবে। তুলিবার সময় আহত স্থানে যাহাতে কোন প্রকারে না লাগে তাহা বিশেষভাবে দেখা আবশ্যিক। উক্ত খাটুলি বা তক্তা কাঁধে করিয়া না নিয়া হাতে হাতে নেওয়া উচিত। কোন উচ্চ-

স্থানে উঠিবার সময় রোগীর মস্তক সম্মুখের দিকে এবং নামিবার সময় পশ্চাদিকে থাকা আবশ্যিক ।

অন্য কারণে ফিট্‌ কিম্বা মুচ্ছা হইলে উপরোক্ত রূপ উপায় অবলম্বন করিবে কিন্তু বলপ্রয়োগপূর্বক চৈতন্য সম্পাদন করিতে প্রয়াস পাইবে না ।

(২) মস্তকের খুলিতে আঘাত লাগিলে—উপরোক্ত উপায়ে গাত্রবস্ত্রাদি খুলিয়া রোগীকে সম্ভবভাবে শয্যায় শয়ন করাইবে এবং আহত স্থানে শীতল জলের পটি দিবে । শয়ান অবস্থায় মস্তকের নীচে একটি বালিশ দিবে । গুরুতর আঘাতে গা-হাত-পা শীতল হইলে গায়ে গরম কাপড় ঢাকা দিবে এবং প্রয়োজন হইলে বোতলসেক (৪৯ পৃষ্ঠা) দিবে । তৎপর ডাক্তার আসিয়া বথাবিহিত ব্যবস্থা করিবেন ।

(৩) কণ্ঠাতে আঘাত লাগিলে—রোগীকে শয্যার উপর বিনা বালিশে শুইতে দিবে এবং যে পাশে আঘাত লাগিয়াছে সেই দিকের হাত খানা বুকের উপর রাখিয়া দিবে ।

(৪) মেরুদণ্ডে আঘাত লাগিলে—আহত স্থানে বেদনা অনুভব, হাত-পা অবসন্ন বোধ, হাঁটিতে অক্ষমতা এবং পা অসাড় বোধ হয় । আঘাত গুরুতর হইলে প্রস্রাব করিতে কষ্ট হয় এবং পেট ফাঁপিয়া উঠে । এরূপ অবস্থায় চিকিৎসকের সাহায্যের বিশেষ প্রয়োজন । রেলওয়ে দুর্ঘটনাতে সাধারণতঃ মেরুদেশে আঘাত লাগে যাহা রোগী নিজের তখন বড় একটা বুঝিতে পারে না । এ অবস্থায় রোগীকে নিরুদ্বেগে শুইয়া থাকিতে দিবে এবং বেদনাস্থানে জলপটি অথবা বরফ প্রয়োগ করিবে ।

(৫) পাঁজরার হাড় ভাঙ্গিয়া গেলে—রোগীকে শায়িত অবস্থায় রাখিবে এবং খুখুর সহিত রক্ত উঠিলে তাহা চিকিৎসককে দেখাইবার জন্য কোন একটা পাত্রে রাখিয়া দিবে । রোগী শায়িত অবস্থাতেই যাহাতে উক্ত পাত্রে খুখু ফেলিতে পারে এরূপ বন্দোবস্ত করিবে ।

* (৬) হস্তপদাদি অথবা অপর কোন সন্ধিস্থানে আঘাত লাগিয়া কোন অস্থি স্থানচ্যুত হইলে—তৎক্ষণাৎ তাহা হস্তদ্বারা চাপিয়া ঠিক করিয়া বসাইয়া দিবে এবং নেকড়ার প্যাড্ কিম্বা স্পিণ্ট্ (৮৩ পৃষ্ঠা) বাধিয়া দিতে চেষ্টা করিবে। আঘাত লাগিবামাত্র বিচ্যুত অস্থি স্থানে বসাইয়া দিলে রোগী ততটা যন্ত্রণা অনুভব করিবে না এবং আরোগ্য হইতেও তত বিলম্ব হইবেনা। এরূপ কারণে আপনা হইতেই হাড় জুড়িয়া যাইবে, কোন ঔষধ প্রয়োগ করিবারও প্রয়োজন হইবে না। এরূপ অবস্থায় চিকিৎসকের সাহায্য সর্বদাই প্রার্থনীয়।

৪২। গলদেশে কোন বস্তু আবদ্ধ হইলে—হঠাৎ খাস রোধ হইতে পারে। এমতাবস্থায় প্রথমে ইহা করাইয়া দেখিবে এবং আবদ্ধ বস্তু অঙ্গুলিদ্বারা বাহির করিয়া ফেলিতে চেষ্টা করিবে। কোন কোমল খাদ্যদ্রব্য হইলে তাহা গলার ভিতরে ঠেলিয়া দিবে। কিন্তু কোন ফলের বীচি, মুদ্রাদি বা অথবা কোন কঠিন পদার্থ হইলে এবং অঙ্গুলিদ্বারা তাহা বাহির করিতে না পারিলে দুই সপ্তাহের মধ্যভাগে পৃষ্ঠদেশে সজোরে হঠাৎ দুই তিনবার আঘাত করিলেই উহা বহির্গত হইয়া যাইবার সম্ভাবনা। অল্প বয়স্ক শিশু হইলে তাহাকে দুই হাঁটুর মধ্যস্থলে রাখিয়া বাম হাঁটুর উপর উহার পেটের ভর দিয়া দক্ষিণ হস্তদ্বারা উপরোক্তরূপে আঘাত করিবে। বয়স্ক বালক হইলে তাহার উদরের উপরিভাগে বাম হস্তদ্বারা চাপিয়া ধরিবে এবং পৃষ্ঠদেশের উপরিভাগে চাপড় মারিবে। কারণ, কিছুতে ভর না দিয়া চাপড় মারিলে সন্মুখের দিকে পড়িয়া যাইবে ; সুতরাং তাহাতে কোন ফল দর্শিবে না।

উপরোক্ত উপায় অবলম্বন করাতে কোন ফলোদয় না হইলে অঙ্গুলি বা পাখীর পালকদ্বারা গলার ভিতর শুড়শুড়ি দিয়া বমন করাইতে চেষ্টা করিবে।

কাঁটা প্রভৃতি গলার বিধিলে এবং তাহা অঙ্গুলিদ্বারা বা অণ্ড কোন উপায়ে বাহির করিতে না পারিলে গুড় ভাতের ডেলা পাকাইয়া বা অর্ধ-চর্কিত চিড়া বা কলা একবারে অধিক পরিমাণে গিলিয়া ফেলিতে দিবে । একরূপ করিলে সহজে উহা উদরস্থ হইয়া যাইতে পারে । গুরুতর হইলে চিকিৎসকের শরণাপন্ন হওয়াই কর্তব্য ।

৪৩। উদরে কোন কঠিন বস্তু প্রবিষ্ট হইলে— সাধারণতঃ পেটের অসুখ এবং পেট-বেদনা হয় । সিকি, পয়সা প্রভৃতি মুদ্রাদি, ফলের বীচি বা অণ্ড কোন অতীক্ষ দ্রব্য উদরে প্রবিষ্ট হইলে কেষ্টের অয়েলদ্বারা জোলাপ দিবে । কিন্তু ভগ্ন কাচ বা কাঁটা প্রভৃতি তীক্ষ্ণ বস্তু উদরস্থ হইলে কখনও জোলাপ দিবে না । কারণ জোলাপ দিলে অস্ত্রের মধ্যে ঐ সকল বস্তু বিঁধিয়া থাকিতে পারে । একরূপ অবস্থায় যাহাতে উদরে মলের ভাগ বৃদ্ধি পায় তাহার উপায় অবলম্বন করাই বিধেয় । দুগ্ধের সহিত অধিক পরিমাণে সুজি ও সাগু বা এরাকুট সিদ্ধ করিয়া খাওয়াইলে অথবা বেল, ধোঁপে ও আম অধিক পরিমাণে আহাৰ করিতে দিলে মল বৃদ্ধি পাইবে এবং মলের সঙ্গে সহজেই ঐ সকল বস্তু বাহির হইয়া যাইবে ।

জোক প্রবিষ্ট হইলে তৎক্ষণাৎ অন্ধপোয়া জলে ৪ ড্রাম (এক তোলা উপর) লবণ মিশ্রিত করিয়া খাইতে দিবে । আধ ঘণ্টা অন্তর পুনরায় উহা খাইতে দিলে জোক হ্রাস মরিয়া যাইবে, না হয় বমন হইয়া নির্গত হইবে ।

৪৪। কাণের ভিতরে কোন দ্রব্য প্রবিষ্ট হইলে— তাহা কখনও জোর করিয়া খোঁচাইয়া বাহির করিতে চেষ্টা করিবে না । ইহাতে উক্ত দ্রব্য আরও ভিতরে প্রবিষ্ট হইয়া যাইতে পারে এবং কর্ণ-পটহ ছিন্ন হইয়া চিরকালের জন্য বধির হইয়া যাইতে পারে । কোন ক্ষুদ্র বস্তু প্রবিষ্ট হইলে তাহা শোয়া (শোন) দ্বারা বাহির করিতে চেষ্টা

করিবে। এক পাশে পিচকারীদ্বারা সবেগে জল প্রবেশ করাইয়া দিলে তাহাতেও উহা বহির্গত হইয়া যাইতে পারে।

উপরোক্ত উপায়ে বাহির করিবার অসুবিধা হইলে অপরদিকের কাণ উপরের দিকে রাখিয়া তাহাতে চাপড় মারিলে প্রবিষ্ট দ্রব্য পড়িয়া যাইবে। কিন্তু এ সমস্ত বিষয়ে অতিশয় সতর্কতা অবলম্বন করা কর্তব্য। উৎকট বোধ করিলে চিকিৎসকের আশ্রয় গ্রহণ করিবে।

কোন কীট কর্ণে প্রবেশ করিলে সেই কর্ণ উপরের দিকে তুলিয়া তৈল কিম্বা জলদ্বারা উহা পূর্ণ করিলেই কীট উপরে উঠিয়া যাইবে। কর্ণে হঠাৎ জল প্রবেশ করিয়া 'তালা' লাগিলেও এই উপায় অবলম্বন করিতে হইবে।

৪৫। নাকের ভিতরে কিছু প্রবিষ্ট হইলে—অথ নাকে পালক ইত্যাদি দ্বারা শুড়শুড়ি দিবে অথবা হাঁচিবার জন্ত নশ্ত গ্রহণ করিবে। হাঁচি দেওয়ার জন্ত যখন নাকে বাতাস টানিবে তখন আস্তে আস্তে একটা অঙ্গুলিদ্বারা নাকের ছিদ্র একটু বন্ধ রাখিবে তাহাতে নিশ্বাস টানিবার সময় আবদ্ধ বস্তু আরও ভিতরে প্রবিষ্ট হইয়া না যাইতে পারে। হাঁচি দিবার সময় নাক ছাড়িয়া দিবে এবং অপর নাকের ছিদ্র তখন বন্ধ করিয়া রাখিতে চেষ্টা করিবে। এইরূপ করিলে হাঁচির চোটে প্রবিষ্ট দ্রব্য সহজে বাহির হইয়া যাইবে। শোলা কিম্বা অণু কিছু সাহায্যে বাহির করিতে চেষ্টা করিবে না, তাহাতে হঠাৎ আরও ভিতরে প্রবিষ্ট হইয়া যাইতে পারে। বিশেষতঃ ছোলা, মটর কিম্বা অন্য কোন বীচি যাহা জল লাগিলে ফুলিয়া উঠিতে পারে, এরূপ কোন দ্রব্য প্রবিষ্ট হইলে অতিশয় সাবধান হওয়া কর্তব্য। এ সকল অবস্থায় অপর নাকে পিচকারীদ্বারা সজোরে জল প্রবেশ করাইয়া দিবে। অনেক সময় ইহাতেই প্রবিষ্ট দ্রব্য বাহির হইয়া যাইবে। অন্যথা ডাক্তারের সাহায্য গ্রহণ করিবে।

৪৬। চোখের ভিতরে কিছু প্রবিষ্ট হইলে—কোন ক্রমেই চক্ষু রগড়ান উচিত নহে। কারণ তদ্বারা ইষ্ট না হইয়া অতিশয় অনিষ্টের সম্ভাবনা। কঠিন দ্রব্য পতিত হইলে চক্ষে আবদ্ধ হইয়া যাইতে পারে অথবা তরল পদার্থ পতিত হইলে সমস্ত চক্ষে উহা বিস্তৃত হইয়া জ্বালা যন্ত্রণা বৃদ্ধি করিতে পারে এবং নানা অনিষ্টও ঘটতে পারে। ধূলা কিম্বা তদ্রূপ অন্য কোন পদার্থ পতিত হইলে পরিষ্কৃত জলদ্বারা চক্ষু প্রক্ষালন করিলে বিশেষ উপকার দর্শিতে পারে। কিন্তু কোন দ্রবণীয় পদার্থ পতিত হইলে কখনও চক্ষু ধৌত করা কর্তব্য নহে। কারণ তদ্বারা উহা দ্রব হইলে সমস্ত চক্ষে বিস্তৃত হইয়া সমূহ অনিষ্ট ঘটতে পারে। কখন কখন কোন পাত্র পরিষ্কৃত জলদ্বারা পূর্ণ করিয়া তাহাতে চক্ষু ডুবাইলে চক্ষুস্থিত দ্রব্য ধৌত হইয়া যাইতে পারে। সাধারণতঃ পরিষ্কৃত বস্ত্রাঞ্চল অথবা নেকড়া শলিতার ন্যায় পাকাইয়া তদ্বারা চক্ষুস্থিত পদার্থ অতি সহজে বহিস্কৃত করা যাইতে পারে। কোন প্রকার দ্রাবক (acid) কিম্বা তদ্রূপ কোন পদার্থ পতিত হইলে চক্ষের ভিতরে স্ফিট অয়েল প্রদান করিলে উপশম হইবার বিশেষ সম্ভাবনা। কোন সূক্ষ্ম ধাতুকণা অথবা অন্ত কোন তীক্ষ্ণ পদার্থ পতিত হইলে ডিমের সাদা জলীয় ভাগ প্রয়োগ করিলে বিশেষ উপকার দর্শে। ছাই ইত্যাদি পতিত হইলে মাখন কিম্বা ঘোল প্রদান করিলে উপশম হইবে। চূণ কিম্বা তৎকোন পদার্থ পতিত হইলে তৎক্ষণাতঃ সিকা অথবা লেবুর রস মিশ্রিত জল (দুই-ভাগ জল ও একভাগ সিকা অথবা লেবুর রস) দ্বারা চক্ষু প্রক্ষালন করিয়া ফেলিবে। কোন তীক্ষ্ণ পদার্থ বিধিয়া গেলে দুইটা চাউল উত্তমরূপে ধৌত করতঃ চক্ষের ভিতরে দিয়া কিছুকাল চক্ষু বুজিয়া থাকিলে চক্ষুস্থিত পদার্থ বহির্গত হইয়া যায়। রাত্রিতে চক্ষের ভিতরে কিছু প্রবিষ্ট হইলে বাহির করা কষ্টকর, এ অবস্থায় ঘুমাইবার সময় চক্ষের ভিতরে চাউল প্রবিষ্ট

করিয়া নিদ্রা গেলে উক্ত উদ্দেশ্য সহজে সিদ্ধ হইতে পারে। লৌহচূর্ণ পতিত হইলে (কামারের দোকানে এরূপ হইয়া থাকে) এক আউন্স জলে ৩ গ্ৰেণ্ তুঁতে মিশ্রিত করতঃ পালক কিম্বা পিচকারী দিয়া চক্ষু ধৌত করিয়া দিলে উপশম হইবে।

৪৭। কোন বিষাক্ত ঔষধাদি সেবন করিলে—তৎক্ষণাৎ যাহাতে বমি হইয়া যায় তাহা করিবে। এরূপ স্থলে স্ত্রীলোকেরা মাছের চুপড়ি ধোওয়া জল খাওয়াইয়া থাকেন। এ উপায় মন্দ নহে। গলার ভিতরে অঙ্গুলি বা পাখীর পালক দ্বারা শুড়শুড়ি দিলেও বমন হইতে পারে। এ অবস্থায় কালবিলম্ব না করিয়া চিকিৎসক ডাকা কর্তব্য। বিশেষ বিবরণ পরিশিষ্টে 'বিষ ও বিষঘ্ন' প্রকরণে দ্রষ্টব্য।

৪৮। কর্পূর খাইলে—বমন করাইতে চেষ্টা করিবে এবং প্রচুর পরিমাণে জলপান করিতে দিবে। তৎপর লবণাক্ত মুত্ব বিরেচক ঔষধাদি খাওয়াইবে। চোখে মুখে একবার উষ্ণ জল ও একবার শীতল জলের আছড়া দিবে। কোন প্রকার তৈল বা সুরাসার (alcohol, chloroform, ether) দিবে না। গায়ে কম্বল মুড়ি দিয়া দিবে এবং পদতলে ও পার্শ্বদেশে গরম জলের বোতল (৪৯ পৃষ্ঠা) রাখিয়া দিবে।

৪৯। দিয়াশলাইয়ের কাঠি চুষিলে—প্রথমে বমন করাইতে চেষ্টা করিবে। তৎপর ডিমের সাদা তরল অংশ ছএক চামচ অথবা জল বালি খাইতে দিবে। আধ ড্রাম তার্পিন্ তৈল প্রতি আধঘণ্টা অন্তর খাইতে দিবে। মাখন কিম্বা তৈলাদি খাইতে দিবে না। অধিক পরিমাণে খাওয়া হইয়া থাকিলে বিরেচক ঔষধ সেবন করাইবে।

• ৫০। কেরাসিন তৈল বা পেট্রলিয়াম (Petroleum) খাইলে—প্রথমে বমি করাইবে। বমন হইবার পর জলবালি কিম্বা ছত্র খাইতে দিবে। যথেষ্ট পরিমাণে ঈষৎ উষ্ণজল পান করিতে দিবে

এবং পায়ের তলা ও পার্শ্বদেশে গরম জলের বোতল (৪৯ পৃষ্ঠা) রাখিয়া দিবে ।

৫১ । তামাক খাইলে—শিশুরা আপনা হইতেই প্রায় বমন করিয়া থাকে । কিন্তু আপনা হইতে বমন না করিলে বমনকারক ঔষধ দিবে অথবা অল্প উপায়ে বমন করাইবে । রোগীকে শায়িত অবস্থায় রাখিবে ; কিছুতেই উঠিয়া বসিতে দিবে না । অধিক পরিমাণে খাইলে ডাক্তার দেখাইবার প্রয়োজন ।

৫২ । রক্তস্রাব—রক্তস্রাব দুই প্রকার । বাহ্যস্রাব এবং অন্তঃস্রাব । বাহ্যস্রাব শিরা বা ধমনি হইতে যে রক্ত বহির্গত হয় (Arterial & venous hæmorrhage) তাহা বাহ্যস্রাব এবং পাকস্থলী, ফুস্ফুস বা হৃদযন্ত্র প্রভৃতি হইতে যে রক্তস্রাব হয় তাহা অন্তঃস্রাব (Internal hæmorrhage) । কোন প্রকার রক্তস্রাবে কিরূপ লক্ষণ প্রকাশ পায়, নিম্নে তাহা প্রদত্ত হইল ।

বাহ্যস্রাব—

(১) ধমনি (Artery) হইতে রক্তস্রাব হইলে—তাহার রং উজ্জ্বল লালবর্ণ হয় এবং তীব্রবেগে ঝলকে ঝলকে রক্ত বাহির হইতে থাকে ।

(২) শিরা (Vein) হইতে রক্তস্রাব হইলে—তাহার রং কিঞ্চিৎ কাল্চে লালবর্ণ হয় এবং রক্ত অবিরত মন্দবেগে বাহির হইতে থাকে ।

অন্তঃস্রাব—

(৩) রক্ত-বমন (Hæmatemesis)—কখন কখন পাকস্থলী হইতে তুচ্ছ দ্রব্যের সহিত অধিক পরিমাণে রক্ত মিশ্রিত হইয়া বমন হইয়া থাকে । এক্ষণে হইলে রক্তের রং গভীর লাল অথবা কাল বর্ণের হইবে

এবং তাহা চাপ চাপ হইয়া বহির্গত হইবে । পাকস্থলীর রক্ত ব্যতীত অন্য রক্ত চাপ চাপ হইয়া পড়িবে না ।

(৪) রক্তোৎকাশ (Hæmoptysis)—ফুস্ফুসের রক্ত সাধারণতঃ কাশির সহিত মিশ্রিত হইয়া বহির্গত হয় । উহার রং উজ্জ্বল লালবর্ণ এবং সামান্য পরিমাণে শ্লেষ্মা মিশ্রিত থাকে ও ফেনা ফেনা দেখায় ।

গলা, দাঁতের গোড়া এবং মুখ হইতে যে রক্ত বাহির হয় তাহা সাধারণতঃ লালবর্ণ এবং প্রায়ই লাল মিশ্রিত থাকে । এক্ষণে রক্ত কখনই ফুস্ফুস কিম্বা পাকস্থলী হইতে নির্গত নহে । সেজন্তু খুথুর সহিত রক্ত মিশ্রিত হইয়া বহির্গত হইলে তাহাতে কোন আশঙ্কার কারণ নাই ।

(৫) রক্তভেদ—অশের অন্তর্কলী হইতে অথবা অন্ত বা পাকস্থলীর কোন ক্ষত হইতে সমল কিম্বা অমিশ্র রক্ত বহির্গত হইয়া থাকে । ইহার বর্ণ উজ্জ্বল রক্তবর্ণ কিম্বা কালচে রং এর হইতে পারে । অন্তর্কলী হইতে যে রক্ত বহির্গত হয় তাহা সর্বদাই উজ্জ্বল লালবর্ণ হইয়া থাকে ।

(৬) ঋতুশোণিত—অন্যান্য রক্ত অপেক্ষা বিবর্ণ ও তরল এবং দুর্গন্ধযুক্ত । ইহার একটা বিশেষ লক্ষণ এই যে, ইহা অন্য রক্তের গায় জমাট বাধে না ।

ঋতুকাল ব্যতীত অপর সময়ে গর্ভাশয় হইতে রক্তস্রাব হইলে তৎক্ষণাৎ তাহা চিকিৎসকের গোচরে আনা কর্তব্য ।

ঔষধ সেবন ব্যতীত অন্তঃস্রাব প্রতীকারের অন্য কোন উপায় নাই । অতএব তদবস্থায় দৃঢ়রে চিকিৎসকের আশ্রয় গ্রহণ করাই কর্তব্য । বাহ্যস্রাব নিবারণার্থ নিম্নলিখিত তিনটি উপায় অবলম্বিত হইতে পারে ।

- ১ম । ক্ষত মুখে চাপ প্রয়োগ (Pressure on the bleeding point)—প্রায়ই ক্ষতস্থানে একটা বিন্দু পরিমাণ স্থান হইতে রক্তধারা বহির্গত হইতে দেখা যায় । এমতাবস্থায় অঙ্গুলিদ্বারা উক্ত স্থান কিছুকাল

চাপিয়া ধরিয়া থাকিলেই রক্ত পড়া বন্ধ হইয়া যাইবে এবং পরে অঙ্গুলি সরাইয়া লইলেও আর রক্ত পড়িবে না । কখন কখন উক্ত স্থানে একখণ্ড অতি ক্ষুদ্র কাগজ চাপা দিলেও রক্ত পড়া বন্ধ হইয়া যাইবে ।

২য় । যে প্রধান ধমনি ক্ষত স্থানে রক্ত যোগাইতেছে তদুপরি চাপ প্রয়োগ (Pressure on the main artery supplying the wound) —এ বিষয়ে চিকিৎসক ভিন্ন অপরের কৃতকার্য্য হইবার কোন সম্ভাবনা নাই । কারণ ঠিক কোন স্থলে উক্ত ধমনি রহিয়াছে তাহা দেহতত্ত্ববিদ ব্যতীত অন্যের জানিবার উপায় নাই । এ অবস্থায় ক্ষতের উর্দ্ধভাগে বাধন দিলে রক্ত পড়া বন্ধ হইয়া যাইবে । কিন্তু এ অবস্থায় অধিক কাল রাখা কর্তব্য নহে । কারণ এতদ্বারা রক্তসঞ্চালনক্রিয়া বন্ধ হইয়া অনিষ্ট ঘটিতে পারে ।

৩য় । শৈত্য প্রয়োগ (Application of cold)—একাধিক স্থান হইতে বিস্তৃত ভাবে রক্তস্রাব হইলে শীতল জল বা বরফ প্রয়োগ করায় বিশেষ উপকার দর্শে । শৈত্য প্রয়োগদ্বারা রক্ত পড়া বন্ধ হয় এবং কোন স্থানে প্রদাহ হইলে তাহার প্রতীকার হয় । দেহের যে অংশ হইতে আহত স্থানে রক্ত সঞ্চালিত হয়, তাহা অপরাংশ হইতে উর্দ্ধভাগে রক্ষা করিবে এবং পরিস্কৃত পাতলা বস্ত্রখণ্ড জলে ভিজাইয়া ক্ষতস্থানে পটি বাধিয়া দিবে এবং তাহা সর্বদা আর্দ্র রাখিবে ।

রক্তস্রাব হইয়া রোগী সংজ্ঞাহীন হইলে তাহাকে জাগাইতে চেষ্টা করিবে না । কারণ সংজ্ঞাহীন অবস্থায় স্বাভাবিক ভাবে রক্ত প্রবাহ ক্রমে মন্দীভূত হইয়া আসে । এমতাবস্থায় সজাগ করিলে পুনরায় অধিক রক্তস্রাব হইবার সম্ভাবনা ।

৫৩ । কোন অঙ্গ কাটিয়া গেলে—কিছু কাল ঐ কাটা স্থানটীতে শীতল জল ঢালিবে ও তন্মধ্যে কাচভাঙ্গা বা অল্প কোন কুচো

জিনিষ থাকিলে তাহা উত্তমরূপে বাহির করিয়া কাটা মুখ একত্র করতঃ এক খণ্ড পরিষ্কৃত নেকড়াদ্বারা জড়াইয়া রাখিবে। এইরূপে নেকড়া জড়াইবার পরও যদি রক্ত বাহির হয় তাহা হইলে পুনরায় জল দ্বারা উক্ত নেকড়া ভিজাইয়া দিবে। বহুক্ষণ শীতল জল ঢালিয়া বা শীতল জলে আহত স্থান ডুবাইয়া রাখিবার পর যদি রক্ত পড়া বন্ধ হয় তাহা হইলে উহাতে আর নেকড়া জড়ান উচিত নহে, কারণ তদ্বারা ঘা শুকাইবার পক্ষে ব্যাঘাত জন্মে। কাটা ঘায়ে তৎক্ষণাৎ তাৰ্পিন্ তৈল দিলে শীঘ্র ঘা শুষ্ক হয় এবং যন্ত্রণা নিবারণ হয় বটে, কিন্তু ক্ষত স্থানে একবার জল লাগিলে আর কখনই তাৰ্পিন্ তৈল দেওয়া কর্তব্য নহে। কারণ তাহাতে ঘা শুষ্ক না হইয়া পাকিয়া উঠে। অতএব এ বিষয়ে বিশেষ সাবধান হওয়া কর্তব্য। কোন অঙ্গ কাটিবামাত্র অথবা পরে টাটাইলে টিঞ্চার, বেঞ্জইন্ কম্পাউণ্ড্ (Tinct. Benzoin Co.) কয়েক ফোঁটা ঘা-মুখে দিয়া নেকড়া দ্বারা জড়াইয়া রাখিলেই সমস্ত বেদনা ও রক্তপড়া নিবারিত হয় এবং ঘা অতি সত্বরে শুকাইয়া যায়। ক্ষত অধিক হইলে দিনে ৪।৫ বার পটিটী উক্ত টিঞ্চার দ্বারা ভিজাইয়া দিবে। কোন স্থান পেঁষিয়া গেলেও যন্ত্রণা নিবারণের পক্ষে উক্ত টিঞ্চার অমোঘ।

কাটিবামাত্র দুর্কাঘাস চিবাইয়া তাহার রস দিলেও রক্ত বন্ধ হইয়া ঘা জুড়িয়া যাইবে। নখ চাঁছিয়া সেই গুঁড়া ক্ষত স্থানে দিলে তৎক্ষণাৎ রক্ত পড়া বন্ধ হইবে। কাটিবামাত্র জল লাগিবার পূর্বে শিয়ালমুতী গাছের পাতার রস ক্ষত স্থানে দিলে অতি সত্বরে আরোগ্য হইবে। ক্যাষ্টর অয়েল্ দিলেও তৎক্ষণাৎ রক্তপড়া বন্ধ হয় এবং পরে টাটাইয়া বেদনা হয় না।

- ৫৪। দন্তমূল হইতে রক্তস্রাব—দাঁতের গোড়া হইতে বেগে রক্ত বাহির হইলে যে স্থান হইতে রক্তস্রাব হইতেছে উক্ত স্থানে কিঞ্চিৎ বুল (আলধূনা) লাগাইয়া দিলে তৎক্ষণাৎ রক্তপড়া বন্ধ হইবে।

৫৫ । জৌকের কামড়ে রক্তস্রাব হইলে—সে স্রাব সহজে বন্ধ হয় না । একরূপ অবস্থায় একটি বিন্দু পরিমাণ স্থান হইতে রক্ত নির্গত হইতে থাকে । উক্ত ক্ষতমুখে ঝুল কিছা নেকড়া পোড়াইয়া তাহার চূর্ণ দিলে রক্তস্রাব নিবারিত হইবে ।

৫৬ । নাসিকা হইতে রক্তপাত—কখন কখন অতি সামান্য কারণে, কখন বা আভ্যন্তরীণ কোন গুরুতর রোগ বশতঃ রক্তপাত হইয়া থাকে । রক্তের পরিমাণ অধিক না হইলে কোন ভয়ের কারণ নাই । ঔষধাদি দ্বারা তাহা নিবারণ করিবারও কোন আবশ্যিকতা নাই, কারণ উহা দ্বারা অনেক সময় উপকারই দর্শিতে পারে । তবে রক্ত অধিক পরিমাণে বহির্গত হইলে তাহার প্রতীকার করাই কর্তব্য । অধিক রক্ত পতিত হইলে রোগীর হস্তদ্বয় তৎক্ষণাৎ তাহার মস্তকোপরি সংস্থাপন করিবে । একরূপে কিছুকাল রাখিলেই রক্তপড়া বন্ধ হইয়া যাইবে । ইহাতে যদি ফলোদয় না হয় তাহা হইলে মস্তক কপাল ও মেরুদণ্ডে শীতল জলের পটি দিবে । বরফ প্রয়োগেও বিশেষ উপকার দর্শে । বরফ ছুপ্রাপ্য হইলে ফটকিরির জলে একখণ্ড নেকড়া ভিজাইয়া উহা নাসিকায় পুরিয়া দিবে এবং পূর্ববৎ শীতল জলাদি ব্যবহার করিবে । ফটকিরি না থাকিলে হিরাকসের জলে নেকড়া ভিজাইয়া দিলেও চলিবে ।

৫৭ । বৃশ্চিক, বোলতা বা ভীমরুল প্রভৃতিতে দংশন করিলে—প্রথমে দষ্ট স্থানে ছল বিঁধিয়া আছে কি না দেখিবে এবং ছল থাকিলে তৎক্ষণাৎ তুলিয়া ফেলিবে । তৎপরে উক্তস্থানে সিকী (ভিনিগার), মধু বা গুড় মাখাইয়া দিলে উপকার দর্শিবে । মুথাঘাসের (ভেদালিয়া) রস দ্বারা আহত স্থান রগড়াইলে জ্বালা নিবারণ হইবে । পঁপের বা আকনের আঠা দ্বারা প্রলেপ দিলে বিলক্ষণ উপকার হয় । তুলসীপাতা কিছা পের্মাঙ্কের রস দিলেও জ্বালা নিবৃত্ত হইবে । দষ্টস্থান

ক্ষীত বা বেদনায়ুক্ত হইলে গোবর গরম করিয়া পুন্টিশের জ্বায় ব্যবহার করিলেও উপকার দর্শে। হেজেলিন্ ক্রিম্ (Hazeline cream) লাগাইলেও তৎক্ষণাৎ জ্বালা নিবারণ হয়।

৫৮। পাগল কুকুর, শিয়াল ইত্যাদিতে কামড়াইলে—
যাহাদিগকে কামড়ায় তাহারাও পাগল হইয়া মারা যায়। পাগল হইলে দৃষ্ট ব্যক্তির জ্বরভাব এবং চোখ লাল হয় ও জল দেখিলেই সে ভয় পায়। অনেক সময় আলোক কিম্বা শব্দ সহ্য করিতে পারে না ও কামড়াইতে আইসে। ইহাকেই জ্বালাতন রোগ (Hydrophobia) বলে।

কুকুর ক্ষেপিব্যার কয়েক দিন পূর্বে বিষণ্ণ ও অস্থির হয় এবং প্রায়ই কুণ্ডলী পাকাইয়া শুইয়া থাকে। শুইয়া থাকিয়া অনেক সময় চারিদিকে ফ্যাল ফ্যাল করিয়া তাকায় এবং তন্দ্রার মত হইলে হঠাৎ স্বপ্নে যেন কিছু দেখিয়া ঘেউ ঘেউ করিয়া ডাকিয়া উঠে। স্বর বিকৃত হইয়া যায়। ক্ষেপিব্যার পূর্বে ক্ষুধা থাকে না, শীতল দ্রব্য চাটিতে এবং খড় কুটা খাইতে চায়। পরে ক্ষেপিয়া উঠিলে চঞ্চল হয় এবং সর্বদা ঘরের কোণে অথবা খাট তক্তপোষ ইত্যাদির নিম্নে অন্ধকার স্থানে থাকিতে ভালবাসে। কখন কখন বিনা কারণে দোড়াদোড়ি করে ও জিনিষ পত্র আঁচড়ায় অথবা চীৎকার করে ও লাফাইয়া উঠে। তৎপরে আর কাহাকেও চিনিতে পারে না, মাথা নীচের দিকে দিয়া কেবল রাস্তায় রাস্তায় ঘুরিয়া বেড়ায়। এ অবস্থায় সর্বদা জিভ বুলিয়া পড়ে ও লালারিিতে থাকে এবং কুকুরটা ক্রমে ঘোর উন্মত্ত হইয়া মারা যায়। পা গল শিয়াল বা কুকুরে কামড়াইলে মানুষ, ঘোড়া, গোক, বিড়াল ইত্যাদিও ক্ষিপ্ত হইয়া মারা যায়। অতএব যাহাতে একরূপ না ঘটতে পারে সে বিষয়ে বিশেষ সতর্কতা অবলম্বন করা কর্তব্য।

এই প্রকার ক্ষিপ্ত জন্তুতে কামড় দিবা মাত্র কিম্বা অন্ততঃ ২৩ দিনের

মধ্যে শিয়ালমূতী গাছের পাতার রস এক কি অর্ধ পোয়া পরিমিত ও কিঞ্চিৎ আদার রস একত্র মিশ্রিত করিয়া লোহাদাগ * করতঃ খাওয়াইয়া দিলে আরোগ্য লাভ হইতে পারে । কিন্তু অধিক দিন হইয়া গেলে উপকারের তত সম্ভাবনা নাই ।

দংশন করিবামাত্র একটা কষ্টিকের বাতি জলে ডুবাইয়া তদ্বারা দৃষ্টস্থান উত্তমরূপে ঘসিয়া দিলে বিষ নষ্ট হইয়া যাইবে । কষ্টিক না থাকিলে উক্ত স্থানেব চারিদিক অঙ্গুলিদ্বারা চাপিয়া ধরিয়া হাতের ডাঁটি বা কোন লোহার সলা আগুনে লাল করিয়া দৃষ্টস্থান বেশ করিয়া পোড়াইয়া দিবে । ফিউমিং নাইট্রিক এসিড্ (Fuming Nitric Acid) দৃষ্টস্থানে লাগাইলেও বিশেষ উপকার দর্শে ।

দংশন করিবামাত্র শ্রোতজলে দৃষ্টস্থান ডুবাইয়া রাখিলে উপকার দর্শিতে পারে, কিন্তু তৎক্ষণাৎ ডুবাইতে না পারিলে ফল লাভের সম্ভাবনা নাই । দংশন মাত্র ক্ষতস্থানের রক্ত চুষিয়া ফেলিতে পারলেও কোন আশঙ্কার কারণ থাকে না । মুখদ্বারা রক্ত চুষিয়া লইতে হইলে তৈলদ্বারা কুলকুচি করিয়া লওয়া প্রয়োজন । ষাঁহার মুখে কোন প্রকার ঘা আছে তাঁহার পক্ষে রক্ত চুষিয়া লওয়া কর্তব্য নহে ।

যে কুকুর বা শিয়াল ক্ষিপ্ত নয় এরূপ কুকুর বা শিয়ালে কামড়াইলে জলাতঙ্ক (Hydrophobia) রোগ হইবার কোন ভয় নাই । অথবা কুকুর কোন ব্যক্তিকে দংশন করিবার পর ক্ষিপ্ত হইলেও জলাতঙ্ক রোগ হইবার আশঙ্কা নাই । পাগল কুকুরে কামড়াইলে অনেকে হুগলির নিকটবর্ত্তি গোঁদলপাড়া নামক গ্রাম হইতে একটা অজ্ঞাত ঔষধ খাওয়াইয়া থাকেন । এই ঔষধের উপর লোকের আস্থা দেখিতে পাওয়া যায় । কিন্তু

* লোহা পোড়াইয়া আগুনের মত লাল হইলে তাহা ঔষধে ডুবাইলেই 'লোহাদাগ' হইল ।

এক্কে পাঞ্জাব প্রদেশের অন্তর্গত কসোলি নামক স্থানে গবর্নমেন্ট হইতে একটা চিকিৎসালয় স্থাপিত হইয়াছে। ইহার বিশেষ বিবরণ নবম পরিচ্ছেদে 'কসোলি' দ্রষ্টব্য।

কসোলিস্থ পাস্তুর ইন্সটিটিউটের ডিরেক্টার মেজর জর্জ ল্যান্স সাহেব মহোদয় প্রণীত জলাতন রোগ ও তাহার প্রতিষেধক চিকিৎসাবিষয়ক পুস্তিকার সারাংশ।

কিসের দ্বারা ক্রিপ্ততা উৎপাদিত হয় তাহা এখনও আবিষ্কৃত হয় নাই। কিন্তু উহা যে কোন সজীব জীবাণু তৎসম্বন্ধে লেশমাত্র সন্দেহ নাই। ঐ পীড়া যে সূর্যের উত্তাপ লাগার দরুণ বা তদ্রূপ কোন কারণে হইয়া থাকে এই পুরাতন ধারণাটি এক্কে সম্পূর্ণরূপে ভুল বলিয়া প্রমাণীকৃত হইয়াছে। ক্রিপ্ততার বীজাণু এপর্যন্ত পৃথক করিতে পারা যায় নাই। এক্কে এই অনাবিষ্কৃত সূক্ষ্ম কীটাকুর উল্লেখ করিবার প্রয়োজন হইলে "বিষ" এই সাধারণ নামে নিজে ইহার উল্লেখ করা হইবে।

ক্রিপ্ততাগ্রস্ত জন্তুদিগের স্নায়ুগুণে অর্থাৎ মস্তিষ্কে, মেরুদণ্ডে, স্নায়ুতে এবং কোন কোন গ্রন্থিতে—যেমন, লালাস্রাবক গ্রন্থিতে—বিষ পাওয়া যায়। লালাস্রাবক গ্রন্থি হইতে বিষ লালাতে আইসে এবং সেই জন্তুই ক্রিপ্ত জন্তুগণ কামড়াইলে ঐ রোগ, সুস্থকায় জন্তু ও মনুষ্যদেহে সঞ্চারিত হইয়া থাকে। কিন্তু ক্রিপ্ত জন্তুর লাল হইতে অপর জন্তুতে ঐ রোগ সঞ্চারিত হইবার পূর্বে ঐ লাল অপর জন্তুর গাত্রে কত অংশের সংস্পর্শে আসা আবশ্যিক। সাধারণতঃ ক্রিপ্ত জন্তুর দন্তদ্বারা কত উৎপাদিত হইয়া থাকে। কিন্তু যতই ক্ষুদ্র হউক না—কাটা (যেমন কুরের কাটা, হাতের ফাট, মসার কামড়ের দাগ) বা আঁচড় প্রভৃতিতে লাল লিপ্ত হইলে ঐ একই ফল উৎপাদিত হইতে পারে।

এ সম্বন্ধে ইহাও জানা আবশ্যিক যে, জন্তুটি ক্ষিপ্ততার স্পষ্ট লক্ষণ দেখাইবার কিছুদিন পূর্বে হইতেই লালাতে বিষ হইয়া থাকে ও উক্ত লালাদ্বারা রোগ সঞ্চারিত হইতে পারে। সুতরাং কোন জন্তু ক্ষিপ্ততার স্পষ্ট লক্ষণ দেখাইবার পূর্বেও কোনও জন্তুকে বা ব্যক্তিকে কামড়াইলে ঐ জন্তু বা ব্যক্তির রোগ হইতে পারে। পরীক্ষাদ্বারা প্রমাণীকৃত হইয়াছে যে, রোগের লক্ষণ দৃষ্ট হইবার (৩ হইতে ৫ দিন পর্য্যন্ত) পূর্বেও লালারোগসঞ্চারক্ষম থাকে। আবার যে সকল জন্তু স্বভাবতঃ ক্ষিপ্ততাগ্রস্ত হয় রোগ আরম্ভ হইবার কিছুদিনের মধ্যেই তাহাদিগের ক্ষিপ্ততা রোগে মৃত্যু ঘটে। এই বিষয়গুলি বিচার করিয়া দুইটি আবশ্যিক পরামর্শ প্রদত্ত হইতে পারে। যথা—(ক) কামড়াইবার অলক্ষণ পরেই যে জন্তুকে মারিয়া ফেলা হইয়াছে ঐ জন্তু ক্ষিপ্ততার কোন চিহ্ন প্রদর্শন না করিয়া থাকিলেও তদ্রূপ ব্যক্তিদের ক্ষিপ্ততা প্রতিষেধক চিকিৎসাধীন হওয়া কর্তব্য এবং (খ) বাহ্য দৃশ্যে সুস্থ কুকুরও যদি কোন মনুষ্য বা জন্তুকে কামড়াইয়া থাকে তাহা হইলেও তাহাকে অবিলম্বে মারিয়া না ফেলিয়া কামড়াইবার পর কয়েকদিন পর্য্যন্ত কঠোরভাবে স্বতন্ত্র রাখিয়া পর্য্যবেক্ষণাধীন করা কর্তব্য। কমোলি পাস্তুর ইনষ্টিটিউটেই নিয়ম এই যে, দংশনকারী জন্তু যদি দশ দিন পরে সজীব ও সুস্থ থাকে তাহা হইলে দষ্টব্যক্তির চিকিৎসা করা হয় না অথবা যে সকল হেতু পরে উল্লিখিত হইবে সেই সকল হেতুতে চিকিৎসা আরম্ভ করা হইয়া থাকিলেও চিকিৎসা বন্ধ করিয়া দেওয়া হয়। অতএব ইহা স্পষ্ট বলা যাইতে পারে যে কোন ক্ষিপ্ত জন্তুর লালাদ্বারা কোন ক্ষতে, কাটায় কিম্বা আঁচড়ে রোগ সঞ্চারিত হওয়া ভিন্ন অন্য কোন প্রকারে মনুষ্য কিম্বা অপর কোন জন্তু ক্ষিপ্ততাগ্রস্ত হইতে পারে না।

ক্ষিপ্ততারোগের প্রস্ফুটন কাল অর্থাৎ ক্ষিপ্ততা রোগদূষিত লালাদ্বারা ক্ষতে রোগ সঞ্চারিত হওন এবং শরীরে রোগের প্রকাশ এই দুয়ের মধ্যবর্তী

কালের পরিমাণ সর্বত্র এক নহে । ইহা দেখা গিয়াছে যে, এই কালের মধ্যে, লক্ষণ দেখা দিবার কয়েকদিন পূর্ব পর্য্যন্ত লাল রোগসঞ্চারক্ষম থাকে না । প্রস্ফুটন কালের এই দীর্ঘতার ও পরিবর্তনশীলতার কারণ এই যে, বিষ মস্তিষ্কে ও মেরুদণ্ডে উপনীত না হওয়া পর্য্যন্ত রোগ বিকশিত হয় না । এইস্থানে উপনীত হওনার্থ বিষকে শিবা দিয়া যাইতে হয় । অতএব এরূপ প্রত্যাশা করা যাইতে পারে যে, কামড় মস্তিষ্কের যত নিকটে হইবে তত শীঘ্র বিষ ঐ যন্ত্রে উপনীত হইবে এবং রোগের লক্ষণ দেখা দিবে । প্রকৃতপক্ষে ঠিক তাহাই ঘটয়া থাকে এবং উহার ফলে কামড় মুখে বা মাথায় হইলে প্রস্ফুটনের কাল সাধারণতঃ হাতে বা পায়ে কামড়ের স্থল অপেক্ষা অনেক স্বল্পতর হয় । যে পরিমাণ বিষ প্রবিষ্ট হয় তদনুসারেও যে প্রস্ফুটনের কাল কম বেশী হয় সে বিষয়ে কোন সন্দেহ নাই । অতএব সামান্য কামড়ের এবং কাপড়ের ভিতর দিয়া কামড়ের স্থল অপেক্ষা অনাবৃত চর্ম্মের উপর বহু ও গভীর কামড়ের স্থলে প্রস্ফুটনের কাল স্বল্পতর হয় ।

প্রস্ফুটনের কাল নিম্নতম তিন সপ্তাহ হইতে উচ্চতম কয়েক মাস পর্য্যন্ত হয় । গড় প্রস্ফুটনের কাল প্রায় ছয় সপ্তাহ । এইজন্ত যাহাকে ক্ষিপ্ত বলিয়া সন্দেহ হয় এমন জন্তুদষ্ট কুকুর বা অপর জন্তুকে অন্ততঃ ছয়মাস সম্পূর্ণরূপে পৃথক্ করিয়া রাখা উচিত ।

কুকুর এবং অন্যান্য জন্তুদিগের ক্ষিপ্ততা দুই প্রকার আকার ধারণ করে । ইহার একটা আকার প্রচণ্ড ক্ষিপ্ততা এবং অপরটি মৃক ক্ষিপ্ততা নামে জ্ঞাত । এই দুই আকারের ক্ষিপ্ততার মধ্যে কিন্তু বিশেষ স্পষ্ট প্রভেদ নাই ।

জন্তুটা প্রথমে স্ফূর্তিহীন ও নিরানন্দ হয়, মানুষের সঙ্গ-লিপ্সা ত্যাগ করে এবং অনিষপত্রের নীচে কিম্বা নিস্তরু কোণে সরিয়া থাকে ।

রোগ প্রচণ্ড আকারের হইলে জন্তুটি ইহার পরে অত্যন্ত উত্তেজিত হয় এবং সহজেই রাগিয়া উঠে, যাহা কিছু সম্মুখে দেওয়া যায় তাহাই কামড়াইতে আসে এবং কোনরূপে বিরক্ত না করা গেলেও যেন মাছি ধরিতে চেষ্টা করিতেছে এরূপ ভাবে কামড়াইয়া বেড়ায় । স্পষ্ট লাল নিগত হয় এবং ঐ লাল আঠাল এবং ফেনিল হয় এবং ঠোঁট হইতে স্রুতার গ্রাস বুলিয়া থাকে । চক্ষু রক্তবর্ণ হয় । এই অবস্থায় জন্তুটি কতকটা হাঁ করিয়া যাহা সম্মুখে দেখে তাহারই দিকে সোজা দৌড়াইয়া কামড়াইবার চেষ্টা করিতে পারে । উহার ক্ষুধা বিকৃত হয় অর্থাৎ সে যাহা মুখে করিয়া তুলে তাহাই আহার করে । স্রুতরাং মৃত্যুর পর পেট চিরিলে অনেক সময়ে পেটে মাটি, পাথর, কাঠি, খড়, নেকড়া প্রভৃতি দ্রব্যে পূর্ণ দেখা যায় । কিন্তু উহা জলের কাছে যায় না এরূপ বিবেচনা করা ভুল । ইহাও লক্ষ্য করা যাইতে পারে যে উহার ডাক পরিবর্তিত হইয়া খন্খনে আওয়াজের চীৎকারে পরিণত হইয়াছে । এই অবস্থায় অনেক সময়ে মৃত্যু ঘটে ।

কিন্তু এই সকল প্রচণ্ড লক্ষণ অন্তর্হিত হইয়া পক্ষাঘাতের লক্ষণ দেখা দিতে পারে । অগ্নিমান্দ্য হইতে আরম্ভ হয় এবং জন্তুটি আহার করিতে চায় না । নীচের চোয়াল বুলিয়া পড়িয়াছে দেখা যায় এবং স্পষ্টই গিলিতে কষ্ট দেখা যায় । কিন্তু জন্তুটির জলাতক হয় না । এই গিলিবার কষ্ট দেখিয়া অনেক সময়ে বোধ হয় যে গলায় হাড় ফুটিয়া আছে । শেষে পায়ে পক্ষাঘাত হয়, অসাড়ে মল নিগত হইতে থাকে এবং জন্তুটি স্পষ্ট রোগা হইয়া যায় । কিছুকাল সম্পূর্ণ পক্ষাঘাতাক্রান্ত হইয়া পড়িয়া থাকিবার পর মৃত্যু ঘটে ।

মূক ক্রিপ্ততার স্থলে সহজে রাগিয়া উঠিবার এবং কামড়াইতে যাইবার লক্ষণ অতি অল্পই থাকে অথবা একেবারেই থাকে না । জন্তুটি

ক্ষুধিতহীন হইয়া চূপ করিয়া থাকে এবং রাগাইলেও কামড়ায় না । পক্ষাঘাতের লক্ষণগুলি যথা—নিম্নের চূয়াল ঝুলিয়া থাকা, গিলিতে কষ্ট, মুখ হইতে জিভ ঝুলিয়া থাকা, ঘন ও চিট্‌চিটে লালা এবং পায়ের দুর্বলতা খুব স্পষ্ট লক্ষিত হয় । এই অবস্থা হইতে পূর্বোক্তরূপে রোগের বৃদ্ধি হইয়া থাকে । রোগের প্রাবল্যে যে প্রকারে মৃত্যু ঘটে ইহাতেও সেই প্রকারে মৃত্যু ঘটে ।

জলাতন লক্ষণটী জন্তুদিগের বেলা দেখা যায় না এবং জলীয় পদার্থ লেহন করিতে বা খাওয়া আহার করিতে অক্ষমতা পীড়ার খুব শেষ অবস্থার পূর্বে দেখা নাও দিতে পারে ।

ক্ষিপ্ত বলিয়া বিবেচিত জন্তুদেহে জন্তুর বেলায় যে উপায় অবলম্বন করিতে হইবে তাহা দুই ভাগে বিভক্ত । যথা—(ক) যে জন্তু কামড়াইল তাহার সম্বন্ধে কি করিতে হইবে এবং (খ) যাহাকে কামড়াইল তাহার সম্বন্ধে কি করিতে হইবে ।

প্রথমতঃ, যে জন্তু কামড়াইল সম্ভব হইলে তাহাকে মারিয়া ফেলা উচিত নহে । উহাকে সাবধানে শিকল দিয়া বাধিয়া রাখিয়া দশ দিন কাল পর্য্যবেক্ষণ করা উচিত । এই কালের পরেও যদি উহা সজীব ও সুস্থ থাকে এবং কোন লক্ষণ প্রদর্শন না করে তাহা হইলে ইহা এক রকম নিশ্চিত যে উহা ক্ষিপ্ততা রোগগ্রস্ত নহে এবং দষ্টজন্তুগণ সম্বন্ধে আব কোন সতর্কতা অবলম্বন করিবার প্রয়োজন নাই । পক্ষান্তরে ঐ জন্তুতে যদি উল্লিখিত কোন লক্ষণ প্রকাশ পায় এবং সে মরিয়া যায় তাহা হইলে এই অনুমান করিতে হইবে যে উহা ক্ষিপ্ততা রোগগ্রস্ত ছিল । রোগ নির্ণয় নিশ্চিত করণার্থ মৃত্যুর পর ষত শীঘ্র সম্ভব মস্তিষ্কটী বাহির করিয়া লইয়া বিশেষ ভাবে রক্ষা করিতে হইবে এবং রোগের বিবরণসহ সর্বাপেক্ষা নিকটবর্তী পাস্তুর ইন্‌ষ্টিটিউটে পাঠাইয়া দিতে হইবে ।

দ্বিতীয়তঃ, যে সকল জন্তু দষ্ট হইয়াছে তাহাদের সম্বন্ধে দংশনকারী জন্তুর পৃথক্করণের দশ দিন কাল অতীত না হওয়া পর্য্যন্ত কিছুই করিতে হইবে না। যদি শেষোক্ত জন্তু তখনও সজীব ও সুস্থ থাকে, তাহা হইলে আর কোন সতর্কতা অবলম্বন করিবার আবশ্যক নাই। কিন্তু পক্ষান্তরে এই জন্তু যদি ক্ষিপ্ততার লক্ষণ প্রদর্শন করে অথবা হত হয় বা মরিয়া যায় তাহা হইলে এই অনুমানে সকল দষ্টজন্তুর চিকিৎসা করিতে হয় যে ছয় মাসের মধ্যে কোন পরবর্তী তারিখে উহাদের রোগ হইতে পারে। জন্তু গুলি যদি মূল্যবান না হয় তাহা হইলে অবিলম্বে তাহাদিগকে মারিয়া ফেলিয়া পরে মনুষ্যের বা অগ্র জন্তুদের বিপদ নিবারণ করা উচিত। কিন্তু যখন ক্ষিপ্তজন্তুদষ্ট সকল জন্তুই ক্ষিপ্ততাগ্রস্ত হয় না তখন কোন মূল্যবান জন্তুর অধিকারী হয়ত উহা বাচিয়া যায় এই সম্ভাবনায় উহা জীবিত রাখিবার বুকি গ্রহণ করিতে পারেন। যদি তিনি একরূপ করেন, বিশেষতঃ কুকুরের বেলা, তাহা হইলে তিনি ঐ জন্তু যদি পরে ক্ষিপ্ততাগ্রস্ত হইয়া কোন অনিষ্ট করে, তজ্জন্তু আইনমতে না হইলেও শ্রায়তঃ দায়ী। স্মরণ্য রোগ প্রস্ফুটনের দীর্ঘতম কালের মধ্যে অর্থাৎ ছয় মাস কালের মধ্যে ঐ জন্তুটিকে সাবধানে সর্বতোভাবে পৃথক্ক করিয়া রাখিতে হইবে। উহাকে দুইটি শিকল দিয়া কায়দা করিয়া বাধিয়া রাখিতে হইবে। একটা গলাবন্ধে লাগান থাকিবে এবং অপরটা গলায় বাধা থাকিবে। উহাকে যদি অঙ্গচালনার জন্তু লইয়া যাওয়া হয় তাহা হইলে শক্ত শিকলে বাধিয়া এবং মুখে কায়দা করিয়া মুখস লাগাইয়া লইয়া যাইতে হইবে। উহার তত্ত্বাবধান করাতে বিপদের যে আশঙ্কা আছে অনুচরদিগকে তাহা সাবধানে বলিয়া সতর্ক করিয়া দিতে হইবে। সংক্ষেপতঃ উহাকে এমন সতর্কভাবে রাখিতে হইবে যে যদি উহা কোন সময়ে রোগগ্রস্ত হয়

তাহা হইলে মানুষের কিম্বা অপর কোন জন্তুর কোন অপকার করিতে না পারে। এই বিষয়ে সর্বদাই সাবধানে স্মরণ রাখিতে হইবে যে ক্ষিপ্ত জন্তুর লাল ক্ষিপ্ততার লক্ষণ লক্ষিত হইবার কিছুদিন পূর্ব হইতেই কয়েক দিন ধরিয়া রোগসঞ্চারক্ষম হইয়া থাকে। ক্ষিপ্ততার কোন লক্ষণ দেখা দিলেই জন্তুটিকে ধরিয়া তৎক্ষণাৎ মারিয়া ফেলিতে হইবে অথবা যাহাতে অপকার না করিতে পারে এমন করিয়া রাখিতে হইবে।

দষ্টব্যক্তিদের দংশনের ক্ষত অবিলম্বে ধুইয়া ও পুছিয়া ফেলিয়া বিশুদ্ধ কার্বলিক এসিড বা অপর দহনশীল পদার্থদ্বারা সম্পূর্ণভাবে পুড়াইয়া দিতে হইবে। যাহাতে দহনক্রিয়া অতিরিক্ত না হয় সে বিষয়ে সাবধান হইতে হইবে। দহনক্রিয়াতে রোগাক্রান্ত হইবার সম্ভাবনা দূর হইবে এরূপ বিশ্বাস করিতে পারা না গেলেও রোগের আক্রমণে বিলম্ব ঘটে অতএব ক্ষিপ্ততা প্রতিরোধক চিকিৎসার অধিক সময় পাওয়া যায়।

জন্তুটি যদি পর্যবেক্ষণাধীন থাকে এবং সম্পূর্ণ সুস্থ বোধ হয় এবং দংশন যদি মুখে কিম্বা শরীরের অনাবৃত স্থানে না হয় তাহা হইলে লক্ষণ পর্যবেক্ষণের দ্বারা যে পর্যন্ত জন্তুটি ক্ষিপ্ত কি না ইহা নির্দ্ধারিত না হয় সে পর্যন্ত দষ্টব্যক্তি অনায়াসে অপেক্ষা করিতে পারেন। কিন্তু জন্তুটির রোগের প্রথম লক্ষণ দেখা দিলেই তাহার সর্বাপেক্ষা নিকটবর্তী পাস্তুর ইন্সটিটিউটে যাওয়া উচিত। কিন্তু দংশন যদি মুখে কিম্বা অনাবৃত চর্মে ঘটয়া থাকে তাহা হইলে তিনি বিলম্ব না করিয়া সর্বাপেক্ষা নিকটবর্তী যে পাস্তুর ইন্সটিটিউটে ক্ষিপ্ততা প্রতিরোধক চিকিৎসা হয় তৎক্ষণাৎ তথায় গমন করিবেন। দংশনের সময়ে জন্তুটি ক্ষিপ্ততার লক্ষণ প্রদর্শন করিলে কিম্বা জন্তুটি পলাইয়া গেলে কি উহাকে মারিয়া ফেলা গেলে ঐ কার্যপ্রণালী অবলম্বন করিতে হইবে। তবে ইহা স্মরণ রাখিতে হইবে যে ক্ষিপ্ততা প্রতিরোধক চিকিৎসার কৃতকার্যতা অনেক

পরিমাণে চিকিৎসার সহজতার উপরে নির্ভর করে । কোন লোক মুখে দষ্ট হইলে কি শরীরের অন্য কোন স্থানে গুরুতরভাবে দষ্ট হইলে কামড়াইবার তিন দিনের মধ্যে পাস্তুর ইন্টিটিউটে উপস্থিত হইবেন । যে কুকুর তাঁহাকে কামড়াইয়াছে এবং যাহা হয়ত পর্যবেক্ষণাধীনে আছে সেই কুকুর ক্ষিপ্ততাগ্রস্ত হয় কিনা তাহা দেখিবার জন্ত তিনি স্পষ্টতঃই অপেক্ষা করিতে পারেন না । এরূপ স্থলে চিকিৎসা আরম্ভ করাই ভাল এবং কামড়াইবার দশ দিন পরে যদি জন্তুটী সজীব ও সুস্থ থাকে তাহা হইলে চিকিৎসা বন্ধ হইবার জন্ত ঐ কথা তারযোগে ইন্টিটিউটে জানাইতে হইবে । যে সকল লোক গুরুতরভাবে দষ্ট না হন তাঁহারা কামড়াইবার ৫ দিনের মধ্যে ইন্টিটিউটে উপস্থিত হইবেন ।

৫৯। বিড়ালে দংশন করিলে বা আঁচড়াইলে—যদি ঘা হয় তবে আহত স্থান গরম জলদ্বারা উত্তমরূপে ধৌত করিয়া তাহাতে পুন্টিশ্ দিলেই আরোগ্য হইবে ।

উট কিম্বা ঘোড়ায় কামড়াইলেও এই ব্যবস্থা ।

৬০। সর্পাঘাত—দেহের কোন স্থানে সাপে কামড়াইলে আহত স্থানের উর্দ্ধভাগে ফিতা কিম্বা দড়িদ্বারা তৎক্ষণাৎ এরূপে কসিয়া বাধিয়া দিবে যেন উক্ত বাধনের উর্দ্ধদিকে রক্ত চলাচল হইতে না পারে । তৎপর যাহাতে আহত স্থান হইতে রক্ত নির্গত হইয়া যায় তৎক্ষণ উক্তস্থান ছুরীদ্বারা চাঁছিয়া ফেলিবে এবং গরম জলদ্বারা উক্তস্থান উত্তমরূপে ধৌত করিয়া পটাশ্ পারমেন্গেনাম (Potassium Permanganate crystal) উক্তস্থানে লাগাইয়া দিবে । আহত স্থান হইতে রক্ত চুষিয়া লওয়াও (১০৯ পৃষ্ঠা) একটী প্রকৃষ্ট উপায় ।

সর্পদষ্ট ব্যক্তিকে লঙ্কা খাইতে দিলে তাহার ঝাল বোধ হইবে না । দষ্টস্থানে লোহা স্থাপন করিলে তাহা শীতল বোধ হইবে না ।

এই সকল লক্ষণ দেখিয়া সর্পে দংশন করিয়াছে কি না বুঝিতে পারা যায়।


যে স্থলে অধিক সর্প আছে সেই সকল স্থলে গৃহে প্রচুর পরিমাণে ধূপধূনা দেওয়া কর্তব্য। কারণ ধূনার গন্ধে সর্প পলায়ন করে। যে সকল স্থান দিয়া গৃহে সর্প প্রবেশ করিবার সম্ভাবনা সেই সকল স্থানে কার্বলিক এসিড ছড়াইয়া দিলে গৃহে আর সর্প প্রবেশ করিতে পারিবে না।

৬১। জলমগ্ন রোগী—কতক্ষণ জলে ডুবিয়াছে অনেক সময়েই তাহা জানা সম্ভবপর হয় না। জলে ডোবার পর ১৫ মিনিটকাল অতিবাহিত হইলে জলমগ্ন ব্যক্তিকে বাঁচাইবার চেষ্টা করা বৃথা। তবে সকল জলমগ্ন ব্যক্তিকেই বাঁচাইবার জন্ত সাবশেষ চেষ্টা করা কর্তব্য। বাঁচিবে না বলিয়া হতাশ হওয়া উচিত নয়। যাহাতে শ্বাস প্রশ্বাস পুনঃ স্থাপিত হয় তজ্জন্ত সর্ব্বাগ্রে চেষ্টা করা কর্তব্য। এজন্ত প্রথমেই মুখের ভিতরে কোন প্রকার কাদা, ফেনা কিম্বা থুথু প্রভৃতি থাকিলে সর্ব্বাগ্রে তাহা পরিষ্কার করিয়া লইবে। তৎপর জিহ্বা টানিয়া বাহির করিবে এবং জিহ্বার উপর দিয়া একখণ্ড ফিতা কিম্বা রবরব্যাণ্ড (rubber band) আনিয়া চিবুকের নিম্নে বাঁধিয়া দিবে যেন জিহ্বা মুখের ভিতরে প্রতিষ্ঠিত হইয়া যাইতে না পারে। এক্ষণ করিলে সহজে নিশ্বাস কার্য হইতে পারিবে।

ইহাতেও যদি রোগীর পুনর্জীবনের চিহ্ন দেখা না যায় তাহা হইলে নিম্নলিখিত প্রণালীতে কৃত্রিম শ্বাস প্রশ্বাস উৎপাদন করিবে। ইহাকে সিল্ভেষ্টোর প্রণালী (Sylvestoe's Method) বলে।

জিহ্বা উপরোক্তরূপে রাখিয়া রোগীকে চিৎ করিয়া শয়ন করাইবে এবং স্বক্কের নিম্নে বালিশ কিম্বা অন্য কোন দ্রব্য দ্বারা মস্তকের দিক কিঞ্চিৎ উচু করিয়া রাখিবে এবং রোগীর মস্তকের দিকে হাঁটু গাড়িয়া বসিয়া ঠিক

কম্বুইয়ের উর্দ্ধভাগে রোগীর উভয় বাহুতে ধরিয়া ক্রমশঃ উপরের দিকে তুলিয়া রোগীর মস্তকের কাছে আনিবে (৪৫ নং চিত্র) । দুই তিন সেকেন্ডে



৪৫ নং চিত্র ।

এইরূপে হাতটী ধরিয়া রাখিবে । তৎপর হাত দুইটীকে কম্বুইয়ের নিকট বাকাইয়া আস্তে আস্তে বক্ষের পার্শ্বে লইয়া গিয়া বক্ষের পার্শ্বদেশে অর্থাৎ




৪৬ নং চিত্র ।

পার্শ্বরে চাপিয়া ধরিবে (৪৬ নং চিত্র) । প্রতি মিনিটে ১৫ হইতে ২০ বার পূর্বোক্ত রূপে হাত তুলিতে ও নামাইতে থাকিবে । এইরূপে পুনঃ পুনঃ


বাহুদ্বয় ধীরে ধীরে উর্দ্ধ অধঃ করিতে থাকিলে পঞ্জর পরিচালনা দ্বারা ফুস্ফুসের ক্রিয়া সহজে সম্পন্ন হইতে পারিবে। এইরূপে কিয়ৎকাল কৃত্রিম শ্বাস প্রশ্বাস সম্পাদন করিলে রোগী ক্রমে স্বাভাবিক অবস্থা প্রাপ্ত হইবে।

শ্চাফেয়ারের প্রণালী (Schäfer's method)—অল্প বয়স্কদের জন্য এবং একের অধিক সাহায্যকারী উপস্থিত না থাকিলে নিম্নলিখিত



৪৭ নং চিত্র ।

প্রক্রিয়াটি বিশেষ উপযোগী। রোগীকে উপুর করিয়া মাটিতে শোয়াইবে এবং তাহার উপরে চাপিয়া কাঁধের কাছে শরীরের সমস্ত ভার দিবে



৪৮ নং চিত্র ।

(৪৭ নং চিত্র)। তৎপর ভার উঠাইয়া লইলেই (৪৮ নং চিত্র) রক্ত চলাচল ও শ্বাসক্রিয়ার সাহায্য হইবে। ক্রমাগত কয়েকবার এইরূপ করিলেই রোগী স্বাভাবিক অবস্থা পুনঃপ্রাপ্ত হইবে। জলমগ্ন ও উদ্বন্ধনে মৃতপ্রায় রোগীর পক্ষে ইহা বিশেষ ফলপ্রসূ।

জলমগ্ন ব্যক্তিকে কখন দাঁড় করাইতে চেষ্টা করা উচিত নয় । কখন কখন কোন বলবান লোক জলমগ্ন ব্যক্তিকে মাথার উপর উঠাইয়া উহার পদদ্বয় ধরিয়৷ ঘুরাইতে থাকে । ইহাতে রোগীর মুখ দিয়া জল বাহির হইয়া যায় এবং ক্রমে শ্বাস প্রশ্বাস ক্রিয়া আরম্ভ হয় । কিন্তু ইহাতে বিলক্ষণ বিপদের সম্ভাবনা ।

৬২ । সর্দি-গর্শ্বি—বহুক্ষণ অধিক উত্তাপ লাগিলে হঠাৎ শরীর অবশ হইয়া সংজ্ঞাহীন হইয়া যাইতে পারে । কখন কখন অধিক রৌদ্র-তাপ সহ করিলে অথবা অধিককাল কোন উত্তপ্ত গৃহে আবদ্ধ থাকিলেও এরূপ ঘটনা থাকে । স্থূলকায়, অত্যধিক সুরাপায়ী কিম্বা যাহারা সাধারণতঃ দুর্বল অথবা সহজে ক্লান্তি অনুভব করে এবং পরিশ্রান্ত হইয়া পড়ে তাহাদিগেরই সর্দি-গর্শ্বি হইবার সম্ভাবনা । সর্দি-গর্শ্বির প্রথমাবস্থায় মাথাধরা কিম্বা মাথাধোরা উপসর্গ হয় এবং ক্রমে অঙ্গ প্রত্যঙ্গ অসাড় হইয়া পড়ে । অবশেষে সংজ্ঞা লোপ পায় । মস্তিষ্ক অত্যন্ত উষ্ণ, মুখমণ্ডল রক্তাভ এবং স্ফীত হয়, শ্বাস প্রশ্বাসে কষ্টানুভব হয় ও নাক ডাকিতে আরম্ভ হয় । হস্ত পদাদি শীতল হইয়া আইসে । এমতাবস্থায় অগৌণে চিকিৎসক ডাকা আবশ্যিক । কিন্তু ইতিমধ্যে রোগীকে শীতল গৃহাভ্যন্তরে কিম্বা কোন শীতল ছায়াযুক্ত স্থানে বালিশের উপর মাথা রাখিয়া বা অন্য উপায়ে মস্তক উচুভাবে রাখিয়া চিৎ করিয়া শয়ন করাইবে ও পরিধেয় বস্ত্রাদি শিথিল করিয়া দিবে এবং বাতাস করিতে থাকিবে । মস্তকে বরফজল বা শীতল জলের পটি দিতে থাকিবে এবং চোকে মুখে শীতল জলের আছড়া দিবে । হাত ও পায়ের তলা মর্দন করিয়া দিবে এবং পায়ের তলা এবং গোছাতে সর্ষপচূর্ণ (মাষ্টার্ড) কিম্বা তার্পিন্ তৈল মালিশ করিবে । রোগী গিলিতে পারিলে প্রচুর পরিমাণে শীতল জল পান করিতে দিবে । এ অবস্থায় ষাহাতে দাস্ত হয় তাহার ব্যবস্থা করা কর্তব্য ।

৬৩। বজ্রাঘাত—কোন ব্যক্তি বিদ্যাতাত্ত হইলে প্রায়ই অল্পাধিক পরিমাণে একবারে সংজ্ঞাশূন্য হয়। কখনও ভয়ে, কখনও বা তাড়িতাঘাতে এরূপ হইয়া থাকে। বজ্রাঘাতে কখন কখন শরীর একবারে দগ্ধ হয়, কখনও বা কেবল বালসিয়া যায়। অনেক সময় তৎক্ষণাৎ মৃত্যু হয়, কখনও কেবল অচৈতন্য হইয়া থাকে। পুড়িয়া গেলে “অগ্নিদাহের” গ্রন্থ (২৩ পৃষ্ঠা) চিকিৎসা করিতে হইবে। সংজ্ঞাহীন হইলে তৎক্ষণাৎ রোগীকে কক্ষলদ্বারা উত্তমরূপে জড়াইয়া পায়ের তলায় এবং বগলে বোতল বা বালি সেক (৪৮ ও ৪৯ পৃষ্ঠা) দিবে। কিছুকাল এরূপ করিলেই চৈতন্য সম্পাদন হইবে।

কাহারো কাহারো মতে বজ্রাঘাতে অচৈতন্য হইলে তৎক্ষণাৎ একটা গর্ভ খুঁড়িয়া রোগীর কোমর পর্যন্ত তাহাতে পুতিয়া ফেলিবে এবং তদবস্থায় রোগীকে সূর্যের দিকে মুখ করিয়া শয়ন করাইয়া মুখ-বাদে সর্বাঙ্গ মাটি চাপা দিবে। তৎপর রোগী চক্ষু মেলিতে চেষ্টা করিলে মুখ গলা এবং বকের উপর শীতল জলের ধারা দিতে থাকিবে। কিছু-কাল এইরূপ করিলেই চৈতন্য সম্পাদন হইবে।

৬৪। বিষম লাগিলে—আহার করিবার সময় হঠাৎ উন্মনস্ক হইলে অথবা পান করিবার সময় হঠাৎ ঢোক গিলিবার চেষ্টা করিলে কখন কখন আহার কিম্বা পানীয় দ্রব্যের কিয়দংশ খাসনালীতে প্রবিষ্ট হইয়া শ্বাসরোধ হইবার উপক্রম হয়। ইহাকেই ‘বিষম খাওয়া’ বলে। ইহা অতিশয় কষ্টদায়ক, এমন কি কখন কখন সাংঘাতিক হওয়াও বিচিত্র নহে। এ অবস্থায় যাহাতে হাঁচি হইতে পারে তাহার ব্যবস্থা করিবে। কারণ হাঁচিবামাত্র নিশ্বাসপথ পরিষ্কৃত হইয়া যাইবে এবং নির্ঝিল্লি শ্বাসকার্য চলিতে পারিবে। পানের ‘বিষম’ বঁড়ই বিষম। পানের কণা খাসনালীতে প্রবিষ্ট হইলে সহজে বহির্গত হয় না এবং

শ্বাস-পথ রুদ্ধ করিয়া থাকে বলিয়া অতিশয় যন্ত্রণাদায়ক হয় । এ অবস্থায় অনেক জল পানের ব্যবস্থা দিয়া থাকেন । কিন্তু তাহাতে বিশেষ কোন ফলোদয় হয় না । এ অবস্থায় হাঁচাই প্রকৃষ্ট উপায় ।

৬৫ । মূর্ছা বা ফিট হইলে—তৎক্ষণাৎ চিৎ করিয়া এমন ভাবে শয়ন করাইবে যেন মাথা শরীর হইতে নীচের দিকে ঝুলিয়া পড়ে । মাথায় বালিশ না দিয়া শোয়াইলেই কতকটা ঐরূপ হইবে । তৎপর মুখে শীতল জলের আছড়া দিবে এবং গৃহের দরজা জানালা সমস্ত খুলিয়া দিবে অথবা প্রয়োজন হইলে ঘরের বাহিরে আনিয়া পরিষ্কৃত বায়ুপূর্ণ স্থানে শয়ন করাইবে । হাত পা উত্তমরূপে মাজিয়া দিবে এবং একটা পালকে আগুন দিয়া তাহা রোগীর নাকের কাছে এমন ভাবে ধরিলে যেন উহার ধোঁয়া সহজে নাকের ভিতর প্রবিষ্ট হইতে পারে । স্মেলিং সল্ট (Smelling salt) এর শিশি নাকের কাছে ধরিলে অনেক সময় বিশেষ উপকার দর্শে । রোগীকে শোয়াইতে না পারিলে এমন ভাবে বসাইবে যেন মাথা সম্মুখের দিকে ঝুলিয়া পড়ে ।

রক্তশূন্যতা, অতিরিক্ত ভয় অথবা হঠাৎ কোন সংবাদ শ্রবণে আঘাত পাইলে সাধারণতঃ মূর্ছা হইয়া থাকে । তলপেটে আঘাত লাগিলে অথবা গুরুতর বেদনা হইলেও কখন কখন ওরূপ হয় । স্ত্রীলোকদিগের বাধকের পীড়া বর্তমান থাকিলেও মূর্ছা হইতে দেখা যায় । বজ্রাঘাত প্রভৃতি গুরুতর শব্দ শ্রবণে অথবা অতিরিক্ত দুর্গন্ধ আঘ্রাণেও সময় সময় মূর্ছা হইয়া থাকে । স্ত্রীলোকদিগেরই সচরাচর এরোগ হইয়া থাকে । মূর্ছা হইবার প্রথমে গা বমি বমি করে, মাথা ঘুরে এবং মুখ পাণ্ডুবর্ণ ধারণ করে । যাহাদের মূর্ছারোগ আছে তাহাদের বিশুদ্ধ বায়ু সেবন করা এবং যাহাতে সর্বদা কোষ্ঠ পরিষ্কার থাকে এরূপ ব্যবস্থা করা বিধেয় ।

ষষ্ঠ পরিচ্ছেদ ।

পথ্য প্রকরণ ।

৬৬ । পথ্যাপথ্য নির্ণয়—“বিনাপি ভেষজৈর্ব্যাধিঃ পথ্যাদেব নিবর্ততে । নতু পথ্য বিহীনানাং ভেষজানাং শতৈরপি ॥” অর্থাৎ ‘ঔষধ ছাড়িয়া দিলেও কেবল পথ্যের জোরে রোগ সারে । কিন্তু পথ্য ছাড়িয়া দিলে শত শত ঔষধেও কিছু হয় না ।’ বাস্তবিক ঔষধ সেবনকালে পথ্যবিষয়ে বিশেষ মনোযোগী না হইলে শত ঔষধেও কোন প্রতিকারের আশা থাকে না । এমন কি অনেক সময়ে কেবল পথ্যের দোষেই রোগ দূর হয় না । অতএব কোন্ রোগে কি পথ্য এবং কি অপথ্য তাহা নির্ণয় করা নিতান্ত আবশ্যিক । যাহা অপথ্য তাহা রোগীকে কখনই খাইতে দিবে না । যাহা পথ্য, রোগীর জীর্ণ শক্তির দিকে লক্ষ্য রাখিয়া তাহার পরিমাণ স্থির করিয়া দিবে । কেঁননা যাহা সুপথ্য তাহাও অতিরিক্ত পরিমাণে আহার করিলে অপকার হইতে পারে ।

- (১) সাধারণ জ্বরে—জ্বরের প্রথম অবস্থায় লজ্জনই উত্তম । জল-সাগু (বালি বা এরাক্লট) লবণ কিম্বা মিছরিসহ কয়েক ফোঁটা পাতিলেবুর রস মিশ্রিত করিয়া দেওয়া যাইতে পারে । বন্ধা দুগ্ধের সহিত জলসাগু (বালি বা এরাক্লট) মিছরি কিম্বা পরিষ্কার বাতাসা মিশ্রিত করিয়া খাইতে দিবে । দুগ্ধই দেওয়াও মন্দ নহে, কারণ তাহাতে কোষ্ঠ পরিষ্কার হইবার পক্ষে সহায়তা হইবে । কিন্তু খই দিবার সময় যাহাতে উহা বেশ টাট্টা থাকে এবং তাহাতে বালি কিম্বা

ধানের খোসা মিশ্রিত না থাকে সে বিষয়ে দৃষ্টি রাখিবে । মসুর বা কাঁচা মুগ দালের ঘূষ, চিড়া বা খৈয়ের মণ্ড এবং কখন কখন পুরাতন তণ্ডুলের মণ্ড দেওয়া যাইতে পারে । রোগী ইচ্ছা করিলে স্মিষ্ট ডালিম, বেদানা, কেশুর, পানিফল, ইস্কু, কিস্মিস্, স্মিষ্ট কমলালেবু এবং দুই একটা আঙ্গুর খাইতে পারে । 'জ্বর ছাড়িলে দুধ ও টোষ্ট্, পাউরুটি কিম্বা রুটি দেওয়া যাইতে পারে । কখন কখন প্লেইন্ এরাকট্ বিস্কুট্ (Huntley Palmer's Thin Arrowroot Biscuit) সামান্য জ্বর থাকিতেও দেওয়া যায় । তৎপর শরীর সম্পূর্ণরূপে জ্বর এবং ঘানিশৃণু হইলে পুরাতন চাউলের ভাত, টাটকা ক্ষুদ্র মংসের ঝোল ব্যবস্থেয় । কুইনাইন সেবনের পর প্রচুর পরিমাণে দুগ্ধ পান করিতে দেওয়া কর্তব্য । অত্যধিক দুর্বল হইলে মাংসের ঘূষ অথবা 'জাগসূপ' (Jug Soup) দেওয়া আবশ্যিক ।

অন্ন, শাক, অল্প বা কোন প্রকার গুরুপাক দ্রব্য ভোজন, তৈলাদি মর্দন, স্নান, ব্যায়াম, দিবানিদ্রা ও শ্রম ইত্যাদি অহিতকর ।

(২) জ্বরের সহিত উদরাময় বর্তমান থাকিলে—সাগু না দিয়া বালি কিম্বা এরাকট্ দেওয়া বিধেয় । পেটের অসুখ থাকিলে অনেকে দুগ্ধ দেওয়া সঙ্গত মনে করেন না, কিন্তু সকল সময়ে তাহা ঠিক নহে । বন্ধা দুগ্ধের সহিত 'সোডাপানি' কিম্বা চূণেব জল মিশ্রিত করিয়া দেওয়া যাইতে পারে । এ অবস্থায় ঘোলও সুপথ্য বলিয়া বিবেচিত হয় । অন্যান্য বিষয়ে জ্বরের গ্ৰায় ব্যবস্থা । দুর্বলাবস্থায় মাংসের ঘূষ কিম্বা 'জাগসূপ' দেওয়া যাইতে পারে । সূপের সঙ্গে টীঞ্চার কার্ডেমাম কম্পাউণ্ড (Tinct. Cardamum Co.) আউন্সে ১৫, ফোঁটা মিশ্রিত করিয়া দিলে ভাল হয় ।

(৩) জীর্ণ জ্বর, প্লীহা ও যকৃৎ প্রভৃতি রোগে—জ্বরের সময় বালি ইত্যাদি পূর্কোক্তরূপে লঘু আহাৰ্য্য ব্যবস্থেয় । প্লীহা থাকিলে বিশেষ

সাবধানতার সহিত পথ্যের ব্যবস্থা করিতে হইবে। জ্বর না থাকিলে পুরাতন চাউলের ভাত, ব্যঞ্জনার্থ পটোল, বেগুন, মানকচু প্রভৃতি তরকারী। শ্ৰীহা-রোগীর পক্ষে আলু অত্যন্ত অপকারী। মসুর বা মুগ দাল, কই, মাগুর, শিঙ্গী, মৌরল্যা প্রভৃতি ক্ষুদ্র মৎস্যের ঝোল বিশেষ উপকারী। মৎস্য তত অপকারী নহে, এজন্য মৎস্যের ঝোল আহার করিতে দেওয়াই সম্ভব। অল্প পরিমাণে বন্ধা দুগ্ধ পান করিতে দেওয়া বিধেয়। রোগী দুর্বল হইলে মাংসের যুষ অথবা 'জাগসূপ' ব্যবস্থেয়। অল্পের মধ্যে পাতি বা কাগজি লেবু দেওয়া যাইতে পারে। প্রাতঃভ্রমণ বিশেষ উপকারী।

শাক, অন্ন, দধি, মাষকলাই, খেসারি, মটর ও অরহর প্রভৃতি দাল, গুরু ও ঘৃতপক দ্রব্য এবং সর্বপ্রকার ভাজা পোড়া দ্রব্য ভোজন, অতিরিক্ত পরিশ্রম, পরিশ্রমের অভাব, অধিক রাত্রিতে শয়ন অথবা রাত্রি জাগরণ নিতান্ত অহিতকর।

(৪) হামজ্বরে—উদরাগয় বর্তমান থাকিলে এরাকট ইত্যাদি লঘু পথ্য ব্যবস্থেয়। এ রোগে মৎস্য মাংস ভক্ষণ এবং তৈলমর্দন একবারে নিষিদ্ধ। হামের সহিত নিউমনিয়া বা ব্রুসাইটিস (কাশি) বর্তমান থাকিলে অথবা রোগী অত্যন্ত দুর্বল হইলে দুগ্ধ এবং মাংসের যুষ বা 'জাগসূপ' ব্যবস্থা করা যাইতে পারে।

(৫) জলবসন্তরোগে—সাগু, এরাকট, দুগ্ধ, পুরাতন তুণ্ডুলের অন্ন ব্যবস্থেয়। জ্বর ছাড়িয়া গেলে জ্বররোগের পথ্যাপথ্য; মৎস্য, মাংসাহার নিষিদ্ধ।

(৬) বসন্তরোগে—জ্বরের অবস্থায় দুধসাগু, দুধবাঁলি বা এরাকট প্রভৃতি এবং জ্বর ছাড়িয়া গুটি পাকিতে আরম্ভ করিলে পুরাতন চাউলের ভাত, রুটী, দুগ্ধ প্রভৃতি পথ্য। ফলের মধ্যে বেল দেওয়া যাইতে পারে।

মৎস্য, মাংস আহার এবং তৈল ব্যবহার একবারে নিষিদ্ধ । অন্ত্যায় বিষয়ে অর রোগের লায় ব্যবস্থা ।

(৭) কৃমি রোগে—পুরাতন চাউলের ভাত, ক্ষুদ্র মৎস্যের ঝোল, পটোল, মোচা, পলতা, উচ্ছে, করলা, বেতাগা, বেগুন, মানকচু ও ডুমুর প্রভৃতি তরকারী, মুগ ও ছোলা প্রভৃতি দাল এবং দুগ্ধ ব্যবস্থেয় । এ রোগে তিক্তরস বিশেষ উপকারী । সহিবার ক্ষমতা থাকিলে স্নান করা কর্তব্য ।

শাক, দধি, কলা, অধিক পক বা অপক ফল, পিষ্টক, নানা প্রকার মিষ্টান্ন এবং সর্বপ্রকার গুরুপাক দ্রব্য ভোজন নিষিদ্ধ ।

(৮) অর্শ প্রভৃতি রোগে—পুরাতন চাউলের ভাত, মুগদাল, পটোল, বেগুন, ওল, ডুমুর, মানকচু পেঁপে, দেশী কুমড়া, কচু, ক্ষুদ্র মৎস্যের ঝোল, পাতি বা কাগজিলেবু ও ঘোল সুপথ্য । রাত্রিতে উক্ত-রূপ অন্ন অথবা দুধখই বা দুধসাগু ইত্যাদি সেবন করা উচিত । কুকুট বা ছাগ মাংস অল্প পরিমাণে আহার করা যাইতে পারে । অধিক দুর্বল বোধ করিলে জাগস্থপ ব্যবস্থেয় । সহ হইলে ভাতের সহিত মাখন কিম্বা ঘৃত খাওয়া যাইতে পারে । জল খাবার জন্ত লুচি, গজা, মোহন-ভোগ ইত্যাদি, মাখন, কৃষ্ণতিল, মিছরি, কিস্মিস্, মনকা, সেউ (আপেল), আঙ্গুর, সুপক বেল ও পেঁপে উপকারী । প্রত্যহ প্রাতে খোসা শূন্য তিল (পূর্ব দিবস ভিজান) মাখন ও মিছরি সহ খাইলে বিশেষ উপকার হয় ।

ভাজা পোড়া দ্রব্য যাহা সহজে হজম হয় না, দধি, পিষ্টক, সিম, লাউ প্রভৃতি তরকারী, খেসারি, অরহর ইত্যাদি দাল এবং অধিক পরিমাণে পাকা আম খাওয়া নিষিদ্ধ । রৌদ্র বা অগ্নিসস্তাপ, মলমূত্রাদির বেগ ধারণ, উচুভাবে উপবেশন (উবু হয়ে বসা), অশ্বাদি ষানারোহণ এবং মাদক দ্রব্য সেবন প্রভৃতি অহিতকর ।

(৯) বাতরোগে—জ্বর থাকিলে সাণ্ড, এরাকট প্রভৃতি লঘু আহার বিধেয়। অবসাদের লক্ষণ প্রকাশ পাইলে জাগসুপ ও ছুন্ধ প্রভৃতি বলকারক খাওয়া আহার করা কর্তব্য। পুরাতন চাউলের ভাত, মুগ, ছোলা, মসুর প্রভৃতি দাল, পটোল, ডুমুর, মানকচু, ওল, উচ্ছে, করলা, বেগুন, দেশী কুমড়া প্রভৃতি তরকারী, স্বল্প মসলাযুক্ত মাংস, স্তমৎশ্র এবং ছুন্ধ আহার্য্য। তরকারীতে আদা, লঙ্কা এবং রসুন ব্যবহার করা উচিত। অনেক কবিরাজ ও ডাক্তারের মতে কাঁচা তেঁতুল এবং চালতার অম্বল বাতরোগে বিশেষ উপকারী। জলখাবার জন্ত লুচি, গজা, মোহনভোগ প্রভৃতি মিঠাই এবং কিস্মিস্, আঙ্গুর, খেজুর প্রভৃতি ফল ব্যবহার করা যাইতে পারে। অমাবস্তা ও পূর্ণিমা তিথিতে লজ্জন অথবা দিবসে লুচি কিস্মা রুটী এবং রাত্রিতে দুধখই ইত্যাদি লঘু আহার বিধেয়।

শাক, দধি, গুড়, মাষকলাই, খেসারি ও মটর প্রভৃতি দাল, গুরুপাক দ্রব্যাদি, পিষ্টক এবং অধিক মিষ্ট দ্রব্যাদি ভোজন নিবিদ্ধ। দিবানিদ্রা, রাত্রিজাগরণ, ধূমপান, শৈত্য সেবাদি এবং মলমূত্রাদির বেগধারণ অতিশয় অহিতকর।

(১০) বাতব্যাদি বা পক্ষাঘাতরোগে—দিবসে পুরাতন চাউলের ভাত, রোহিত, মাগুর, শিঙ্গী, কই, খলিশা প্রভৃতি মৎশ্র ; মুগ, ছোলা ও মসুর প্রভৃতি দাল ; আলু, পটোল, ডুমুর, ওল, মানকচু, কুম্ভাণ্ড, বেগুন, মোচা, কপি, ইচড় প্রভৃতি তরকারী ; ছাগ, কুক্কট প্রভৃতির মাংস ; পাকা আম, পেঁপে, আতা, আঙ্গুর, বেদানা, ডালিম, কিস্মিস্, সেউ প্রভৃতি ফল ; ছুন্ধ, মাখন, ঘোল, দধি ইত্যাদি আহার্য্য। রাত্রিতে রুটী বা লুচি, অসহ হইলে ছুধসুজি বা পাউরুটী সেবন করা কর্তব্য। জলখাবার জন্ত মোহনভোগ, গজা, কুমড়ার মিঠাই (পৈঠারী), উত্তম সন্দেশ প্রভৃতি মিঠাই দেওয়া যাইতে পারে। অপথ্য—বাতরোগের স্তায়।

(১১) অল্পপিত্ত ও শূলরোগে—পুরাতন চাউলের সুসিক্ত ভাত, ক্ষুদ্র মৎশ্চের ঝোল, মানকচু, ওল, পটোল, পাকা দেশীকুমড়া, মোচা, বেগুন, ডুমুর, করলা প্রভৃতি তরকারী; আমলকী, কচি নারিকেলের শস্ত (নেয়াপাতি), হিষ্কা ও পলতা প্রভৃতি তিক্ত দ্রব্য, ডাবের জল, ইক্ষু, হিঙ্গ, পেঁপে ও বেল প্রভৃতি ব্যবস্থেয় । ডালিম, বেদানা, সুপক কমলালেবু ইত্যাদি দেওয়া যাইতে পারে । তরকারী যথাসম্ভব অল্প পরিমাণে ব্যবহার করা কর্তব্য । উদ্ভিজ্জ দ্রব্য পরিত্যাগ করিয়া ক্ষুধা অনুযায়ী মাগু, বালি প্রভৃতি এবং টাটকা ক্ষুদ্র মৎশ্চের ঝোল ও দুগ্ধ ব্যবস্থা করিতে হইবে । মৎশ্চের ঝোলে ভাত মাথিয়া খাইবে কিন্তু তরকারী খাইবার নিতান্ত ইচ্ছা হইলে চুঘিয়া ফেলিয়া দিবে । দুগ্ধের সহিত অল্প মিছরি ব্যবহার করা যাইতে পারে । পীড়া প্রবল থাকিলে অন্নাদি আহার বন্ধ করিয়া, কেবল মাত্র যবের মগু ও দুধবালি বা দুধখই এবং পীড়ার হ্রাস হইলে দিবাভাগে অন্ন এবং রাত্রিতে দুধখই ইত্যাদি লঘু পথ্য ব্যবস্থেয় । জলখাবার জল কুমড়ার মিঠাই, বেলের ও আমলকীর মোরবা ব্যবহার করা যাইতে পারে । সহ্য হইলে দুই বেলা ভাত দেওয়া যাইতে পারে । এই পীড়ায় আহার ঝালে অথবা আহারের অব্যবহিত পরে জলপান করা কর্তব্য নহে । আহারের অন্ততঃ এক ঘণ্টাকাল পরে জলপান করা বিধেয় । কাগজি কিন্ধা পাতি লেবু ব্যবস্থা করা যাইতে পারে । সহ্য হইলে প্রত্যহ স্নান করা কর্তব্য । প্রতিদিন নিয়মিত সময়ে আহার করা উচিত । সহ্য হইলে আহারের পর ডাবের জল পান করা বিধেয় ।

নূতন তণ্ডুলের অন্ন, অধিক লবণ, কটু দ্রব্য, সকল প্রকার দাল, অন্ন, মিষ্টান্ন, গুরুপাক দ্রব্যাদি, শাক, লঙ্কার ঝাল, অধিক তৈল ও দধি প্রভৃতি ভক্ষণ নিষিদ্ধ । সুরাপান, মলমূত্রের বেগধারণ, আতপসেবা এবং রাত্রিজাগরণ সর্বতোভাবে পরিত্যাজ্য ।

(১২) অজীর্ণ, উদরাধ্মান এবং অগ্নিমান্দ্য প্রভৃতি রোগে— অতি পুরাতন চাউলের ভাত, মুগ বা মসুর দালের যুষ, টাটকা ক্ষুদ্র মৎস্যের ঝোল, পটোল, বেগুন, কাঁচাকলা, গন্ধভাতুলি প্রভৃতি তরকারীর ঝোল হিতকর। ক্ষুধা এবং রোগের অবস্থা বিবেচনা করিয়া রাত্রিতে সহমত অন্ন, দুধবাণি বা দুধসাগু ইত্যাদি খাইতে দিবে। দুগ্ধের সহিত সোডাপানি বা চূণের জল মিশ্রিত করিয়া দেওয়া কর্তব্য। ঘোল, অন্নের মধ্যে পাতি বা কাগজিলেবু, নিতাস্ত ইচ্ছা হইলে খুব পুরাতন তেঁতুল বা অল্প পরিমাণে আমসত্ত্ব দেওয়া বাইতে পারে।

উদরাময় প্রবল থাকিলে অন্নাহার নিষিদ্ধ। এরাক্রট জলসহ পাক করিয়া অল্প মিছরি ও পাতি লেবুর রস মিশ্রিত করতঃ সেবন করিতে দেওয়া কর্তব্য। দুগ্ধের সহিত এরাক্রট ব্যবহার করিলে সোডাপানি মিশ্রিত করিয়া দেওয়াই সঙ্গত। পেট ফাঁপা ইত্যাদিতে সোডাপানি বিশেষ উপকারী। অধিক দুর্বল হইলে জাগসূপ ব্যবস্থা করা কর্তব্য। এরাক্রটের সহিত মাগুর বা শিঙ্গী মৎস্যের ঝোল মিশ্রিত করিয়া দেওয়া বাইতে পারে। এ অবস্থায় তরকারী ব্যবহার করা কর্তব্য নহে। মাংসের যুষ বিশেষ উপকারী।

জলখাবার জন্য কাঁচা বেল পোড়াইয়া তাহার শস্ত্র অথবা সুপক বেল বা বেলের মোরঝা, ডালিম, বেদানা, ইক্ষু, কেশুর, পানিফল প্রভৃতি দেওয়া বাইতে পারে। অজীর্ণ এবং উদরাধ্মানে ছাগদুগ্ধ নিষিদ্ধ, কিন্তু রক্তমাশয়ে হিতকর।

বৃতপক দ্রব্য, ফলমূল, বাসি দ্রব্য, বাঁধাকপি, সিন, মটরগুটী প্রভৃতি তরকারী, গুরুপাক ও তীক্ষ্ণ-বীৰ্য্য দ্রব্যাদি, অধিক জলপান, খেসারি, ছোলা ও অবহর প্রভৃতি দাল, শাক, গুড়, নারিকেল, কিসমিস, সারক দ্রব্যাদি, অধিক লবণ, লঙ্কার ঝাল, পিষ্টক ও ভাজা পোড়া দ্রব্যাদি

এবং মিষ্টান্ন ভক্ষণ আহতকর। গাত্রে তৈলমর্দন, রাত্রিজাগরণ, অত্যধিক আহার এবং অক্ষুধায় আহার অভিশয় অনিষ্টকর।

(১৩) আমাশয় ও রক্তামাশয় রোগে—পীড়ার প্রাবল্যে ঘোল, এরাকুট বা বালি, লবণ, মিছরি ও পাতিলেবুর রস অথবা বন্ধা দুগ্ধ মিশ্রিত করিয়া পান করিতে দেওয়া কর্তব্য। রক্তামাশয় রোগে ছাগদুগ্ধ হিতকর। দুগ্ধ জ্বাল দিবার সময় উহাতে বেল গুঁঠ মিশ্রিত করিয়া জ্বাল দিলে বিশেষ উপকার দর্শে। অবস্থা এবং মত মত দিবসে পুরাতন তণ্ডুলের অন্ন এবং রাত্রিতে দুগ্ধ ও টোষ্ট পাউরুটী বা এরাকুট পথ্য। কাঁচকলা, কচি বেগুন, পটোল প্রভৃতি তরকারী, কই, মাগুর ও শিঙ্গী প্রভৃতি ক্ষুদ্র মৎস্যের ঝোল সুপথ্য। অধিক দুর্বল হইলে এবং পীড়া গুরুতর হইলে জাগসূপ বা Raw meat Juice ব্যবস্থেয়। গন্ধভাঙ্গলির ও পলতার ঝোল বিশেষ উপকারী। এরাকুটের সহিত মিশ্রিত করিয়াও ইহা পান করিতে দেওয়া যায়। অন্ন পরিমাণে আমসত্ত্ব ব্যবহার করিতে কোন বাধা নাই। কাঁচাবেলপোড়া ও বেলের মোরকা হিতকর। কমলালেবু, বাতাবীলেবু, কেগুর, পানিফল, ডালিম, বেদানা, পদ্মবীজ ও কাল জাম প্রভৃতি ফল দেওয়া যাইতে পারে।

তীক্ষ্ণ-বীৰ্য্য ও গুরুপাক দ্রব্যাদি, ঘৃত ও ঘৃতপক দ্রব্য, ডিম, অধিক জলপান, গোধূম, সর্ষপ্ৰকার দাল, শাক, কাঁচা ফল, ইস্কু, গুড়, নারিকেল, লঙ্কার ঝাল, পিষ্টক, ভাজাপোড়া দ্রব্য, নানা প্রকার তরকারী, দধি, অন্ন, ঘন দুগ্ধ ইত্যাদি ভোজন, তৈলমর্দন, রাত্রিজাগরণ, অগ্নি বা রৌদ্রসস্তাপ এবং স্নান নিষিদ্ধ।

(১৪) শোথ ও উদরিরোগে—দিবসে পুরাতন চাউলের ভাত, মসুর ও মুগ দাল, ক্ষুদ্র মৎস্যের ঝোল, পটোল, বেগুন, ওল, মানকচু, পুনর্নবা শাক, দুগ্ধ ইত্যাদি আহার্য্য। রাত্রিতে তুখই কিম্বা দুধসাগু

ইত্যাদি লঘুপথ্য ব্যবস্থেয় । সন্ধ্য হইলে রাত্রিতে রুটী ব্যবহার করা যাইতে পারে । পীড়া প্রবল হইলে অনাহার একবারে পরিত্যাগ করা উচিত : এ অবস্থায় প্রচুর পরিমাণে দুগ্ধ পান করা কর্তব্য । সৈন্ধব অথবা লবণ ব্যবহার নিষিদ্ধ । অমাবস্তা ও পূর্ণিমা ইত্যাদি তিথিতে লজ্জন ব্যবস্থেয় ।

নূতন তণ্ডুলের অন্ন, গুরুপাক দ্রব্য, অন্ন, পিষ্টক, দধি, তিল, লাউ, কুমড়া, কলা, ফুটি, তরমুজ, শশা, আনারস ও লেবু ইত্যাদি জলীয় দ্রব্যাদি ভোজন, অধিক জলপান, তৈলমর্দন, স্নান, দিবানিদ্রা, মলমূত্রের বেগধারণ, অধিক রাত্রিজাগরণ ইত্যাদি অহিতকর ।

(১৫) কোষরুদ্ধি বা একশিরা এবং শ্লীপদ বা গোদরোগে—
দিবসে পুরাতন চাউলের ভাত, মুগ, ছোলা, মসুর, প্রভৃতি দাল, পটোল, বেগুন, আলু, মানকচু, ওল ইত্যাদি তরকারী লঘুমাংস ও মৎস্যের ঝোল, শুষ্ক ও লঘু আহার, দুগ্ধ, তিক্ত দ্রব্যাদি ভোজন হিতজনক ।
রাত্রিতে লুচি বা রুটী আহার করা কর্তব্য । একাদশী, অমাবস্তা ও পূর্ণিমা তিথিতে অনাহার না করিয়া লঘু আহার ব্যবস্থেয় ।

গুরুপাক দ্রব্য, দধি, অন্ন, পুইশাক, লেবু, কলাই ও খেসাবি প্রভৃতি দাল, কলা, অধিক মিষ্ট, জলীয় দ্রব্য ভোজন, দিবানিদ্রা, রাত্রি জাগরণ ও শৈত্যসেবাদি নিষিদ্ধ ।

(১৬) শ্বাসকাশ বা হাঁপানীরোগে—দিবসে পুরাতন চাউলের ভাত, মুগ, মসুর, ছোলা প্রভৃতি দাল, ক্ষুদ্র মৎস্যের ঝোল, মাংসের ঘষ, দুগ্ধ, লঘুপাক এবং পুষ্টিকর দ্রব্য ভোজন, গোল আলু, পটোল, বেগুন, কাঁচাকলা, মানকচু, মোচা, উচ্ছে, দেশী কুমড়া (পকই উত্তম) ইত্যাদি তরকারী । রাত্রিতে দুধখই বা সাগু, চুধরুটী বা টোষ্ট পাউরুটী আহার করা বিধেয় । আহারের অন্ততঃ দুই ঘণ্টা পরে নিদ্রা যাইবে

এবং কখনও উদরপূর্ণ করিয়া থাকিবে না । আহারের অব্যবহিত পরে জলপান করা অনুচিত । সহ্য হইলে উষ্ণ জল শীতল করিয়া স্নান করা কর্তব্য । প্রত্যহ লঘু পরিশ্রম এবং বিশুদ্ধ বায়ু সেবন হিতকর ।

গুরুপাক ও তীক্ষ্ণবর্ষ্য দ্রব্য, দধি, লঙ্কার ঝাল, সিম, মিঠা কুমড়া, লাউ, শাক, অন্ন, খেসারি ও কলাই প্রভৃতি দাল, শৈত্যকারক দ্রব্যাদি ভোজন, অধিক পরিশ্রম, রাত্রিজাগরণ, রোদ্র বা অগ্নি সন্তাপ, সুরাপান, গাঁজা, তামাক প্রভৃতির ধূমপান এবং ইন্দ্রিয়সেবন অহিতকর ।

(১৭) ক্ষয়কাশ বা যক্ষ্মারোগে—অল্প পরিমাণ পুরাতন সরু চাউলের ভাত, ময়দা বা সূজির রুটী, পাঁউরুটী টোষ্ট, বন্ধা ছুন্ধ, ছানা, পাঁঠার মাংসের ঘূষ অথবা জাগসূপ, পটোল, বেগুন, অল্প পরিমাণ আলু, পকু কুয়াণ্ড, ডুম্ব প্রভৃতি তরকারী, মুগ বা ছোলার দাল ইত্যাদি ব্যবস্থেয় । রাত্রিতে সহ্য হইলে উপরোক্তরূপ আহার বিধেয়, নতুবা দুধসুজি, দুধধই বা সাণ্ড ইত্যাদি লঘু আহার করা কর্তব্য । অধিক রক্তনির্গমন থাকিলে রুটী না খাইয়া এইরূপ লঘু আহার বিধেয় । ঘৃতপক তরকারী এবং সৈন্ধব লবণ ব্যবহার্য্য । বেল, আক, পেঁপে, খেজুর, ডালিম, বেদানা, নারিকেলের শাঁস, কিস্মিস, পানিফল, মিছরি, আমলকীর মোরকা প্রভৃতি দেওয়া যাইতে পারে । ইচ্ছা করিলে পাতিলেবুর রস ও উৎকৃষ্ট আমসত্ত্ব অল্প পরিমাণে খাইতে দেওয়া যায় । ভাল ঘৃতে প্রস্তুত লুচি, মিষ্টানের মধ্যে গজা, হালুয়া এবং কুমড়ার মিঠাই (পৈঠারী) কিম্বা বেলের মোরকা প্রভৃতি ব্যবহার করা যাইতে পারে । গব্য ঘৃত ব্যবহার করা সঙ্গত ।

গুরুপাক দ্রব্যাদি, মৎস্য, দধি, লঙ্কার ঝাল, অধিক লবণ, সিম, কঁকরোল, অম্বল, মটর, খেসারি, অরহর এবং কলাইর দাল, বসুন্, হিজ, শাক এবং তৈলপক ব্যঞ্জনাদি ভক্ষণ নিষিদ্ধ । মলমূত্রাদির বেগধারণ,

ব্যায়াম, ধূমপান, রাত্রিজাগরণ, স্নান, সঙ্গীত, উচ্চশব্দোচ্চারণ, বংশীবাদন, অশ্বাদি দ্রুত যানারোহণ এবং ইন্দ্রিয়সেবন অত্যন্ত অহিতকর । এই পীড়ায় সহবাস ত দূরের কথা, যাহাতে কামের উদ্বেক পর্য্যন্ত না হইতে পাবে সে বিষয়ে বিশেষ দৃষ্টি রাখা প্রয়োজন ।

(১৮) বহুমূত্ররোগে—দিবসে পুরাতন চাউলের ভাত, পটোল, ডুমুর, ঝিঞে, উচ্ছে, কাঁচাকলা, মোচা প্রভৃতি তরকারী এবং মাখন তোলা দুগ্ধ, ঘোল, কুক্কুটাদি মাংসের ঘুষ ও জাগসূপ ইত্যাদি আহাৰ্য্য । কাল জাম, রাত্রিতে আটার রুটী এবং কোমল মাংসের ঘুষ সূপথ্য । আমলকী, কেশুর, পাতি বা কাগজি লেবু আহাৰ্য্য করা যাইতে পারে । পীড়ার আধিক্যে কেবল মাত্র লঘু মাংস এবং ভূসির রুটী ও মাখনতোলা দুগ্ধ ব্যবস্থের ।

সৰ্ব্বপ্রকার মিষ্ট, মিষ্টফল, আলু, কফজনক ও গুরুপাক দ্রব্যাদি দধি, দুগ্ধ, গুড়জাত দ্রব্য, লাউ, শাক, অম্বল, লঙ্কার ঝাল, কলাই, খেসারি বা মটর প্রভৃতি দাল ভক্ষণ নিষিদ্ধ । রাত্রিজাগরণ, দিবানিদ্রা, অধিক নিদ্রা, আলস্যপরায়ণতা অথবা একস্থানে বসিয়া থাকিবার অভ্যাস, বিশেষতঃ স্ত্রীসংসর্গ সৰ্ব্বতোভাবে বর্জনীয় ।

(১৯) প্রমেহরোগে—পুরাতন চাউলের ভাত, পটোল, ডুমুর, বেগুন, ঝিঞে, মানকচু, খোড়, মোচা, আলু প্রভৃতি তরকারী, ক্ষুদ্র মংস এবং কুক্কুটাদি মাংস ভক্ষণ করা যাইতে পারে । কাঁচা মুগ ও মসুর দাল, তিল (খোসা ছাড়ান), পাতি বা কাগজি লেবু, রাত্রিতে রুটী বা লুচি, তিত্ত ও কষায় দ্রব্য এবং দুগ্ধ ব্যবস্থের । তোকমারি বা ইসফগুল জলে ভিজাইয়া চিনির সরবতের গ্ৰায় প্রস্তুত করতঃ পান করিতে দিলে অধিক প্রস্রাব হইবে এবং প্রস্রাব পরিষ্কার হইবে । জলখাবার জগ্ৰ যত ও অল্প চিনিসংযোগে ময়দা বা সূজি ও ছোলার

বেশ্যে প্রস্তুত দ্রব্যাদি, ছোলাভিজা, ইক্ষু, পানিফল, বেদানা, কিস্মিস্, বাদাম ও খেজুর প্রভৃতি দেওয়া যাইতে পারে ।

অধিক মসলাদি সংযুক্ত গুরুপাক দ্রব্য, অধিক দুগ্ধ এবং মিষ্ট, অধিক মৎসা, দধি, গুড়, শাক, লাউ, অম্বল, লঙ্কার ঝাল, খেসারি, মটর বা কলাই প্রভৃতি দাল, পিঠিকাদি ভোজন নিষিদ্ধ । সুরাপান, রাত্রিজাগরণ, ধূমপান, মলমূত্রের বেগধারণ ও আতপতাপ অতিশয় অহিতকর ।

(২০) উপদংশরোগে—দিবসে পুরাতন চাউলের ভাত, মুগ, ছোলা বা অরহর দাল, আলু, পটোল, উচ্ছে, ডুমুর, মানকচু, ওল, ইচড়, মটরগুঁড়ী, বেগুন, কপি প্রভৃতি তরকারী, অল্প পরিমাণে ক্ষুদ্র মৎশের ঝোল এবং লঘুমাংস ও অণ্ডাণ্ড পুষ্টিকর খাদ্য দেওয়া যাইতে পারে । রাত্রিতে, রুটী বা লুচি ও তরকারী আহার করা কর্তব্য । সহ্য না হইলে দুধমাগু বা বালি কিম্বা খই ইত্যাদি ব্যবহৃত । তৈলপক্ক বাজনাদি ব্যবহার না করিয়া ঘৃতপক্ক বাজনাদি ব্যবহার করা উচিত । পুষ্টিকর অথচ লঘুপাক আহারের ব্যবস্থা করাই সঙ্গত । জলখাবার জন্ত লুচি, মোহনভোগ, গজা, কচুরী ইত্যাদি মিঠাই এবং বেদানা, পেস্তা, সেউ, কিস্মিস্, ইক্ষু, খোবানী প্রভৃতি দেওয়া যাইতে পারে । স্নান যত কম হয় ততই ভাল ।

নূতন তণ্ডুলের অন্ন, শাক, অম্বল, খেসারি, কলাই ও মটর প্রভৃতি দাল, লঙ্কার ঝাল, মিঠাকুমড়া, লাউ, গুড়, দধি, বৃহৎ মৎশ, তৈল ইত্যাদি সেবন এবং মলমূত্রাদির বেগধারণ, রাত্রিজাগরণ, মদ্যপান, দিবানিদ্রা, উপবাস, রৌদ্র ও অগ্নিসস্তাপ, অধিক বায়ু বা শৈত্যসেবা নিষিদ্ধ ।

৬৭ । পথ্য প্রস্তুতপ্রণালী—রোগীর জন্ত পথ্য প্রস্তুত করিবার সময় এ কথাটি বিশেষভাবে স্মরণ রাখিতে হইবে যে, উহা এমন ভাবে রন্ধন করা আবশ্যিক যাহাতে রোগীর পক্ষে মুখরোচক ও উপাদেয় হইতে পারে । পথ্য প্রস্তুতকরিবার সময় কখনই অধিক পরিমাণে মসলাদি

ব্যবহার করা কর্তব্য নহে, কারণ তাহাতে খাণ্ড ছুপ্পাচ্য হইয়া উঠে এবং রোগীর পক্ষে মহা অনিষ্টের কারণ হয় । মসলার মধ্যে অল্প হলুদ ও ধনে, ষৎসামান্য গোলমরিচ ও আদা দেওয়া উচিত । আদা অতি হজমকারী, এজন্য তরকারীতে সর্বদাই আদা ব্যবহার করা সঙ্গত । দারুচিনি, লবঙ্গ, এলাচ, লঙ্গামরিচ ও সরিষা প্রভৃতি এবং অধিক পরিমাণে ঘৃত ইত্যাদি কখনই ব্যবহার করা বিধেয় নহে । সুস্বাদু করিবার জন্ত ব্যঞ্জনাধিতে মসলা দেওয়া হয় বটে, কিন্তু অধিক পরিমাণে মসলা ব্যবহার করিলে অতি লঘুপাক দ্রব্যও রক্তনেব দোষে গুরুপাক হইয়া উঠে, অতএব এ বিষয়ে সর্বদাই সাবধান হওয়া কর্তব্য । আহাৰ্য্য দ্রব্যাদি বাহাতে পরিষ্কার পরিচ্ছন্ন হয় সে বিষয়ে বিশেষভাবে দৃষ্টি রাখা প্রয়োজন । পথা প্রস্তুত করিয়া সর্বদাই ঢাকিয়া রাখা উচিত ।

(১) সাগু—এক তোলা আন্দাজ সাগুদানা উত্তমরূপে ধৌত করতঃ প্রায় দুই ঘণ্টা কাল ভিজাইয়া রাখিবে ; তৎপর আড়াই পোয়া আন্দাজ জলে উক্ত সাগুদানা দিয়া জ্বাল দিবে এবং ফুটিয়া আসিলে নাড়িতে থাকিবে । এক্ষেপে মিনিট পনের কাল অগ্নিসন্তাপে ফুটাইলেই সাগু প্রস্তুত হইবে । ইহাকে জলসাগু কহে । প্রয়োজনমত ইহাতে দুগ্ধ মিশ্রিত করিয়া রোগীকে খাইতে দেওয়া যাইতে পারে । সাগু জলে জ্বাল না দিয়া দুগ্ধে জ্বাল দিলে তাহাকে দুধসাগু কহে । কিন্তু উহা কিঞ্চিৎ গুরুপাক বলিয়া জ্বর ইত্যাদিতে দেওয়া কর্তব্য নহে । তবে মুখের ভিতরে কোন রোগ হইলে অথবা অঙ্গবিশেষে অগ্নি প্রয়োগ জগা তরল খাণ্ডের ব্যবস্থা করিলে দুধসাগু খাইতে দেওয়া উচিত, অথবা জলসাগুতে দুগ্ধ মিশ্রিত করিয়া দেওয়াই সঙ্গত । দুধসাগু ঠিক জলসাগুর স্থায় রক্তন করিতে হইবে, তবে উহাতে মিছরি কিম্বা পরিষ্কৃত চিনি দিতে হইবে ।

(২) বার্লি—এক তোলা পরিমাণ উত্তমবার্লি* এক ছটাক পরিমাণ শীতল জলে মিশ্রিত করিবে। তৎপর অর্ধসের আন্দাজ ফুটিত জলে উহা ক্রমে ঢালিতে থাকিবে এবং ক্রমাগত নাড়িতে থাকিবে। কিছুকাল পরে যখন উহা নির্মল আঠার মত হইবে তখন জ্বাল হইতে নামাইয়া ফেলিবে। একটু পাতলা থাকিতেই নামাইতে হইবে, নতুবা অধিক ঘন হইলে রোগীর আহ্বারের পক্ষে অসুবিধা ঘটবে। বার্লি স্নিগ্ধকারক, এজন্য বিবমিষায় সুপথ্য।

(৩) এরাকুট—ঠিক বার্লির ন্যায় রন্ধন করিতে হইবে। বিলাতি স্পিডস্ এরাকুটই (Speeds Arrowroot) উত্তম। পেটের অসুখ থাকিলে সাগু কিম্বা বার্লি ব্যবহার না করিয়া এরাকুট ব্যবহার করা কর্তব্য।

(৪) করন্ ফ্লাওয়ার (Cornflour)—উহা দেখিতে ঠিক এরাকুটের ন্যায়। প্রস্তুত এবং ব্যবহারপ্রণালীও তদ্রূপ।

(৫) পারল্ বার্লি (Pearl Barley)—একটি পাত্রে ১১০ দেড় সের পরিমিত জল লইয়া উহাতে ১০ এক ছটাক পরিমিত পারল বার্লি দিয়া জ্বালে চড়াইবে এবং আন্দাজ ১১ আধ সের থাকিতে নামাইবে। বার্লি গুলি জলে দিবার পূর্বে শীতল জলে উত্তমরূপে ধৌত করিয়া লইবে। বার্লি সিদ্ধ করিবার সময় কিছু পাতিলেবুর খোসা উহাতে দিয়া পাত্রে মুখ ঢাকা দিয়া রাখিলে খাইতে সুস্বাদ এবং সুগন্ধযুক্ত হইবে।

* বিলাতি রবিন্সন বার্লিই (Robinson's Patent Barley) ব্যবহার করা উচিত। বাজারের বার্লিতে নানা প্রকার ভেজাল থাকিতে পারে এবং তাহাতে উপকার না হইয়া অপকারেরই সম্ভাবনা।

সমস্ত দিনেব খাদ্য একেবারে প্রস্তুত করিবে না, কারণ ইহা শীঘ্রই নষ্ট হইয়া (টকে) যায় । একবারের প্রস্তুত বালি পুনরায় গরম করিয়া দেওয়া উচিত নয় । প্রত্যেকবারের খাদ্য নূতন করিয়া প্রস্তুত করা আবশ্যিক ।

(৬) চিড়ার মণ্ড—সরু পাতলা চিড়া শীতল জলে ৫।৭ বার উত্তমরূপে ধৌত করতঃ উষ্ণ জলে দুই ঘণ্টা কাল ভিজাইয়া রাখিবে । তৎপর উহা মাড়িয়া ছাঁকিয়া লইলেই মণ্ড প্রস্তুত হইল । উহাতে লবণ কিম্বা চিনি এবং ২।৩ ফোঁটা লেবুর রস মিশ্রিত করিয়া খাইতে বেশ রুচিকর ও স্নিগ্ধকর । আমাশয় রোগে ইহা সুপথ্য ।

(৭) খইয়ের মণ্ড—উষ্ণজলে খই ভিজাইয়া পূর্বোক্তরূপে মণ্ড প্রস্তুত করিতে হইবে ।

(৮) যবের মণ্ড—খোসাছাড়ান যব (যবের চাউল) একছটাক, একসেব কিম্বা ততোধিক জলে উত্তমরূপে সিদ্ধ করিবে । তৎপর উহা মাড়িয়া ছাঁকিয়া লইলেই মণ্ড প্রস্তুত হইল ।

(৯) ভাতের মণ্ড—উৎকৃষ্ট পুরাতন চাউল উত্তমরূপে সিদ্ধ করিয়া তাহার মাড় না গালিয়া চটকাইয়া অন্যান্য মণ্ডের ন্যায় ছাঁকিয়া লইবে ।

(১০) মানমণ্ড—শুক মানকচু চূর্ণ অর্দ্ধ ছটাক এবং চাউলের গুঁড়া এক কাঁচা একত্র মিশ্রিত করতঃ উহাতে প্রায় একসের পরিমিত জল দিয়া জ্বালে চড়াইবে এবং উত্তমরূপে সিদ্ধ হইলে নাগাইয়া লইবে । কোষ্ঠবদ্ধতা থাকিলে তিনভাগ মানকচু চূর্ণে এক-ভাগ চাউলের গুঁড়া মিশ্রিত করিয়া জ্বাল দিতে হইবে ।

(১১) দধি—দুগ্ধ জ্বাল দেওয়ার পর ঈষৎ উষ্ণ থাকিতে একটি পরিষ্কৃত মৃৎপাত্র, প্রস্তরপাত্র অথবা এনামেলের পাত্রে ঢালিয়া উহাতে এক চামচ আন্দাজ 'দধল' মিশ্রিত করিবে । তৎপর উক্ত পাত্রটি

অপর একটি পাত্রদ্বারা এমনভাবে ঢাকা দিয়া রাখিবে যে তাহাতে কোন প্রকারে বায়ু প্রবিষ্ট হইতে না পারে। ইহাতে ৩৪ ঘণ্টার মধ্যেই অতি উৎকৃষ্ট দধি প্রস্তুত হইবে।

অধিক উষ্ণ অবস্থায় দস্থল মিশাইলে ছানা কাটিয়া যাওয়ার সম্ভাবনা। এক্ষণে গ্রীষ্মকালে দই বসাইতে হইলে ঈষৎ অবস্থায় দস্থল দেওয়া আবশ্যিক। কিন্তু শীত বা বর্ষাকালে দই সহজে বসে না। সে সময়ে উষ্ণ অবস্থাতেই দস্থল মিশাইতে হয় এবং যে পাত্র দ্বারা দুগ্ধে পাত্রটি ঢাকা দেওয়া হইবে তাহাও আগুনে তাতাইয়া নেওয়া আবশ্যিক। তৎপর বায়ু প্রবেশের পথ না থাকে এমনভাবে ঢাকা দিয়া পাত্র দুইটি গরম কাপড় বা অপর কিছু দিয়া চাপা দিয়া রাখিলে, অতি সহরই দুধ জমিয়া যাইবে। তবে ঠাণ্ডা অবস্থায় দই পাতিতে হইলে দস্থলের পরিমাণ বৃদ্ধি করিতে হয়।

উত্তম দধি বসাইতে হইলে যে দস্থল ব্যবহার করিতে হইবে তাহাও টাটকা হওয়া আবশ্যিক। দস্থলের মাত্রা অধিক হইলে কিস্বা পচা বা বাসি দস্থল হইলে দধিও শীঘ্র নষ্ট হইয়া যায় এবং ছাতা ধরার মত দেখায়। এক্ষণে দধি রোগীর পক্ষে অতিশয় অনিষ্টকর।

গ্রীষ্মকালে দস্থলের মাত্রা স্বল্প এবং শীত বা বর্ষাকালে অধিক আবশ্যিক হয়। সাধারণতঃ অর্ধসের দুগ্ধে এক চামচ টাটকা দস্থল মিশ্রিত করিলেই যথেষ্ট হয়। তবে দুগ্ধ অধিক উষ্ণ হইলে দস্থলের মাত্রা কমাইতে হয় এবং অপেক্ষাকৃত শীতল থাকিলে দস্থলের মাত্রা বর্দ্ধিত করিতে হয়। আবার দস্থল টাটকা হইলেও উহার মাত্রা বাড়াইবার আবশ্যিক হয়।

জ্বরবিকার, আমাশয়, বহুমূত্র এবং প্রায় সর্বপ্রকার পেটের অসুখে দধি বা ঘোল সুপথ্য। বাসি দই বা ঘোল রোগীর পক্ষে অনিষ্টকর।

টাট্কা দই ঘরে পাতিয়া নেওয়ারই কর্তব্য। কারণ দোকানের দইএ ধূলা বালি ইত্যাদি নানা প্রকার আবর্জনা পড়িবার সম্ভাবনা থাকে।

(১২) ঘোল—একটি পরিষ্কৃত বোতলে ২ ভাগ দধি ও ১ ভাগ জল পূরিয়া উত্তমরূপে উহার ছিপি আঁটিয়া দিবে। তৎপর বোতলটি খানিকক্ষণ ঝাঁকাইলেই দধি হইতে মাখনের অংশ ভাসিয়া উঠিবে। তখন পরিষ্কৃত নেকড়ায় ছাঁকিয়া লইলেই তলায় ঘোল পড়িয়া থাকিবে। ঘোল প্রস্তুত করিবার পূর্বে এবং পরে বোতলটি উত্তমরূপে ধৌত করা নিতান্ত আবশ্যিক।

একটি মাটির হাঁড়িতে উক্ত পরিমাণ দধি ও জল মিশ্রিত করিয়া ঘোল-মউনি বা একটি কাষ্ট নিম্নিত ডালের কাঁটার দ্বারা ডালে কাটা দেওয়ার মত করিয়া ঘুটিলেই দধি হইতে মাখনের ভাগ পৃথক হইয়া যাইবে।

দুগ্ধ হইতে মাখন তুলিয়া লইবার আবশ্যিক হইলেও এই উপায়ে মাখন তোলা দুগ্ধ প্রস্তুত করা যায়।

দধি বা দুগ্ধ হইতে মাখন তুলিবার নানারূপ কল ও বাজারে কিনিতে পাওয়া যায়। তন্মধ্যে Eggbitterই স্বল্প মূল্যে পাওয়া যায় কিন্তু উহা ব্যবহারের পরই উত্তমরূপে ধৌত করিয়া শুষ্ক বস্ত্রখণ্ড দ্বারা উহা সম্যক-রূপে শুষ্ক করিয়া রাখা আবশ্যিক ; নতুবা উহাতে মরিচা ধরিয়া যায়।

অপেক্ষাকৃত অধিক মূল্যে বড় চৌকো শিশিযুক্ত একপ্রকার মাখন তোলা কল পাওয়া যায় উহাই উৎকৃষ্ট বলিতে হইবে।

- (১৩) ছানার জল—দুগ্ধ জাল দিয়া ফুটিয়া আসিবামাত্র উহা
- একটি পাথর বা এনামেলের বাটিতে ঢালিয়া তৎক্ষণাত্ তাহাতে একটি পাতিলেবুর রস ছড়াইয়া দিলেই ছানা কাটিয়া যাইবে। উহার জল স্রবৎ নীল বর্ণের হইলেই উত্তম ছানার জল প্রস্তুত হইল।

অর্ধসের দুগ্ধের ছানা কাটিতে একটা বড় পাতিলেবুর আবশ্যক হয় ।
ছানার জল ঘোলা হইলে উহা ঠিক প্রস্তুত হইল না বুঝিতে হইবে ।
উদারাময়ে ইহা একটা অমোঘ পথ্য বলিয়া বিবেচিত হয় ।

(১৪) প্লাশমন এরারুট (Plasmon Arrowroot)—
এক আউন্স প্লাশমনে (চা-চামচের তিন চামচে উচু হইয়া যতটা
ধরে) ৫ আউন্স জল (সাধারণ চা-পেয়ালার এক পেয়ালার) নিম্ন-
লিখিত উপায়ে মিশ্রিত করিতে হইবে । একটা পাত্রে প্লাশমন লইয়া
উহাতে এতটুকু শীতল জল মিশ্রিত করিবে যাহাতে উহা কাদা কাদা
মত হয় । তৎপব উহাতে অবশিষ্ট জল শীতল অথবা উষ্ণ অবস্থায়
মিশ্রিত করতঃ উহা জ্বালে চড়াইবে এবং ফুটিয়া আসিলেই নামাইয়া
ফেলিবে । যতক্ষণ জ্বালে থাকিবে ততক্ষণ উহা ক্রমাগত নাড়িতে
হইবে নতুবা ডেলা বাধিয়া যাইবে । একবার প্রস্তুত করিলেই সমস্ত
দিন তাহা ব্যবহার করা চলে । জলের পরিবর্তে দুগ্ধ দ্বারাও প্লাশমন
প্রস্তুত করা যাইতে পারে । প্রস্তুত প্রণালী পূর্ববৎ, কেবল প্লাশমনের
পরিমাণ অর্ধেক করিয়া লইতে হইবে ।

(১৫) পানিফলের পালো—শুক পানিফল* চূর্ণ দেখিতে ঠিক
এরারুটের স্থায় দেখায় । ইহার প্রস্তুত এবং ব্যবহার প্রণালীও
তদ্রূপ ।

(১৬) ওটমিল (Oatmeal)—ইহা খ্যাত্‌লান যববিশেষ ।
ইহাকে যবের চিড়াও বলা যাইতে পারে । ইহা একটা বিলাতী পেটেন্ট
এবং অতি পুষ্টিকর খাদ্য । অর্ধ ছটাক পরিমিত শীতল জলে এককাঁচা
(৪ ড্রাম) পরিমিত ওটমিল উত্তমরূপে মিশ্রিত করিয়া আড়াই পোয়া

* কোম কোন অঞ্চলে পানিফলকে 'সিঙা' বলে ।

পরিমিত ফুটন্ত গরম জলে উহা ক্রমে ক্রমে মিশাইবে। গরম জলে দিবার সময় ক্রমাগত নাড়িতে হইবে। তৎপর ১০ মিনিট কাল জলে রাখিয়া নামাইয়া ফেলিবে। কিন্তু যতক্ষণ উহা জলে থাকিবে ততক্ষণ ক্রমাগত নাড়িতে হইবে। খাইবার সময় উহাতে লবণ কিম্বা চিনি মিশ্রিত করিয়া লইবে। ইচ্ছা করিলে জলের পরিবর্তে দুধ ব্যবহার করা যাইতে পারে এবং সুস্বাদু করিবার জন্ত ২।৩টা তেজপাতা কিম্বা আবশ্যকমত কিসমিস্ দেওয়া যাইতে পারে। যে সকল শিশুর স্বাভাবিক কোষ্ঠবদ্ধতা আছে তাহাদের পক্ষে ইহা উপকারী।

(১৭) তিসির চা (Linseed Tea)—একটা পাত্রে অর্দ্ধ ছটাক পরিমিত গ্যাভ্‌লান তিসি এবং ২ ড্রাম গ্যাভ্‌লান যষ্টিমধু রাখিয়া উহাতে আড়াই পোয়া পরিমিত ফুটন্ত গরম জল ঢালিয়া দিবে এবং পাত্রের মুখে সামান্য ঢাকা দিয়া ৩ ঘণ্টা কাল আগ্রনেক কাছে রাখিয়া দিবে। তৎপর উহা ছাঁকিয়া লইবে এবং প্রয়োজন হইলে লেবুর খোসা দিয়া সুগন্ধযুক্ত করিবে। ইহা প্রমেহাদি প্রশ্রাবের পীড়ায় অতিশয় উপকারী।

(১৮) দুধ-সুজি—দুধ জ্বলে চড়াইয়া বেশ করিয়া ফুটিয়া আসিলে সুজি দিয়া ক্রমাগত নাড়িতে থাকিবে এবং সিদ্ধ হইয়া আসিলে চিনি দিয়া কিছুকাল পরই নামাইয়া ফেলিবে। অর্দ্ধ সের দুধে অর্দ্ধ ছটাক সুজি দিলেই চলিতে পারে। একটু পাতলা থাকিতে নামাইতে হইবে, কারণ উহা অতি সহজেই ঘন হইয়া যায় এবং রোগীর আহারের পক্ষে অসুবিধা ঘটে। ইচ্ছা করিলে চিনি দিবার পূর্বে কয়েকটা কিসমিস্ও উহাতে দেওয়া যাইতে পারে। তাহাতে রুচিকর হইবে।

(১৯) সুজির রুটি—আবশ্যক মত সুজি এক ঘণ্টাকাল জলে ভিজাইয়া রাখিবে, তৎপরে উত্তমরূপে মাখিয়া একটা ডেলা প্রস্তুত

করিবে । একটি পাত্রে জল লইয়া তাহা জ্বালে চড়াইবে এবং যখন ফুটিতে থাকিবে তখন উক্ত ফুটন্ত জলে সূজির ডেলাটী ফেলিয়া দিবে ও ১০।১৫ মিনিটকাল পরে উহা নামাইয়া ফেলিবে । তৎপর উত্তমরূপে মাখিয়া বেশ পাতলা করিয়া রুটী প্রস্তুত করিবে । সেকিবার সময় যেমন ফুলিয়া উঠিবে, অমনি তাহা চাটু হইতে নামাইয়া জলে ডুবাইয়া তৎক্ষণাৎ তুলিয়া অন্য পাত্রে রাখিয়া দিবে, তাহা হইলে রুটী খাইতে বেশ নরম বোধ হইবে । মোরির জলে সূজি মাখিয়া রুটী প্রস্তুত করিলে তাহা লঘুপাক হয় ।

(২০) ভূসির রুটী—যথাপ্রয়োজন ভূসি অল্প জলে ‘গামাখা’ করিয়া ভিজাইয়া রাখিবে । তৎপর উহা বেশ নরম হইলে, উত্তমরূপে বেলিয়া তদ্বারা রুটী প্রস্তুত করিবে । রুটীগুলি ছোট এবং বেশ পুরু করিয়া গড়িতে হইবে । বহুমাত্র বোগে ইহা একটী প্রধান পথ্য ।

(২১) পাউরুটী টোর্ট—টাটকা (মত) পাউরুটী অপেক্ষা একদিনের বাসি পাউরুটী ভাল । এজন্য বাসি পাউরুটী ব্যবহার করাই কর্তব্য । পাউরুটী চাকা চাকা করিয়া কাটিয়া জ্বলন্ত অঙ্গারপূর্ণ উনুনের উপর একটী চিমটা রাখিয়া দিয়া তাহার উপর সাজাইয়া দিবে । তৎপর ক্রমাগত এপিঠ ওপিঠ করিয়া যখন রুটীগুলি লাল ও কড়কড়ে হইয়া আসিবে তখন নামাইয়া লইবে । রুটীর চাকাগুলি যাহাতে পুড়িয়া না যায় সে বিষয়ে বিশেষ সাবধান হইতে হইবে । ইহাকেই টোষ্ট (toast) কহে । কয়লার উনুন হইলে উনুনের নীচে চিমটা রাখিয়াও টোষ্ট প্রস্তুত করা যাইতে পারে ।

(২২) বেঞ্জার্স ফুড্ (Benger's food)—দেড় তোলা পরিমিত বেঞ্জার্স ফুডে এক ছটাক পরিমাণ কাঁচা দুধ মিশ্রিত করতঃ উহা একটী কড়াতে করিয়া ক্রমাগত নাড়িতে থাকিবে এবং ক্রমে উহাতে

দেড় পোয়া পরিমাণ জল মিশ্রিত * ফুটন্ত দুগ্ধ মিশাইবে । তৎপরে একটু গরম স্থানে ১৫ মিনিটকাল রাখিয়া দিয়া তৎপর জ্বালে চড়াইবে এবং ক্রমাগত নাড়িতে থাকিবে । ফুটিয়া আসিলে নামাইয়া ফেলিবে । উহা সম্পূর্ণ শীতল হইলে সেবন করিতে দিবে । জ্বাল দিবার সময় যত্নতাপে জ্বাল দেওয়া কর্তব্য ।

বার বার পথা প্রস্তুত করিতে অসুবিধা বোধ করিলে একবারে একদিনের আন্দাজ প্রস্তুত করিয়া রাখিতে পারা যায় । কারণ ঠাণ্ডা যায়গায় রাখিয়া দিলে ইহা এক দিনমান বেশ ভাল থাকে । একবারে সমস্ত দিনের প্রস্তুত করিবার আবশ্যক হইলে—একটা বড় কড়া কিম্বা সম্প্যানের ভিতরে এক ছটাক পরিমাণ বেঞ্জার্স ফুড্ এবং দেড় পোয়া পরিমিত কাঁচা দুগ্ধ লইয়া একটা চামচদ্বারা উত্তমরূপে মিশ্রিত করতঃ উহাতে এক সের পরিমিত ফুটন্ত জল মিশ্রিত দুগ্ধ বা শুধু দুগ্ধ ক্রমে মিশ্রিত করিবে । মিশ্রিত করিবার সময় ক্রমাগত নাড়িতে হইবে । তৎপর পূর্বোক্তরূপে কিছুকাল † উষ্ণ স্থানে রাখিয়া মিনিটখানেকের জন্ত উহা জ্বালে চড়াইবে । জ্বাল দিবার সময় ক্রমাগত নাড়িতে হইবে, নতুবা শীতল হইলে দুগ্ধ হইতে খাদ্যাণ্ডুলি পৃথক হইয়া পড়িবে ।

ইহাতে চিনি কিম্বা অণু কোন মিষ্টদ্রব্য সংযোগ করিবার প্রয়োজন হয় না । উপরোক্ত উপায়ে স্বক্লম করিলেই মিষ্ট স্বাদ অনুভূত হইবে ।

* শিশুদিগের জন্ত হইলে যত দুধ, তাহার দ্বিগুণ জল মিশ্রিত করিতে হইবে । অর্থাৎ দেড় পোয়ার মধ্যে এক পোয়া জল ও আধ পোয়া দুধ হইবে । ছেলে যত বড় হইবে, দুধের পরিমাণ ক্রমে বাড়াইতে হইবে । বয়স্ক বালকদিগের পক্ষে দুগ্ধ ও জল সমপরিমাণ অথবা ৩ ভাগ দুধে একভাগ জল দিলেই চলিতে পারে । বয়স্ক লোকদিগের জন্ত জল ব্যবহার করিবার প্রয়োজন নাই ।

† জীর্ণশক্তি একবারে কমিয়া গেলে ১৫ মিনিট স্থলে অর্ধ কিম্বা পোনে ঘণ্টাকাল রাখিয়া দিলেই অতি সহজে জীর্ণ হইবে ।

ইহার টিন স্নগন্ধি সাবান কিম্বা কোন প্রকার স্নগন্ধি দ্রব্যের কাছে রাখা কর্তব্য নয় ।

(২৩) মেলিন্স ফুড্ (Mellin's food)—শিশুদিগের জন্ম অতিশয় পুষ্টিকর খাদ্য ।

৩ মাসের নিম্নবয়স্ক অথবা অতিশয় দুর্বল শিশুদিগের জন্ম—এক তোলা পরিমাণ মেলিন্স ফুড্ এক পোয়া গরম জলে ছাল দিয়া যখন উহা জলের সহিত উত্তমরূপে মিশ্রিত হইয়া যাইবে তখন উহাতে অর্ধসের পরিমাণ গো-দুগ্ধ মিশ্রিত করতঃ খাইতে দিবে । জলে মিশ্রিত করিবার প্রণালী অন্যান্য ফুডের গুণায় ।

৩ মাসের উর্দ্ধবয়স্ক শিশুদিগের জন্ম—উক্ত পরিমাণ খাদ্য প্রস্তুত করিতে এক পোয়া স্থানে ৩ কাঁচা পরিমাণ জলের আবশ্যিক । অন্যান্য পূর্ববৎ ।

(২৪) এলেনবারির ফুড্ (Allenbury's food)—ইহা তিন প্রকার । ১ ও ২ নং মিল্ক ফুড্ (Milk Food) আর ৩ নং মাল্টেড ফুড্ (Malted Food.) সচজাত শিশু হইতে ৩ মাস বয়ঃক্রম পর্য্যন্ত ১ নং (Milk Food No. 1,) ৩ হইতে ৬ মাস বয়ঃক্রম পর্য্যন্ত ২ নং (Milk Food No. 2) এবং ৫ কিম্বা ৬ মাস ও তদূর্দ্ধ বয়স্ক শিশুর এবং পীড়িত যে কোন বয়স্ক ব্যক্তির পক্ষে ৩ নং (Malted Food No. 3) খাদ্য ব্যবস্থেয় । ইহা অতি পুষ্টিকর, লঘুপাক এবং সহজে পরিপাচ্য ।

১ নং মিল্ক ফুড্ প্রস্তুতপ্রণালী—চা-চামচের দুই চামচ (উচু হইয়া চামচে ষতটা ধরে, ওজনে অর্ধ আউন্স) মিল্ক ফুড্ ও এক আউন্স শীতল জল একত্র মিশ্রিত করিয়া কাইয়ের মত করিবে, তৎপর উহাতে দেড় আউন্স গরম জল মিশ্রিত করিলেই খাদ্য প্রস্তুত হইবে । গরম জল মিশাইবার সময় উক্ত কাই ক্রমাগত দ্রুত নাড়িতে হইবে । এই খাদ্য

গরম গরম শিশুকে খাইতে দিবে। একবারে যতটুকু খাইতে পারে প্রত্যেক বারে ততটুকুই প্রস্তুত করা উচিত।

এই প্রস্তুত খাদ্য ২ মাসের নিম্নবয়স্ক শিশুকে প্রতি ২ ঘণ্টা অন্তর ১১০ হইতে ২ আউন্স পর্য্যন্ত খাইতে দিবে। পূর্ণ ২ মাসের শিশুকে প্রতি ৩ ঘণ্টা অন্তর ২ হইতে ৩ আউন্স পর্য্যন্ত খাইতে দিবে। ৩ এবং ৪ মাসের শিশুকে প্রতি ৪ ঘণ্টা অন্তর ৩ বা ৪ আউন্স খাইতে দিবে।

২ নং মিল্ক ফুড প্রস্তুতপ্রণালী—এক আউন্স (অর্ধ ছটাক) মিল্ক ফুড ও এক আউন্স শীতল জল উপরোক্ত উপায়ে মিশ্রিত করতঃ তাহাতে পূর্বোক্ত প্রণালীতে ৫ আউন্স (আড়াই ছটাক পরিমিত) গরম জল মিশ্রিত করিলেই খাদ্য প্রস্তুত হইবে। অন্যান্য বিষয় ঠিক ১ নং মিল্ক ফুডের স্থায়।

এই প্রস্তুত খাদ্য ৪ মাস বয়স্ক শিশুকে প্রতি ৩ ঘণ্টা অন্তর ৪ হইতে ৫ আউন্স পর্য্যন্ত দিবে। ৫ এবং ৬ মাসের শিশুকে প্রতি ৪ ঘণ্টা অন্তর ৬ আউন্স পর্য্যন্ত দিবে।

সুস্থ শিশুকে রাত্রি ১১টার পর হইতে ভোর ৫টা পর্য্যন্ত কিছু খাইতে দেওয়া উচিত নয়।

৩ নং মণ্টেড ফুড প্রস্তুতপ্রণালী—একটি পাত্রে এক টেবিল-স্পুন (অর্ধ ছটাক) পরিমিত মণ্টেড ফুড ও এক চা-চামচ চিনি লইয়া উহাতে দেড় ছটাক পরিমিত শীতল জল উত্তমরূপে মিশ্রিত করিবে; ইহা দেখিতে লেই লেই যত হইবে। তৎপর উহাতে সমপরিমাণ জল মিশ্রিত ফুটন্ত দুগ্ধ • এক পোয়া মিশ্রিত করিলেই খাদ্য প্রস্তুত হইবে। কিন্তু

* যত দুগ্ধ তত জল অর্থাৎ এক পোয়া নির্জলা দুগ্ধে এক পোয়া জল মিশ্রিত কারণে স্বাদে চড়াইবে, তৎপর ফুটিয়া আসিলে উক্ত দুগ্ধ খাদ্যে মিশাইবে।

এই দুগ্ধ সেই লেই লেই মত খাণ্ডে মিশাইবার সময় উহা ক্রমাগত নাড়িতে থাকিবে এবং ক্রমে ক্রমে দুগ্ধ ঢালিতে থাকিবে । যত অধিক নাড়িবে খাণ্ড ততই উত্তমরূপে প্রস্তুত হইবে, নতুবা ডেলা ডেলা থাকিয়া যাইবে । একজন নাড়িতে থাকিবে আর একজন দুধ ঢালিয়া দিবে, ঐরূপ হইলেই সুবিধা হয় । এক হাতে নাড়া অপব হাতে ঢালা সুবিধা হয় না ।

৫।৬ মাসের নিম্ন বয়স্ক শিশুদিগের পক্ষে মিল্ক ফুড (Milk Food)ই ব্যবস্থেয় । তবে অভাব পক্ষে এক পোয়া পরিমিত ফুটন্ত দুগ্ধে চা-চামচের দুই চামচ মণ্টেড ফুড এবং সম পরিমাণ জল মিশ্রিত দুগ্ধের পরিবর্তে একভাগ দুগ্ধে তিনভাগ জলমিশ্রিত দুগ্ধ ব্যবহার কারলেই চলিতে পারে । শিশু ৭।৮ মাসের হইলে ক্রমে জলের ভাগ কমাইয়া তদধর ভাগ অধিক করিতে হইবে এবং মণ্টেড ফুডের ভাগও ক্রমে বাড়াইতে হইবে ।

পূর্ণ বয়স্ক পীড়িত ব্যক্তির জগ্ন প্রস্তুত করিতে হইলে—একটি পাত্রে এক ছটাক পরিমিত মণ্টেড ফুড লইয়া উহাতে কিঞ্চিৎ জল দিয়া লেই লেই করিয়া লইবে, তৎপর উহাতে নিজ্জলা ফুটন্ত দুধ এক পোয়া পূর্কোক্ত উপায়ে মিশ্রিত করিলেই খাদ্য প্রস্তুত হইবে । উহাতে আবশ্যিক মত চিনি মিশ্রিত করিয়া খাইতে দিবে ।

(২৫) মণ্টেড মিল্ক (Horlick's Malted Milk) ইহাও অতি লঘুপাক ও পুষ্টিকর খাণ্ড । ইহার প্রস্তুত প্রণালীও অতিশয় সহজ । ইহা জ্বর বিকার (Typhoid) এবং অন্যান্য জ্বর, নিউমনিয়া, ক্ষয়রোগ, উদরাময়, অজীর্ণ, গ্রহণী প্রভৃতি রোগে সুপথ্য ।

তিন মাসের নিম্নবয়স্ক শিশুদিগের জন্য—চা-চামচের এক বা দুই চামচ (উচু হইয়া যতটা ধরে) এক ছটাক হইতে অর্ধ পোয়া উষ্ণ জলে

(ফুটন্ত জল নয়) মিশ্রিত করিতে হইবে। জল ফুটাইয়া উহা কিঞ্চিৎ শীতল করিয়া উষ্ণ অবস্থায় ফুড্ মিশ্রিত করিবে, কখনও ঠাণ্ডা জল মিশাইয়া শীতল করিবে না। ইহা শিশুদিগকে সর্বদাই ঈষৎ অবস্থায় পান করিতে দেওয়া আবশ্যিক। একবারে শীতল অবস্থায় পান করিতে দেওয়া উচিত নয়।

তিনমাস হইতে ছয়মাস বয়স্ক শিশুদিগের জন্য—চা-চামচের তিন বা চারি চামচ উপরোক্ত রূপে অর্ধ পোয়া হইতে পাঁচছটাক জলে মিশ্রিত করিতে হইবে।

ছয় মাস হইতে একবৎসরবয়স্ক শিশুদিগের জন্য—চা-চামচের চারি বা ছয় চামচ উপরোক্ত রূপে পাঁচছটাক বা ছোট বোতলের (পাইন্ট) এক বোতল জলে মিশ্রিত করিতে হইবে।

পূর্ণবয়স্ক ব্যক্তিদের জন্য—প্রয়োজনানুসারে এক পাইন্ট জলে এক টেবিল-স্পুন বা ৪ ড্রাম পর্য্যন্ত মর্টেড মিক্ মিশ্রিত করা যাইতে পারে। উহা শীতল বা উষ্ণ উভয় অবস্থায় পান করিতে বাধা নাই। কোন শীতল স্থানে রাখিয়া অথবা বরফের উপর বসাইয়া শীতল করা যাইতে পারে কিম্বা একবারে শীতল জলেও মিশ্রিত করা যায়, কিন্তু উহাতে বরফ মিশ্রিত করিয়া খাওয়া কখনই উচিত নয়।

(২৬) মাইলো ফুড্ (Milo Food) ইহাও শিশুদিগের জন্য একটা অতি পুষ্টিকর খাদ্য। রোগীর পক্ষেও ইহা একটা উপাদেয় পথ্য।

একটা পাত্রে নিম্নোক্ত তালিকা নির্দিষ্ট যথাপরিমাণ খাদ্য লইয়া তাহাতে প্রথমতঃ এতটুকু শীতল জল মিশ্রিত করিবে যেন উহা ঠিক লেইর মত হয়। তৎপর উহা ক্রমাগত নাড়িতে থাকিবে এবং উহাতে নির্দিষ্ট পরিমাণ শীতল জল ক্রমশঃ মিশাইতে থাকিবে। অবশেষে উহা জ্বালে চড়াইবে এবং ফুটিয়া আসিলে দুই মিনিট কাল জ্বালে রাখিয়া

উহার উপরে ফেনা ফেনা মত হইয়া আসিলেই নামাইয়া ফেলিবে। তৎপর ঈষদুষ্ণ অবস্থায় পান করিতে দিবে। অধিক উষ্ণ থাকিলে শীতল জলে পাত্রটী ডুবাইয়া রাখিলেই শীঘ্র শীতল হইবে।

বয়স	এক একবাবে ষতটুকু ফুড্, মাপের গ্লাসের ওজনে লইতে হইবে	এক একবাবে চামচে করিয়া ষতটুকু ফুড্, লইতে হইবে	মাপের গ্লাসের ওজনে ষতটুকু জল মিশাইতে হইবে	চামচের মাপে ষতটুকু জল মিশাইতে হইবে
১ মাস	২ ড্রাম	চা-চামচের মাথায় মাথায় এক চামচ	দেড় আউন্স	টেবিল স্পনের ৩ চামচ
২ মাস	৩ ড্রাম	পূর্ণ চা-চামচের এক চামচ	সাড়ে তিন আউন্স	ঐ ৭ চামচ
৩ ও ৪ মাস	অদ্ধ আউন্স	ঐ দুই চামচ	সাড়ে চারি আউন্স	ঐ ৯ চামচ
৫ ও ৬ মাস	এক আউন্স	টেবিল স্পনের পূর্ণ এক চামচ	সাড়ে ছয় আউন্স	ঐ ১৩ চামচ
৭ হইতে ১২ মাস	দেড় আউন্স	ঐ মাথায় মাথায় দুই চামচ	সাত আউন্স	ঐ ১৪ চামচ
পূর্ণ বয়স্ক রোগী	দুই আউন্স	ঐ পূর্ণ দুই চামচ	আট আউন্স	ঐ ১০ চামচ

প্রতিবারের খাণ্ড প্রতিবারে প্রস্তুত করিয়া লওয়াই ভাল। তবে দিবসের শেষভাগে যে বার খাণ্ড প্রস্তুত করিবে তখন রাত্রির জন্ত প্রস্তুত করিয়া রাখাও চলে। খাণ্ড প্রস্তুতের পাত্রটীর মুখে একখণ্ড পরিষ্কৃত নেকড়া ঢাকা দিয়া উহা কোন শীতল স্থানে রাখিয়া দিবে। পরে প্রয়োজন মত গরম করিয়া লইবে। খাণ্ড রাখিয়া দিবার পর শীতল

হইলে উহার উপরে পাতলা সরের মত পড়ে। কিন্তু খাওয়া উষ্ণ করিবার সময় ঘাঁটিয়া দিলেই উহা একবারে মিশিয়া যাইবে।

(২৭) গ্রেণোজ (Granose Flakes)—ইহা গম হইতে প্রস্তুত একটা পুষ্টিকর খাদ্যবিশেষ। অতিশয় হালকা এবং খাইতেও টাটকা মুড়ির ত্যায় মচমচে। ইহার টিনটী বেশীদিন খোলা থাকিলে কতক মিয়াইয়া যাওয়ার মত হয়। তখন উহা মুড়ির ত্যায় 'কাঠ-খোলায়' বা তাওয়াতে করিয়া তাতাইয়া লইলে আবার বেশ মচমচে হয়। অজীর্ণ (Dyspepsia), কোষ্ঠবদ্ধতা প্রভৃতি রোগে ইহা বিশেষ উপকারী। ইহা দুধ বা দইয়ের সঙ্গে মাথিয়াও খাইতে পারা যায় অথবা মুড়ির মত শুকনাও খাওয়া চলে। ইহা অতিশয় লঘুপাক এবং মুখরোচক।

(২৮) স্যানাটোজেন্ (Sanatogen)—ঔষধ ব্যবহারের নিয়ম ও মাত্রা।

পূর্ণ-বয়স্ক—চা-চামচের ২ চামচ বা কিঞ্চিৎ অধিক পরিমাণ দিনে তিনবার করিয়া আহারের সহিত কিম্বা পরেই সেবনীয়। পূর্বোক্ত মাত্রার অধিক সেবন করিলেও হজমের কোন ব্যাঘাত হইবে না।

অপূর্ণ-বয়স্ক—এক বৎসর হইতে চৌদ্দ বৎসরের বালক-বালিকার মাত্রা ১ হইতে ৬ চামচ পর্য্যন্ত।

দুগ্ধ-পোষ্য শিশু—সপ্ত দিবস বয়স্ক শিশুর খাণ্ডে এক চিম্টি “স্যানাটোজেন্” দেওয়া যাইতে পারে।

ঔষধ প্রস্তুত করিবার প্রণালী—চা-চামচের দুই চামচ (উচু হইয়া যতটা ধরে) “স্যানাটোজেন্” ৮ চা-চামচ পরিমাণ ঠাণ্ডা জলের সহিত মিশ্রিত করিয়া লেইর মতন করিতে হইবে। পরে ঘাঁটিতে ঘাঁটিতে দরকার মত দুধ কিম্বা জল মিশ্রিত করিয়া তরল করিতে হইবে এবং তৎক্ষণাৎ পান করিতে হইবে। প্রতিবার ঔষধ টাটকা প্রস্তুত করিয়া পান করিতে হইবে।

ঔষধ প্রস্তুত করিবার অল্প প্রণালী—পূর্ব-লিখিত নিয়ম মত ঠাণ্ডা জলের সহিত মিশ্রিত করিয়া লেইর মত করিতে হইবে ; পরে গরম জল কিম্বা অল্প কোন গরম পানীয় দ্রব্য মিশাইতে হইবে । “স্যানাটোজেন্,” কেবল লেবুর রস, লেমোনেড্ বা অল্প সর্ব-প্রকার টক্ ব্যতীত যে কোন রকম গরম কিম্বা ঠাণ্ডা পানীয়ের সহিত সেবন করা যাইতে পারে । ইহা দুধ, কোকো, চকোলেট, চা কিম্বা সোডা আদি পানীয়ের সহিত খাইতে সুস্বাদু । সোডা প্রভৃতির সহিত খাইতে হইলে প্রথমতঃ তাহা চামচ দ্বারা নাড়া দিয়া গ্যাস বা বাষ্প বাহির করিয়া দিবে ।

ইহা স্মরণ রাখিতে হইবে যে, গরম পানীয় মিশাইবার পূর্বে ঔষধ ঠাণ্ডা জলের দ্বারা প্রথম লেইর মতন করিতে হইবে । তাহা না করিলে ইহা শক্ত্ টিবি টিবি পানা হইবে ।

(২৯) কাঙ্গি-ওয়াটার—একটি হাঁড়িতে দেড় সের পরিমাণ জল দিয়া জ্বলে চড়াইবে এবং একখণ্ড পরিষ্কৃত নেকড়ায় অর্ধছটাক পরিমাণ পুরাতন সরু চাউল (চাউলগুলি যত পুরাতন হয় ততই ভাল) বাঁধিয়া উহাতে নিষ্ক্ষেপ করিবে । তৎপর উহা তিন ঘণ্টা কাল (এক প্রহর) মৃদু তাপে জ্বল দিবে । হাঁড়িতে এক পোয়া আন্দাজ জল থাকিতে নামাইয়া ভাতের পুটলিটা ফেলিয়া দিবে এবং উক্ত জলে লবণ এবং দুই এক ফোটা পাতিলেবুর রস মিশ্রিত করিয়া পান করিতে দিবে । প্রবল জ্বরের সময়েও কাঙ্গি-ওয়াটার দেওয়া হইয়া থাকে ।

(৩০) সাগুর খিচুড়ী—একটি হাঁড়িতে অর্ধ ছটাক পরিমাণ মসুর দাল কিম্বা মুগ দাল সিদ্ধ করিতে থাকিবে । তৎপর উহা উত্তমরূপে সিদ্ধ হইয়া আসিলে উহাতে সম পরিমাণ সাগুদানা নিষ্ক্ষেপ করিবে । সাগুদানাগুলি পূর্বেই পরিষ্কার করিয়া ধুইয়া শীতল জলে ভিজাইয়া

রাখা কর্তব্য । সাগুদানা দিবার পর উহাতে লবণ হরিদ্রা এবং দুই একটা তেজপাতা দিবে । সাগুদানাগুলি দালের সহিত উত্তমরূপে মিশ্রিত হইয়া গেলে উহাতে কিঞ্চিৎ আদার রস দিয়া সামান্য সম্ভরা দিয়া নামাইয়া ফেলিবে ; তাহা হইলেই সাগুর খিচুড়ী প্রস্তুত হইল ।

(৩১) দালের যুষ—সাধারণতঃ কাঁচা মুগ এবং মসুর দালের যুষই ব্যবহৃত হইয়া থাকে । একটা হাঁড়িতে এক সের পরিমাণ জল দিয়া জ্বালে চড়াইবে । তৎপর অর্দ্ধ ছটাক পরিমাণ মসুর বা কাঁচা মুগ দাল একখণ্ড পরিষ্কৃত নেকড়ায় বাধিয়া উহাতে নিক্ষেপ করিবে । পাত্রের মুখ ঢাকা দিয়া মৃদুতাপে জ্বাল দিতে থাকিবে এবং এক পোয়া পরিমিত জল অবশিষ্ট থাকিতে নামাইয়া উক্ত জলে দালগুলি উত্তমরূপে রগড়াইয়া ছাঁকিয়া লইবে । তৎপর উহাতে কিঞ্চিৎ আদার রস এবং লবণ মিশ্রিত করিয়া আহার করিতে দিবে । ইচ্ছা করিলে দুই এক ফোটা পাতিলেবুর রসও মিশ্রিত করিয়া দেওয়া যাইতে পারে । দালগুলি যত অধিক সিদ্ধ হয় ততই ভাল ।

(৩২) মাংসের যুষ (Broth)—এক পোয়া মাংস উত্তমরূপে কুটিয়া চর্কি রহিত করতঃ দুই সের জলে এক ঘণ্টাকাল ভিজাইয়া রাখিবে । তৎপরে উহা জ্বালে চড়াইয়া একখণ্ড নেকড়ায় কয়েকটা গোল মরিচ, গোটা কতক আস্ত ধনে, কিঞ্চিৎ হরিদ্রা এবং আন্দাজমত লবণ বাধিয়া উহাতে ফেলিয়া দিবে । কয়েক খণ্ড আদা চাকা চাকা করিয়া কাটিয়া দেওয়াও মন্দ নহে । পাত্রের মুখ ঢাকা দিয়া মৃদুতাপে জ্বাল দিতে থাকিবে । ক্রমে সমস্ত জল মরিয়া আধ সের আন্দাজ থাকিতে পাত্রটা নামাইয়া ফেলিবে । সিদ্ধ মাংস হইতে হাড়গুলি বাছিয়া ফেলিয়া দিবে এবং মাংসগুলি উত্তমরূপে চট্কাইয়া একখণ্ড পরিষ্কৃত নেকড়ায় ঝোলটুকু ছাঁকিয়া লইবে । তাহা হইলেই 'ব্রথ' প্রস্তুত

হইল। 'ব্রথ' প্রস্তুত করিতে কুকুট ছানার মাংসই সর্বোৎকৃষ্ট।
তদভাবে কচি পাঠার মাংসও ব্যবহার করা যাইতে পারে।

৬৭ ঘণ্টার অধিক কাল 'ব্রথ' ভাল থাকে না। প্রত্যেক বার
খাওয়াইবার সময় গরম করিয়া লওয়া উচিত। একটা পাত্রে আবশ্যিক
মত 'ব্রথ' ঢালিয়া উক্ত পাত্র গরম জলের ভিতর কিছুকাল রাখিয়া দিলেই
গরম হইতে পারিবে। 'ব্রথ' প্রস্তুত করিয়া উহা একটা বোতলে বেশ
করিয়া কৰ্ক আঁটিয়া রাখা উচিত, তাহা হইলে তত সহজে নষ্ট হইয়া
যাইবে না। উক্ত বোতল বরফ কিম্বা শীতল জলে বসাইয়া রাখিতে
পারিলে আরও ভাল হয়।

(৩৩) 'জাগসুপ' (Jug-soup)—যৃষের মাংসের ত্রায় সূপের
মাংসগুলিও উত্তমরূপে কুটিয়া চর্কি বাছিয়া ফেলিতে হইবে। তৎপরে
উহাতে কিঞ্চিৎ আদা ও লবণ, ২।১১ টি তেজপাতা এবং কিছু ধনে দিয়া
একটা কড়ির বৈয়ম কিম্বা সোডা ওয়াটারের বোতলে পূরিবে। তৎপরে
পাত্রের মুখ উত্তমরূপে আঁটিয়া যাহাতে ভিতরের বাষ্প বাহির হইতে না
পারে একত্র ময়দা গুলিয়া মুখে প্রলেপ দিবে। সূপের মাংস জলদ্বারা
ধৌত করিবে না। কাটিবার সময় একরূপ সাবধানে কাটিবে যেন উহাতে
কোনরূপ ময়লা না থাকিতে পারে। একটা হাঁড়িতে জল দিয়া উক্ত
মাংসপূর্ণ বৈয়ম কিম্বা বোতলটী তাহাতে রাখিয়া জ্বলে চড়াইবে। এইরূপে
অন্যান ৩ ঘণ্টাকাল জ্বাল দিবে। হাঁড়ির জল কমিয়া গেলেই উহাতে পুনরায়
জল দিতে হইবে, নতুবা জল শুষ্কিয়া গেলে বৈয়মটী ফাটিয়া যাইবে।
একত্র ক্রমাগত এ বিষয়ে লক্ষ্য করিতে হইবে। তৎপরে পাত্রটী জ্বল
হইতে তুলিয়া লইবে এবং পাত্রস্থ মাংসের ভিতর হইতে যে রস নির্গত
হইয়াছে, তাহা উত্তমরূপে নিংড়াইয়া পরিষ্কৃত বস্ত্রখণ্ডে হাঁকিয়া লইলেই
'জাগসুপ' প্রস্তুত হইল। মাংসের যৃষ অপেক্ষা ইহা পুষ্টিকর ও লঘুপাক।

মাংসের ঘৃষ কিম্বা 'জাগমুপ' খাইতে রোগী নিতান্ত অনিচ্ছা প্রকাশ করিলে প্রতিবারে ৮।১০ ফোঁটা করিয়া টিক্কার ক্লোরোফরম কম্পাউণ্ড (Tinct. Chloroform Co.) বা টিক্কার লেভেণ্ডার কম্পাউণ্ড (Tint. Lavand. Co.) মিশ্রিত করিয়া দিলেই আর খাইতে কোন কষ্ট হইবে না ।

(৩৪) আইসিংগ্লাস (Isinglass)—ইহা ডাক্তারখানায় পাওয়া যায় । অর্দ্ধগ্লাস পরিমিত শীতল জলে চা-চামচের এক চামচ আইসিংগ্লাস মিশ্রিত করতঃ ৩ ঘণ্টাকাল রাখিয়া দিবে । তৎপর উহা একটা বাটিতে ঢালিবে এবং অপর একটা বড় পাত্র জলদ্বারা অর্দ্ধপূর্ণ করিয়া তাহাতে উক্ত বাটিটা রাখিয়া পাত্রটীতে জ্বাল দিতে থাকিবে । বাটিস্থিত আইসিংগ্লাস জলের সহিত মিশ্রিত হইয়া গেলে উক্ত পাত্র হইতে বাটিটা নামাইয়া লইবে । শীতল হইলে উহা ঠিক জেলী বা মোবকার গ্ৰায় হইবে । এই মোবকার এক চা-চামচ দেড় পোয়া আন্দাজ দুধ বা অল্প কোন তরল খাতের সহিত মিশ্রিত করিয়া খাইতে দিবে ।

(৩৫) চিনাঘাস (China Grass) বা আগর্ আগর্ (Agar-Agar)—ইহাও ডাক্তারখানায় পাওয়া যায় ।

ইহা দেখিতে কতকটা নলখাগড়ার গ্ৰায় এবং আঁটি বাধা থাকে । ইহার ৪ গাছা কাঠি খণ্ড খণ্ড করিয়া কাটিয়া একটা পাত্রে ভিজাইয়া রাখিবে । পরে উহা জলে ভিজিয়া যখন জেলী (Jelly) অর্থাৎ ঘন আঠার মত হইবে তখন অর্দ্ধসের দুগ্ধ জ্বালে চড়াইয়া তাহাতে উহা ফেলিয়া দিবে এবং ক্রমাগত নাড়িতে থাকিবে । যখন উহা ঘন হইয়া পায়সের মত হইয়া আসিবে তখন পরিস্কৃত চিনি কিম্বা মিছরি দিয়া নামাইয়া ফেলিবে । তৎপর একটা থালায় ঢালিয়া জুড়াইতে দিবে । শীতল হইয়া গেলে ছুরীদ্বারা বরুফির মত করিয়া কাটিয়া লইবে । উন্মূন

হইতে নামাইবার পর উহাতে কয়েক ফোটা গোলাপ জল মিশ্রিত করিয়া লইলে কচিকর এবং সুগন্ধযুক্ত হইবে। অজীর্ণরোগে ইহা একটা উপাদেয় পথ্য। জীর্ণশক্তি কমিয়া গেলে যখন দুগ্ধ হজম করিবার সামর্থ্য থাকে না তখন ইহা ব্যবস্থেয়।

(৩৬) পেঁপের পায়েস—ডামান পেঁপে (সবে বং ধরিয়াছে এরূপ) খোসা ছাড়াইয়া ফালি ফালি করিয়া কাটিবে। পেঁপেটি ছাড়াইবার পূর্বে ধুইয়া লইবে কিন্তু কাটা হইলে আর ধুইবেনা। পেঁপের ফালিগুলি প্রথমে জলে ভাপাইয়া লইবে। সিদ্ধ করিবার সময় এমন ভাবে জল দিবে যেন সে জল পেঁপে সিদ্ধ হওয়ার সঙ্গে সঙ্গে মরিয়া যায়। পরে সিদ্ধ পেঁপেগুলি উত্তমরূপে চট্কাইয়া দুধ জ্বালে চড়াইবে এবং চট্কান পেঁপেগুলি তাহাতে দিয়া জ্বাল দিতে থাকিবে। তৎপর ঠিক পায়েস রাধিবার মত করিয়া চিনি বা মিছরি দিয়া নামাইয়া ফেলিবে। সুগন্ধের জন্য কিঞ্চিৎ বড় এলাচের গুঁড়া বা কয়েক ফোটা গোলাপ জল দেওয়া যাইতে পারে।

পেঁপেগুলি ফালি ফালি করিয়া না কাটিয়া নারিকেল কুড়াইবার মত কুড়াইয়া 'উহা না ভাপাইয়া' কাঁচাই একবারে দুধের মধ্যে ফেলিয়া দিলেও চলিতে পারে। ইহাতে পায়েস প্রস্তুত হইলে দুধ ছেঁড়াছেঁড়া বলিয়া মনে হয়। কিন্তু তাহাতে কোন অপকারের সম্ভাবনা নাই বরং উহা আরো লঘুপাক হইয়া থাকে। অজীর্ণ, উদরাময় এবং যকৃৎরোগে ইহা অতি উপাদেয় খাদ্য।

(৩৭) পেঁপের মোহনভোগ—পেঁপে কুড়াইয়া উহা সূজির মত করিয়া ঘূতে ভাজিয়া ঠিক সূজির মোহনভোগের তায় প্রস্তুত করিবে। সূজির মোহনভোগের তায় উহাতেও ইচ্ছা করিলে দুগ্ধ দেওয়া যাইতে পারে। হালুয়া খাইলে যাহাদের অন্ত্র হয় তাহাদের পক্ষে ইহা বিশেষ

উপকারী। ঘূতের পরিবর্তে মাখনে ভাজিয়া লইলে আরো লঘুপাক হইবে।

পেঁপে ভাপাইয়া উত্তমরূপে জল নিংড়াইয়া তৎপর উহা চট্কাইয়া লইয়া চিনির রসে ফুটাইয়া হালুয়ার মত প্রস্তুত করিয়া লইলে উহা আরো লঘুপাক হয়। যাহাদের ঘূত সহ হয় না তাহাদেরপক্ষে ইহা উপাদেয় পথ্য।

(৩৮) পেঁপের মোরোববা—পেঁপেটী প্রথমে ধুইয়া তৎপর খোসা ছাড়াইয়া ডোমা ডোমা করিয়া কাটিবে। কাটিবার পর আর ধুইবে না। ডোমাগুলি পায়েসের পেঁপের ফালি অপেক্ষা বড় করিয়া কাটিতে হইবে। উহার গায়ে ছুব্বীর আগা বা ডালের কাঁটা দিয়া ছেঁদা ছেঁদা করিয়া লইবে। তৎপর জলে ভাপাইয়া লইবে। ভাপাইবার সময় এমন ভাবে জল দিবে যেন পেঁপেগুলি সিদ্ধ হওয়ার সঙ্গেই সে জলগুলি সব শুষিয়া যায়। পেঁপেগুলি ভাপান হইলে চিনির রসে ফেলিয়া জ্বাল দিতে থাকিবে এবং আঠা আঠা মত হইয়া আসিলেই নামাইয়া লইবে। যাহাদের জীর্ণ-শক্তি কম তাহাদের পক্ষে পেঁপের সকল প্রকার খাদ্য বিশেষ উপকারী।

(৩৯) বিফ্‌টী (Beef Tea)—একখণ্ড চর্কিবিহীন গরুর 'রাগ' লইয়া উহা হইতে প্রথমে পরদা, হাড়, চর্কি এবং শিরা ও উপাস্থি প্রভৃতি ছাড়াইয়া লইবে। তৎপর উক্ত মাংস খণ্ড টুকরা টুকরা করিয়া কাটিয়া একটা কড়ির বৈয়মে পূরিবে এবং উহাতে কিঞ্চিৎ লবণ এবং আদা মিশ্রিত করিয়া বৈয়মের মুখটি উত্তম রূপে বন্ধ করিয়া দিবে। একটা বড় পাত্রে জল রাখিয়া তন্মধ্যে বৈয়মটী বসাইয়া জ্বালে চড়াইবে। এইরূপে ছয় ঘণ্টা কাল সিদ্ধ করিয়া তৎপর বৈয়ম হইতে মাংস ও উহা হইতে যে রস নির্গত হইবে তাহা একখণ্ড পার্শ্বত নেকড়ায় করিয়া উত্তমরূপে নিংড়াইয়া লইবে। উহাতে চর্কি বা সরের জ্বায় যে পদার্থ

উপরে ভাসিয়া উঠিবে তাহা মাখন তোলার ঞ্চায় উপর হইতে ছাঁকিয়া ফেলিয়া দিবে এবং উহাতে কয়েক ফোটা পাতিলেবুর রস বা সুস্বাদু করিবার জন্ত অল্প কিছু দিয়া গরম গরম পান করিতে দিবে । ছাঁকিয়া লইবার পর উহাতে যে গুঁড়া গুঁড়া পদার্থ তলানি পড়িবে সে সকল সমেত খাইতে দিবে ।

অল্প সময় মধ্যে বিফ্‌টা প্রস্তুত করিবার প্রয়োজন হইলে—এক পোয়া পরিমিত উক্তমাংস কাটিয়া 'কিমা' করিয়া লইবে এবং কিঞ্চিৎ লবণ ও আদার রস মিশ্রিত করিয়া তিন পোয়া পরিমিত শীতল জলে ১০ মিনিট কাল ডুবাইয়া রাখিবে । তৎপর উহা জ্বলন্ত অঙ্গার বা গুলের আগুনের উপর কিছুকাল রাখিয়া দিবে এবং উৎলাইয়া আসিলে ৩ মিনিট কাল রাখিয়া নামাইয়া ফেলিবে । তৎপর পূর্বোক্তরূপে প্রস্তুত করিয়া গরম গরম খাইতে দিবে । ঠিক এই প্রণালীতে গোমাংসের বদলে 'মাটন' অথবা 'চিকেন' দ্বারা 'টী' প্রস্তুত করা যাইতে পারে ।

(৪০) পেপ্টোনাইজ দুগ্ধ (Peptonised milk)—একটি পরিষ্কৃত পাত্রে আড়াই পোয়া কাঁচা দুগ্ধ এবং চা-চামচ (১ ড্রাম) গরম জল লইয়া উহাতে পেপ্টোনাইজিং পাউডারের একটি টিউব (zymine Peptonising Powder) এ ষতটুকু ঔষধ আছে তাহা প্রদান করিবে । তৎপর হাতে সহ্য হয় একরূপ উষ্ণ জলে উক্ত পাত্রটি ২০ মিনিটকাল রাখিয়া দিবে এবং মধ্যে মধ্যে নাড়িয়া দিবে । উক্ত সময়ের পর উহা তাড়াতাড়ি করিয়া সিদ্ধ করিতে হইবে অথবা বরফখণ্ডের উপরে রাখিয়া দিতে হইবে ।

২০ মিনিটের অধিক কাল পাত্রটি উষ্ণ স্থানে রক্ষা করিলে দুগ্ধ তিক্তাস্বাদ হইয়া উঠিবে । দুগ্ধ পেপ্টোনাইজ করিবার অব্যবহিত পরে সেবন না করিলে উহা ২।৩ মিনিটের অধিক কাল জ্বাল না দিয়া বরফ

খণ্ডের উপর রাখিয়া দেওয়া উচিত । রোগী অতিশয় দুর্বল হইলে, বহুক্ষণ ব্যাপিয়া পেপ্টোনাইজ করা আবশ্যিক । একন্য ২০ মিনিটের পরিবর্তে আরও অধিক কাল উষ্ণজলে রাখিয়া দেওয়া কর্তব্য । ইহাতে দুগ্ধের স্বাদ তিক্ত হইবে বটে, কিন্তু অতিরিক্ত দুর্বল রোগীর পক্ষে ইহাই সুপথ্য । উপরোক্ত উপায়ে পেপ্টোনাইজ করিলে সত্বরে নষ্ট হয় না, একন্য উহা অনেক দিন পর্য্যন্ত ব্যবহার করা যাইতে পারে ।

ছয় মাসের নিম্ন বয়স্ক শিশুদিগের জন্য পেপ্টোনাইজ দুগ্ধ প্রস্তুত করিতে হইলে—একটি চোষক বোতলে (Feeding bottle) দুগ্ধ এবং গরম জল সমভাগে মিশাইয়া পাঁচ ছটাক পরিমাণ লইবে এবং উহাতে জাইমিন পাউডার (Fairchild zymine Peptonising Powder) শিশির একচতুর্থাংশ প্রদান করতঃ ২০ মিনিট কাল হাতে সহ্য হয় একরূপ গরম জলে বোতলটি রাখিয়া দিবে । তৎপর মিষ্টাস্বাদের জন্য কিঞ্চিৎ চিনি অথবা 'সুগার অব মিল্ক' (Saccharum Lactis) মিশ্রিত করিয়া তাড়াতাড়ি জ্বাল দিয়া নামাইয়া ফেলিবে । কারণ একটু অধিক জ্বাল হইলেই তিক্তাস্বাদ অনুভূত হইবে ।

জাইমিন যোগে পেপ্টোনাইজ—একটি বড় বোতলে ৫ গ্রেণ জাইমিন (Zymine Fairchild) ১৫ গ্রেণ সোডা (Sodii Bicarb) এবং অর্ধ পোয়া পরিমিত শীতলজল পুরিয়া উত্তমরূপে ঝাঁকাইয়া লইবে এবং উহাতে আড়াই পোয়া টাটকা কাঁচা-দুগ্ধ মিশ্রিত করিবে । তৎপরে বোতলটি আধ ঘণ্টাকাল গরম জলে বসাইয়া রাখিবে । উক্ত সময়ের পর হয় বোতলটি তৎক্ষণাৎ বরফের ভিতর রাখিয়া দিবে নতুবা উক্ত দুগ্ধ ৩৪ মিনিট জ্বাল দিয়া লইবে ।

অধিক কাল গরমে রাখিলে দুগ্ধ তিক্তাস্বাদ হয় । চিকিৎসকের বিশেষ ব্যবস্থা না থাকিলে একরূপ উষ্ণ করিবার প্রয়োজন নাই । অধিক

কাল পেপ্টোনাইজ না করিলেই দুগ্ধ স্মিষ্ট এবং সুস্বাদ হয় । বাস্তবিক ইহার আশ্বাদ উত্তম এবং শিশুরা মাতৃস্বন্যের ন্যায় ভালবাসে । শিশু-দিগের জন্য দুগ্ধ পেপ্টোনাইজ করিতে হইলে যাহাতে উহা বিস্বাদ না হয় সর্বদাই সে বিষয়ে দৃষ্টি রাখা কর্তব্য । ২০ হইতে ৩০ মিনিটের অনধিক কাল উত্তাপে রাখিলেই আর বিস্বাদ হইতে পারে না ।

(৪১) এসেন্স অব্ চিকেন্ (Essence of Chicken) — সচরাচর বিলাতি 'ব্র্যাণ্ডস্ (Brand's) এসেন্স অব্ চিকেন' এবং 'গিলন্স (Gillon's) এসেন্স অব্ চিকেন'ই ব্যবহৃত হইয়া থাকে । তন্মধ্যে 'ব্র্যাণ্ডস্ চিকেন'ই উত্তম এবং উহার মূল্যও অধিক । এক এক কোঁটাতে 'ব্র্যাণ্ডস্ চিকেন' ৩ আউন্স এবং 'গিলন্স চিকেন' ৪ আউন্সেরও অধিক পরিমাণ থাকে । কিন্তু গিলন্স অপেক্ষা ব্র্যাণ্ডস্ চিকেনের মূল্য প্রায় দ্বিগুণ । এই সকল এসেন্স টিন খুলিয়া গ্লাসে ঢালিয়া দিতে হয় ; উষ্ণ করিবার প্রয়োজন হয় না, কিম্বা অন্য কোন মসলাদি মিশ্রিত করিতে হয় না । চিকিৎসকের ব্যবস্থানুযায়ী ব্র্যাণ্ড ইত্যাদি মিশ্রিত করিয়া রোগীকে খাইতে দিতে হয় । কোঁটা হইতে আবশ্যিক মত 'এসেন্স' বাহির করিয়া পাত্রে মুখ উত্তমরূপে বন্ধ করিয়া দিবে এবং পাত্রটী বরফ কিম্বা শীতল জলের উপর বসাইয়া রাখিবে । তাহা হইলে উহা সত্বরে নষ্ট হইয়া যাইবে না । একেবারে কোঁটা খুলিয়া ১২ঘণ্টার অধিক কাল রাখিবে না । বরফের উপর রাখিয়া দিলে 'ব্র্যাণ্ডস্ চিকেন' আরও অধিক কাল থাকিতে পারে ।

(৪২) লীবিগস্ এক্সট্র্যাক্ট অব্ মিট্ (Liebig's Extract of meat) — এই বিলাতি পেটেন্ট খাচ বিফ্‌টীর পরিবর্তে ব্যবহৃত হইয়া থাকে । ইহা অনেকাংশে বিফ্‌টী হইতেও উত্তম । ইহার শিশির মুখ খুলিয়া অপেক্ষাকৃত দীর্ঘকাল রাখিলেও তাহাতে নষ্ট হয় না ;

কেবল কৰ্কটী বদলাইয়া দিলেই চলে অথবা শিশির মুখে একখণ্ড কাগজ আঁটিয়া বাঁধিয়া দিলেই চলিতে পারে। ইহাৰ প্রস্তুত প্রণালীও অপেক্ষাকৃত সহজ ।

একটী পাত্রে আবশ্যকমত ফুটন্ত গরমজল লইয়া উহাতে অল্প অল্প করিয়া এই মাংসনিৰ্ঘ্যাস মিশ্রিত করিবে। জলের রং গভীর পীতবর্ণ না হওয়া পর্য্যন্ত ইহা মিশ্রিত করিতে হইবে। একষ্ট্র্যাক্টের ভাগ অধিক হইলে জলের রং কটাবর্ণ দেখাইবে। জলের রং ঘোর হলুদ রংএর হইলেই যথা পরিমাণ মিশ্রিত করা হইল। ইহার অল্পাধিক হইলেই ঠিকমত হইল না জানিতে হইবে। খাণ্ড প্রস্তুত হইলে উহাতে পরিমাণ মত লবণ মিশ্রিত করিয়া খাইতে দিবে। ইহা খাইতে সুস্বাদ এবং সুগন্ধযুক্ত, এজন্য রোগীর পক্ষে কষ্টকর হয় না। ইহা পাঁউরুটির সহিত মিশ্রিত করিয়াও খাইতে পারা যায়। চা-চামচের আধ চামচ নিৰ্ঘ্যাস হইলেই বড় বাটীর এক বাটি খাণ্ড প্রস্তুত হইবে।

(৪৩) বভরিল্ (Bovril)—ইহাও একটী বিলাতী পেটেন্ট মাংস নিৰ্ঘ্যাস। ইহা অতিশয় পুষ্টিকর, অতি সহজে হজমকাবী এবং খাইতে সুস্বাদ। অতি দুৰ্ব্বলাবস্থায় এবং যখন অন্য কোন খাণ্ড পেটে থাকে না এমন অবস্থায় ইহা দ্বারা বিশেষ উপকার দর্শে। ইহা অতিশয় বলকারক পথ্য। ইহার প্রস্তুত প্রণালীও অতিশয় সহজ। চা-পেয়ালার এক পেয়লা (প্রায় ৫ আউন্স) ফুটন্ত জলে চা-চামচের এক চামচ বভরিল দিয়া উত্তমরূপে নাড়িয়া দিলেই খাণ্ড প্রস্তুত হইবে।

(৪৪) কাঁচা মাংসের স্করুয়া (Raw meat-juice)— এক ছটাক পরিমিত একখণ্ড গোমাংস হইতে পরদা, চৰ্কি প্রভৃতি ছাড়াইয়া উহা কুচি কুচি করিয়া কাটিবে। তৎপরে একটী পাত্রে এক-ছটাক পরিমিত জল লইয়া উহাতে মাংসগুলি ফেলিয়া দিবে এবং

অর্দ্ধঘণ্টাকাল পাত্রটী কোন গরম স্থানে * রাখিয়া দিবে । পরে একখণ্ড পরিষ্কৃত নেকড়ায় করিয়া উত্তমরূপে ছাঁকিয়া রস নির্গত করিয়া লইবে । এই সুরুয়া একবার প্রস্তুত করিয়া বারবার খাওয়া চলে না । প্রত্যেক বারে নূতন করিয়া প্রস্তুত করা আবশ্যিক । রক্তামাশয় প্রভৃতি রোগে ইহা বিশেষ উপকারী ।

৬) । কুপথ্যের ফল—অনেকে লোভপ্রযুক্ত রোগসময়ে কুপথ্য গ্রহণ করিয়া কষ্ট পাইয়া থাকেন । এমন কি ইহাতে অনেক সময়ে রোগ দুশ্চিকিৎস হইয়া উঠে । যেমন সূপথ্যের ব্যবস্থা করিতে হইবে, সেইরূপ ষাহাতে কোন কারণে কুপথ্য গৃহীত না হয় তৎপ্রতি বিশেষ দৃষ্টি রাখা আবশ্যিক । অনেকে মায়াপ্রযুক্ত মনে করেন অল্প একটু কুপথ্য আর কি হইবে? কিন্তু রোগীর পক্ষে সেই সামান্য কুপথ্যই যে বিষবৎ তাহা তাঁহারা একবার ভাবিয়া দেখেন না । এই গুরুতর বিষয়ে সর্বাগ্রে দৃষ্টি রাখা একান্ত কর্তব্য । অত্যাধিক সকল প্রকার চিকিৎসা ব্যর্থ হইয়া যায় ।

কেবল কুপথ্য করিলেই রোগ সারে না অথবা রোগ বৃদ্ধি পায় এমন নহে । অনেক সময় দেখিতে পাওয়া যায়, রোগের প্রকোপাবস্থায় নিয়মিতরূপে ঔষধ এবং পথ্য প্রদান করা হইয়া থাকে, কিন্তু রোগের কিঞ্চিৎ উপশম হইবামাত্র আর নিয়মিত ঔষধাদি ব্যবহার করা হয় না । আবার অনেক সময় এমনও দেখিতে পাওয়া যায় যে, যখন রোগ প্রায় সারিয়া আসিয়াছে, তখন ঔষধ ও পথ্যের দিকে কোন দৃষ্টি থাকে না এবং যথেষ্ট শারীরিক নিয়ম লঙ্ঘন করা হইয়া থাকে । অত্যধিক পরিশ্রম, অসময়ে স্নানাহার, অধিক রাত্রি জাগরণ, অনিয়মিত ঔষধ

* উম্মুনেব পাশে রাখিয়া দিলেই চলে । হাতে সহ না হয় এমন গরম যেন কিছুতেই না হয় ।

ব্যবহার ইত্যাদি পূর্ণমাত্রায় চলে। কুপথ্য সেবন না করিয়া অশ্রান্ত বিষয়ে অবহেলা করিলেও রোগ বৃদ্ধি পাইতে পারে, এ কথা যেন কেহ একবার ভাবিয়াও দেখেন না, অথবা বুঝিলেও ততটা মনোযোগ করেন না। নিজের অসতর্কতা এবং অবহেলার জন্ত অনেক সময় রোগের পুনরাক্রমণ হইয়া থাকে অথবা রোগ সমাফ দূর হইতে কালবিলম্ব হয়। ব্যাধির প্রথম এবং শেষ অবস্থায় নিয়মিতরূপে ঔষধাদি ব্যবহার করিতে ভুলিয়া যাইতে দেখা যায়। এই অমনোযোগ এবং অবহেলা একান্ত পরিহার্য।

যে কারণে ব্যাধির উৎপত্তি, সর্বাগ্রে তাহার মূলোচ্ছেদ করা কর্তব্য। রোগের কারণ দূর না করিয়া ঔষধ সেবনে কোন ফল নাই। যেমন স্বাত্ত্বিজাগরণ বশতঃ যদি কোন ব্যাধির সঞ্চার হইয়া থাকে, তবে সেট স্বাত্ত্বিজাগরণ পরিত্যাগ না করিয়া শুধু ঔষধ সেবনে কখনও উক্ত রোগ আরোগ্য হইবে না। অশ্রান্ত বহু কারণ আছে যাহাতে রোগোৎপত্তি হইয়া থাকে অথবা রোগবিশেষে নানা নিষিদ্ধ কাৰ্য্য আছে যাহা করিলে রোগ বৃদ্ধি পায়, সে সকল বিষয়ের প্রতি ক্রক্ষেপ না করিয়া কেবল পর্যাপ্ত পরিমাণে ঔষধ সেবন করিলেই কোণমুক্ত হইতে পারা যাইবে একরূপ ভাবা বিড়ম্বনা মাত্র। এইরূপ সকল ব্যাধির বিষয়েই বলা যাইতে পারে।

সপ্তম পরিচ্ছেদ ।

খাণ্ড নির্বাচন ।

৬৯ । সাণ্ড, বালি বা এরারুট—লঘুপাক বলিয়া পীড়িতাবস্থায় ব্যবস্থেয় । সাণ্ড এবং বালি স্নিগ্ধকর । পেটের অসুখ থাকিলে এরারুট ব্যবস্থা করা কর্তব্য । বালি সাণ্ড অপেক্ষা পুষ্টিকর । গা বমি বমি করিলে বালি দেওয়া উচিত । ইহাদের পুষ্টিকর শক্তি অতি অল্প, এজন্য তুষ্কের সহিত মিশ্রিত করিয়া দেওয়াই বিধেয় ।

৭০ । মুড়ি, খই প্রভৃতি—টাট্কা মুড়ি, খই, চিড়াভাজা অতি লঘু ও সহজে জীর্ণ হয় । অল্পরোগে মুড়ি ও খই সুপথ্য । খই কোষ্ঠপরিষ্কারক, এজন্য জ্বরে কোষ্ঠবদ্ধতা থাকিলে তখ-খই পথ্য দেওয়া যাইতে পারে । কাঁচা চিড়া অপেক্ষা ভাজা চিড়া লঘুপাক । কাঁচা চিড়ার মণ্ড আমাশয় রোগে সুপথ্য । মুড়ি, খই, চিড়া-ভাজা প্রভৃতি টাট্কা না হইলে অত্যন্ত দুস্পাচ্য হয় এবং সেবনে নানা রোগ জন্মিতে পারে, এজন্য এ সকল সামগ্রী বাসি খাওয়া কর্তব্য নহে । সযত্নে রাখিতে পারিলে মুড়ি অনেক দিন টাট্কা রাখা যাইতে পারে । শুষ্ক ঘৃত-ভাণ্ডে করিয়া উত্তমরূপে মুখ আঁটিয়া রাখিয়া দিলে সহজে নষ্ট হইতে পারে না । মুড়ি এমন পাত্রে রাখিয়া দিবে যাহাতে বায়ু প্রবেশ করিতে না পারে । মুড়ি, খই ইত্যাদি তৈল মাখিয়া খাওয়া ভাল নয়, কারণ তাহাতে গুরুপাক হয় ।

৭১ । বিস্কুট—বিলাতি প্লেন এরারুট বিস্কুটই রোগীর পক্ষে উত্তম, কারণ প্রায় সর্বপ্রকার রোগেই উহা খাইতে কোন বাধা নাই ।

উহা যেমন লঘুপাক আবার তেমনি পুষ্টিকারকও বটে। ইহার বিশেষ গুণ এই যে, সাবধানে রক্ষা করিলে বহুদিন ভাল থাকিতে পারে এবং অনেক রোগেই নির্ভয়ে ব্যবহার করা যাইতে পারে। তবে একবার টিন খোলা হইলে অধিক দিন ব্যবহার করা কর্তব্য নয়।

৭২। অন্ন—এদেশে সরু, মোটা, নূতন, পুরাতন, সিদ্ধ এবং আতপ নানাবিধ চাউল ব্যবহৃত হইয়া থাকে। পুরাতন অপেক্ষা নূতন, সিদ্ধ অপেক্ষা আতপ চাউলের ভাত জীর্ণ করিতে অধিক সময় আবশ্যিক। এজন্য রোগীর পক্ষে পুরাতন এবং সিদ্ধ চাউলের অন্ন আহাৰ করাই শ্রেয়ঃ। কিন্তু আতপ এবং নূতন তড়ুলই অধিকতর পুষ্টিকর। ভাতের মাড়ও সাতিশয় পুষ্টিকর বটে। পুরাতন সিদ্ধ চাউলের ভাত অতি লঘুপাক। উষ্ণ অন্ন শীতল জলে ধৌত করিয়া খাইলে খুব শীঘ্র হজম হয়। কিন্তু পাস্ত ভাত বা শুষ্ক ঠাণ্ডা ভাত কোন ক্রমেই আহাৰ করা কর্তব্য নহে।

৭৩। রুটী—সচরাচর ময়দা বা আটার রুটীই ব্যবহার হইয়া থাকে। চাউল অপেক্ষা গোধুম অধিক পুষ্টিকর, কিন্তু উহা অতিশয় গুরুপাক। অভ্যাস না থাকিলে উহা সকলে পরিপাক করিতে পারে না। এজন্য রুটী ভক্ষন করিলে অনেকের অম্লরোগ হইতে দেখা যায়। গোধুম হইতে সূজি বাতির করিয়া অবশিষ্টাংশ পেষণ করতঃ যে ময়দা প্রস্তুত হয় উহা অত্যন্ত পুষ্টিকর ও গুরুপাক। বহুমূত্র প্রভৃতি রোগে এই ময়দার রুটী বিশেষ উপকারী। ময়দা কিছুদিন রাখিলে উহাতে গন্ধ হয় এবং উহা বিবর্ণ ও অন্ন হইয়া যায়। একরূপ ময়দা কখনও ব্যবহার করা কর্তব্য নহে।

সূজি অত্যন্ত লঘু এবং সহজে জীর্ণ হয়, এজন্য রোগীকে কখন কখন সূজির রুটী দেওয়া হয়। সূজির দানা বড় বড় থাকিলে সিদ্ধ হইতে বা পরিপাক করিতে কিঞ্চিৎ বিলম্ব হয়। উত্তমরূপে পেষন করিয়া লইলে

আর কোন আশঙ্কার কারণ থাকে না । সচরাচর যে সূজি ব্যবহৃত হয়, তাহা দুই প্রহর কাল শীতল জলে ভিজাইয়া রাখিয়া তৎপর রুটী প্রস্তুত করিলে উহা সহজে জীর্ণ হইবে এবং অম্লদোষও জন্মিবে না ।

ময়দা হইতে রুটী ও লুচি দুই প্রকার খাদ্য প্রস্তুত হয় । তন্মধ্যে লুচি অপেক্ষা রুটীই সহজে জীর্ণ হইয়া থাকে । এজন্য লুচির পবিবর্ত্তে অল্প ঘৃত সংযুক্ত রুটী খাওয়াই কর্তব্য ।

৭৪ । পাঁউরুটী—গৃহনির্ম্মিত রুটী অপেক্ষা পাঁউরুটী সহজে জীর্ণ হয় এবং উহা সেবনে কোষ্ঠবদ্ধতা হয় না । টাট্কা অপেক্ষা এক দিনের বাসি পাঁউরুটী ব্যবহার করা উচিত । সচরাচর ভাল পাঁউরুটী পাওয়া যায় না । অনেকেরই খারাপ পাঁউরুটী খাইয়া অম্ল ও বুকজ্বালা প্রভৃতি রোগ হইয়া থাকে । এজন্য ভাল পাঁউরুটী না পাইলে সূজির রুটী প্রস্তুত করিয়া খাওয়া উচিত । পাঁউরুটী আহার করিলে উহা 'টোষ্ট' (১৪৩ পৃষ্ঠা) করিয়া লওয়া কর্তব্য, নতুবা অতিরিক্ত তাড়ি থাকা প্রযুক্ত অনেক সময়েই অম্ল রোগ হইবার সম্ভাবনা । বাজারের পাঁউরুটী 'টোষ্ট' না করিয়া কখনই খাওয়া কর্তব্য নহে ।

৭৫ । মাংস—শরীর সবল রাখিবার জন্য মাংস বিশেষ উপকারী একথা বলাই বাহুল্য । ইহা অতিশয় পুষ্টিকর এবং লঘুপাক । কেবল রক্তনের দোষেই মাংস গুরুপাক হইয়া থাকে । মেঘমাংস সর্ব্বাপেক্ষা সহজে জীর্ণ হয় কিন্তু ইহা অপেক্ষা ছাগমাংস অধিক পুষ্টিকর । শূকর এবং হাঁসের মাংসে অতিরিক্ত মেদ থাকা প্রযুক্ত উহা সহজে জীর্ণ হয় না । অধিকাংশ পক্ষিমাংসই পুষ্টিকর । তন্মধ্যে কপোত ও কুকুটের মাংসই সর্ব্বোৎকৃষ্ট এবং অত্যন্ত পুষ্টিকর ও সহজে জীর্ণ হইয়া থাকে । অতি অল্পবয়স্ক এবং অতি প্রাচীন জন্তুর মাংস ব্যবহার করা কর্তব্য নহে । কারণ ঐ সকল মাংস অতিশয় দুম্পাচ্য এবং অল্প পুষ্টিকর । রোগী অত্যন্ত

দুর্বল হইয়া পড়িলে সকল রোগেই মাংসেব যুষ (১৫২ পৃষ্ঠা) অথবা 'সুপ' (১৫৩ পৃষ্ঠা) ব্যবস্থা করা যায় । নূতন জরে কখনও মাংস দেওয়া কর্তব্য নহে । মাংস খাইলে কোষ্ঠবদ্ধতা হয় বটে, কিন্তু মাংসের সুপ খাইলে তাহা হয় না । পাঠার মাংস পুষ্টিকাবক এবং বায়ু ও পিত্তনাশক । খাসির মাংস বলকারক, বাতপিত্তনাশক কিন্তু শ্বেদা-বৃদ্ধিকাবক এবং অত্যন্ত গুরুপাক । কচি পাঠার মাংস লঘুপাক ও বলকারক । মুরগীর মাংস স্নিগ্ধকারক, বায়ুনাশক, বলকারক ও গুরুপাক, কিন্তু মুরগীর ছানা (chicken) লঘুপাক । পায়রার মাংস স্নিগ্ধকাবক, বায়ুপিত্তনাশক, গুরুপাক ও রক্ত পরিষ্কারক । রোগীর পক্ষে মুরগীর ছানার মাংসই সর্বোৎকৃষ্ট । কাস রোগে কচি পাঠার মাংসই উপকারী ।

- ৭৬ । ডিম্ব—মাংসের পরই ইহা অতি পুষ্টিকর খাদ্য । অধিক সিদ্ধ করিলে ডিম্ব অতিশয় গুরুপাক হয় । কাঁচা ডিম্ব কিঞ্চিৎ লবণ মিশ্রিত করিয়া খাইলে অতি শীঘ্র জীর্ণ হয় । অর্ধ সিদ্ধ করিয়া (২।৩ মিনিট কাল উষ্ণ জলে রাখিয়া দিলেই হইবে) মাখন এবং লবণ ও গোলমরিচ মিশ্রিত করিয়া আহার করিলে কোন প্রকার দোষ থাকে না এবং সহজে জীর্ণ হয় । অত্যন্ত দুর্বল রোগীকেও উক্ত উপায়ে ডিম্ব দেওয়া যাইতে পারে । পুরাতন ডিম্ব ভক্ষণ করা কর্তব্য নহে । টাট্কা ডিম্বের ভিতর দিয়া আলোক দৃষ্ট হয়, কিন্তু পুরাতন ডিম্বে তাহা হয় না । উহার উপরিভাগ সাদা দেখায় এবং জলে ডুবাইলে ভাসিয়া থাকে । ডিম্ব অধিক কাল টাট্কা রাখিতে হইলে কাঠের গুঁড়া কিম্বা লবণের মধ্যে রাখিলে অথবা ডিম্বের গাত্রে তৈল মাখাইয়া রাখিলেও অনেক দিন ভাল থাকিতে পারে । একবারে অধিক ডিম্ব আহার করা উচিত নয় । সকল প্রকার ডিম্বের মধ্যে কুক্কটের ডিম্বই উত্তম । স্নায়ুমণ্ডলীর দৌৰ্বল্যে ইহা বিশেষ উপকারী ।

৭৭ । দুগ্ধ—ইহার মত সর্বগুণসম্পন্ন খাদ্য আর কিছুই নাই । জীবন ধারণের পক্ষে যত্ন কিছু প্রয়োজনীয় সে সমস্তই দুগ্ধে বর্তমান আছে । ইহা অতিশয় পুষ্টিকর এবং অপেক্ষাকৃত অধিক পরিমাণে আহার করিলেও সহজে জীর্ণ হয় । বন্ধা দুগ্ধ রোগীর পক্ষে অতিশয় উপকারী । দুগ্ধ জ্বাল দিবার সময় একবারমাত্র উথলিয়া উঠিলেই তাহা নামাইয়া ফেলিবে । ইহাকেই 'বন্ধা দুগ্ধ' বলা যায় । ঠাণ্ডা কিম্বা বাসি দুগ্ধ পান করা কখনও কর্তব্য নহে । রুগ্নাবস্থায় সর ফেলিয়া দুধ ব্যবহার করা উচিত । ঘন জ্বালের দুধ এবং সর উভয়ই দুগ্ধাচ্য কিন্তু পুষ্টিকর । উষ্ণ দুগ্ধ পান করিলে কোষ্ঠ পরিষ্কারের সহায়তা করে । গর্দভ-দুগ্ধ প্রায় মাতৃদুগ্ধের তুল্য, এজন্য শিশুর পক্ষে উপকারী । গো-দুগ্ধ অপেক্ষা ছাগদুগ্ধ অধিক পুষ্টিকর । মহিষদুগ্ধ অধিক বলকারক কিন্তু গুরুপাক ; নারিকেল পিষিয়া লইলে তাহা হইতে যে দুগ্ধের স্রাব পদার্থ নির্গত হয়, তাহাও গো-দুগ্ধের স্রাব পুষ্টিকর ।

৭৮ । দধি—দধি উত্তম খাদ্য বটে, কিন্তু অধিক পরিমাণে ব্যবহার করিলে পীড়া জন্মে । উহাতে অম্লরস থাকাতে পাচক ক্রিয়ার সাহায্য করে । তবে সচ প্রস্তুত দধি অধিক পরিমাণে আহার করিলেও অনিষ্টের আশঙ্কা নাই । দুগ্ধের সারভাগ হইতেই দধি উৎপন্ন হইয়া থাকে । ইহা পুষ্টিকর এবং স্নিগ্ধকারকও বটে । লুচি, মংস ইত্যাদি আহার করিবার পর দধি ভোজন করা উত্তম ।

৭৯ । ঘোল—দধি মন্থন করিয়া ঘোল প্রস্তুত হইয়া থাকে । ইহা অতি সুখাদ্য, গ্রীষ্মকালে উপাদেয় পানীয় এবং উদরাময়, আমাশয়, বহুমূত্র, অরবিকার প্রভৃতি রোগবিশেষে সুপথ্য । ঘোল অতিশয় লঘুপাক এবং দধির স্রাব স্নিগ্ধকর ও উপকারী । ঘোল অপেক্ষাকৃত অধিক পরিমাণে খাইলেও অনিষ্ট হয় না ।

৮০। নবনীত—টাট্কা দধি হইতে সছোথিত মাখন লঘুপাক, শীতল, মেধাজনক, অগ্নি উদ্দীপক, মলরোধক, পিত্ত বাত ও শোষণাশক এবং বীৰ্য্যবর্দ্ধক। অর্শ, ব্রণ ও কাসরোগে বিশেষ উপকারী এবং বালক-দিগের উপযোগী।

৮১। ছানা—দুগ্ধের সারভাগ হইতেই ছানা প্রস্তুত হইয়া থাকে। এজন্য উহা অতিশয় পুষ্টিকর কিন্তু দুগ্ধ অপেক্ষা দুস্পাচ্য। স্বল্প পরিমাণে শর্করার সহিত ব্যবহার করিলে কিঞ্চিৎ সহজে জীর্ণ হয়। সর্বপ্রকার উদরাময়ে টাট্কা ছানার জল সুপথ্য।

৮২। শর্করা—লবণ এবং অন্নরস সংযোগে যেরূপ পাকরসের বৃদ্ধি পাইয়া আহার্য্য দ্রব্যাদি সহজে জীর্ণ হয়, শর্করাও লালার সহিত মিশ্রিত হইয়া উক্ত কার্য্য সাধন করিয়া থাকে। বাল্যাবস্থায় প্রত্যহ কিয়ৎ পরিমাণে শর্করা সেবনে উপকার ব্যতীত অপকারের সম্ভাবনা নাই। তবে অধিক পরিমাণে সেবন করা কখনই কর্তব্য নহে। সচরাচর লোকের ধারণা যে শর্করা সেবন করিলে কৃমি জন্মে। কিন্তু ইহা নিতান্ত ভ্রম। পরিষ্কৃত শর্করা সেবনে কৃমি হইবার কোন সম্ভাবনা নাই। বাজারের মিঠাই ইত্যাদিতে নানা প্রকার দূষিত বীজাণু পতিত হওয়ায় ঐ সকল দ্রব্যাদি আহার করিলে রোগ হইতে পারে বটে, কিন্তু উহা শর্করার দোষে নহে। দুগ্ধ কিম্বা দুগ্ধদ্বারা প্রস্তুত দ্রব্যাদিতে শর্করা যোগে বরং পরিপাকেরই সহায়তা করে, এজন্য কীর, মালাই ইত্যাদি আহার করিবার সময় সর্বদাই শর্করা মিশ্রিত করিয়া লওয়া কর্তব্য। চিনি অপেক্ষা মিছরি অথবা দোবারা চিনি ব্যবহার করাই সঙ্গত।

৮৩। মধু—রক্ত, মাংস, মেদ, মজ্জা, শুক্র ও স্তন্য বর্দ্ধক। ইহা দ্বারা তৃষ্ণা, মূর্ছা ও দাহ প্রশমিত হয়। কিন্তু অধিক মাত্রায় সেবন

করিলে কুমি ও কফ জন্মে এবং বমনোদ্বেক হয় । নূতন মধু পুষ্টিকর ও সারক । পুরাতন মধু মেদ ও স্থূলতাহারী । ইহাতে নানাবিধ দ্রব্যের সারাংশ আছে, এজন্য ইহার সংযোগ জনিত গুণ অতি উৎকৃষ্ট ।

৮৪ । দাল—চাউল অপেক্ষা দাল অধিক পুষ্টিকর ; এমন কি ইহার পুষ্টিকারক শক্তি মাংস অপেক্ষাও অধিক । সকল প্রকার দালের মধ্যে কলাই এবং মুগ সর্বাপেক্ষা লঘুপাক, কিন্তু কাঁচা অপেক্ষা ভাজা গুরুপাক । মুগ, মসুর ও খেসারি সর্বাপেক্ষা পুষ্টিকর, তন্মধ্যে মসুর সর্বপ্রধান । অধিক পরিমাণে খেসারির দাল ভক্ষণ করিলে পক্ষাঘাত রোগ জন্মিতে পারে । অরহর, ছোলা প্রভৃতি অতিশয় বলকারক এবং গুরুপাক । অরহর সর্বাপেক্ষা গুরুপাক এবং অধিক খাইলে অগ্নিরোগ জন্মিতে পারে । অরহর দাল ঘৃতপক না হইলে পীড়াদায়ক হয় । কাঁচা মুগ এবং মাষ কলাই স্নিগ্ধকর । পুরাতন দাল সহজে সিদ্ধ এবং জীর্ণ হয় না ।

৮৫ । মৎস্য—মাংসভাবে ইহা মন্দ খাদ্য নহে । মৎস্যে অধিক পরিমাণে ‘ফস্ফরস্’ আছে, এজন্য যাহারা অধিক পরিমাণে মস্তিষ্কের চালনা করেন অথবা প্রচুর পরিমাণে মানসিক পরিশ্রম করেন, তাঁহাদিগের পক্ষে মৎস্য বিশেষ উপকারী । মাগুর, শিঙ্গী ইত্যাদি আঁইশশূল মৎস্য এবং কই, খলিশা প্রভৃতি ক্ষুদ্র মৎস্য সুস্বাদু এবং সহজে জীর্ণ হয় বলিয়া রোগীর পক্ষে উৎকৃষ্ট বিবেচনা করিতে হইবে । বোহিত, কাতলা ইত্যাদি অধিক পুষ্টিকর, সুস্বাদু এবং অপেক্ষাকৃত দুপ্পাচ্য । বাটা, বড় পুঁটি ইত্যাদি শ্বেতবর্ণের মৎস্য সুপাচ্য ও অল্প পুষ্টিকর । অত্যন্ত ক্ষুদ্র মৎস্যাদি সহজে জীর্ণ হইতে পারে বটে, কিন্তু অত্যন্ত কাঁটা থাকায় ঐ সকল মৎস্য আহার করিতে বিরক্তিকর এবং কাঁটার সহিত আহার করিলে পেটের অসুখ হইতে পারে । মোরলা প্রভৃতি ক্ষুদ্র মৎস্যের ঝোল রোগীর

পক্ষে অতিশয় উপাদেয়। ইলিশ, ভেটকি প্রভৃতি সমস্ত তৈলাক্ত মৎস্যই গুরুপাক। বড় চিঙড়ী অত্যন্ত মৎস্য অপেক্ষা অধিক পুষ্টিকর কিন্তু অতি গুরুপাক। তবে পরিমিতরূপে আহার করিলে উপকার ভিন্ন অপকার নাই। ছোট (বাদা) চিঙড়ী অতিশয় অনিষ্টকর। অনেক দিনের জিয়ান মাছ আহার করিলে অনেক সময় অপকার দর্শে। এজন্য বাজার হইতে জিয়ান (কই, মাগুর ইত্যাদি) মাছ আনিতে হইলে সাবধান হওয়া আবশ্যিক।

৮৬। তরকারী—সকল প্রকার আনাঞ্জের মধ্যে কচু, ওল, মানকচু, ডুমুর, কচি পটোল, পেঁপে, আলু, কাঁচকলা, বেগুন, ছাঁচি (দেশী) কুমড়া, সিম ইত্যাদি উৎকৃষ্ট বলিতে হইবে। কাঁচকলা লঘুপাক বটে, কিন্তু আহারে কোষ্ঠবদ্ধতা হয়। উদরাময়ে ইহা সুপথ্য। পেঁপে অতি জীর্ণকারী এবং যকৃতের ক্রিয়াবদ্ধক। কচি বেগুন লঘুপাক এবং রক্তপরিষ্কারক। পাকা বেগুন কখনও আহার করা কর্তব্য নহে, কারণ উহাতে পিত্ত বৃদ্ধি পায়। কচি পটোল লঘুপাক ও পিত্তনাশক, কিন্তু পাকাপটোলের বীচি অত্যন্ত অপকারক। পাকা উচ্ছে এবং করলার বীজও অত্যন্ত অনিষ্টকর। ফুলকপি, বাঁধাকপি, বরবটী ও মটরশুঁটি অতি পুষ্টিকর কিন্তু গুরুপাক। নটেশাক, শজনেডাটা ইত্যাদি অত্যন্ত অনিষ্টকর। ডেঙ্গোডাটা, বিলাতি (মিঠা) কুমড়া, লাল আলু, বীট ও গাজর প্রভৃতি রোগবিশেষে নিষিদ্ধ। যে আলু যত ভারি তাহাই তত পুষ্টিকর। উদরাময় এবং বহুমূত্ররোগে ইহা অতিশয় অনিষ্টকর। কাঁটালের বীচি এবং সিমের বীচির দাল অতি পুষ্টিকারক কিন্তু দুপ্পাচ্য। সুস্থ শরীরে সুসিদ্ধ করিয়া আহার করিলে বল বৃদ্ধি পাইয়া থাকে। তরকারী সর্বদাই টাটকা ব্যবহার করা উচিত, নতুবা রোগ জন্মিবার সম্ভাবনা।

৮৭ । ফল—সর্বপ্রকার ফলের মধ্যে আম, লিচু, পেঁপে, কলা, আনারস, কমলালেবু, 'আতা, ডালিম, বেল, নারিকেল, আঙ্গুর, আপেল (সেউ), বেদানা প্রভৃতিকেই উৎকৃষ্ট বলিতে হইবে। পেয়ারা, খেজুর, তরমুজ, শশা ইত্যাদি মন্দ নহে। খেজুর, বুনা নারিকেল, কলা, লিচু ও কাঁটাল সর্বাপেক্ষা পুষ্টিকর ও দুস্পাচ্য। ফলের মধ্যে বেদানা ও ডালিম সর্বোৎকৃষ্ট পথা। অধিক পরিমাণে খাইলেও কোন অনিষ্ট হইবার সম্ভাবনা নাই। সুপক কমলালেবুও অতিশয় উত্তম। বাতাবীলেবু হজমকারী এবং যকৃতের ক্রিয়াবর্ধক। পেয়াবার বীচি ও খোসা পরিত্যাগ করিয়া খাইতে পারিলে মন্দ নহে। বাদাম, পেস্তা, আক্‌রোট ইত্যাদি অত্যন্ত দুস্পাচ্য ও তৈলাক্ত ফল অধিক পরিমাণে আহাৰ করিলে রোগ অনিবার্য। কিসমিসও এই শ্রেণীর অন্তর্গত, তবে উহা সারক-গুণবিশিষ্ট। কেশুর, পানিফল, তালশাঁস প্রভৃতি মন্দ পথা নহে। নেয়াপাতি ডাবের শাঁস বলকারক, পিত্তনাশক ও স্নিগ্ধকারক এবং তত গুরুপাক নহে। দেশীখেজুর হইতে বিদেশী (কলসীর খেজুর ইত্যাদি) উত্তম, কিন্তু উহার খোসা দূর করিয়া খাইতে দেওয়া উচিত। সুপক আম্র অতি উপাদেয় খাদ্য। ইহা পুষ্টিকারক ও সারকগুণবিশিষ্ট। বোম্বাই, নেংড়া ও ফজলি প্রভৃতি আমই সর্বোৎকৃষ্ট বলিতে হইবে। কাঁটাল অত্যন্ত গুরুপাক ও পুষ্টিকর। রোগীর পক্ষে উহা কখনই সেবন করা কর্তব্য নহে। কাঁটাল আহাৰ করিবার পর কলা খাওয়া উত্তম, ভাহাতে শীঘ্র হজম হইবার সহায়তা করে। সুপক পেঁপে রোগবিশেষে সুপথা। উহা পাচক, স্নিগ্ধকারক ও রেচকগুণবিশিষ্ট। বেল সুপক অবস্থায় সারক, তৃষ্ণানিবারক ও নাড়ী পরিষ্কারক। কাঁচা বেল পোড়া রক্তশোধক, ধারক এবং আমাশয় রোগে অত্যন্ত উপকারী। গ্রহণী রোগের পক্ষে পাকাবেল সুপথা। আঙ্গুরে অধিক পরিমাণে শর্করা ও তৈলাক্ত

পদার্থ থাকা প্রযুক্ত অত্যন্ত রুচিকর এবং অম্লরস থাকা প্রযুক্ত স্নিগ্ধ ও তৃষ্ণানিবারক । আঙ্গুর ও আপেল (সেউ) অতিশয় পুষ্টিকর ও উপাদেয় ফল । আহারের পর আপেল ভক্ষণ করিলে বিশেষ উপকার দর্শে । সকল প্রকার ফলই আহারের পর সেবন করা কর্তব্য । ইক্ষু স্নিগ্ধকারক, তৃষ্ণানিবারক ও পুষ্টিকারক । কিন্তু অধিক খাইলে পেট অতিশয় ভার থাকে এবং পীড়া হইবার সম্ভাবনা । গোলাপজাম অপেক্ষা সুপক কালজাম বিশেষ উপকারী । ইহা সারক ও পাচকগুণবিশিষ্ট । আনারস অম্ল ও মিষ্টগুণবিশিষ্ট এবং রেচক ও পাকযন্ত্রের উত্তেজক । উহার রস পান করিয়া অসার অংশ পরিত্যাগ করা উচিত । উহাদ্বারা অঞ্চল রন্ধন করতঃ সেবন করিলে উহার অপকারিতা দূর হয় । কোন প্রকার অম্লই সুপথ্য নহে । তবে পাতি বা কাগজিলেবু সর্বদাই ব্যবহার করা যাইতে পারে । উহা স্নিগ্ধকর, জীর্ণকর এবং অত্যন্ত ক্ষুধা উদ্দীপক । এই সকল লেবু নিয়মিতরূপে ব্যবহার করিলে স্কাভি (Scurvy) নামক একপ্রকার দুর্লভ রোগ জন্মিতে পারে না । লুচি ও মাংসাদি গুরুপাক দ্রব্য ভোজনের পর নানাপ্রকার চাটনি এবং অম্লাক্ত দ্রব্য অল্প পরিমাণে ব্যবহার করা বিধেয় ।

৮৮ । মিঠাই—সকল প্রকার মিষ্টানের মধ্যে সন্দেশ এবং রসগোল্লাই উৎকৃষ্ট । কারণ এসকল অত্যন্ত পুষ্টিকর এবং অপেক্ষাকৃত অধিক পরিমাণে খাইলেও পীড়া হইবার তত আশঙ্কা নাই । টাটকা গজা ও জিলিপিও উত্তম, কিন্তু বাসি হইলে দুস্পাচ্য হয় । তরুণ সন্ধিতে গরম জিলিপি বেশ উপকারী । মোহনভোগ অপেক্ষাকৃত গুরুপাক । বেলের মোরকা রোগবিশেষে সুপথ্য । কুমড়ার মিঠাই (পৈঠারী) অতিশয় উৎকৃষ্ট । ক্ষীরের মিঠাই অতিশয় গুরুপাক । রাবড়ী, মালাই ইত্যাদি অত্যন্ত গুরুপাক ও পুষ্টিকর ।

৮৯। মসলা—এ দেশে নানাপ্রকার মসলা ব্যবহৃত হয়। মসলার বিশেষ গুণ এই যে, তদ্বারা পাচক যন্ত্র সমুদায় হইতে অধিক রস নিঃসরণ করিয়া উহাদের পাচিকা শক্তি বর্দ্ধিত করে। মসলা উত্তেজক গুণবিশিষ্ট, এজন্য অধিক পরিমাণে ব্যবহার করিলে অনিষ্টের সম্ভাবনা। হরিদ্রা, আদা, পেঁয়াজ প্রভৃতি বিশেষ উপকারী। আদা অতিশয় হজমকারী, কাঁচা হরিদ্রা কৃমিনাশক ও রক্ত পরিষ্কারক। পেঁয়াজ ব্যবহারে স্ফাভিরোগ উৎপন্ন হইতে পারে না। অধিক লক্ষা ব্যবহার করা কর্তব্য নহে। গোলমরিচ, জিরা, ধনে, তেজপাত ইত্যাদি ব্যবহার করা উত্তম। এলাচ, লবঙ্গ, দারুচিনি, পেঁয়াজ, জায়ফল, জৈয়িত্রী ইত্যাদি মসলা অত্যন্ত উত্তেজক, এজন্য রোগীর পক্ষে অত্যন্ত অনিষ্টকর। সুস্থ দেহেও এ সকল অধিক পরিমাণে ব্যবহার করা কর্তব্য নহে। সরিষা বাটা অথবা কাসুন্দি ব্যবহার করা কখনও রোগীর পক্ষে কর্তব্য নহে। তবে সুস্থ দেহে উহা অল্প পরিমাণে ব্যবহার করায় উপকার আছে।

৯০। জল—সে সকল নদী বেগে প্রবাহিত হয়, সেই সকল নদীর জল নিশ্চল ও ঠাণ্ড। যে সকল নদী শৈবাল দ্বারা আবৃত এবং স্রোত বিহীন, তাহাদিগের জল দূষিত ও গুরু। যে জলে সমস্ত দিন সূর্যরশ্মি এবং সমস্ত রাত্ৰি চন্দ্রকিরণ পতিত হয় তাহা নিদোষ। সমুদ্র-জল লবণরসযুক্ত ও দোষজনক, কিন্তু উহাতে স্নান করিলে বিশেষ উপকার দর্শ। নারিকেলজল মিষ্ট, স্নিগ্ধ, তৃপ্তিকারক, অগ্নি উদ্দীপক, পুষ্টিকারক, পিত্ত ও পিপাসা নাশক, এবং মূত্রাশয় শোধক ও গুরুপাক। গগনাম্বু ত্রিদোষনাশক, বলকারক ও মেধাজনক। কূপজল পিত্তবর্দ্ধক, ক্ষারগুণবিশিষ্ট, স্নেহানাশক, অগ্নিউদ্দীপক ও লঘুপাক। প্রসবনজল (ঝরণা) কফনাশক, অগ্নিউদ্দীপক ও লঘুপাক।

৯১। কতিপয় খাদ্যদ্রব্যের বিশেষ ক্রিয়াকারক অংশ
সমূহের শতকরা পরিমাণ বিভাগ ।

খাদ্যের নাম ।	জলীয় প্রভৃতি অংশ	মাংস বা পেশী নিষ্কাশক	সস্তাপদ	অপর্যাংশ
ছগ্ন (গাভী)	৮৬	৫	৮	১
,, (গর্দভী)	৮২	৩	৫	২.৫
,, (ছাগী)	৮৫	৫	৪	৬
• মাখন ও ঘৃত	১৫	—	৮৫	—
চাউল	১৩	৭	৭৮	২
সাগু ও এরারুট প্রভৃতি ...	১৮	৪	৭৭	১
যব	১৫	১১	৭৪	—
ময়দা	১৩	১৩	৭২	২
পাঁউরুটী	৬৭	৮	৫২	৬
বিস্কুট	৮	১৪	৭৪	৪
চিনি	৫	—	৯৫	—
গোল আলু	৭৪	২	২৩	১
• ডিম্ব	৫৮	১৪	২৭	১

খাদ্যের নাম,	জলীয় প্রভৃতি অংশ	মাংস বা পেশী নির্মাণক	সস্তাপদ	অপরাংশ
মাংস	৪৪	২৪	৪০	২
পক্ষী মাংস	৭৪	২১	৩	২
মৎস্য (বোহিত ইত্যাদি) ...	৭৭	২৬	৬	১
,, (শিক্কা, মাগুর ইত্যাদি) ...	৭৫	১০	১৩	২
,, (মৌরলা ইত্যাদি) ...	৭৮	১৮	৩	১
দাল (মসুর)	১৫	২৪	৫২	২
,, (মুগ)	১৩	২৪	৬০	৩
,, (ছোলা)	১৩	২২	৬২	৩
,, (অবহা)	১৬	২০	৬১	৩
,, (মটর)	১৫	২৫	৫৮	২
,, (মাষ কলাই)	১৬	১৯	৬২	৩
,, (খেসারি)	১৩	২৮	৫৬	৩
কপি শাক	৯১	২	৬	১
সুপক্ক ফল	৮৪	৫	১০	১

৯২ । কতিপয় খাদ্যদ্রব্যের পরিপাক হইতে যত
সময় আবশ্যিক হয় তাহার তালিকা ।

আহায্য দ্রব্য	যত ঘণ্টা আবশ্যিক	আহায্য দ্রব্য	যত ঘণ্টা আবশ্যিক
খইয়ের মণ্ড	১	মহিষ দুগ্ধ	২॥
পুরাতন তণ্ডুলের মণ্ড ...	১	ঘৃত	৩।
চিড়ার মণ্ড	১॥	মাখন ও ছানা	৩দ
• যবের মণ্ড	২	পায়সান্ন	৪
এরাকট, বালি প্রভৃতি	২	ডিম্ব (কাঁচা)	২
কাঁচা মূগদালের যূষ ...	১	.. (অর্কসিক)	৩
ধানের খই	১।	.. (সূসিক)	৩।
মুড়ি	২	ক্ষুদ্র মৎস্য	২
ভাত	২	বৃহৎ মৎস্য, গল্দা চিঙ্গড়ী ও বাইন মৎস্য প্রভৃতি	২॥
মসুর দাল	২	ইলিশ মৎস্য	৩
কলাইর দাল	২	শিশু ছাগ মাংস (স্বল্প মসলাযুক্ত) ...	২।
মুগ দাল	২॥	মেঘ, হরিণ ও ছাগ মাংস (স্বল্প মসলাযুক্ত) ...	৩
• ছোলা, অরহর ও মটরদাল	৩		
• রুটী	২॥		
ছাগ ও গো দুগ্ধ ...	২		

আহার্য্য দ্রব্য	যত ঘণ্টা আবশ্যক	আহার্য্য দ্রব্য	যত ঘণ্টা আবশ্যক
কপোত ও কুক্কট মাংস	৪	মিছরি ও বাতাসা ...	২
জলচর ও বন্যপক্ষী ...	৪৥	গুড়, সন্দেশ ও চিনি ...	৩
হংস	৩	লুচি ও কচুরি ...	৩
কালিয়া প্রভৃতি প্রচুর ঘৃত ও মাংসসংযুক্ত মাংস	৫	অক্লান্ত মিঠাই ...	৩৫
পলান্ন	৫	খিচুড়ি	৩
ডালিম	১	তৈল	৪
ডাব নারিকেল ...	১৫	পটোল, বেগুন, বিজে, উচ্ছে, ইচড়, কাঁচা-	
ঝুনা নারিকেল ...	৩	কলা, ডুমুর, লাউ ও কুমড়া প্রভৃতি তরকারি	২৥
পাকা আতা, ফুটি ও ধরমুজা	১৫		
আঙ্গুর	১৫	মুলা, গোলআলু, লাল- আলু, সালগম, গাজর	
কিস্মিস্	২৥	ও সিম প্রভৃতি ...	৩
বাদাম, পেস্তা, খোবানি প্রভৃতি	৪		
কাঁঠাল	৩	ফুলকপি, বাঁধাকপি, পালং ও নটে শাক প্রভৃতি ...	৩
আম	২		
বেল	১	ষবের ছাতু	৩
লিচু, গোলাপজাম ও আনারস প্রভৃতি ...	২৥	ছোলা ও মটর ইত্যাদির ছাতু	৩৫

অষ্টম পরিচ্ছেদ ।

রোগ বিশেষে ব্যবস্থা ।

৯৩। অর্জীর্ণতা (*Dyspepsia*)—শিক্ষিতদিগের মধ্যেই এ বোগের অধিক প্রাবল্য দেখিতে পাওয়া যায়। যাতায়া মানসিক চিন্তায় সর্বদা নিযুক্ত থাকেন এবং শারীরিক পরিশ্রম করিতে বিরত থাকেন তাহাদিগের স্নায়বিক দৌর্বল্য বশতঃ এই বোগ অধিক হইয়া থাকে। ক্রান্ত শরীরে আহার, আহাবকালে উত্তমরূপে চর্ষণ না করিয়া গলাধঃকরণ করা, আহাবের অব্যবহিত পূর্বেই শারীরিক বা মানসিক পরিশ্রম করা, অধিক মাদকদ্রব্য সেবন ও ধূমপান এবং অতিরিক্ত নশ্ব গ্রহণ ইত্যাদি কারণে অর্জীর্ণ বোগ উৎপন্ন হইয়া থাকে। পাকাশয়ে অধিক পরিমাণে অন্ন সঞ্চিত হইলে গলাচ্ছালা ইত্যাদি লক্ষণ প্রকাশ পায়। ইহাই সাধারণতঃ “অম্বলের ব্যারাম” নামে অভিহিত হয়। আহাবাদি সম্বন্ধে বিশেষ সতর্কতা অবলম্বন এবং পরিষ্কৃত বায়ু সেবন এ রোগে বিশেষ প্রয়োজন। প্রাতঃভ্রমণ এ রোগের একটী অমোঘ ঔষধ বলিতে হইবে। যে সকল কারণে এ বোগ উৎপন্ন হইয়া থাকে তাহা হইতে সম্পূর্ণরূপে বিরত থাকিলে এবং প্রতিদিন প্রাতঃসন্ধ্যা খোলা যন্ত্রণায় পরিষ্কৃত বায়ু সেবন ও নিয়মিত শারীরিক পরিশ্রম করিলে এ রোগের হস্ত হইতে নিশ্চিত অব্যাহতি পাওয়া যায়। অম্বের উদগার কিম্বা বুক জ্বালা হইলে সোডাওয়াটার পান করায় বিশেষ উপকার দর্শে। সোডাওয়াটার অভাবে চূণের জলপান করিলেও তদ্রূপ উপকার হয়।

জ্বা ইত্যাদির সহিত সোডা (Sodi. Bicarb.) মিশ্রিত করিয়া পান করিলেও উপকার দর্শে। এ রোগে 'উষাপান' বিশেষ উপকারী। পুরাতন রোগে চিকিৎসকের ব্যবস্থানুযায়ী ঔষধাদি ব্যবহার করাই কর্তব্য।

ডিস্‌পেপসিয়া রোগে কোষ্ঠকাঠিন্য হইলে একখণ্ড বস্ত্র শীতল জলে ডুবাইয়া তাহা নিংড়াইয়া পেটের উপর বাধিয়া দিলে বিশেষ উপকার হয়। ইহার উপরে মেকিণ্টশ কাপড় কিম্বা কলাপাতা দিয়া ব্যাগেজ বাধিয়া দিলে উক্ত বস্ত্রখণ্ড অনেকক্ষণ আর্দ্র থাকিতে পারে। প্রাতঃকালে ২৩ ঘণ্টাকাল ইহা ব্যবহার করা উচিত। পথ্যাদি বিষয়ে ১৩০ পৃষ্ঠা দ্রষ্টব্য।

৯৪। অপস্মার বা মৃগী (Epilepsy)—এ রোগ পূর্ব পুরুষ হইতে সংক্রামিত হয় এবং মস্তিষ্কের পীড়া কিম্বা শারীরিক বা মানসিক উত্তেজনার সাধারণতঃ উৎপন্ন হইয়া থাকে। সচরাচর প্রথমতঃ মাথাধরা কিম্বা গা হাত পায়ে বেদনা অথবা কম্প হইয়া রোগী অজ্ঞান এবং শক্তিহীন হইয়া পড়ে। এজন্য দাঁড়ান অবস্থায় থাকিলে হঠাৎ মাটিতে পড়িয়া যায়। কখন কখন এ সকল কোন লক্ষণ প্রকাশ না পাইয়াই হঠাৎ পড়িয়া যায়। আবার কখন কখন পড়িয়া যাইবার পূর্বে চাঁৎকার করিয়া উঠে; হাত পায়ে খিল ধরে, চক্ষের তারা উর্দ্ধে উঠিয়া যায়, স্পন্দ-হীন হয় এবং মুখ বিকৃত হইয়া যায়। এত খিঁচুনি হয় যে, মস্তক ও ঘাড় বাকিয়া যায়। মুখ প্রথমতঃ বিবর্ণ হয় এবং পরে রক্তবর্ণ ধারণ করে। গা হিম হইয়া যায়, দাঁত লাগে, হাত মুষ্টিবদ্ধ হয় এবং খাসকষ্ট উপস্থিত হয়। এ অবস্থায় কখন কখন মলমূত্রও নিঃসারিত হয়। কিছুকাল পরে রোগী অবসন্ন হইয়া পড়ে এবং প্রায়ই গাঢ় নিদ্রায় অভিভূত হয়।

একবারে জ্ঞান শূন্যতা, মুখের বিকৃতি, আক্রমণের পূর্বে হঠাৎ চাঁৎকার এবং আক্রমণের পরে গভীর নিদ্রা, মৃগীরোগের এই সকল লক্ষণ হিষ্টিরিয়া হইতে স্বতন্ত্র। মূর্ছা বা হিষ্টিরিয়া রোগে এ সকল লক্ষণ

বর্তমান থাকে না। সন্যাস এবং মৃগীরোগের পার্থক্য এই যে, সন্যাস রোগে মুখ দিয়া গঁজা উঠে এবং দীর্ঘকাল ব্যাপী আক্ষেপ হইতে থাকে। মৃগী রোগে এ সকল কিছু হয় না।

আহারের অব্যবহিত পরে মৃগীর পূর্ব লক্ষণ দেখা দিলে রোগীকে বমন করাইতে চেষ্টা করিবে। আহারের পূর্বে হইলে এক গ্লাস শীতল জল পান করিতে দিবে। ফিটের অবস্থায় রোগীর মস্তক কিঞ্চিৎ উচ্চভাবে রাখিয়া চিংকরিয়া শোয়াইবে। বায়ুর প্রবাহ বাহাতে রোগীর গাত্রে লাগিতে পারে তাহাব ব্যবস্থা করিবে এবং মুখের উপর পাথার বাতাস করিতে থাকিবে। গলা এবং বুকের কাপড় ইত্যাদি খুলিয়া দিবে ও অঙ্গের বস্ত্রাদি শিথিল করিয়া দিবে। রোগীর হাত পা প্রভৃতিতে বাহাতে কোন আঘাত না লাগে সে বিনয়ে দৃষ্টি রাখিতে হইবে। শুশ্রূষাকারীদিগের কাহারও রোগীর পায়েব কাছে দাঁড়ান কর্তব্য নয়, কারণ রোগী হাত পা ছুঁড়িবার সময় আঘাত লাগিতে পারে। রোগীর মাথা ধরিবার সময়ও বিশেষ সাবধান হওয়া আবশ্যিক, যেন কোন ক্রমে রোগীর মুখে হঠাৎ অঙ্গুলি প্রবিষ্ট হইয়া না পড়ে। অনেক লোক উপস্থিত থাকিলে দুইজনে রোগীর দুই পা হাঁটুর গিরাধ উপরে ধরিয়া মাটির দিকে চাপিয়া রাখিবে, অপর দুইজনে দুই হাত এবং কাঁধেব কাছে ধরিয়া রাখিবে এবং আর একজনে দুই হাতে মাথা ধরিয়া থাকিবে। দাঁতের মাঝখানে জিহ্বা পড়িলে কাটিয়া রক্তশ্রাব হইবার সম্ভাবনা, এজন্য মুখের ভিতরে একখণ্ড সোলা, কাগজ কিম্বা নেকড়া পুরু কয়িয়া ভাঁজ করিয়া প্রবেশ করাইয়া দিবে। এ অবস্থায় কিছু খাইতে দিবে না। ফিটের অবস্থায় সির্কার জলে কপাল ভিজাইয়া দিবে। অথবা মস্তক উষ্ণ বোধ হইলে একটা কেটলিতে করিয়া কপালে শীতল জলের ধারা দিবে। ফিটের পরে রোগীকে ঘুমাইতে দিবে।

মৃগীরোগগ্রস্ত ব্যক্তিদিগের পক্ষে নিম্নলিখিত কয়েকটি নিয়মপালনে বিশেষ উপকার দর্শিতে পারে। সর্বদা কোষ্ঠপরিষ্কার রাখিবে ; পদদ্বয় উষ্ণ এবং মস্তক শীতল রাখিবে ; মন সর্বদা প্রফুল্ল রাখিতে চেষ্টা করিবে ; কখনও আঁটা পোষাক পরিবে না এবং গুরুপাক দ্রব্যাদি ভোজন বা কোন প্রকার নেশা করিবে না। নিরামিষ ভোজন করিলে অনেক সময় মৃগীর আক্রমণ হইতে রক্ষা পাওয়া যায়।

৯৫। অম্লপিণ্ড বা অম্বল (Acidity)—এ রোগের প্রারম্ভে সামান্য বুক জ্বালা হয়, পেট ফাঁপে এবং কখন কখন চোয়া ঢেকুর উঠে। ক্রমে রোগের প্রাবল্য হইলে অজীর্ণতা, ক্ষুধামান্দ্য, মাথাধরা, অনিদ্রা, গা বমিবমি করা, পেটব্যথা এবং বুকে ও গলদেশে জ্বালা প্রভৃতি লক্ষণ দেখা দেয়। সাধারণতঃ খাওয়ার অনিয়মেই এ রোগ উৎপন্ন হইয়া থাকে। পীড়ার প্রথম অবস্থায় অবহেলা করিলে ক্রমে দুশ্চিকিৎস শূল রোগে পরিণত হইতে পারে। এজন্য রোগ উৎপন্ন হওয়ারাত্রই তাহার প্রতীকার করা কর্তব্য।

এরোগে খাণ্ড সঞ্চকে (১২৯ পৃষ্ঠা) বিশেষ সাবধান হইবে। যাহাতে অম্বলের উদ্রেক হয় একরূপ দ্রব্যাদি আহার করিবেনা। অপক ফল, চিনি, মাখন, আলু এবং এরারুট প্রভৃতি ও শাকসবজি, তরকারী এবং লঙ্কার ঝাল ইত্যাদি খাওয়া উচিত নয়। আহারের পর সোডাওয়াটার বা ডাবের জল এবং দুধের সহিত চূণের জল পান করিলে বিশেষ উপকার দর্শে। প্রতিদিন প্রাতে খালি পেটে অথবা আহারের অব্যবহিত পরেই এক ছটাক পরিমিত জলে একটা করিয়া পাতিলেবুর রস খাইলে বিশেষ উপকার হয়। এরোগে প্রাতর্ভ্রমণ বিশেষ হিতকর। রোগ পুরাতন হইলে কোন স্বাস্থ্যকর স্থানে গমন করা বিধেয়। এজন্য নবম পরিচ্ছেদ দ্রষ্টব্য।

৯৬। অর্শ (Piles)—যাঁহাদিগের অধিক চিন্তা করিবার অথবা বসিয়া থাকিবার অভ্যাস, যাঁহাদের স্বাভাবিক কোষ্ঠবদ্ধতা আছে এবং যাঁহারা অতিরিক্ত মসলাযুক্ত খাদ্য আহার করেন বা মদ্য পান করেন তাঁহাদেরই সাধারণতঃ এই ব্যারাম হইতে পারে। অর্শ হইলে কিছুদিন অন্তর অন্তর মলদ্বার হইতে রক্তস্রাব হইয়া থাকে। এরূপ রক্তস্রাব হইলে ভয়ের কোন কারণ নাই, বরং ইহাতে অন্য রোগ উৎপন্ন হইতে বাধা জন্মায়। রক্তস্রাব হঠাৎ বন্ধ হইলে অনিষ্টের আশঙ্কা, এজন্য ঔষধ ব্যবহারে রক্তস্রাব বন্ধ করিতে চেষ্টা করা কর্তব্য নহে। তবে অতিরিক্ত পরিমাণে স্রাব হইলে চিকিৎসকের আশ্রয় গ্রহণ করাই বিধেয়। *

অর্শ হইলে পানাহার সম্বন্ধে বিশেষ সাবধান হওয়া কর্তব্য। পরিষ্কৃত বায়ু সেবন এ রোগে বিশেষ প্রয়োজন। অতএব প্রতিদিন খোলা ষায়গায় ভ্রমণ এবং নিয়ম মত ব্যায়াম করা আবশ্যিক। এ বোগে ঔষধ সেবন অপেক্ষা নিয়ম পালন করিয়া চলিতে পারিলে বিশেষ উপকার দর্শে। যাঁহাতে প্রতিদিন কোষ্ঠ পরিষ্কার থাকে সে বিষয়ে দৃষ্টি রাখিতে হইবে। পথ্যাদি বিষয়ে ১২৭ পৃষ্ঠা দ্রষ্টব্য।

৯৭। আমাশয় (Dysentery)—আমাশয়, বিশেষতঃ রক্তামাশয় সংক্রামক এবং বয়স্ক অপেক্ষা শিশুদিগের পক্ষে অধিক সংক্রামক। অতএব বাড়ীতে কাহারো রক্তামাশয় হইলে শিশুদিগকে বিশেষভাবে সাবধানে রাখা আবশ্যিক। এক পায়খানায় মলত্যাগ করিলেই ইহা সাধারণতঃ সংক্রামক হইয়া থাকে। একত্র প্রত্যেক বার মলত্যাগের পর পায়খানাতে প্রচুর পরিমাণে

* রক্তস্রাব বন্ধ করিবার একটা উৎকৃষ্ট মুষ্টিযোগ, মুষ্টিযোগ প্রকরণে দ্রষ্টব্য।

হিরাকসের (২০ ভাগ জলে ১ ভাগ হিরাকস *) জল বা ফেনাইল (Phenyle) ছড়াইয়া দিবে । শিশুদিগকে ঘরের মেজেতে যথা তথা মলত্যাগ করিতে দেওয়া কখনই কর্তব্য নহে । শিশুদিগের পক্ষে এরোগ অধিক সংক্রামক হওয়ার ইহাই একটা বিশেষ কারণ । কোন পাত্রে মলত্যাগের বিশেষ অসুবিধা হইলে অন্ততঃ কাগজ, পাতা কিম্বা সরাসর মলত্যাগ করাইবে এবং শুষ্ক মৃত্তিকাচূর্ণ দ্বারা ঢাকিয়া তৎক্ষণাৎ উহা স্থানান্তরিত করিবে । রোগী পায়খানায় মলত্যাগ করিতে অপারগ হইলে 'বেড্ প্যানের' অভাবে গৃহের মেজেতে কোন পাত্র রাখিয়া তাহাতে মলত্যাগ করিতে দিবে এবং উহাতে হিরাকসের জল অথবা পূর্বেস্কুরূপে মৃত্তিকাচূর্ণ দ্বারা ঢাকিয়া গৃহ হইতে বাহির করিবে । গৃহে প্রচুর পরিমাণে ধূপধূনা পোড়াইবে ।

যে সময়ে রাত্রিতে অত্যন্ত শীত এবং দিনেব বেলার অত্যন্ত গ্রীষ্ম হয় সেই সময়েই সচরাচর আমাশয় অধিক হইয়া থাকে । এই সময়ে গরমের পর কখন হঠাৎ ঠাণ্ডা লাগাইবে না । অধিক পরিশ্রম কিম্বা রৌদ্রে ইটিবার পর হঠাৎ শীতল জল পান করিবে না অথবা গায়ের কাপড় খুলিয়া ফেলিবে না । রাত্রিতে অনাবৃত স্থানে অনাচ্ছাদিত শরীরে শয়ন করিবে না এবং ভিজা কাপড় কখন গায়ে রাখিবে না । তৃপ্পাচ্য বা গুরুপাক দ্রব্য আহার এবং কাঁচা ফলমূল ভক্ষণ করা কর্তব্য নহে ।

রোগীকে বিশুদ্ধ বায়ু সঞ্চালিত গৃহে শায়িত অবস্থায় রাখা আবশ্যিক । বেগ আসিবামাত্র রোগীর ঘন ঘন বাহে যাওয়া কর্তব্য নয় । যথাসম্ভব বেগ সহ করা উচিত । প্রয়োজন হইলে পেটে তিসি বা ভূসির সেক (৪৮ পৃষ্ঠা) দেওয়া আবশ্যিক । রোগীর গাত্রে যাহাতে ঠাণ্ডা না লাগে

* বড় এক বোতল জলে অর্ধ ছটাক পরিমাণ হিরাকস মিশ্রিত করিতে হইবে ।

সে বিষয়ে দৃষ্টি রাখিবে। পায়ে মোজা ব্যবহার করিতে দিবে এবং একখণ্ড গরম কাপড় দ্বারা পেট বাধিয়া রাখিবে। আহারাদি সম্বন্ধে (১৩১ পৃষ্ঠা) বিশেষ সাবধান হইবে। রোগীকে একবারে অধিক পরিমাণে খাইতে দেওয়া কর্তব্য নহে। বার বার অল্প পরিমাণে আহার করিতে দেওয়া উচিত। পানার্থ সর্বদাই শীতল জল বা ডাবের জল ব্যবহার করিবে। কিন্তু বরফজল অথবা আহাৰ্য্য দ্রব্যাদি শীতল বা অধিক উষ্ণ অবস্থায় দিবে না।

শিশুদিগের—পেটের অসুখের পর অথবা অন্ত্র কারণে হঠাৎ আমাশয় দেখা দিয়া থাকে। অনেক সময় দেখা যায় যে, শিশু অনেক দিন ধরিয়া পেটের অসুখে ভুগিতেছে এবং সবুজ বর্ণ অথবা বেঙ্গের ডিমের গায় বাহে করিতেছে : তৎপর হঠাৎ পরিবর্তন উপস্থিত হইল। পেট কামড়ানি, বাহে করিবার সময় কোঁথপাড়া প্রভৃতি লক্ষণের সহিত মলের সঙ্গে রক্ত-মিশ্রিত কফের গায় পদার্থ নির্গত হইতে আরম্ভ হয়। পূর্বে কোষ্ঠবদ্ধ থাকিয়া পরে যদি এরূপ হয় তবে ক্যাষ্টর অয়েল খাওয়ান উচিত। আমাশয়ের অবস্থায় পেটে সর্বদা ফ্র্যানেলের ফালি জড়াইয়া রাখা আবশ্যিক এবং পূর্বোক্তরূপ ব্যবস্থাদি করিবার প্রয়োজন।

ঘোল, এরারুট, ছানার জল, চিড়ার মণ্ড, কাঁচাবেলপোড়া প্রভৃতি ব্যবস্থেয়। দুগ্ধপোষ্য শিশু হইলে ছাগলের দুধ (এক ভাগ দুগ্ধে দুই ভাগ জল দিয়া জ্বাল দিবে এবং অর্ধেক থাকিতে নামাইয়া লইবে) খাইতে দিলে বিশেষ উপকার হয়। কুর্চির ছাল সিদ্ধ করিয়া খাইতে দিলে আমাশয় আরোগ্য হয়। অন্ত্র কোন ঔষধ না দিয়া কেবল ছাগলের দুধ খাইতে দিয়া অনেক আমাশয় আরোগ্য হইতে দেখা গিয়াছে।

৯৮। ইন্ফ্লুয়েঞ্জা (Influenza)—ইহা সংক্রামক সর্দি-বিশেষ। ইহাতে প্রথমতঃ প্রবল সর্দি হয় তৎপর অল্প সময়ের মধ্যেই

অত্যন্ত দুর্বল করিয়া ফেলে এবং হাত পা ও সর্বাঙ্গে বেদনা অনুভূত হয় । মুখে কোন আশ্বাদন অনুভব হয় না, পিপাসা থাকে না, পরিপাকশক্তি হ্রাস হয় এবং প্রথমে গা গরম হইয়া পরে অত্যন্ত ঘামিতে থাকে । সর্দির সহিত প্রায়ই কাশি বর্তমান থাকে এবং অতি সহজেই ফুসফুসের প্রদাহ হইতে পারে ।

রোগীকে শীতল এবং বিশুদ্ধ বায়ু চলাচলবিশিষ্ট গৃহে রাখিবে । কিন্তু যাহাতে কোন প্রকারে শৈত্য না লাগিতে পারে সে বিষয়ে বিশেষ সাবধান হইতে হইবে । অন্ত্রাণ্ড বিষয়ে সর্দি ও সামান্য জ্বরের ব্যবস্থা প্রতিপালন করা আবশ্যিক ।

৯৯ । উদারাময় (Diarrhoea)—তৃপ্পাচা ও গুরুপাক এবং বাসি ও পচা দ্রব্য ভোজন, অপরিষ্কৃত জলপান, দূষিত বায়ু সেবন, অধিক শীতভোগ, অধিক রৌদ্রের উত্তাপ ও গরমের পর হঠাৎ ঠাণ্ডা লাগান, অসময়ে আহার এবং অনাহার প্রভৃতি কারণে পেটের অসুখ উৎপন্ন হইয়া থাকে । দেশে দুভিক্ষ হইলে অনেক সময় ওলাউঠার প্রাদুর্ভাব হইতে দেখা যায় । উদরাময় হইবার যতগুলি কারণ নির্দেশ করা হইল প্রায় সকল গুলিই সে সময়ে বর্তমান থাকে, এজন্যই দেশময় একরূপ উদরাময় ব্যাপ্ত হইয়া পড়ে । সামান্য পেটের অসুখে অর্থাৎ অধিক দাস্ত না হইয়া পেট ভার বোধ কিম্বা পেট ফাঁপিলে অথবা ভাল করিয়া কোষ্ঠ পরিষ্কার না হইলে সোডাওয়াটার বা এক পেয়ালা গরম জলে একটা পাতিলেবুর রস লবণ মিশ্রিত করতঃ ঠিক চাএর মত পান করিলে বিশেষ উপকার দর্শে । লবণ মিশ্রিত করিয়া আদা খাইলেও বিশেষ উপকার হয় । পেট কামড়াইলে আদা ও লবণ বা জিঞ্জারেড্ খাওয়াই উত্তম । অনেক সময় তলপেটে ভূসির সেক (৪৮ পৃষ্ঠা) দিলে কোষ্ঠ-পরিষ্কার হইয়া পেট কামড়ান নিবৃত্ত হয় । অধিক দাস্ত হইলে

চিকিৎসকের আশ্রয় গ্রহণ করাই শ্রেয়ঃ । এ অবস্থায় স্নান করা কর্তব্য নহে । গায়ে জামা এবং পায়ে মোজা ব্যবহার করা উচিত ! কোন প্রকারে ঠাণ্ডা লাগান কর্তব্য নহে । পেট গরম কাপড় দ্বারা ঢাকিয়া রাখা আবশ্যিক । পানাহার সম্বন্ধে (১৩০ পৃষ্ঠা) বিশেষ সতর্ক হওয়া প্রয়োজন এবং বিশুদ্ধ বায়ু সেবন করা নিতান্ত আবশ্যিক । উদরাময় অধিককাল বর্তমান থাকিলে জলবায়ু পরিবর্তনার্থে কোন স্বাস্থ্যকর স্থানে গমন বিধেয় । এজ্ঞ নবম পরিচ্ছেদ দ্রষ্টব্য ।

১০০ । **কোলাউচি (Cholera)**—এ সম্বন্ধে বিস্তৃত বিবরণ অধিকাংশ চিকিৎসাগ্রন্থেই বর্ণিত হইয়াছে । এমন কি এ সম্বন্ধে স্বতন্ত্র পুস্তিকারও অভাব নাই । অতএব সংক্ষেপে পরিচর্য্যার কয়েকটি বিষয় উল্লেখ করা যাইতেছে । ইহা যদিও ভয়ানক সংক্রামক ব্যাধি কিন্তু স্পর্শক্রামক নহে । অতীত লোক অপেক্ষা শুশ্রূষাকারীদিগের এ রোগে অধিক আক্রান্ত হইবার সম্ভাবনা নাই । একটু সতর্ক হইয়া চলিলে পরিচর্য্যাকারীদিগের তত ভয়ের কারণ নাই । ইহার বিষ আহার সামগ্রী বা পানীয় জলের সহিত শরীরে প্রবিষ্ট হইয়া থাকে । রোগীর মল ও বমনমিশ্রিত জল পান করিলে এ রোগ জন্মিবার বিলক্ষণ সম্ভাবনা । দূষিত জল মিশ্রিত তণ্ডু বা অন্য কোন সামগ্রী ব্যবহার করিলেও এ রোগ জন্মিয়া থাকে ।

গ্রীষ্মকালেই সাধারণতঃ এ রোগের প্রাদুর্ভাব হইয়া থাকে । কখন কখন ঋতু পরিবর্তনের সময়েও এ রোগ হইতে দেখা যায় । এ রোগের প্রাদুর্ভাব হইলে মনে মনে ভীত হওয়া অত্যন্ত অনিষ্টকর । এ রোগে ভয়ই অনেক সময় রোগে আক্রান্ত হইবার সহায়তা করে । কারণ মনে সর্বদা ভয়ের ভাব থাকিলে আহার্য্য দ্রব্য সহজে পরিপাক হয় না, কাজেই অগ্নিমান্দ্য হয় । ভয়ের আতিশয্য হেতু ক্রমে উদরের পীড়া জন্মে

এবং অবশেষে স্বয়ং ওলাউঠা আসিয়া দেখা দেয় । অতএব একরূপ ভয় সর্বতোভাবে পরিহার্য্য। কারণ একরূপ ভীত ও আশঙ্কচিত্ত হইয়া স্থান পরিত্যাগ করিলেও এ রোগের হস্ত হইতে অব্যাহতি পাওয়া দুষ্কর, বরং এ অবস্থায় রোগে আক্রান্ত হইবার আরও অধিক সম্ভাবনা ।

ওলাউঠা হইলে সাধারণতঃ এই লক্ষণ গুলি প্রকাশিত হইয়া থাকে । চালধোয়া জলেব গ্নায় ভেদ ও বমন, হঠাৎ হিমাঙ্গ, সর্ব শবীরে ষাম, প্রস্রাবরোধ, সর্বাঙ্গীন নীলিমা, স্বরভঙ্গ, চক্ষু বসিয়া যাওয়া, হাত পায়ে ঝিল ধরা, অসহ্য অন্তর্দাহ ও পিপাসা, অস্থিরতা, নাড়ী ক্ষীণ বা অধিকাংশ স্থলে একবারে লোপ ।

প্রথমবার দান্ত হইবার পরই কর্পূরের আরক (Spirit Camphor) কিম্বা ক্লোরোডাইন (Chlorodyne) খাইতে দিলে বিশেষ উপকার দর্শে । এক্ষণে বোগেব প্রাদুর্ভাব হইলে দান্ত হওয়ামাত্র এক আউন্স শীতল জলে ১০ হইতে ৩০ ফোঁটা ক্লোরোডাইন অথবা অর্দ্ধতোলা পরিমিত পরিষ্কৃত চিনিতে ৫ হইতে ২০ ফোঁটা কর্পূরের আরক মিশ্রিত করিয়া খাইতে দিবে । যতক্ষণ দান্ত হইতে থাকিবে ততক্ষণ ২ ঘণ্টা অন্তর কয়েকবার ক্লোরোডাইন ব্যবহার করিবে । যতবার দান্ত হইবে ততবার দান্তের পরই কর্পূরের আরক খাইতে দিবে । একরূপ ৩৪ বার দিলেই উপকার দর্শিবে । কর্পূরের আরক অধিক দেওয়া উচিত নয়, কারণ তাহাতে আমাশয় জন্মিয়া থাকে । আক্রমণের প্রথম অবস্থায় ঔষধ পড়িলে উপরোক্ত ঔষধেই আরোগ্য হইবার যথেষ্ট সম্ভাবনা । তবে ইহাতে উপকার না হইলে ঔষধ অধিক না দিয়া চিকিৎসকের ব্যবস্থা গ্রহণ করাই কর্তব্য ।

রোগীকে যথাসম্ভব স্থিরভাবে শাস্তিত অবস্থায় রাখিবে । রোগীর বিছানার অধোভাগে একখানা অয়েলকুথ পাতিয়া দিবে এবং মস্তকের কাছে বমন পাত প্রস্তুত রাখিবে । রোগীর বিছানা সর্বদা পরিষ্কার

পরিচ্ছন্ন রাখিবে এবং মলমূত্রাদি তৎক্ষণাৎ স্থানান্তরিত করিবে। দাস্ত বন্ধ না হওয়া পর্য্যন্ত এরাকট, মাণ্ড, চিকেনব্রথ ও একটুকু অব মিট প্রভৃতি পথ্য দেওয়া যাইতে পারে। প্রচুর পরিমাণে ফটুকিরি-তক্র (পরিশিষ্ট দ্রষ্টব্য) পান করিতে দিলে বিশেষ উপকার হয়। রোগী এ অবস্থায় সাধারণতঃ খাইতে চায় না এবং খাইলেও বমন হইয়া যায়। এরূপ হইলে আধ ঘণ্টা অন্তর এক চা-চামচ পরিমাণ খাইতে দিবে।

এই রোগে আক্রান্ত হইলে অত্যন্ত পিপাসার উদ্রেক হয়। পিপাসা নিবারণার্থ বরফ ও শীতল জল পান করিতে দিবে। বড় বোতলের এক বোতল শীতল জলে ৬ গ্রেণ পরিমাণ কেলসিয়াম্ পার্মেঙ্গেনেট্ (Calcium Permanganate) মিশ্রিত করতঃ প্রচুর পরিমাণে খাইতে দিলে বিশেষ উপকার দর্শে। ওলাউঠা রোগে বরফ সাক্ষাৎ ধনুস্তুরি তুল্য। বরফ অভাবে অপরিমিত শীতল জল পান করিতে দেওয়াই ইহার প্রধান চিকিৎসা। জল যত শীতল হইবে ততই ভাল এবং রোগী যত ইচ্ছা পান করিতে পারে তাহাতে কিছুমাত্র কুষ্ঠিত হইবার কারণ নাই। অধিক জল পান করিতে দিলে বমন হইবে আশঙ্কায় জলদানে বিরত থাকণ কর্তব্য নহে। অনেকের ধারণা রোগী তৃষ্ণায় নিতান্ত কাতর হইলেও জলপান করিতে দেওয়া কর্তব্য নহে, কারণ তাহাতে ভেদ ও বমন বৃদ্ধি হইবে। কিন্তু ইহা নিতান্ত ভ্রম। ভেদ ও বমনের সহিত রক্তের জলীয় অংশ দেহ হইতে বহির্গত হইয়া যাওয়াতেই এরূপ পিপাসার উদ্রেক হইয়া থাকে। এ অবস্থায় জলদ্বারা উক্ত জলীয় অংশ পূরণ না করিলেই অনিষ্টের আশঙ্কা। তবে একবারে অধিক পরিমাণে জলপান করিতে না দিয়া রোগীর ইচ্ছামুসারে অল্প অল্প করিয়া বার বার দেওয়াই বিধেয়। ইহাতে ভেদ ও বমন বন্ধিত না হইয়া বরং হ্রাস হইবে এবং প্রস্রাব হইবার পক্ষে

প্রচুর পরিমাণে সহায়তা করিবে । বমন নিবারণের জন্ত বরফ বা ডাবের জল ইত্যাদি ব্যবহার করা যাইতে পারে ।

হাতে পায়ে খিল ধরিলে এবং সমস্ত অঙ্গ হিম হইয়া আসিলে হস্ত-পদাদিতে শুষ্কচূর্ণ মালিশ করিবে এবং হাতে পায়ের আঙ্গুল ধীরে ধীরে টানিয়া সোজা করিয়া দিবে । হিমাঙ্গ অবস্থাতেই সচরাচর মৃত্যু ঘটিয়া থাকে । অতএব এসময়ে বিশেষ সাবধান হইবে । বৃকে ও পেটে তাপিণ সেক (৪৭ পৃষ্ঠা) দিবে এবং হাত ও পা যাহাতে উষ্ণ হয় এরূপ ব্যবস্থা করিবে । খিঁচুনি হইলে হাতের তালুদ্বারা জোরে মর্দন করিয়া দিবে । এ অবস্থায় রোগীকে কিছুতেই উঠিয়া বসিতে দিবে না ।

অনেকের এরূপ ধারণা যে, ভেদ ও বমন শীঘ্র বন্ধ হইয়া গেলেই পীড়ার উপশম হইল । কিন্তু তাহা ঠিক নহে । কারণ তাহাতে উদর স্ফীত হইয়া আরও সমূহ অনর্থ ঘটবার সম্ভাবনা । মলনিঃসরণ বন্ধ হইয়া গেলে তলপেটে গরম জলের সেক দিলে বিশেষ উপকার দর্শে ।

যে সকল শীতল পানীয়ের ব্যবস্থা করা হইল তাহাতেই প্রস্রাব হইবার পক্ষে সহায়তা করিবে কিন্তু তাহাতেও প্রস্রাব নির্গত না হইলে কোমরের দুইদিকে তাপিণ তৈল মালিশ করিয়া গরম জলের সেক (৪৫ পৃষ্ঠা) দিবে । প্রস্রাব করাইবার একটা অত্যুৎকৃষ্ট ঔষধ মুষ্টিযোগ প্রকরণে দ্রষ্টব্য ।

গৃহে যাহাতে বিশুদ্ধ বায়ুর সঞ্চালন হইতে পারে তজ্জন্ত সমস্ত দ্বার ও বাতায়নাদি খুলিয়া রাখিবে । গৃহের অনাবশ্যক দ্রব্যাদি স্থানান্তরিত করিবে এবং গৃহ সর্বদা পরিষ্কার পরিচ্ছন্ন রাখিবে । বাতীর পয়ঃ-প্রণালী এবং মলমূত্রত্যাগের স্থান সকল সর্বদা পরিষ্কৃত রাখিবে এবং কার্বলিক এসিড কিম্বা ফেনাইল জলমিশ্রিত করিয়া ছড়াইয়া দিবে । অভাব পক্ষে চূর্ণমিশ্রিত জল কিম্বা গোবর জলের ছড়া দিবে । প্রচুর পরিমাণে ধূপধূনা ও গন্ধক পোড়াইবে এবং অন্যান্য উপায়ে গৃহের বায়ু

বিশুদ্ধ রাখিবে। বাতীর লোকসংখ্যা অধিক হইলে কতক স্থানান্তরিত করিবে। বাতীর চতুঃপার্শ্বে বিশুদ্ধ বায়ু সঞ্চালনের যাহাতে কোন প্রকার ব্যাঘাত না হয় সে দিকে বিশেষ দৃষ্টি রাখিবে।

শুশ্রূষাকারীদিগের বিশেষ সতর্কতা অবলম্বন করা কর্তব্য। পান আহার করিবার সময় অথবা আহার্য প্রস্তুত করিবার পূর্বে হস্তাদি উত্তমরূপে ধোত করা উচিত। রোগীর মল ও বমন ইত্যাদি জলমিশ্রিত হিরাকস বা কার্বলিক এসিড দিয়া বাতী হইতে দূরে যাহার সন্নিকটে কোন পুষ্করিণী বা কূপ কিম্বা অন্য কোন জলাশয় নাই এমন স্থানে দুই তিন হাত গভীর গর্ত খুঁড়িয়া পুঁতিয়া ফেলিবে এবং বমন ও মল সংযুক্ত কাপড় ইত্যাদি কয়েক ঘণ্টার মধ্যে দগ্ধ করিয়া ফেলিবে। অন্যান্য নিয়ম প্রতিপালন সম্বন্ধে ৩৮ পৃষ্ঠা দ্রষ্টব্য।

এই ব্যাধি সাধারণতঃ বড় বড় নদাতীরস্থ স্থান সমূহে প্রতিবৎসর প্রায় একই সময়ে হইতে দেখা যায়। যে সকল স্থানে বহুসংখ্যক লোকের একত্র সমাবেশ হয় (যেমন কোন মেলায় বা যাত্রী সমাগমে) সে সকল স্থানেও এই পীড়া সংক্রামক রূপে প্রাদুর্ভূত হইয়া থাকে। এ রোগের প্রাদুর্ভাব হইলে কতকগুলি বিশেষ নিয়ম প্রতিপালন দ্বারা ইহার সংক্রামকতা হইতে এতদূর মুক্ত থাকা যায় যাহা অপর কোন সংক্রামক ব্যাধিতে সম্ভবপর নহে। প্রত্যেক ব্যক্তি নিম্নলিখিত নিয়ম গুলি পালন করিলে এ রোগের আক্রমণ হইতে নিরাপদ হইতে পারেন।

(১) পানীয় জল নদীর কিনারা হইতে না লইয়া যথাসম্ভব মধ্য ভাগ হইতে লইবে এবং নদীর উজানেব দিক হইতে জল লইবে, কখনও গ্রামের ভাটির দিক হইতে সংগ্রহ করিবে না।

(২) পানীয় জল ও দুগ্ধ প্রভৃতির প্রত্যেক বিন্দু অন্ততঃ ১০ মিনিট কাল সিদ্ধ করিয়া ব্যবহার করিবে।

- (৩) খাচু সুসিদ্ধ করিয়া খাইবে এবং যথাসম্ভব গরম রাখিতে হইবে ।
- (৪) কাঁচা ফল ইত্যাদি খাইবে না ।
- (৫) যে জল দ্বারা হাত মুখ বা বাসন ধোয়া হয় তাহাও সিদ্ধ করিয়া ব্যবহার করিবে ।
- (৬) খাচু বা পানীয়েব উপর বাহাতে কিছুতেই মাছি বসিতে না পারে সে বিষয়ে বিশেষ সাবধান হইবে ।
- (৭) শ্রমাকারীগণ কখনও খালি পেটে উক্ত বোগীর নিকট যাইবেন না । কাবণ এই রোগের বীজাত্ত কোন প্রকাবে খালি পেটে প্রবেশ করিতে পারিলে এ রোগের হাত হইতে ত্রাণ পাওয়া দায় ।
- (৮) এই রোগের প্রাদুর্ভাবকালে সাধাবণ পেটের অসুখ হইবামাত্র তন্নিবারণার্থে বিশেষ সাবধান হওয়া উচিত ।

১০১ । কর্ণরোগ (Ear disease)—ইহা নানা প্রকার । শিশুদিগেব দাঁত উঠিবার সময় কখন কখন কাণের ভিতরের বা বাহিরের দিকেব চামড়ায় এক প্রকার চর্ম রোগ জন্মে । ইহা এক প্রকার এক্জীমা (Eczema) রোগবিশেষ । এ রোগ হইলে সর্বদা কাণ পবিস্কার রাখা কর্তব্য । গ্লিসারিন সাবান এবং জল দ্বারা উহা প্রতি-দিন উত্তমরূপে ধোত করতঃ তাহাতে গ্লিসারিন বা সুইট অয়েল মাখাইয়া দেওয়া উচিত । দাদের জায় খোসামুক্ত পদার্থ বর্তমান থাকিলে রাত্রিতে তিসিব পুন্টিশ দিয়া রাখিলে প্রাতঃকালে ঐ সকল খোসা উঠিয়া আসিবে । তখন পুনরায় উহাতে গ্লিসারিন বা জলপাইর তৈল (Olive or Salad oil) প্রয়োগ করিবে ।

(১) বধিরতা—সচরাচর কর্ণে খইল জমিলে কাণে শুনিতে পাওয়া যায় না । অন্ত বহুবিধ কারণে বধিরতা উৎপন্ন হইতে পারে । এরূপ হইলে চিকিৎসকের আশ্রয় গ্রহণ করা কর্তব্য । কাণে খইল জমিলে

কখন কখন কাশির উদ্রেক হইয়া থাকে । কাণের ভিতরে আলোক প্রবেশ করিতে পারে এমন ভাবে রোগীকে রাখিয়া পরীক্ষা করিয়া দেখিলে কাণের ভিতর কোন ময়লা আছে কিনা স্পষ্ট দেখিতে পাওয়া যায় । কাণে কোন প্রকার ময়লা থাকিলে রাত্রিতে উহাতে কয়েক ফোটা গ্লিসারিন বা সুইট অয়েল দিয়া রাখিলে এবং প্রাতঃকালে ঈষদুষ্ণ গরম জলে সাবান মাখাইয়া পিচকারী দ্বারা উত্তমরূপে ধৌত করিলে ময়লা নিঃসারিত হইয়া যাইবে । তৎপর কাণের ভিতর দু এক ফোটা সুইট অয়েল দিয়া পরিষ্কৃত তূলা দ্বারা কাণের ছিদ্র ঢাকিয়া দিবে ।

(২) কর্ণ পরীক্ষার উপায়—স্পেকুলাম (Ear Speculum) যন্ত্র দ্বারা কাণ পরীক্ষা করিতে হয় । তদভাবে নিম্নলিখিত প্রণালী অবলম্বন করা যাইতে পারে । একখণ্ড ২½ ইঞ্চি পবিমিত সম চতুষ্কোণ শাদা ব্লটিং কাগজ লইয়া উহার এককোণ মধ্যভাগ হইতে অর্ধেক দূরে কাটিয়া ফেলিবে । তৎপর উহা ঠোঙ্গার গ্ৰাস করিয়া এমন ভাবে ভাঁজ করিবে যেন কাটা অংশটা উহার সূক্ষ্ম অগ্রভাগে থাকে এবং তাহাতে একটি ছিদ্র হয় । রোগীকে চোকিতে বসাইয়া বামহস্তে কাণ ধরিয়া উহা পশ্চাৎ এবং উর্দ্ধদিকে টানিয়া দক্ষিণ হস্তে কাগজের ঠোঙ্গাটি ভিতরে ধীরে ধীরে অর্ধ ইঞ্চি পরিমাণ প্রবেশ করাইয়া দিবে । রোগীকে এমন ভাবে বসাইবে বাহাতে সূর্য্যকিরণ কর্ণের ভিতরে সচ্ছন্দে প্রবেশ করিতে পারে, অথবা আয়নাতে সূর্য্যকিরণ প্রতিফলিত করিয়া রোগীর কর্ণে প্রবেশ করাইবে । রাত্রিতে হইলে ল্যাম্পের আলো আয়নায় প্রতিফলিত করিয়া প্রবেশ করাইলেই চলিবে ।

(৩) কর্ণে পিচকারী দিবার প্রণালী—রোগী নিজ হস্তে অথবা অপর কেহ একটা পাত্র রোগীর কাণের নীচে চামড়ায় ঠেপ দিয়া ধরিয়া রাখিবে । তৎপর অপর একজন রোগীর কাণ ধরিয়া উহা একবার পিছনের

দিকে একবার উপরের দিকে নাড়াচাড়া করিয়া পিচকারীর অগ্রভাগ কর্ণপথের উপরের দিকে কিঞ্চিৎ চাপিয়া তাহাতে প্রবেশ করাইয়া দিবে এবং ধীরে ধীরে জল প্রবেশ করাইতে থাকিবে । পিচকারী কর্ণের ভিতর প্রবেশ করাইবার পূর্বে উহার অগ্রভাগ হইতে কিঞ্চিৎ জল বাহিরে ফেলিয়া তৎপর প্রবেশ করাইবে । কারণ একরূপ করিলে পিচকারীদ্বারা কর্ণের ভিতরে বায়ু প্রবিষ্ট হইতে পারিবে না । কর্ণ পরিষ্কারার্থ এক প্রকার কাচের পিচকারী (Ear Syringe) আছে ; তদভাবে সাধারণ পিচকারী (male glass syringe) ব্যবহার করিলেও চলিতে পারে ।

(৪) কর্ণে পুন্টিশ্ দিবার প্রণালী—একখণ্ড নেকড়ার ফালি কিম্বা ক্রমাল দাড়ির নীচ দিয়া নিয়া মাথার উপরে গির দিয়া দিবে । অপর একখণ্ড মস্তকের চতুর্দিকে কপাল ঘিরিয়া এমনভাবে গির দিবে যেন শুইবার সময় কোন অসুবিধা না হয় । কাণের উপরে যেস্থানে হুইখণ্ড আড়াআড়ি ভাবে পড়িবে সেখানে সেফ্‌টীপিন দিয়া আঁটিয়া দিবে । কাণে পুন্টিশ্ দিয়া উপরোক্তভাবে বাধিয়া দিলে উহা স্থানচ্যুত হইবে না ।

(৫) কাণে বেদনা—আক্কেল দাঁত উঠিবার সময়, হঠাৎ কাণে ঠাণ্ডা লাগিয়া কিম্বা অন্য কোন কারণে অথবা শিশুদিগের দ্বিতীয়বার দাঁত উঠিবার সময় সাধারণতঃ কাণে অত্যন্ত বেদনা হইয়া থাকে । এ অবস্থায় কখন কখন চিকিৎসকের সাহায্যের প্রয়োজন হয় । একটি মূনের পুটুলী গরম করিয়া কাণে বাধিয়া রাখিলে অথবা পোস্তুর চেঁড়ীর সেক (৪৭ পৃষ্ঠা) দিলে বিশেষ উপকার দর্শে । একটি পেঁয়াজ গরম করিয়া উহা একটি পুটুলীতে করিয়া কাণে দিলে বেদনার উপশম হইবে । পেঁয়াজটী যতদূর কাণে সহ হয় একরূপ গরম হওয়া প্রয়োজন । কাণে তৃলা দিয়া রাখা ভাল । যাহাতে কাণে কোন প্রকার ঠাণ্ডা না লাগে সে বিষয়ে দৃষ্টি রাখিবে ।

১০২ । কণ্ঠরোগ (Throat disease)—ঠাণ্ডা লাগিয়া গলায় বেদনা হইলে তত আশঙ্কার কারণ নাই । ডিপ্‌থিরিয়া কিম্বা উপদংশজনিত গলদেশের ক্ষত বা প্রদাহ অত্যন্ত কষ্টদায়ক । খাসনালীর অগ্রভাগে এবং গলার ভিতরের পশ্চাদিকে প্রদাহযুক্ত হইলে সাধারণতঃ স্বরভঙ্গ হয় । এরূপ হইলে প্রাতঃকালে একবারে স্বর নির্গত হইয়া না কিন্তু পরে ক্রমে অল্প অল্প স্বর নির্গত হইতে থাকে । এ অবস্থায় একখণ্ড ফ্রানেল গলার চারিদিকে জড়াইয়া রাখিলেই উপশম হইতে পারে । বক্তৃতা দেওয়ার সময় অধিক চেষ্টাইলে অথবা সংকীর্ণনাদিতে চাঁৎকার করিয়া গান করিলে প্রায় স্বরভঙ্গ বা 'গলা বসিয়া' ঘাইতে দেখা যায় । গরম গরম চা বা কাফি পান করিলে ইহাতে অনেক সময় উপকার হয় ।

গলায় ঠাণ্ডা লাগিয়া বা অন্য কারণে অনেক সময় আল্‌জিভ (uvula) বাড়িয়া থাকে । এরূপ হইলে স্বর বসিয়া যায় এবং কথা বলিবার সময় একপ্রকার শুষ্ক কাসি হয় । ফট্‌কিরির গুঁড়া আল্‌জিভে ঠেকাইলে ইহাতে উপশম হয় । বুলে লবণ মিশ্রিত করিয়া তদ্বারা আল্‌জিভের অগ্রভাগ টিপিয়া দিলেও উপকার হয় । এ সকল উপায়ে কোন উপকার না হইলে আল্‌জিভ কাটিয়া ফেলিবার প্রয়োজন হইতে পারে । এ অবস্থায় চিকিৎসকের আশ্রয় গ্রহণ করা কর্তব্য ।

গলার প্রদাহ প্রবল হইলে অনেক সময় দুই দিকের টনসিলই (Tonsil) আক্রান্ত হয় । আক্রান্তস্থান অত্যন্ত ফীত ও প্রদাহযুক্ত হয় এবং অনেক সময় উহাতে ক্ষত (Sore-throat) দেখা দেয় । তখন গলায় এবং কাণে অত্যন্ত বেদনা অনুভূত হয়, মাথা ধরে, গিলিতে কষ্টানুভব হয় এবং সর্বদা কিছু গিলিতে উচ্ছা করে, কিন্তু তরল দ্রব্যাদি গিলিতে গেলে নাক দিয়া বাহির হইয়া পড়ে । এ অবস্থায় চিকিৎসক দেখান আবশ্যিক । গলায় সর্বদা ফ্রানেল জড়াইয়া রাখা কর্তব্য ।

ফটকিরির জল (এক পোয়া জলে ১ ড্রাম ফটকিরি) দ্বারা কুলকুচি করিলে উপকার হয় । এ অবস্থায় গরম জলের ভাপ্রা (৫৭ পৃষ্ঠা) নিলে বিশেষ উপকার দর্শে ।

বাহাদের প্রায়ই গলাবেদনা কিম্বা গলার অণু কোন ব্যারাম হয় তাঁহাদের পক্ষে দাড়ি রাখা উত্তম ; কিন্তু এ অবস্থায় গলার ফ্ল্যানেল ইত্যাদি জড়ান কর্তব্য নয় । গলার কোন অস্থখ থাকিলে রাত্রিতে নিদ্রা যাইবার পূর্বে গলাবন্ধ জড়াইয়া শয়ন করা ভাল । প্রত্যহ প্রত্যুষে গলা শীতল জলদ্বারা ধোত করিয়া উত্তমরূপে মুছিয়া ফেলা উচিত । শীতে বাহির হইতে হইলে সর্বদা গরম কাপড়দ্বারা গলা জড়াইবার অভ্যাস পরিত্যাগ করা উচিত ।

‘টন্সিলাইটিস্’ অথবা অণু কোন কারণে শুষ্ক কাসি হইলে মুখের ভিতর খয়ের রাখিয়া দিলে বিশেষ উপশম হয় । গলার প্রায় সকল প্রকার ব্যারামেই গরম জলের ভাপ্রা বিশেষ উপকারী ।

১০৩ । কাসি (Bronchitis)—সাধারণতঃ ঠাণ্ডা লাগিয়া প্রথমতঃ সামান্য সর্দি হয় এবং ক্রমে কাসিতে পরিণত হয় । প্রথমতঃ নাক দিয়া তরল সর্দি নির্গত হয়, হাত পা কামড়ায় এবং জ্বর জ্বর বোধ হয় । পবে ক্রমে শুষ্ককাসি হয়, এবং শ্বাসপ্রশ্বাসে কষ্টানুভব হয় এবং বড়একটা গয়ার উঠে না । ক্রমে কাসির সঙ্গে গয়ার উঠিতে থাকে এবং কাসিবার সময় আর তত কষ্টানুভব হয় না । পাতলা গয়ার ক্রমে ঘন হইতে থাকে এবং পাকিলে হলুদবর্ণ কফ নিঃসারিত হয় ও বুকে ক্রমশঃ বেদনা অনুভূত হয় । কাসিবার সময় বুকে শাই শাই শব্দ হয় ; অধিক পরিমাণে গয়ার উঠিয়া গেলে এ সকল লক্ষণ কমিয়া যায়, কিন্তু পুনরায় শ্বাস নালীতে কফ জমিলেই আবার ঐরূপ শব্দ শুনিতে পাওয়া যায় ।

কাসির প্রথমাবস্থায় গরম জলে স্নান (২২ পৃষ্ঠা) করিলে উপকার

দর্শে । গরম গরম তুধ্বালি খাইতে দিলে ঘর্ম্ম এবং পিপাসার নিবৃত্তি হইবে । উপরোক্ত উপায়ে উপশম না হইলে রোগীকে উপযুক্ত শয্যায় রাখিবে এবং রোগীর গৃহ দিবারাত্রি সম উত্তাপবিশিষ্ট রাখিতে চেষ্টা করিবে । রোগীর গাত্রে বিশেষতঃ বৃকে এবং পীঠে যাহাতে কোন প্রকার শৈত্য না লাগিতে পারে তাহার ব্যবস্থা করিবে । এ অবস্থায় স্নান নিষিদ্ধ । রোগের প্রথম অবস্থাতেই চিকিৎসক ডাকা কর্তব্য ।

শিশুদিগের প্রবল কাসি হইলে বিশেষ আশঙ্কার কারণ, এজন্য অত্যন্ত সাবধানতার প্রয়োজন । রাত্রিতেই কাসি ও জ্বর বৃদ্ধি পায় এবং তখন অধিক ঘ্যান্ ঘ্যান্ করে ও অস্থিরতা প্রকাশ করে । কাসিবার সময় গয়ার মুখে আসিবামাত্র শিশুরা তাহা গিলিয়া ফেলে, তুলিয়া ফেলিতে পারে না । কখন কখন কাসিতে কাসিতে বমন হয় এবং তাহাতে অনেকটা উপশমও বোধ করে ।

যে গয়ার গিলিয়া ফেলে তাহা মলের সহিত নির্গত হয় । এজন্য কাসির অবস্থায় বমি করিলে এবং কোষ্ঠ পরিষ্কার থাকিলে বিশেষ উপকার দর্শে । সরিষার তৈল প্রদীপে গরম করিয়া দিনে ৩৪ বার বৃকে পীঠে উত্তমরূপে মালিশ করিলে বিশেষ উপশম হয় । গরম গরম তুধ্ব যত ইচ্ছা পাইতে দেওয়া যাইতে পারে । জ্বরের অবস্থায় তরল দ্রব্য ব্যতীত অন্য কিছু খাইতে দেওয়া উচিত নয় ।

রোগের প্রাবল্য অবস্থায় জ্বর থাকা প্রযুক্ত, যদিও গা গরম থাকে, তথাপি ঘামে গা ভিজিয়া যায় । ক্রমে রোগ বৃদ্ধি পাইলে ঘন ঘন কাসি হয়, কিন্তু বোগী এত দুর্বল হইয়া পড়ে যে আর কাসিবার শক্তি থাকেনা । এ অবস্থা অধিককাল স্থায়ী হইলে মারাত্মক হয় ।

এ রোগে রোগীকে এমন ভাবে শয়ন করাইবে যাহাতে মস্তক শরীর হইতে সর্বদাই উচুতে থাকে । শিশুরা যাহাতে খুব কাসে সেরূপ

চেষ্টা করিবে । এক সময়ে অনেকক্ষণ নিদ্রা যাইতে দেওয়া ভাল নয়, কারণ তাহাতে অনেকক্ষণ না কাসিলে গলায় কক জমিয়া অনিষ্ট ঘটতে পারে । কাসি সারিবার পরও রোগীকে কিছুদিন সাবধানে রাখিবে, কারণ উক্ত অবস্থায় সহজে সদি লাগিবার সম্ভাবনা থাকে ।

১০৪ । কোষ্ঠবদ্ধতা (Constipation)—কোষ্ঠবদ্ধ হইলে সহজে ঔষধ সেবন করা কর্তব্য নহে । কোষ্ঠবদ্ধ হইলে দাস্ত লইয়া কোষ্ঠ পরিষ্কার করিবার সচরাচর প্রয়োজন হয় না । দাস্ত লইয়া কোষ্ঠ পরিষ্কার করিবার অভ্যাস করা নিতান্ত খারাপ । একটু নিয়ম মত থাকিলেই সহজে কোষ্ঠ পরিষ্কার হইতে পারে । কোষ্ঠবদ্ধ রোগীদিগের আহারের পর ফল ভক্ষণ করা উচিত । ইহাদের মধ্যে সুপক্ব আঁতা ও আপেলই উত্তম । রাত্রিতে নিদ্রা যাইবার পূর্বে প্রতিদিন এক গ্লাস জল পান করিয়া শয়ন করা কর্তব্য । প্রত্যুষে শয্যাত্যাগের পর জলপান করিবার অভ্যাস করিলেও অনেক সময় উপকার দশে । প্রতিদিন ঠিক এক সময়ে স্নানাহার করা, প্রাতে বিকালে বেড়ান এবং নিয়মিত পরিশ্রম করা বিশেষ ভাবে প্রয়োজন । বেগ না হইলেও প্রতিদিন প্রত্যুষে শয্যাত্যাগের পর নিয়মমত পাঁয়খানায় যাওয়া কর্তব্য । ভূসির কুটী, সুপক্ব ফল, পেঁপে, বেল, আম প্রভৃতি এবং শাক সব্জি খাইলে কোষ্ঠবদ্ধতা দূর হইবে । ডাবের জল, পুরাতন তেতুলের সরবৎ এবং গরম দুগ্ধ পান করিলেও কোষ্ঠ পরিষ্কার হইতে পারে । রাত্রিতে দুগ্ধ পান করিবার সময় গরম দুগ্ধে কিস্মিস্ মিশ্রিত করিয়া সেবন করিলে সহজে কোষ্ঠ পরিষ্কার হইতে পারে । ইহাতে প্রাতঃভ্রমণ বিশেষ উপকারী ।

শিশুদিগের কোষ্ঠবদ্ধতা হইলে আহারের পরিবর্তন করিলেই চলিতে পারে ; শিশু যদি মাই খায় তবে মাতার আহারের পরিবর্তন এবং নিয়মাদি রক্ষা করিয়া চলিলেই উচ্চা দূর হইবে । মাতাকে সাধারণতঃ

শাক সব্জি অধিক পরিমাণে খাইতে হইবে এবং শারীরিক পরিশ্রম করিতে হইবে। যে শিশু মায়ের দুধ খায় তাহাকে কিছু গরুর দুধ কিম্বা ছাগলের দুধ খাওয়াইলেই উপকার দর্শিবে। কিম্বা শিশু গাইয়ের দুধ খাইলে ছাগলের দুধ এবং ছাগলের দুধ খাইলে গাইয়ের দুধ দিলেই হইবে। একভাগ জলবাণি ও দুইভাগ দুধ অথবা ওটমিল (১৪১ পৃষ্ঠা) খাইতে দিলেও কোষ্ঠবদ্ধতা দূর হইবে। পানের বোটা কিম্বা এক টুকরা সাবান পেন্সিলের মত করিয়া কাটিয়া রেড়ীর বা জলপাইর তৈলে ডুবাইয়া মলদ্বারে দিলেই বাহ্যে হইবে। নারিকেল তৈল কিম্বা কডলিভার অয়েল পেটে মালিশ করিলেও উপকার দর্শে। মালিশ করিবার সময় কেবল উপর হইতে নীচের দিকে হাত বুলাইতে হইবে, বিপরীত দিকে নয়। হুধের সহিত চূণের জল মিশ্রিত করিয়া খাইতে দিলেও উপকার হইবে।

১০৫ । কৃমি (Worms)—কৃমি সাধারণতঃ তিন প্রকার। কঁচোর গায় গোল কৃমি (Round worm), সূতার গায় ক্ষুদ্র কৃমি (Thread worm) এবং ফিতার গায় লম্বা কৃমি (Tape worm)। ইহাদের মধ্যে প্রথম দুই প্রকারের কৃমিই সচরাচর দৃষ্ট হইয়া থাকে। কৃমি কখন কখন অত্যাণ্ড পীড়ার কারণ হইয়া সাংঘাতিক হয়। ইহা অতিশয় যন্ত্রণাদায়ক রোগ। গোল কৃমি সচরাচর বালকদিগেরই অধিক হইয়া থাকে। ইহা কখন কখন পাকস্থলী হইতে মুখ দিয়া বহির্গত হয়। ক্ষুদ্র সূতার ন্যায় কৃমি অতিশয় কষ্টদায়ক ; কারণ উহারা সরলান্ত্রে গুহ্রদেশের ঠিক উপরেই অবস্থিতি করে এবং ঔষধ সেবনে প্রায়ই দূর হয় না। সূত্রবৎ কৃমি হইলে গুহ্রদ্বার চুলকায়, নাসিকার অগ্রভাগ স্ফুড় স্ফুড় করে এবং মলত্র্যাগের সময় কুস্থন হয়। গোল কৃমিতে পেটে বেদনা হয়, গা বমি বমি করে অথবা বমন হয় এবং কখন কখন আক্লেপ হইয়া থাকে।

পাকস্থলীর দুর্বলতা, অপরিষ্কৃত জল পান, অধিক কাঁচা বা অধিক পাকা ফল, অধিক তরকারী বা শাক সব্জি, বাজারের অপরিষ্কৃত মিষ্ট দ্রব্যাদি ও পচা সামগ্রী ভক্ষণ এবং আহাৰ্য্য দ্রব্যে লবণাভাব হইলেই কুমি জন্মিয়া থাকে । অতএব এ বিষয়ে বিশেষ সাবধান হওয়া প্রয়োজন । সূতার ন্যায় কুমি প্রায়ই জলের সহিত মিশিয়া উদরে প্রবেশ করিলে রোগ উৎপন্ন হইয়া থাকে, এজন্য যে জলাশয়ের জল পান করা যায় তথায় কখন শৌচ কার্য্য করিতে দেওয়া কর্তব্য নহে । ঔষধাদি সম্বন্ধে দশম পরিচ্ছেদে “কুমি” এবং পথ্যাদি বিষয়ে ১২৭ পৃষ্ঠা দ্রষ্টব্য ।

১০৬। ঘুংরি কাসি (Whooping-cough)— ইহা সাধারণতঃ শিশুদিগেরই হইয়া থাকে । তবে কখন কখন বয়স্ক দিগেরও হইতে দেখা যায় । ইহা এক প্রকার সংক্রামক রোগ । বাড়ীতে কোন শিশুর হইলে অপর শিশুদিগেরও হইবাব সম্ভাবনা । কাসিতে কাসিতে অনেক সময় বমন হয় এবং কখন কখন আক্ষেপও হইয়া থাকে । ঘুংরি কাসি অধিকদিন স্থায়ী হইলে ক্রমে ফুসফুসের প্রদাহ (Pneumonia) হইতে পারে ।

কাসির প্রবল আক্রমণ কালে এক হাতের উপর শিশুর পিঠ এবং অপর হাতের উপর শিশুর কপাল ভর দিয়া রাখিবে । কাসিতে গম্বার ইত্যাদি উঠিলে অথবা বমন হইলে তাহা তৎক্ষণাৎ মুছাইয়া দিবে, এবং শিশুর পিঠ ধীরে ধীরে মাজিয়া দিবে । সরিসার তৈলে কিঞ্চিৎ কর্পূর মিশ্রিত করতঃ উহা গরম করিয়া শিশুর বুকে পিঠে দিনে দুই তিন বার মালিস করিয়া দিলে বিশেষ উপকার হয় । বয়স্ক শিশু হইলে দেড় আউন্স জলে এক শিকি পরিমিত লবণ মিশ্রিত করিয়া তাহা নাক দিয়া নস্ট্রের গায় টানিয়া লইতে দিবে । ইহাতে কাসির উপশম হইবে । বুকের কোন উপসর্গ না থাকিলে ঐষদ্বয় গরম জলে ফ্যানেলের টুকরা

ভিজাইয়া তদ্বারা শিশুর গা মুছাইয়া দেওয়া কর্তব্য। এ রোগে গরম জলের ভাপ্বা (৫৭ পৃষ্ঠা) গ্রহণ বিশেষ উপকারী। অল্প বয়স্ক শিশু হইলে গরম জলে ফ্যানেলের টুকরা ভিজাইয়া উহা নিংড়াইয়া লইবে এবং তৎপর উক্ত ফ্যানেল খণ্ড শিশুর মুখের কাছে ধরিলে তাহা হইতে যে ধূম নির্গত হইবে তাহা নিশ্বাস টানিবার সময় মুখে প্রবেশ করিলেই কাজ হইবে।

১০৭। চক্ষুরোগ (Eye-disease)—চক্ষুতে অঞ্জনি বা আজ্‌নাই (stye) হইলে উহাতে ঘন ঘন ভাতের সেক (৪৯ পৃষ্ঠা) দিলে বিশেষ উপকার দশে। অধিক বৃদ্ধি পাইলে গরম জলের সেক (৪৫ পৃষ্ঠা) দিবে এবং পাকিয়া উঠিলে গালিয়া দিবে। সাধারণতঃ শারীরিক দৌর্বল্য এবং অগ্নিমান্দ্য হইতে এ বোগ উৎপন্ন হইয়া থাকে।

এক প্রকার রোগ আছে তাহাতে চক্ষের পাতার গোড়ায় ফুস্কুড়ির জায় বহির্গত হয় এবং হরিদ্রাভ পিচুটি নির্গত হইয়া সমস্ত পাতা জড়াইয়া যায়। ইহাতে চক্ষের পাতা স্ফুড় স্ফুড় করে এবং অত্যন্ত চুলকায় ও চক্ষু হইতে জল নির্গত হইতে থাকে। ইহাকে ডাক্তারগণ টাইনিয়া (tinea) বলিয়া থাকেন। কখন কখন পাতার গোড়ায় একপ্রকার পোকায় ধরে। এই টাইনিয়া বহুদিন স্থায়ী হইলে চক্ষুর পাতা সকল ঝরিয়া পড়ে। এ রোগ হইলে উপযুক্ত চিকিৎসক দেখান কর্তব্য। ফট্‌কিরির জল * উষ্ণ করিয়া তদ্বারা সর্বদা চক্ষু উত্তমরূপে ধোত করিবে। রাত্ৰিতে নিদ্রা যাওয়ার সময় কেবল চক্ষুর পাতাব গোড়ায় পালকে করিয়া অতি সাবধানে জলপাইর তৈল (Olive or salad oil) দিয়া রাখিবে। এরূপ করিলে চক্ষুর পাতা জড়াইয়া যাইবে না।

* ফট্‌কিরির জল—২০ গ্রেণ ফট্‌কিরি চূর্ণ ৮ আউন্স, পরিশ্রুত জলে (Distilled Water) অভাব পক্ষে পরিশ্রুত জলে, মিশ্রিত করিলেই ফট্‌কিরির জল প্রস্তুত হইল।

চক্ষুতে ছানি (Cataract) হইলে অস্ত্র চিকিৎসার প্রয়োজন হয় ।
এজন্য চিকিৎসকের আশ্রয় গ্রহণ ব্যতীত অন্য উপায় নাই । হাতুড়ে
বৈদ্যেব হাতে চিকিৎসার ভার না দিয়া উপযুক্ত চিকিৎসককে দেখান
আবশ্যক ।

চক্ষু উঠিলে, চক্ষু ফুলিলে এবং লাল হইলে, চক্ষু হইতে পিচুটা নির্গত
হইলে এবং চক্ষুতে ক্লেদযুক্ত প্রদাহ প্রভৃতি যাবতীয় চক্ষুরোগে সাধারণতঃ
নিম্নলিখিত ব্যবস্থানুযায়ী চলা কর্তব্য :—

রোগীকে অন্ধকার গৃহে রাখিবে (৩ পৃষ্ঠা) এবং যাহাতে চক্ষুর
ভিতরে আলো প্রবেশ করিতে না পারে তজ্জন্য চক্ষুর উপরে সবুজ বর্ণের
নেত্রাবরণ (Eye-shade) ব্যবহার করিবে অথবা কপালেব চারিদিকে
একটা ফিতা বাঁধিয়া তাহাতে একখণ্ড সবুজ রংএর কাপড় এমন ভাবে
ঝুলাইয়া রাখিবে যাহাতে পীড়িত চক্ষু ঢাকিয়া থাকে । চক্ষুকে সম্পূর্ণ
বিশ্রাম দিবে এবং চোখের ভিতরে যাহাতে হঠাৎ তীব্র আলোক পতিত
না হয় তাহার ব্যবস্থা করিবে । চক্ষু হইতে অধিক পরিমাণে ক্লেদ
নিঃসারিত হইলে গরম ছুধে জল মিশাইয়া উষ্ণ থাকিতে থাকিতে তদ্বারা
চক্ষু বারংবার ধৌত করিয়া দিবে । চক্ষু বেদনায়ুক্ত, ফোলা, রক্তবর্ষ
এবং প্রদাহযুক্ত হইলে পোস্তর টেঁড়ীর সেক (৪৭ পৃষ্ঠা) দিবে, প্রতিদিন
রাত্রিতে চক্ষুর পাতার গোড়ায় অতি সাবধানে গ্লিসারিন কিম্বা
জলপাইর তৈল দিয়া রাখিবে । একরূপ করিলে উপর এবং নীচের পাতা
একসঙ্গে জড়াইয়া যাইবে না । কিন্তু যদি জড়াইয়া যায় তবে তাহা
জোর করিয়া খুলিতে চেষ্টা করিবে না । গরম জল দ্বারা কিছুকাল
ভিজাইয়া দিলেই উহা আপনা হইতে খুলিয়া যাইবে । ক্লেদযুক্ত প্রদাহ
অতিশয় সংক্রামক । এজন্য চক্ষু উঠিলে যাহাতে উহা হইতে কোনরূপ
ছোঁয়াচে না লাগিতে পারে সে বিষয়ে বিশেষ সাবধান হইতে হইবে ।

রোগীর বিছানায় শুইলে অথবা কোন কারণে রোগীর বস্ত্রাদি চক্ষে লাগিলে কিম্বা রোগীর চশমা পরিলে একজনের রোগ অতি সহজে অপরে সংক্রামিত হইতে পারে।

চক্ষুরোগে চশমা ব্যবহার করিবার প্রয়োজন হইলে নীল বস্ত্রের চশমা ব্যবহার করাই প্রশস্ত। ধূসর বর্ণের (brown or smoke coloured) চশমা মন্দ নয়, কিন্তু ইহাতে দৃষ্টি বড়ই অস্পষ্ট হয়। চক্ষুরোগে লঘুপাক এবং পুষ্টিকর পথ্যাদি ব্যবস্থেয়।

চক্ষুতে সেক দিবার প্রণালী—ষড়্ভায়া সেক দিতে হইবে তাহা একটা বড় চওড়া পাত্রে করিয়া লইয়া উহার উপর রোগীর মাথা বাড়াইয়া দিবে এবং একখণ্ড লিণ্ট্ অথবা পরিষ্কৃত নেকড়া তাহাতে ডুবাইয়া উক্ত লিণ্ট বা নেকড়া চোখে লাগাইতে থাকিবে, কিন্তু চাপিয়া ধরিবে না। এইরূপ ১০।১৫ মিনিটকাল করিতে হইবে। তৎপর রোগীকে চিৎ করিয়া শয়ন করাইবে এবং চক্ষু খুলিয়া উহার ভিতরে এমন ভাবে উক্ত ভিজা লিণ্ট বা নেকড়া নিংড়াইয়া দিবে যেন চক্ষুর ভিতর দিয়া উক্ত জল গড়াইয়া পড়ে।

চক্ষে ধাবন (lotion) দিবার প্রণালী—৩৩ পৃষ্ঠা দ্রষ্টব্য।

১০৮। জলবসন্ত (Chicken-pox)—ইহা একটা সামান্য সংক্রামক পীড়া। ইহাতে বিশেষ কোন আশঙ্কা নাই। এ রোগে গুটি বাহির হইবার পূর্বে জ্বর প্রকাশ পায়। সাধারণতঃ দুই একদিনের সামান্য জ্বরেই এ রোগ প্রকাশ পাইয়া থাকে। জলবসন্ত প্রথমে বুকে এবং পিঠে দেখা দেয়, তৎপর শরীরের সর্বত্র বিস্তৃত হইয়া থাকে। প্রকৃত বসন্তের গুটি মুখমণ্ডলেই সর্বাগ্রে অধিক পরিমাণে প্রকাশ পায়, কিন্তু জলবসন্তের গুটি মুখমণ্ডলে প্রায় বাহির হয় না। গুটি বাহির হইবার তৃতীয় কিম্বা চতুর্থ দিবসে উহা জলপূর্ণ হয়। শুষ্ক

হইয়া গেলে বসন্তের ঞ্চায় ইহাতে শরীরে দাগ হয় না। রোগীকে সর্বদা পরিষ্কার পরিচ্ছন্ন রাখিবে এবং রোগান্তে বসন্ত রোগীর ঞ্চায় ঞ্চানাদি করাইবে। পথ্যাদি সম্বন্ধে ১২৬ পৃষ্ঠা দ্রষ্টব্য।

১০৯। জ্বর (Fever)—জ্বর নিজে যেমন ব্যাধি, তেমনি আবার বহুরোগের উপসর্গ বা আনুষঙ্গিক রোগবিশেষ। উহা যেমন অপরের উপসর্গ স্বরূপ হয়, তেমনি ইহারও আবার বহু উপসর্গ হইয়া থাকে। সাধারণ জ্বরে অন্য কোন বিশেষ উপসর্গ থাকে না। কখন কখন উহা আপনা হইতেই ছাড়িয়া যায়, কখনও বা ঔষধ খাইবার প্রয়োজন হয়। প্রথম হইতে সাবধানতা অবলম্বন করিলে অপর কোন উপসর্গ হইয়া গুরুতর আকার ধারণ করিবার সম্ভাবনা থাকেনা।

রোগীর গৃহে বাহাতে প্রচুর পরিমাণে বায়ু সঞ্চালিত হইতে পারে তাহার উপায় অবলম্বন করা কর্তব্য। জ্বরের প্রবল অবস্থায় যখন রোগীর গাত্রদাহ হইতে থাকে তখন লেপ চাপা দিয়া ঘামাইবার চেষ্টা করা নিতান্ত ভ্রম। যখন ঘামিতে আরম্ভ হয় তখনই লেপ চাপা দেওয়া আবশ্যিক হয়। গাত্রদাহের অবস্থায় কোন হাল্কা গরম কাপড় গায়ে দেওয়া উচিত। ঘীমে কাপড় ভিজিয়া গেলে তাহা তাড়াতাড়ি খুলিয়া ফেলিবেনা, কারণ তাহাতে গাত্রে হঠাৎ ঠাণ্ডা লাগিতে পারে এবং ঘামের ব্যাঘাত হইতে পারে।

জ্বরের প্রথম অবস্থায় লজ্জনই উত্তম। কিন্তু ক্ষুধার উদ্রেক হইলে প্রচুর পরিমাণে আহার করিতে দেওয়া উচিত। পথ্যাদি সম্বন্ধে ১২৪ পৃষ্ঠা দ্রষ্টব্য।

১১০। জ্বর—অবিরাম (Remittent fever)—
আক্রমণকাল ঠিক অবিরাম জ্বরের ন্যায়। পরে ক্রমে নানা উপসর্গ দেখা দেয়। সাধারণতঃ প্রাতঃকালে জ্বর কমিয়া যায় এবং মধ্যাহ্নের পর

হইতে বৃদ্ধি পায়। এ জ্বর প্রায়ই ৭ দিনের পূর্বে ছাড়ে না। সপ্তাহান্তে জ্বর ত্যাগ না হইলে পুনরায় ১৪ দিনের পর জ্বর ছাড়িবার সম্ভাবনা। এইরূপে প্রতি ৭ দিবস করিয়া বৃদ্ধি পায়। এ জ্বর সচরাচর ২১ দিনের পূর্বে প্রায়ই ত্যাগ হয় না। ইহাতে নানা কঠিন উপসর্গ হইতে পারে, এজন্য বিশেষ সাবধানে চিকিৎসা করান আবশ্যিক। অন্যান্য বিষয়ে “জ্বর”-প্রকরণ দ্রষ্টব্য।

১১১। জ্বর—দাহ (Hectic fever)—সচরাচর ত্রণ-শোথ হইতে অধিক পরিমাণে বা অধিককাল ব্যাপিয়া ক্লেদাদি নির্গত হইলে দাহ-জ্বর হইয়া থাকে। সন্ধ্যার সময় জ্বর আসে এবং ভোরবেলায় ছাড়িয়া যায়। জ্বর আসিবার পূর্বে প্রায়ই কম্প হয় অথবা অত্যন্ত শীত বোধ হয়। অত্যন্ত মাথাধরে, অস্থিরতা হয় এবং গা পুড়িয়া যাওয়ার ন্যায় বোধ হয়। প্রাতঃকালে অত্যন্ত ঘর্ম হইয়া জ্বর ছাড়িয়া যায়। এ সময়ে রোগী অত্যন্ত দুর্বল হইয়া পড়ে। দিনের বেলায় জ্বর থাকেনা। বেশ ক্ষুধা থাকে, বৎ কখন কখন অত্যধিক ক্ষুধা হইতেও দেখা যায়। প্রথমে কোষ্ঠবদ্ধতা থাকে, কিছুদিন পরে ক্রমে উদরাময় হয়। এরোগে যথেষ্ট পরিমাণে খাইতে দেওয়া যায়। ঘাম দিয়া জ্বর ছাড়িবার পর অত্যন্ত দুর্বল বোধ হইলে, স্লপ্, এসেন্স্ অব চিকেন্, বভ্রিল্ প্রভৃতি (১৫২ ও ১৬০ পৃষ্ঠা দ্রষ্টব্য) খাইতে দেওয়া কর্তব্য। কোন ক্ষত বর্তমান থাকিলে তাহাতে যাহাতে পুঁথ জন্মিতে না পারে সে বিষয়ে বিশেষ সাবধান হইতে হইবে। রোগীর শয়নগৃহে যাহাতে বিশুদ্ধবায়ু সঞ্চালন হইতে পারে অথচ কোন প্রকারে ঠাণ্ডা না লাগে তাহার ব্যবস্থা করা কর্তব্য। সকল বিষয়ে স্বাস্থ্যের উপযোগী ব্যবস্থাদি করিতে হইবে। যাহাতে অসময়ে আহারাদি না হয় এবং রোগীর মনে কোন প্রকার উদ্বেজন না হয় সে বিষয়ে দৃষ্টি রাখা আবশ্যিক।

১১২। জ্বর-পালা (Relapsing fever)—ইহা প্রতি এক, দুই বা তিন দিন অন্তর পর্যায় ক্রমে হইয়া থাকে, এজন্যই ইহার ‘পালাজ্বর’ এই নামকরণ হইয়াছে। উপবাস এবং দৈন্যাবস্থা প্রভৃতি হইতে প্রধানতঃ এ রোগ উৎপন্ন হইয়া থাকে। বায়ু সঞ্চালনের অভাব এবং এক গৃহে বহু লোক বাস করিলে রোগ বৃদ্ধির সহায়তা হয়। রোগীকে বিশুদ্ধ বায়ু সঞ্চালিত গৃহে পরিষ্কার পরিচ্ছন্ন ভাবে রাখা উচিত। দুগ্ধ প্রভৃতি পুষ্টিকর আহাৰ্যা বাবস্থেয়। অন্যান্য বিষয়ে সাধারণ জ্বরের ব্যবস্থা।

১১৩। জ্বরবিকার বা জ্বরাতিসার (Typhoid or Enteric fever)—ওলাউঠার গায় প্রধানতঃ অপরিষ্কৃত জল দ্বারা ইহার বিষ দেহ মধ্যে প্রবিষ্ট হয়। দূষিত বায়ু বা জল অথবা দুগ্ধদ্বারা এ রোগ সংক্রামিত হয়। রোগীর গৃহের সন্নিকটস্থ স্থানের দুগ্ধে অথবা অপরিষ্কৃত জল মিশ্রিত দুগ্ধেই রোগের বীজাণু লুক্কায়িত থাকে। জ্বরবিকারগ্রস্ত রোগী যে পাশখানায় মলমূত্র তাগ করে, সূস্থ লোক সে পাশখানা ব্যবহার করিলে রোগ সংক্রামিত হইতে পারে। মলমূত্র দ্বারা বায়ু দূষিত হয় এবং রোগের বীজ বায়ু দ্বারা অন্য দেহে প্রবিষ্ট হইয়া রোগ উৎপন্ন করে। জল, বায়ু ও মলমূত্রাদি সম্বন্ধে ওলাউঠার গায় সতর্কতা অবলম্বন করিলে রোগ সংক্রামিত হইতে পারে না। রোগের প্রথম হইতে শেষ পর্য্যন্ত সংক্রমণ নিবারক উপায়াদি (৩৮ পৃষ্ঠা) অবলম্বন করিতে হইবে।

এ রোগ হইলে জল কিম্বা আহাৰ্যা পেট ভরিয়া কখনই খাইতে দিবে না। এক একবারে অল্প অল্প করিয়া খাইতে দিবে। ঘোল, ছানার জল, জলবাঁলি বা এরাকট দুধ মিশ্রিত করিয়া খাইতে দেওয়া কর্তব্য। মাংসের যুষ ইত্যাদি দেওয়া উচিত নয়। তবে অধিক দুর্বল

হইলে, দিনে একবার কি দুইবার সুপ্ বা বভ্রিল্ দেওয়া যাইতে পারে। পেটের অমুখ অধিক না থাকিলে যুষ্ট, বিফ্টি ও বভ্রিল্ (১৫২, ১৫৬ ও ১৬০ পৃষ্ঠা) প্রভৃতি দেওয়া যায়। রোগী যতক্ষণ জাগিয়া থাকে ততক্ষণ প্রতি দুই ঘণ্টা অন্তর অল্প অল্প করিয়া খাইতে দেওয়া উচিত। শীতল জল যথেষ্ট পরিমাণে পান করিতে দেওয়া একান্ত কর্তব্য, কিন্তু একেবারে কখন অধিক পরিমাণে দেওয়া কর্তব্য নয়। জলবালি খাইতে দিলে পিপাসার লাঘব হইবে।

রোগীর গৃহে বায়ুসঞ্চালনের বিশেষ ব্যবস্থা করা কর্তব্য। এমন কি গৃহের ভিতরে মশারি কিম্বা বায়ু সঞ্চালনের বাধা জন্মাইতে পারে এমন কিছু রাখিবে না। জানালা দিয়া যাহাতে রোগীর চক্ষু আলোক-রশ্মি পতিত না হইতে পারে তাহার ব্যবস্থা করিবে এবং রোগীর গৃহের সন্নিকটে যাহাতে কিছুমাত্র শব্দ না হয় তাহার উগার অবলম্বন করিবে। বিছানা অধিক নরম হওয়া ভাল নয়। শস্যার উপরে অয়েলক্রুথ ইত্যাদি পাতিয়া দেওয়া উচিত। ভাষি লেপ তোমক ইত্যাদি ব্যবহার করা ভাল নয়। বিছানা যাহাতে সর্বদা পরিষ্কার পরিচ্ছন্ন থাকে তাহা দেখা আবশ্যিক।

রোগের প্রথম হইতে রোগীর দাঁত এবং মুখ পরিষ্কার রাখা কর্তব্য। প্রতিদিন শীতল বা ঈষৎ জলদ্বারা রোগীর গা মুছাইয়া দেওয়া উচিত। মুছাইবার সময় গৃহের দ্বার বন্ধ করিয়া স্পঞ্জ কিম্বা ফ্যানেলের টুকরা জলে ডুবাইয়া এক এক অঙ্গ একবারে মুছিয়া দিবে এবং তৎক্ষণাৎ তাহা শুষ্ক বস্ত্রখণ্ডদ্বারা মুছিয়া ঢাকা দিয়া দিবে (২২ পৃষ্ঠা)। এইরূপে সমস্ত দেহ মুছিয়া দিবে। ইহাতে রোগীরও আরাম বোধ হইবে এবং গাত্রেও কোন ছুর্গন্ধ হইবে না। মাথায় চুল লম্বা থাকিলে তাহা ছাঁটিয়া ফেলা উচিত। পিপাসা এবং বমনোদ্বেক মইলে বরফখণ্ড চুষিতে দেওয়া ভাল।

প্রলাপ বকিলে অথবা মাথায় যন্ত্রণা অনুভব করিলে মস্তকে বরফ প্রয়োগ (২০ পৃষ্ঠা) করা কিম্বা তদভাবে সিকা মিশ্রিত জল দেওয়া উচিত ।

রোগীর গৃহ যাহাতে নিস্তরু থাকে তাহার ব্যবস্থা করিবে । রোগীকে শান্ত ভাবে রাখিতে এবং ঘুম পাড়াইতে চেষ্টা করিবে । রোগীর পিঠে এবং পাছায় শয্যাক্ত (৮৫ পৃষ্ঠা) হইতে পারে, সে জন্ত কোন স্থান লাল হইয়াছে কিনা মাঝে মাঝে দেখা আবশ্যিক । দিবারাত্রি যখনই রোগীর কিছু আবশ্যক হয় তৎক্ষণাৎ তাহা দেখা উচিত । শিশুদিগের এরোগ হইলে তাহাদিগকে সর্বদা শান্তভাবে রাখিতে চেষ্টা করিবে এবং কোন কারণে কাঁদাইবে না । যখন যে আকার করে যথাসম্ভব তাহা পূরণ করিতে চেষ্টা করিবে । অসম্ভব হইলে মিষ্ট কথায় বুঝাইয়া সান্ত্বনা দিবে ।

মলের সহিত রক্ত নির্গত হইলে রোগীকে অতিশয় স্থির ভাবে রাখিবে । কোন কারণে রোগীকে নড়াচড়া করিতে কিম্বা উচুভাবে উপবেশন করিতে দিবে না । রোগীকে শায়িত অবস্থায় মল মূত্রাদি ত্যাগ করিতে দিবে । অধিক দাস্ত এবং রক্তস্রাব হইলে প্রত্যেকবার দাস্তের পর দুই আউন্স (এক ছটাক) পরিমিত ফট্কিরি-তক্র (পরি-শিষ্ট দ্রব্য) খাইতে দিলে বিশেষ উপকার হয় । দুগ্ধে সম পরিমাণ চূণের জল মিশ্রিত করিয়া খাইতে দিলেও উপকার হয় । পেট ফাঁপিলে এবং উহা টিপিলে বেদনা অনুভব করিলে সেক দিবে । অর ছাড়িয়া গেলে পুষ্টির আহাৰ্য্য দেওয়া আবশ্যিক । কিন্তু এ বিষয়ে অতিশয় সাবধানতা অবলম্বন করিতে হইবে । সৰ্ব্ব উপসর্গ দূর হইলেও এক সপ্তাহকাল তরল দ্রব্য ব্যতীত অন্য কিছু খাইতে দিবে না । সম্পূর্ণ আরোগ্য হইবার পর দুই মাসের পূর্বে মাংস প্রভৃতি আহাৰ্য্য করিতে দেওয়া কর্তব্য নয় ।

জ্বরে কোন উপসর্গ থাকিলেই চিকিৎসক ডাকা কর্তব্য। এ রোগের প্রারম্ভে কখন কখন অঙ্গে বেদনা বোধ, মাথাধরা, ক্ষুধামান্দ্য, কোষ্ঠ-বদ্ধতা প্রভৃতি লক্ষণ বর্তমান থাকে এবং জ্বরের পূর্বে শীত বোধ হয়। কখনও বা হঠাৎ রোগ প্রকাশ পায় এবং প্রথম হইতেই উদরাময় দেখা দেয় এবং পেট টিপিলে বেদনা বোধ হয়। প্রথমতঃ অল্প জ্বর হইয়া ক্রমে উহা অবিরাম জ্বরের আকার ধারণ করে। প্রস্রাবের পরিমাণ কমিয়া যায় এবং রোগের যন্ত্রণা রাত্রিতেই অধিক বৃদ্ধি পায়। ষষ্ঠ হইতে দ্বাদশ দিবসের মধ্যে বুকে পিঠে এবং পেটে এক প্রকার ফুস্কুড়ির গুয় নির্গত হয় এবং দুই তিন দিবস পরেই উহা মিলাইয়া যায় ; পরে আবার নূতন ফুস্কুড়ি দেখা দেয়। সাধারণতঃ এই ফুস্কুড়ি মিলাইয়া যাওয়ার পরই জ্বর কমিয়া যায় এবং ক্রমে অন্যান্য উপসর্গও আর থাকে না। এ অবস্থায় প্রায়ই তৃতীয় সপ্তাহে রোগী আরোগ্য লাভ করে। কিন্তু রোগের প্রবল অবস্থায় দ্বিতীয় সপ্তাহেই প্রলাপ আরম্ভ হয় এবং অবস্থা ক্রমেই খারাপ হইয়া থাকে। নাক দিয়া রক্ত পড়িলে, মলের সহিত রক্তস্রাব হইলে, চক্ষু বিস্ফারিত হইলে, মলমূত্র ত্যাগের জ্ঞান না থাকিলে এবং প্রলাপ বর্তমান থাকিলে রোগ স্থাংঘাতিক বৃত্তিতে হইবে। প্রতি এক কিম্বা দুই ঘণ্টা অন্তর দেহের উত্তাপ দেখা আবশ্যিক। হঠাৎ উত্তাপ বৃদ্ধি পাইলে অথবা অনিয়মিত ভাবে উত্তাপের হ্রাসবৃদ্ধি হইলে ফুসফুস কিম্বা অন্ত কোন স্থানে কিছু হইয়াছে বৃত্তিতে হইবে। হঠাৎ উত্তাপের হ্রাস হইলে প্রায়ই মলের সহিত রক্তস্রাব হইবার সম্ভাবনা।

১১৪। জ্বর—সবিরাম বা কম্প (**Intermittent or Ague fever**)—ইহা সাধারণতঃ প্রতিদিন হয় এবং প্রতিদিনই ছাড়িয়া যায়। ম্যালেরিয়া জনিত জ্বর হইলে জ্বরের আক্রমণ কালে অত্যন্ত কম্প হয়। একরূপ কম্পজ্বরে দেহের উত্তাপ ১০৫° কিম্বা ১০৬°

ডিগ্রী পর্যন্ত হইয়া থাকে । কম্পের অবস্থায় ভারি লেপ চাপা দিবার প্রয়োজন হয় । পরে উত্তাপ বৃদ্ধি পাইলে এবং কম্প নিবৃত্ত হইলে গরম হালকা কাপড় গায়ে দেওয়া উচিত । এ অবস্থায় যত ইচ্ছা শীতল জল পান করিতে দেওয়া যায় । উত্তাপ বৃদ্ধি পাইলে মস্তকে বরফ প্রয়োগ করা আবশ্যিক হয় । বরফ দুপ্রাপ্য হইলে শীতল জলে সিকা (vinegar) বা ইউডিকলোন মিশ্রিত করিয়া দেওয়া যাইতে পারে । অরু অধিক কাল স্থায়ী হইলে প্রাণ, যকৃৎ প্রভৃতি বৃদ্ধি পাইবার বিশেষ সম্ভাবনা, এক্ষণে বিশেষ সাবধান হওয়া আবশ্যিক ।

১১৫ । ডিপ্‌থিরিয়া (Diphtheria)—ইহা অতি ভয়ানক সংক্রামক রোগ । ইহাতে রোগীর শ্বাস রোধ হইয়া মৃত্যু ঘটয়া থাকে । তবে শ্বশ্বের বিষয় এদেশে ইহাব বড় প্রাদুর্ভাব নাই । অল্প বয়স্কদিগেরই এ রোগ অধিক হইয়া থাকে । সবল অপেক্ষা দুর্বলের এবং পুরুষ অপেক্ষা স্ত্রীলোকেরই এই রোগ হইবার অধিক সম্ভাবনা । এই রোগে আক্রান্ত হইলে বাড়ীর শিশুসন্তানদিগকে স্থানান্তরিত করা কৰ্তব্য । রোগ উপস্থিত হইবার দুই একদিন পূর্ব হইতেই রোগী অত্যন্ত দুর্বলতা অনুভব করে । ক্রমে গলা ব্যথা হয়, বোণ্টা ঢোক গিলিতে কষ্টানুভব করে, নাকে মুখে শ্লেষ্মার স্ফায় পদার্থ নির্গত হইতে থাকে । রোগের প্রবল আক্রমণে তরল পদার্থ পান করিলে নাক দিয়া বাহির হইয়া পড়ে, কিন্তু কঠিন পদার্থ গিলিতে তত কষ্ট অনুভব হয় না ; স্বরভঙ্গ হইয়া যায় । ইহার কোন লক্ষণ দেখিলে তৎক্ষণাৎ চিকিৎসককে সংবাদ দেওয়া কৰ্তব্য । এ অবস্থায় রোগীর নিকট নিশ্বাস গ্রহণ করিলে অথবা রোগীর মুখচুষন করিলে এই রোগ জন্মিতে পারে ।

রোগীকে বিশুদ্ধ বায়ু সঞ্চালিত, সুপ্রশস্ত এবং অনার্দ্র গৃহে রাখিবে । ঘরের বায়ুর উত্তাপ যাহাতে সৰ্বদা সমান থাকে সে বিষয়ে বিশেষ দৃষ্টি

রাখা আবশ্যিক । রোগীর গৃহে যাহাতে জনতা না হয় এবং রোগী ধীর ও শান্ত ভাবে থাকিতে পারে তাহার ব্যবস্থা করিবে । রোগীর গাত্রে যাহাতে শীতল বায়ুর প্রবাহ না লাগিতে পারে তাহার উপায় অবলম্বন করিবে । যে বাড়ীতে রোগের উৎপত্তি হয় সে বাড়ীৰ পয়ঃপ্রণালী বৃন্দমা প্রভৃতি কোন কারণে দূষিত হইয়া থাকিলে রোগীকে সত্বরে অন্যত্র রাখিতে চেষ্টা করিবে ।

রোগী সহজেই নিস্তেজ হইয়া পড়িবার সম্ভাবনা, এজন্য পথ্যের বিশেষ ব্যবস্থা করা প্রয়োজন । বিফ্‌টী, মাংসের যুষ, কাচা ডিম এবং দুই ভাগ দুগ্ধে এক ভাগ চূণের জল মিশ্রিত করিয়া খাইতে দিবে । তরল দ্রব্য ব্যতীত অন্য কিছু খাইতে দিবে না । এ অবস্থায় রোগী গিলিতে অত্যন্ত কষ্টানুভব করে, এমন কি খাস রুদ্ধ হইয়া বিপদ ঘটবারও সম্ভাবনা হইতে পারে । এজন্য খাওয়াইবার সময় অতি সাবধানে অল্প অল্প করিয়া খাইতে দিবে এবং গলা ও বুক মাজিয়া দিবে । রোগী ইচ্ছা প্রকাশ করিলে বরফ চুষিয়া খাইতে দেওয়া যায় । দুগ্ধপোষ্য শিশুর এ রোগ হইলে শুষ্ক পান করিতে দেওয়া বিধেয় নহে । কারণ তদ্বারা মাতার অনিষ্ট হইতে পারে ।

এ রোগের প্রথম হইতে শেষ পর্য্যন্ত সংক্রামক বিষ যাহাতে ছড়াইতে না পারে তৎসম্বন্ধে বিশেষ উপায় অবলম্বন করা কর্তব্য । রোগীর গৃহ, ব্যবহার্য্য পাত্রাদি, বস্ত্রাদি, মলমূত্র এবং খুশু ও বমন ইত্যাদি এবং সুশ্রাবাকারীর হস্তাদি সংক্রমাপহ করিবার প্রণালী সম্বন্ধে বিশেষ বিবরণ ৩৮ পৃষ্ঠায় “সংক্রামক রোগে” দ্রষ্টব্য । রোগীর প্রখাসাদি অথবা উচ্চত প্লেমাডি যাহাতে কোন ক্রমে সুশ্রাবাকারীর মুখে না লাগে তৎসম্বন্ধে বিশেষ সাবধান হওয়া আবশ্যিক । এক খণ্ড পরিষ্কৃত পাতলা নেকড়া দুই ভাঁজ করিয়া তাহার মধ্যভাগে পাতলা একপুরু উৎকৃষ্ট তুলা বিছাইয়া

উক্ত নেকড়াখণ্ড শুশ্রূষাকারীর নাকে মুখে বাধিয়া লইলে উপরোক্ত আশঙ্কা দূর হইতে পারে । উক্ত নেকড়া একবার ব্যবহার করিয়াই পোড়াইয়া ফেলা উচিত । গামছা কিম্বা কুমালের পরিবর্তে পরিষ্কৃত নেকড়া ব্যবহার করাই উচিত এবং উহা একবার ব্যবহার করিয়াই পোড়াইয়া ফেলা কত্তব্য । রোগীর গৃহে কোন খাণ্ড দ্রব্য, বিশেষতঃ দুগ্ধ কখনই রাখিয়া দেওয়া উচিত নয় । যে গৃহে রোগী থাকে সে গৃহ অন্ততঃ একপক্ষকাল খালি রাখিয়া এবং নানা উপায়ে তাহা সংক্রমাপহ করিয়া তবে পুনরায় ব্যবহার করা কত্তব্য । কোন গৃহে এ রোগ ধরা পড়িলেই তৎক্ষণাতঃ রোগীকে হাঁসপাতালে পাঠাইবার ব্যবস্থা করা উচিত । কারণ গৃহস্থের বাড়িতে এ রোগের সূচিকিৎসা একরূপ অসম্ভব । কারণ এরোগীব. অবস্থা এত পরিবর্তনশীল ও সময় সময় এমন সাংঘাতিক হইয়া দাঁড়ায় যে হাঁসপাতালে না রাখিলে স্বব্যবস্থা অসম্ভব হইয়া পড়ে ।

১১৬ । ধনুষ্টঙ্কার (Tetanus)—এ রোগে প্রথমতঃ ঘাড় শক্ত হইয়া যায় এবং চোয়াল ধরিয়া যায় । রোগী কিছু গিলিতে পারে না, কারণ গিলিতে গেলেই নাক মুখ দিয়া বাহির হইয়া যায় । প্রবল অবস্থায় চোয়ালে খিল ধরে এবং গা হাত পায় এত খিঁচুনি হয় যে রোগী চিৎভাবে ধমুয় ত্রায় ঝাঁকিয়া যায়, কেবল পায়ের গোড়ালি ও মাথা শয্যায় ঠেকিয়া থাকে । কখন কখন ডান কিম্বা বাম পার্শ্বেও ঔরূপে ঝাঁকিয়া যায় । দাঁত মুখ খিঁচিয়া যায় এবং দেখিতে ভীষণ দেখায় । কখনও কয়েক মিনিট পবে, পরে কখনও বা কয়েক ঘণ্টা পরে পরে এইরূপ আক্ষেপ উপস্থিত হয় । কিন্তু যখন আক্ষেপ থাকে না তখনও পেশী সকল শক্ত থাকে, কেবল নিদ্রিত অবস্থায় স্বাভাবিক অবস্থা প্রাপ্ত হয় । আক্ষেপকালে অনেকক্ষণ পরে পরে শ্বাস বাহির হয় এবং চামড়া গরম হয় ও ঘামে ।

কখনও 'চাপ' লাগিয়া, কখনও ঋতুকালে শীতল জলে স্নানদ্বারা এবং অধিকাংশ স্থানে কোন প্রকার ক্ষত বা আঘাত হইতে এরোগ উৎপন্ন হইয়া থাকে। রোগের প্রথম লক্ষণ দেখিবামাত্র চিকিৎসক ডাক্তার কর্তব্য। আক্ষেপকালে ববক গুঁড়াইয়া উহা কাপড় কিম্বা খুলিতে করিয়া মেরুদণ্ডে প্রয়োগ করিলে বিশেষ উপশম হয়।

শিশুদিগের জন্মবার ৩ দিন হইতে ১০ দিনের মধ্যে সাধারণতঃ এরোগ হইতে দেখা যায়। শিশুকে মাই দিলে যদি তাহা টানিতে না পারে তবে চোয়াল ধরিয়াছে কিনা সর্বাগ্রে দেখা কর্তব্য। দূষিত বায়ু সেবনে, হিম লাগিয়া অথবা নাভিরজ্জ্বল কোন প্রকার উত্তেজনা বা অব্যবস্থায় শিশুদিগের এরোগ হইয়া থাকে। এবোগে শিশুদিগের পক্ষে মাতৃসুনাই ব্যবস্থায়। একটা চা-চামচের গোড়ায় নেকড়া জড়াইয়া তদ্বারা চোয়াল খুলিতে চেষ্টা করিবে এবং ৩ ভাগ দুগ্ধে ১ ভাগ চূণের জল মিশ্রিত করতঃ ক্রমে অল্প অল্প করিয়া মুখে ঢালিয়া দিবে। দুগ্ধে সম পরিমাণ চূণের জল মিশ্রিত করিয়া নদিনে দুই তিনবার এনিমা (৫৪ পৃষ্ঠা) দেওয়া আবশ্যিক। এসকল বিষয়ে চিকিৎসকের উপদেশানুযায়ী চলাই কর্তব্য।

১১৭। পাদ-রোগ (Tenderness of the feet)—
কাঠারও কাঠারও পায়ের তলা ঘামে এবং অত্যন্ত দুর্গন্ধযুক্ত হয়। অনেক এ অন্ত্রায় হাঁটিতে কষ্টানুভব করে এবং জুতা পবিত্রেও অনেক সময় লাগে। কোন কোন অঞ্চলে ইহাকে 'তালানে' বোগ বলে। শীতল জলে লবণ মিশ্রিত করতঃ তদ্বারা পা ধুইলে ইহা সত্বরে ভাল হইবে। প্রতি রাত্রিতে ২০ মিনিট শীতল জলে পা ডুবাইয়া পায়ের তলা রগড়াইলে এবং তৎপর উত্তমরূপে পা মুছিয়া গরম মোজা ব্যবহার করিলে বিশেষ উপকার দর্শে। পা ঘামিলে এবং দুর্গন্ধযুক্ত হইলে প্রতিদিন

২১৩ বাব পা খুইলে এবং পায়ের তলায় সর্ষপ তৈল মাখিলেও বিশেষ উপকার হয় ।

১১৮ । প্লুরিসি (Pleurisy)—রোগীর গৃহ বাহাতে শীতল না হয় এবং সর্বদা সমভাবে উষ্ণ থাকে তাহাব ব্যবস্থা করিতে হইবে । গৃহে বাহাতে পরিষ্কৃত বায়ু সঞ্চালনের ব্যাঘাত না হয় সে বিষয়ে বিশেষ দৃষ্টি রাখিতে হইবে । রোগ যত কম কথা বলে এবং নড়াচড়া করে ততই ভাল । অধিক লোকেব নিশ্বাস প্রস্থাসে গৃহের বায়ু দূষিত হইবার সম্ভাবনা, এজন্য গৃহে অধিক লোকের সমাগম হইতে দেওয়া উচিত নহে । রোগীর গাত্রে বাহাতে ঠাণ্ডা লাগিতে না পারে সে বিষয়ে বিশেষ সতর্ক হওয়া প্রয়োজন । গাত্রে ফ্ল্যানেল ইত্যাদি গরম কাপড়ের জামা ব্যবহার করা আবশ্যিক । অনেক সময় বুকের উপর 'স্পঞ্জিও পিলাইন' (spongio piline) বা তুলা দ্বারা ঢাকিয়া তদুপরি জামা ব্যবহার করিতে হয় । ইহা অতি সাংঘাতিক রোগ, এজন্য স্তম্ভিকিংসকের ব্যবস্থানুযায়ী চলাই কর্তব্য । পীড়ার উপশম অবস্থায়ও বিশেষ সাবধান হওয়া কর্তব্য । কারণ এ অবস্থায় বিশেষতঃ অল্প কক্ষি বর্তমান থাকিলে অতি সহজেই ঠাণ্ডা লাগিয়া পুনরায় রোগ বৃদ্ধি পাইতে পারে ।

১১৯ । প্লেগ্ (Plague)—প্লেগের প্রকৃত অর্থ মড়ক বা মহামারী । এই নূতন বোগে মড়ক উপস্থিত হয় বলিয়া ইহার এই বিশেষ নামকরণ হইয়াছে । এরোগে প্রথমতঃ কুচ্কি ও বগল প্রভৃতি কুলিয়া জ্বর হয় বলিয়া উহাকে 'বিউবনিক্ প্লেগ্' অথবা চলিত ভাষায় শুধু "প্লেগ্" বলা হইয়া থাকে । সংক্রামকতা ও বিষাক্ততার জন্য প্লেগ্ অতি ভীষণ ব্যাধি বলিয়া পরিগণিত হইয়াছে । তবে প্রকার ভেদে সংক্রামকতার তারতম্য । বিউবনিক প্লেগ্ তত সংক্রামক নহে ।

বিচি যখন পাকিয়া কাটিয়া যায়, তখনই বিপদের আশঙ্কা । কিন্তু নিউ-মোনিয়া বা উদরাময় সংঘটিত প্লেগের বিষ বায়ুতে বা বস্ত্রে লিপ্ত থাকে ; সুতরাং ব্যাপ্ত হইবার সম্ভাবনা অত্যন্ত অধিক । ওলাউঠা প্রভৃতি সংক্রামক রোগের গ্রাম প্লেগ ও বিষাক্ত বীজাণু হইতে সংক্রামিত হয় । এই বীজাণু শ্বাসপথে, দেহস্থ কোন ক্ষত স্থানের মধ্যদিয়া কিম্বা অন্তবহা নালীর দ্বারা জীবশরীরে প্রবিষ্ট হয় । সূর্য্যকিরণে ও বায়ু-প্রবাহে এই রোগোৎপাদক বীজাণুর জীবনী শক্তি লোপ পায় এবং অন্ধকারে ও বায়ুর সঞ্চারণ-হীন স্থানে ইহার বীজাণু সমূহ পরিবর্তিত অবস্থায় থাকে । এজন্য ময়লা ও আবর্জনা পূর্ণ অন্ধকারময় স্থানে ইহার প্রকোপ অত্যন্ত অধিক । ইহার সংক্রামকতা ইন্দুর হইতে ইন্দুরে, এবং ইন্দুর হইতে মানুষে বিস্তৃত হইয়া থাকে । এজন্য ইন্দুরকুলের ধ্বংস বিধান করা ইহার সংক্রামকতা নিবারণের একটি প্রকৃষ্ট উপায় বলিতে হইবে ।

অনিয়মিত পানাহার, অপরিষ্কৃত স্থানে বাস, আবর্জনা মিশ্রিত বায়ু সেবন এবং আলোকহীন ও বায়ু চলাচল শূন্য স্থানে অবস্থান দ্বারা এ রোগ উৎপন্ন হইতে পারে । এজন্য নিম্ন শ্রেণীর লোকদিগেরই এ রোগ অধিক হইতে দেখা যায় । প্লেগের প্রাচুর্য কালে ময়লাদি নির্গমনের সুবন্দোবস্ত, বিশুদ্ধ পানীয় জলের ব্যবস্থা, এবং বাড়ী ঘর ও পয়ঃ-প্রণালী সমূহ বিশেষ ভাবে পরিষ্কার পরিচ্ছন্ন রাখার ব্যবস্থা করা নিতান্ত প্রয়োজন । প্লেগের সময়ে চক্ষোপরি কোন ক্ষত বিশেষ আশঙ্কাজনক । কারণ রোগবীজ চর্ম্মদ্বারা দেহ হইতে দেহান্তরে প্রবিষ্ট হইতে পারে । বাড়ীতে ইন্দুর মরা প্লেগের একটা প্রধান লক্ষণ । এজন্য বাড়ীতে ইন্দুর মরিতে আরম্ভ হইলে হয় বাড়ী পরিত্যাগ করিবে নতুবা সংক্রমণ নাশক (৪ পৃষ্ঠা) ঔষধাদি দ্বারা বিহিত উপায়ে বাড়ী বিশুদ্ধ করিয়া লইবে । বাড়ীতে কেহ কোন সংক্রামক রোগে মারা গেলে যে ব্যবস্থা (৩৮ পৃষ্ঠা)

করিবার প্রয়োজন হয় ইহাতেও তাহাই করা কর্তব্য । সংক্রমণ নাশক ঔষধের মধ্যে পারক্লোয়াইড্ লোশনই সর্বোৎকৃষ্ট ।

প্লেগবিষ দেহে প্রবিষ্ট হইলে কোন কোন স্থলে দুই চারি ঘণ্টার মধ্যেই রোগ প্রকাশ পায় ; কোন কোন স্থলে বা বিলম্ব হয় । রোগবিষ কোন কোন স্থলে ৭ হইতে ১০ দিবস পর্য্যন্ত, এমন কি কখনও ১৫ দিবস পর্য্যন্ত গুপ্তাবস্থায় থাকিয়া পরে রোগ দেখা দিয়াছে । প্রকৃত রোগ প্রকাশ পাইবার পূর্বে কতকগুলি পূর্ব লক্ষণ দেখা যায়, যথা—ক্ষুধা-হীনতা, মাথাঘোরা, অলসভাব, হস্ত পদে বেদনা বা কামড়ানি, বুক ধড়ফড় করা এবং কৃচ্কি কিহ্মা বগলে ঈষৎ বেদনা অনুভব হয় । তৎপর রোগ প্রকাশ পাইলে প্রবল জ্বর এবং বিকারের লক্ষণ সকল প্রকাশ পায় । ক্রমে অর্চৈতন্ত অবস্থা উপস্থিত হয় এবং কোন কোন স্থলে রোগ বৃদ্ধি পাইলে রোগী অজ্ঞানাবস্থাতেই থাকে, আবার কখনও বা বৃত্তার প্রাক্কাল পর্য্যন্ত রোগীর সম্পূর্ণ জ্ঞান থাকে । অনেকেই রোগের স্থায়িত্ব কাল ৪।৫ সপ্তাহ পর্য্যন্ত বলিয়া নির্দেশ করেন । অধিকাংশ স্থলে রোগী প্রথম সপ্তাহেই মৃত্যুমুখে পতিত হয় । চারি সপ্তাহ কাটিয়া গেলে যদি অপর কোন নূতন উপসর্গ উপস্থিত না হয় তবে রোগী প্রায়ই আরোগ্য প্রাপ্ত হয় । কিন্তু শারীরিক দৌর্কল্যা দূর হইতে আরো অধিক সময়ের আবশ্যক হয় । এজন্য রোগীকে ৬ সপ্তাহ কাল পর্য্যন্ত শয্যাত্যাগ কবিত্তে অনেকে নিষেধ করেন । দৌর্কল্যাই এরোগের প্রধান ভয়ের কারণ ।

প্লেগের প্রকৃত চিকিৎসা অণুপি আবিষ্কৃত হয় নাই । তবে সুবিখ্যাত প্লেগ্ চিকিৎসকদিগের অভিজ্ঞতার ফলে যতদূর জানা গিয়াছে তাহা সংক্ষেপে বিবৃত করা গেল । যাহা হউক কাহারো প্লেগ্ হইয়াছে জানিতে পারিলেই অবস্থাহীন রোগীকে হাঁসপাতালে প্রেরণ করা কর্তব্য । সরকারী চিকিৎসকদিগের অধীনে থাকা দরিদ্রদিগের পক্ষে

বহু বিষয়ে সুবিধা জনক । কারণ বাড়ীতে থাকিলে তাহাদিগের কোন প্রকার চিকিৎসা কিম্বা নিয়মাদি প্রতিপালন করা অসম্ভব । বসন্ত প্রভৃতি সংক্রামক রোগের ঞায় প্লেগ্ বোগেরও স্বতন্ত্রীকরণ ব্যবস্থাই প্রধান উপায় । ইহার সংক্রামকতাব প্রতিষেধক সম্বন্ধে ঠিক বসন্ত রোগের ঞায়ই ব্যবস্থা করিতে হইবে । রোগী আবোগ্য লাভ করিলেও মাসাধিক কাল স্বতন্ত্র গৃহে রাখার প্রয়োজন ।

যথেষ্ট বায়ু সঞ্চালিত গৃহে তক্তপোষ বা খাটের উপর পরিষ্কৃত শয্যায় বোগীকে শয়ন কবাইবে । গৃহের উত্তাপ সমভাবে রক্ষা করা আবশ্যিক । যাহাতে অত্যন্ত উষ্ণ অথবা শীতল না হয় তদ্বিষয়ে দৃষ্টি রাখা কর্তব্য । রোগীকে কখনই অন্ধকারময় অথবা অন্ধ গৃহে রাখিবে না । যাহাদের দ্বিতল বা ত্রিতল বাটী আছে তাঁহারা সকলের উপরের তলার কোন স্বতন্ত্র কক্ষে এবং যাহাদের একতলা গৃহ তাঁহারা ছাদের উপর ঘর করিয়া অথবা একতলার এক পাশের ঘরে রোগীকে রাখিতে পারেন । বোগীব গৃহ হইতে কোন দ্রব্যাদির সংক্রামকতা বিনষ্ট না করিয়া বাহির কবিবে না । রোগীর গৃহে নিতান্ত প্রয়োজনীয় দ্রব্যাদি বাতাত অপর কিছু রাখিবে না । সমুদায় দরজা জানালা বা বায়ুর প্রবেশ পথে কাপড় কুলাইয়া তাহা কার্বলিক বা পারক্লোরাইড লোশন দ্বারা ভিজাইয়া রাখিবে । এ সকল বিষয়ে বসন্ত রোগের নিয়মাদি এবং ৩৮ পৃষ্ঠা দ্রষ্টব্য ।

কোন কারণেই রোগীকে শয্যা ত্যাগ করিতে দিবে না । বিছানায় মলমূত্র ত্যাগের বন্দোবস্ত করিয়া দিবে । প্রলাপ অবস্থায় মস্তক কেশ-শূন্য করিয়া বরফ প্রয়োগ করিবে অথবা শুদভাবে শীতল জল বা ইউডি কলোন্ প্রভৃতি ব্যবহার করিবে । বমন বা গা বমি বমি বর্তমান থাকিলে ওলাউঠার ন্যায় বমননিবারক ঔষধাদি ব্যবস্থেয় । এ রোগে কখন কখন পিপাসা অতিশয় প্রবল হয় । একরূপ হইলে অধিক পরিমাণে শীতল

ক্লম পান করিতে দিবে। প্রয়োজন হইলে পিপাসানিবারক ঔষধাদির ব্যবস্থা করিবে।

বোগীকে সহজ পরিপাচ্য পথ্য অল্প পরিমাণে পুনঃ পুনঃ দিবে। একবারে পেট ভরিয়া খাইতে দিবে না। তুষ্কের সহিত ভাতের মণ্ড অথবা সোডা ওয়াটার মিশ্রিত করিয়া অল্পে অল্পে খাইতে দিলে তৃষ্ণারও নিবৃত্তি হইবে এবং লঘু পথ্য বিধায় সহজে পরিপাকও হইবে। এতদ্ব্যতীত চিকেন্ ব্রথ্, এক্‌ষ্ট্রাক্ট্, অব্ মিট্ প্রভৃতি অথবা শিল্পী বা মাগুর মাছের যক, মুগ বা মসুরির যক, সাগু, বালি প্রভৃতি এবং বেঞ্জার্স্ ফুড্ ইত্যাদি পথ্য ব্যবস্থেয়। আঙ্গুর ও বেদনার রসও কিয়ৎ পরিমাণে দেওয়া যাইতে পারে।

প্লেগের বাজু বায়ু মণ্ডলের উর্দ্ধস্তরে উঠিতে পারে না। মৃত্তিকাই প্লেগ্ সংক্রমণের প্রধান ক্ষেত্র। এজন্য প্লেগেব সময় অনাবৃত পদে পবিত্রমণ করা উচিত নহে। অভাব পক্ষে পায়ের তলাতে উত্তমরূপে তৈল মর্দন পূর্বক চলা ফেরা করা বিধেয়। চক্ষের উপরিস্থ ক্ষত দ্বারা প্লেগ বিষ সহজেই দেহে প্রবিষ্ট হইতে পারে, এজন্য প্লেগের প্রাদুর্ভাবকালে এ বিষয়ে বিশেষ সতর্কতা অবলম্বন করা কর্তব্য। স্নানের পূর্বে সন্ধ্যাে উত্তম সর্ষপ তৈল বিশেষভাবে মর্দন করিয়া প্রতিদিন স্নান করা উচিত। কোন স্থানে ফোড়া কিম্বা বেদনা বোধ হইলে চিকিৎসকের আশ্রয় লওয়া কর্তব্য। এ সময়ে সকল বিষয়েই সাধারণ স্বাস্থ্যরক্ষার উপায়াদি অবলম্বন করা নিতান্ত আবশ্যিক। মলিন ও ঘর্ম্মসিক্ত বস্ত্রাদি ব্যবহার এবং পচা বা দুগ্ধাচ্য দ্রব্যাদি আহার একবারে পরিত্যাগ করিবে। বিছানা প্রভৃতি প্রতিদিন রৌদ্রে উত্তমরূপে শুষ্ক করিয়া লওয়া আবশ্যিক। অনেকের মতে পেঁয়াজ এবং নিমপাতা খাওয়ায় বিশেষ উপকার দর্শে। প্লেগের প্রাদুর্ভাবকালে প্রতিদিন প্রাতে এবং

বিকালে কিছু আহারের পর এক আউন্স দুগ্ধে ১০ ফোটা ক্রিওজোটেল (creosotal) খাইলে রোগের আক্রমণ হইতে রক্ষা পাওয়া যাইতে পারে। শিশুদিগকে ৩ হইতে ৫ ফোটা পর্য্যন্ত দেওয়া যাইতে পারে। এক গৃহে অধিক লোক থাকা কর্তব্য নয়। বাজারের মিষ্ট দ্রব্যাদি আহার এ সময়ে যথাসাধ্য বর্জন করা উচিত। বাড়ীতে কোন প্রকার আবর্জনা রাখা কর্তব্য নয়। পারক্লোরাইড্ লোশন্* দ্বারা বাড়ী উত্তম-রূপে ধৌত করা উচিত। সকল স্থান যাহাতে খটখটে থাকে এবং যাহাতে সকল স্থানে আলোক ও বায়ু চলাচলের ব্যবস্থা হইতে পারে তাহার উপায় অবলম্বন করিবে। ঘরের ভিতরে যাহাতে রাত্রিদিন অবাধে বিশুদ্ধ বায়ু চলাচল হইতে পারে তাহার ব্যবস্থা করা কর্তব্য। ঘরের মেজেতে না শুইয়া খাট, তক্তপোষ প্রভৃতিতে শয়ন করা উচিত। প্লেগ্ রোগীর শুক্রা করিবার সময় জুতা পরিয়া থাকা উচিত এবং শরীরে বাগাতে কোন প্রকার ক্ষত না থাকে তাহা দেখা উচিত। রোগীর গৃহ হইতে বাহির হইবার সময় কার্বলিক লোশন্ বা কার্বলিক সাবান প্রভৃতির দ্বারা হস্তপদাদি ধোয়া কর্তব্য। রোগীর শুক্রা করিলেই প্লেগে আক্রান্ত হইবে ইহা ঠিক নহে। সর্বপ্রকার নিয়মাধীন হইয়া চলিলে এবং পরিষ্কার পরিচ্ছন্ন থাকিলে কোন ভয়ের কারণ নাই।

১২০। ফুস্ফুসের প্রদাহ বা নিউমনিয়া (Pneumonia)—সাধারণতঃ প্রথমে সর্দি কাসি ও প্রবল জ্বর হইতে ক্রমে এরোগ উৎপন্ন হইয়া থাকে। রোগের প্রারম্ভে সাবধানতা অবলম্বন

* রসকপূর (Hydrarg. Perchlor)	৪ ড্রাম
হাইড্রোক্লোরিক এসিড (Strong. Hydrochloric Acid)	১ আউন্স
জল	১৫ সের

একত্রে মিশ্রিত করিলে লোশন প্রস্তুত হইল।

କରିଲେ ରୋଗ ଯୁକ୍ତ ହିସାବର ସମ୍ଭାବନା ଥାଏ । ଏ ରୋଗେ ବୁକେ ବେଦନା ଅନୁଭୂତ ହୁଏ, ସନ ସନ ନିଶ୍ଵାସ ପ୍ରଶ୍ଵାସ ହୁଏ ଏବଂ ଉଚ୍ଚ ପ୍ରାୟ ୧୦୫ କିଣ୍ଟା ୧୦୫ ଡିଗ୍ରୀ ହିସା ଥାଏ । ଇହା ସାଂଘାତିକ ରୋଗ, ଏକତ୍ର ପ୍ରଥମ ହିସାରେ ଉଚ୍ଚ ଚିକିତ୍ସକେର ଆଶ୍ରୟ ଲାଭ କରିବା । ଅନେକ ସମୟ ଅସାଧ୍ୟତାର ଉଚ୍ଚ ହିସା ଏ ରୋଗ ଉତ୍ପନ୍ନ ହିସା ଥାଏ ।

ରୋଗୀକେ ସର୍ବଦା ଶୟାୟ ରାଖିବେ । ଗୃହେର ବାୟୁ ସର୍ବଦା ସମତୁଳ୍ୟାପବିଶିଷ୍ଟ ରାଖିବେ ଏବଂ ଯାହାତେ କୋନ ପ୍ରକାର ଶୈତ୍ୟ ନା ଲାଗିତେ ପାରେ ତାହାର ଉପାୟ ଅବଲମ୍ବନ କରିବେ । ରୋଗୀକେ ଅଧିକ କଥା ବାଳିତେ ଅଥବା ନିଢିତେ ଚାଡ଼ିତେ ଦିବେନା । ଗୃହେ ଅଧିକ ଲୋକ ସମାଗମ ହିସାରେ ଦେଖା କରିବା ନାହିଁ । ଲଘୁ ପାକ ଓ ପୁଷ୍ଟିକର ଉପାୟ ଏବଂ ଉଚ୍ଚ ଓ ବ୍ରଥ ପ୍ରଭୃତି ଧାରିତେ ଦେଖା ଉଚିତ ।

ବୁକେ ପୁଷ୍ଟିକ ଦିତେ ହିସାରେ—ଏକଟା ବଡ଼ ତିସିର ପୁଷ୍ଟିକ୍ ଅଥବା ଗରମ ଜଳେ ସ୍ପଞ୍ଜିଓ ପିଲାଇନ୍ (Spongio-piline) ଡିଜାଇନ୍ ତାହା ନିଢ଼ାଇନ୍ ବୁକେର ଉପର ପ୍ରୟୋଗ କରିବେ । ପୁଷ୍ଟିକ୍ ଦେଖା ହିସାରେ ଗେଲେ ତୂଳା ଦ୍ଵାରା ବୁକ ବାଧିୟା ରାଖିବେ ।

୧୨୧ । ଫୋଡ଼ା (Boils)—ଫୋଡ଼ାର ଭିତରେ ଶାଦା ଭାତେର ଗ୍ରାସ ଏକ ପ୍ରକାର କଠିନ ପଦାର୍ଥ ଥାଏ, ଯାହାକେ ଚଳିତ ଭାଷାରେ “ଭାତୁଡ଼ି” ବାଲେ । କିନ୍ତୁ ବ୍ରଜ-ଶୋଧେ ଇହା ଥାଏ ନା । ଫୋଡ଼ା ଅତି କ୍ରୁଦ୍ଢ ହିସାରେ ଅତିଶୟ ବୁହଂ ହିସା ଥାଏ । ବଡ଼ ଫୋଡ଼ା ସଚରାଚର ଡାନାୟ, ବଗଲେ କିଣ୍ଟା ପାହାୟ ହିସା ଥାଏ । କଥନ କଥନ ଫୋଡ଼ାସ୍ଥାନ କୁଲିୟା ବେଦନା ହୁଏ ଏବଂ ପୁଁୟ ନା ଜନ୍ମିୟା ଆପନା ହିସାରେ ବସିୟା ଯାଏ । ସାଧାରଣତଃ ଏହି ସକଳକେ ଆଧା ଫୋଡ଼ା (Blind boils) ବାଲେ । ଅନେକ ସମୟ ଯକ୍ଷ୍ମକେ ଚୂଲେର ଗୋଡ଼ାୟ ବହୁସଂଖ୍ୟକ ଫୋଡ଼ା ହିସାରେ ଦେଖା ଯାଏ । ବିଶେଷତଃ ଶିଶୁଦିଗେରହି ଏକ୍ରମ ଅଧିକ ହିସା ଥାଏ । ଅପରିକ୍ଷିତ ବାୟୁ ସେବନ, ଅସ୍ଵାସ୍ଥ୍ୟକର ଆହାରାଦି ଏବଂ ଅଧିକ ଅମଜ୍ଜନିତ ଶାରୀରିକ ଦୌର୍ବଳ୍ୟ ପ୍ରଭୃତି ନାନା କାରଣେ ଉଚ୍ଚ

দূষিত হইয়া ফোড়া জন্মিয়া থাকে । শিশুদিগের দাঁত উঠিবার সময়ও অনেক সময় ফোড়া হইয়া থাকে । গ্রীষ্মকালে আমের সময় সচরাচর গাত্রে অনেক ফোড়া হইয়া থাকে । আম খাওয়াতেই ওরূপ হয় বলিয়া অনেকে মনে করেন এবং এই সকল ফোড়াকে সাধারণতঃ 'আম-ফোড়া' বলা হয় । কিন্তু বাস্তবিক আন খাইলে ফোড়া হওয়ার কোন কারণ নাই । অতিরিক্ত গরমেই ওরূপ হইয়া থাকে ।

ফোড়া হইলে সাধারণ স্বাস্থ্য সাহায্যে ভাল থাকে তদ্বিষয়ে মনোযোগী হওয়া কৰ্ত্তব্য । টাটকা শাক সব্জি আহার করা উচিত । ফোড়ায় তোকবানাম বা তোকমারিব প্ৰিন্টিশ্ (৫২ ও ৫৪ পৃষ্ঠা) ব্যবহার করিলে বিশেষ উপকার হয় । পৃথ জন্মিলে গালিয়া দেওয়া উচিত অথবা প্রয়োজন হইলে ডাক্তার দ্বারা অস্ত্র করান কৰ্ত্তব্য । ফোড়ার পূর্ব লক্ষণ স্বরূপ কোন কোন স্থান লাল হইয়া কিম্বা ফুলিয়া বেদনায়ুক্ত হইলে চূণ মাখাইয়া রাখিলে উপকার হয় । ফোড়ার সূচনা হইতে কাকলিক্ লোশন্ দ্বারা ভিজাইয়া রাখিলে অথবা পটি দিলে অঙ্কুবেই বিনষ্ট হইতে পারে । কাকলিক্ লোশন্ ফোড়ার সকল অবস্থাতেই বিশেষ উপকারী । ফোড়া পাকিয়া গেলে অস্ত্রদ্বারা হটুক অথবা অল্প উপায়েই হটুক গলাইয়া দেওয়া এবং উহা হইতে 'ভাতুড়ি' উত্তমরূপে বাহির করিয়া ফেলা নিতান্ত আবশ্যিক । মুখে ব্রণ বা ফোড়া হইলে কখনও ছোরে টিপিয়া দিবে না । এরূপ করিলে ফোড়া 'বিষাইয়া' যাইতে পারে । ফোড়া পাকিয়া গেলে টিপিলে তত অনিষ্টের কারণ নাই । গাথায় ফোড়া হইলে অতি সাবধানে ক্ষুর বুলাইয়া নেড়া করিয়া দেওয়া উচিত । লোমকৃপের গোড়ায় অত্যন্ত বেদনায়ুক্ত একপ্রকার ক্ষুদ্র ফোড়া হইয়া থাকে তাহাকে 'লোমফোড়া' বা 'বিষফোড়া' বলে । উহার মুখ যাহাতে ছিঁড়িয়া না যায় সে বিষয়ে বিশেষ সাবধান হওয়া কৰ্ত্তব্য ।

মুখে ব্রণ (বয়সফোড়া) হইলে তৈল মাখা কর্তব্য নহে । যাহাতে উহার মুখ ছিঁড়িয়া না যায়, সৰ্বদা সে বিষয়ে সতর্ক থাকিতে হইবে । কাঁচা অবস্থায় মুখ ছিঁড়িয়া গেলে এঁরসিপেলান্স (২৩২ পৃষ্ঠা) হইতে পারে । দেহের অন্য স্থানে ফোড়া হইলেও যাহাতে উহার মুখ ছিঁড়িয়া না যায় এবং উহাতে তৈল না লাগে সে বিষয়ে বিশেষ সতর্ক হওয়া প্রয়োজন ।

১২২ । ম্যালেরিয়া (Malaria)—বর্তমান বৈজ্ঞানিক-দিগের মতে মশকের দংশনই ম্যালেরিয়া জ্বরের উৎপত্তির কারণ বলিয়া নির্দেশিত হইয়াছে । যে সকল স্থানে খাল বিল প্রভৃতিতে জল আবদ্ধ হইয়া থাকে এবং জল নিকাশের কোন উপায় নাই সেই সকল কর্দমাক্ত জলাভূমি প্রভৃতিতেই মশার আধিক্য দেখিতে পাওয়া যায় । মশাই ম্যালেরিয়ার বিষ উত্পত্তিঃ সংক্রামিত করে । কিন্তু এক প্রকার বিশেষ জাতি ভিন্ন অপর সকল মশা সংক্রামক নহে । ম্যালেরিয়ার বিষ-সংক্রামক-মশা সূর্যাস্তের পর হইতে সমস্ত রাত্রি উড়িয়া বেড়ায় । অতএব মশাব কামড় হইতে রক্ষা পাওয়ার জন্ত মশারি খাটাইয়া শুইবার ব্যবস্থা করা আবশ্যিক এবং অপর সমস্ত জামা, জুতা, কাপড় প্রভৃতি দ্বাৰা বেশ করিয়া গা ঢাকিয়া রাখা উচিত । এক্ষেপে মশাব কামড় হইতে সাবধান হইতে পারিলে ম্যালেরিয়ার হাত হইতে পরিত্রাণ পাওয়া যায় ।

ম্যালেরিয়া জ্বরের লক্ষণ এই যে কম্প দিয়া জ্বর আসে এবং সাধারণতঃ কণস্থায়ী হয় অর্থাৎ একজ্বর না হইয়া একদিন, দুইদিন বা তিন দিন অন্তর জ্বর আসে । প্রায়ই পালাজ্বর হয় অর্থাৎ প্রতিদিন ঠিক একই সময়ে জ্বর আসে । জ্বর অধিক দিন স্থায়ী হইলে প্ৰীহার বৃদ্ধি হেতু রোগীর পেট বড় হইতে থাকে ।

কুইনাইন (Quinine) ব্যবহাবই ম্যালেরিয়া জ্বরের একমাত্র অব্যর্থ

ঔষধ বলা যাইতে পারে। নিয়মিতরূপে কুইনাইন খাইলে ম্যালেরিয়ার বিষ নষ্ট হইয়া থাকে। তবে অনিয়মিতরূপে এবং ইচ্ছামত কখন কখনও ব্যবহার করিলে কোন ফল নাই। আবার অল্পমাত্রায় ব্যবহারে জ্বরের আক্রমণ হইতে আপাততঃ রক্ষা পাইলেও তদ্বারা স্থায়ী উপকারের সম্ভাবনা নাই। গর্ভমেণ্টের সুব্যবস্থায় এখন প্রত্যেক ডাকঘরেই কুইনাইনের বড়ি কিনিতে পাওয়া যায়।

জ্বরের বিরাম হইবার অপেক্ষা না করিয়া রোগের লক্ষণ প্রকাশ হওয়া মাত্রই কুইনাইন ব্যবহার করা উচিত। তবে যে সকল স্থলে রোগী বারংবার বমন করিতে থাকে সেই সকল স্থলে হঠাৎ কুইনাইন না দিয়া কিছুকাল অপেক্ষা করা কর্তব্য। কারণ বমন ইত্যাদি বন্ধ না হওয়া পর্যন্ত কুইনাইন খাওয়ান সঙ্গত নয়। পক্ষান্তরে যদি জ্বর না থাকে এবং কুইনাইন ব্যবহার করিয়াও কোন ফল না দর্শে তাহা হইলে উপযুক্ত চিকিৎসকের সাহায্য গ্রহণ করা উচিত। কিন্তু যদি জ্বর অনিয়মিতরূপে আক্রমণ কবে এবং নির্দিষ্ট সময়ে আক্রমণ না করে অথবা বিশেষ কোন কারণ বর্তমান না থাকিলেও জ্বর বন্ধ হয় তাহা হইলে জানিতে হইবে যে উহা কুমি জনিত জ্বর। ম্যালেরিয়া ও কুমি এটিত জ্বরের প্রধান পার্থক্য এই যে ম্যালেরিয়ার জ্বর প্রায়ই পালাজ্বর হয় কিন্তু কুমি ঘটিত জ্বরে এরূপ কোন নির্দিষ্ট সময় থাকে না। পূর্ববঙ্গ ও আসাম প্রদেশেই কুমিঘটিত জ্বর সাধারণতঃ দেখা গিয়া থাকে।

ম্যালেরিয়ার মধ্যে কালা-জ্বর অতিশয় সাংঘাতিক। আসাম প্রদেশেই বিশেষভাবে এই জ্বর দৃষ্ট হইয়া থাকে। পাহাড়ের নিম্ন ভাগস্থ তেড়াই নামক স্থান সমূহেই ইহার অধিক প্রাদুর্ভাব দেখিতে পাওয়া যায়। ইহার লক্ষণ এই যে জ্বরের আক্রমণের সঙ্গে সঙ্গে পিত্তবমন, উদরাময় এবং কালচে রংয়ের প্রস্রাব হয়। এরোগে অতি অল্প রোগীই মৃত্যুর হাত হইতে

রক্ষা পাইয়া থাকে । এই সাংঘাতিক রোগের লক্ষণ দেখা দিবামাত্র সুদক্ষ চিকিৎসকের শরণাপন্ন হওয়া কর্তব্য । কাল-জ্বরে কুইনাইন অতিশয় অনিষ্টকর এবং বিপদজনক । এজন্য কুইনাইন ব্যবহারের পূর্বেই এই সকল লক্ষণ দেখা দিলে আর কুইনাইন ব্যবহার করিবে না এবং যদি পূর্বে হইতে কুইনাইন ব্যবহৃত হইয়া থাকে এবং পবে দেখা যায় যে প্রস্রাবের রং কালচে হইতেছে তাহা হইলে তৎক্ষণাৎ কুইনাইন ব্যবহার বন্ধ করিয়া দিবে । এই গুরুতর ব্যাধির লক্ষণ দেখা দিলেই রোগীকে শয়ন করাইয়া রাখিবে এবং অবিলম্বে চিকিৎসকের ব্যবস্থা গ্রহণ করিবে ।

ম্যালেরিয়ার জ্বরে রোগীকে উপবাস করাইবার প্রয়োজন নাই । কারণ উপবাসে জ্বর নিবারণের কোন সহায়তা হয় না । তবে রোগীকে লঘু পথ্য দিবার একমাত্র কারণ এই যে যদি রোগী গুরুপাক খাদ্য পরিপাক করিতে না পারে তাহা হইলে অজীর্ণ হইবে এবং অধিকাংশ স্থলেই উহা বমি হইয়া যাইবে । ইহাতে আরও রোগীর ক্রান্তি বৃদ্ধি পাইবে । এজন্য রুগ্নাবস্থায় প্রত্যেকেই যথেষ্ট পরিমাণ লঘুপাক খাদ্য গ্রহণ করা বিধেয় । একথা স্মরণ রাখা কর্তব্য যে অনাহার বা স্বল্পাহার দ্বারা রোগের উপশম হয় ন্না, বরং উহাতে রোগী অতিশয় দুর্বল হইয়া পড়ে এবং আরোগ্য দীর্ঘ সময় সাপেক্ষ হইয়া পড়ে ।

১২৩ । রক্তশূন্যতা (Anæmia)—আহারের অন্নতা, অন্ধকার গৃহে বাস, অবিশুদ্ধ বায়ুসেবন ও কায়িকশ্রমের অভাব, অতিশয় মানসিক উদ্বেগ, স্ত্রীসম্মেতে স্থানে বাস এবং বিবিধ রোগের প্রকোপে শরীরের রক্ত কমিয়া যায় । স্ত্রীলোকের ঘন ঘন সন্তান প্রসব এবং দীর্ঘকাল গুণ্ঠদান হেতু অনেক সময় রক্ত শূন্যতা হইয়া থাকে । অর্শ, প্লীহা, প্রস্রাবের পীড়া প্রভৃতি দীর্ঘকালব্যাপী রোগ ভোগও ইহার একটা কারণ ।

এরোগ হইলে শরীর কেবাসে হইয়া যায়, হাতের তলা শাদা হয়, চক্ষুর জ্যোতি কমে, চক্ষে কালিনা পড়ে, চোখের পাতার ভিতরের দিক্‌ সোট এবং মুখ পাংশু বর্ণ ধারণ করে। দেহ শীর্ণ হইলেও মুখের চেহারা চল চলে হয়। এ অবস্থায় রোগী খিটখিটে মেজাজের, পরিশ্রমকাতর এবং নিস্তেজ হয়। পায়ের তলা সর্বদা ঠাণ্ডা থাকে, কিন্তু হাতের তলা প্রায়ই জ্বালা করে। ক্ষুধা বিগুড়ে যায় এবং প্রায়ই মাথাধরা, পেটের অসুখ এবং সর্দি প্রভৃতি দেখা যায়। মাঝে মাঝে গা হাত পায় বেদনা অনুভূত হয়। স্ত্রীলোকদিগের ঋতুর নানা বিপদায় ঘটে, কখনও স্বল্পস্রাব, কখনও স্রাবাধিকা, কখনও বা জলবৎ বা পাতলাস্রাব হইয়া থাকে এবং ঋতু বন্ধনাদায়ক হয়। প্রায় স্ত্রীলোকমাত্রেই শ্বেত প্রদর দেখা দেয়। রোগ হইত বৃদ্ধি পায়, ক্রমে ঘন শ্বাস হয়—বিশেষতঃ উপরনীচ করিবার সময় বুক ধড়্‌ফড়্‌ করে, বামপার্শ্বে বেদনা অনুভূত হয়, কাণ ভোঁ ভোঁ করে এবং শরীর অবসন্ন বোধ হয়। এই অবস্থা অধিককাল স্থায়ী হইলে ক্রমে হিষ্টিরিয়া দেখা দেয় এবং পায়ের তলা ও গাঁট সকল ফুলিয়া উঠে।

এ রোগে নিয়মিত পারিশ্রম এবং শয়নগাহে বিশুদ্ধ বায়ু সংকালনের ব্যবস্থা করা বিশেষ প্রয়োজন। পুষ্টিকর খাদ্য আহাৰ করা বিবেক। মাংসাদি পরিমিত পরিমাণে আহাৰ করা কর্তব্য; বাহাতে পরিপাকের ব্যাধাত জন্মে এরূপ আহাৰ নিবন্ধ। শীতল কিম্বা ঔষুষ্ণ জলে স্নান বিশেষ উপকারী। এ রোগে জলবায়ু পরিবর্তনের বিশেষ প্রয়োজন। অধিক দিনের রোগ হইলে সমুদ্রতীরা অথবা পার্শ্বত্যা স্থান্যাকর স্থানে গমন বিধেয়। এ সম্বন্ধে নবম পরিচ্ছেদ দ্রষ্টব্য।

১২৪। বসন্ত (Small-pox)—ইহা অতিশয় সংক্রামক রোগ। ইহার সংক্রমণ শক্তি সর্বাপেক্ষা প্রবল এবং ইহার বিষ বহুদূরে

নীত হইয়া পীড়া উৎপন্ন হইতে পারে । সদ্যোজাত শিশু হইতে বৃদ্ধকেও এই রোগে আক্রমণ করিতে পারে । বসন্ত রোগাক্রান্ত ব্যক্তিকে স্পর্শ করিলে অথবা রোগীর গাত্রে দূষিত বায়ুসমূহ নিশ্বাসদ্বারা গ্রহণ করিলে কিম্বা বসন্তের পূঁষ বা মরামাস ইত্যাদি কোনক্রমে রক্তের সহিত মিশ্রিত হইলে এই রোগে অপরে সংক্রামিত হইতে পারে । অনেক সময় মাছিদ্বারা রোগ সংক্রামিত হয় । বসন্তের পূঁষ মুখে করিয়া বাজারের মিঠাই ইত্যাদিতে মাছি বসিলে উক্ত দ্রব্যাদি সেবনেও এ রোগ উৎপন্ন হইতে পারে । এজন্য মাছির হাত হইতে রোগীকে সর্বদা রক্ষা করিবে এবং খাওয়াদিতে যাহাতে মাছি বসিতে না পারে তাহার উপায় অবলম্বন করিবে । রোগীর মশারি এমন হওয়া উচিত যাহাতে উহার ভিতরে বায়ু চলাচল করিতে পারে । রোগের প্রারম্ভে যে জ্বর হয় তখন হইতেই সংক্রমণ ক্রিয়া আরম্ভ হয় । তৎপর যে পর্য্যন্ত বসন্তের গুটি সম্যক্ রূপে শুষ্ক না হয় এবং গাত্র হইতে মরামাস উঠিয়া না যায় তত দিন উহা অপরে সংক্রামিত হইতে পারে । ইহার বিশেষ কোন চিকিৎসা নাই, একমাত্র শুষ্কতার উপরই আরোগ্য নির্ভর করে ।

দেহে রোগ-বীজ প্রবিষ্ট হইবার ১০।১২ দিন পরে প্রবল জ্বর হয় । ইহাই এরোগের প্রথম লক্ষণ । জ্বরের সহিত শিরঃপীড়া, কোমর ও পৃষ্ঠে বেদনা, গাঁটে ব্যথা, গা বমি বমি এবং কখন কখন মোহ দেখা যায় । তৎপর তৃতীয় কিম্বা চতুর্থ দিবসে প্রথমে মুখে লাল লাল গুটি দেখা দেয় ; ক্রমে সমস্ত দেহে বিস্তৃত হয় । বসন্ত বাহির হইবার পর আর জ্বর থাকে না । প্রথম গুটি বাহির হইবার ৮।৯ দিবস পরে উহা পাকিতে আরম্ভ করে । পাকিবার সময় পুনরায় একবার জ্বর হয় । বসন্ত না পাকিয়া বসিয়া গেলে অথবা চাপ চাপ মত হইয়া গেলে সাংঘাতিক হইয়াছে বুঝিতে হইবে ।

ডাক্তারী মতে—প্রথম অবস্থায় হৃৎ ও এরারুট বা বালি, হৃৎ ও পাউরুটী প্রভৃতি পথ্য ব্যবস্থেয়। পিপাসা হইলে প্রচুর পরিমাণে শীতল জল খাইতে দেওয়া যায়। আক, আঙ্গুর ও কমলালেবু প্রভৃতি এবং লেমনেড্ দেওয়া যাইতে পারে। পথ্যাদি সম্বন্ধে ১২৬ পৃষ্ঠা দ্রষ্টব্য। মুখে, হাতে অথবা দেহের যে কোন স্থানে অনেক গুটি নির্গত হয় তাহাতে ববফ দিলে বেদনা এবং ফুলা ইত্যাদি কমিয়া যায়। হাতে পায়ে অত্যন্ত জ্বালা হইলে—শীতল জলে নেকড়া ডুবাওয়া তদ্বারা উক্ত স্থান বাধিয়া দিবে অথবা ক্রমাগত ঈষদৃষ্ণ জল দ্বারা ধুইয়া দিবে। গুটি নির্গত হইবার প্রথম ভাগে অর্থাৎ চতুর্থ বা পঞ্চম দিনে কষ্টিক (Argenti Nitras) লোশনে (এক আউন্স জলে ২০ গ্রেন্ কষ্টিক্) সূচের আগা ডুবাওয়া তদ্বারা গুটি গালিয়া দিবে। একটা শিশিতে সমপরিমাণ চুণের জল ও জলপাইয়ের তৈল (সুইট অয়েল) লইয়া উহা উত্তমরূপে নাড়িলে মাথনের ত্রায় দেখাইবে। উহা দিনে দুইবার করিয়া গুটির উপরে মাখিয়া দিলে উপকার হয়। চারিভাগ জলপাইয়ের তৈলে একভাগ তার্পিন্ তৈল দিয়া উত্তমরূপে ছাঁকিয়া লইবে, তৎপর উহা পালকে করিয়া দিনে দুইবার গুটিতে দিলে অথবা দেড় ড্রাম গ্লিসারিণে ২০ ফোঁটা কার্বলিক এসিড ও ৬ ড্রাম জিঙ্ক অক্সেট্‌মেন্ট্ (Ung. Zinci. Oxid.) মিশ্রিত করতঃ একদিন অন্তর মুখে ও মাথায় দিলে বিশেষ উপকার হয়। আক্রমণের ৬ সপ্তাহ পূর্ণ হইবার পূর্বে অর্থাৎ সকল ঘা শুষ্ক হইয়া না যাওয়া পর্য্যন্ত এবং খুস্কি পড়িয়া না যাওয়া পর্য্যন্ত রোগীকে বাহিরে যাইতে দেওয়া উচিত নয়। শুক্রবাকারীদিগের মস্তকে সমস্ত চুল ঢাকা যায় এমন টুপি পরিয়া থাকা ভাল। রোগীর গৃহে কাহাকেও খাইতে বা পান করিতে দেওয়া উচিত নয়। গন্ধক পোড়াইবার সময় রোগীর ঘরের বাহিরে পুড়ান কর্তব্য।

রোগীর আহারের পাত্রাদি (থালা বাটী ইত্যাদি) ৫০ ভাগ জলে একভাগ কণ্ডিস্ ফ্লুইড্ • (Condy's fluid) মিশ্রিত করতঃ শুদ্ধাধা ধৌত করা কর্তব্য । কারণ কার্বলিক্ লোশন্ দ্বারা ধৌত করিলে উহাতে গন্ধ থাকিবে । কণ্ডিস্ ফ্লুইডের কোন গন্ধ নাই এজন্য ইহা ব্যবহার করাই সুবিধা । গৃহের আসবাব ইত্যাদিও একরূপে ধৌত করিয়া লওয়া কর্তব্য । কার্বলিক্ লোশন্ ও কণ্ডিস্ ফ্লুইড্ একসঙ্গে ব্যবহার করা কর্তব্য নয়, কারণ উহারা পরস্পর বিরুদ্ধ গুণবিশিষ্ট ।

দেশীয় মতে—গুটি নির্গত হইবার প্রধান অবস্থায় হিষ্কার রস ও পেয়া শ্বেত চন্দন অথবা শুণ্ড হিষ্কার রস গাত্রে দিলে উপকার হয় । গুটি বসিয়া গেলে নিমচাল, ক্ষেতপাপড়া, আকন্দ, পটোল পাতা, কটুকী, শ্বেত চন্দন, বেনামূল, আমলকী, বাসক এবং ছুরালভার কাথ প্রস্তুত করতঃ চিনি দিয়া খাইতে দিবে । গুটি পাকিবার জন্ত—গুলঞ্চ, ষষ্টিমধু, কিস্মিস্, ইক্ষুমূল এবং দাড়িম্ব বা বেদনার কাথ প্রস্তুত করতঃ মধুসহ খাইতে দিবে । পটোল পাতা, গুলঞ্চ, মুখা, বাসক, ছুরালভা, চিরতা, নিমপাতা, কটুকী এবং ক্ষেতপাপড়ার পাচন প্রস্তুত করতঃ খাইতে দিলে সত্বরে গুটি নির্গত হয় । চক্ষুর ভিতরে গুটি হইলে—গুলঞ্চ ও ষষ্টিমধুর রস মিশ্রিত করিয়া চক্ষে দিলে বিশেষ উপকার হয় । হাত ও পায়ের তলায় জ্বালা হইলে—চাল ধোয়া জলদ্বারা গা ধুইলে অথবা টাৰা লেবু (জাম্বিব) ও বালি-জলদ্বারা মণ্ড প্রস্তুত করতঃ গাত্রে মাথিলে জ্বালা দূর হয় । পানার্থ সর্বদাই শীতল জল ব্যবহার করা বিধেয় । রোগীর ঘরে কাহারও জুতা পায় দিয়া যাওয়া কর্তব্য নয় । রোগীর গৃহ বাঁট দিয়া জঞ্জালাদি বাহিরে ফেলিবে না এবং বাড়ীতে নাপিত, ধোপা

* এক বোতল জলে (20 oz. of Distilled water) ১৬০ গ্রেণ পটাশ্ পার্মেঙ্গানাস্ (Pot. Permanganas) মিশ্রিত করিলেই Condy's Fluid প্রস্তুত হইল ।

আসিতে দিবে না। পনুপাতা দ্বারা মাছি তাড়াইবে। নিমপাতা, রুদ্রাক্ষ ও হরিদ্রা প্রত্যেক অন্ধ তোলা পরিমিত লইয়া তাহাতে জল মিশ্রিত করতঃ মণ্ডের ক্রায় প্রস্তুত করিয়া গাত্রে দিলে গুটি বাহির হয় না।

যাহাতে বসন্ত রোগ না হইতে পারে তজ্জন্ম দুইটী উপায় প্রচলিত আছে। যথা 'বাঙ্গালা টিকা' অর্থাৎ নরবীজে টিকা এবং 'ইংরেজী টিকা' অর্থাৎ গো-বীজে টিকা দেওয়া। এদেশে বহুকাল হইতে প্রথমোক্ত অর্থাৎ নর-বীজে টিকা দিবার প্রথা প্রচলিত ছিল। কিন্তু নর-বীজে টিকা দেওয়া অতিশয় বিপজ্জনক বলিয়া গবর্ণমেন্ট তাহা আইন দ্বারা নিবারণ করিয়াছেন। এক্ষণে ইংরেজী টিকা অর্থাৎ গো-বীজে টিকা দেওয়ার প্রথাই প্রচলিত হইয়াছে। ইহাতে কোন বিপৎপাতের আশঙ্কা নাই। এ টিকা গ্রহণ করাতেও কোন কষ্ট হয় না। ভূমিষ্ঠ হইবার ২৩ মাস পরেই শিশুদিগকে টিকা দেওয়া কর্তব্য। ৪টী উত্তমরূপ দাগ হইলে সাধারণতঃ ১০।১২ বৎসরের পূর্বে আর টিকা দিবার প্রয়োজন হয় না। টিকা ধারণ করিলে প্রায়ই বসন্ত হইতে দেখা যায় না। কদাচিত্ হইলেও উহা তেমন মারাত্মক হয় না। অতএব প্রত্যেকেরই টিকা দেওয়া আবশ্যিক।

টিকা দিলে সাধারণতঃ তৃতীয় দিবসে জ্বর হইয়া থাকে। তাহাতে কোন ভয়ের কারণ নাই। ২।১ দিনের মধ্যে টিকা না উঠিলে উহাতে জল পটি দিয়া রাখিবে। টিকা পাকিয়া উঠিলে সাবধান থাকিবে, যেন বস্ত্রাদি লাগিয়া উহার মুখ খেতলিয়া না যায়। যা শুকাইতে গৌণ হইলে টিকার উপরে অল্প অল্প মাখন দিয়া রাখিবে। জ্বর হইলে, জ্বরান্তে ঈষদুষ্ণ জলে স্নান করাইবে। জ্বর না হইলে ৪।৫ দিন অপেক্ষা করিয়া টিকা উঠিয়া গেলে স্নান করাইবে। জ্বর সময়ে জ্বরের ক্রায় পথ্য

দেবে, জ্বর ছাড়িয়া গেলে টক, দধি প্রভৃতি শৈত্যকাবক দ্রব্যাদি ব্যতীত
অপব সকল দ্রব্যই খাইতে পারা যায় ।

যাহাদিগের কিছুদিন পূর্বেই বসন্ত হইয়াছে অথবা সেই বৎসর
টিকা দেওয়া হইয়াছে তাঁহাদিগেরই পরিচর্যার ভার লওয়া কর্তব্য।
বাচীতে যদি কাহারও টিকা দিতে বাকী থাকে তবে তাহাদিগের শীঘ্রই
টিকা দিবাব প্রয়োজন। যাহারা দুই বৎসরের অধিককাল টিকা দিয়াছেন
তাঁহাদিগেরও পুনঃসংস্কার করা উচিত। এ সম্বন্ধে অগ্নাগ্ন নিয়ম
প্রতিপালন সম্বন্ধে ৩৮ পৃষ্ঠা দ্রষ্টব্য।

বোগীব গৃহ যাহাতে শুষ্ক, পরিষ্কৃত ও অন্ধকার হয় তাহাব ব্যবস্থা
করিবে। পরিষ্কৃত বস্তাদিহাবা বোগীর শরীর সর্বদা ঢাকিয়া রাখিবে।
রোগীকে সর্বদা মশারির ভিতরে রাখা আবশ্যিক। নিমের পল্লবদ্বারা
বোগীব গাত্রে বাতাস দেওয়া উচিত। বিছানা হাল্কা হওয়া আবশ্যিক
এবং বিছানায় অধিক কাপড় কিম্বা ভাবি লেপ প্রভৃতি রাখা কর্তব্য নয়।

বসন্তের গুটিগুলি পাকিয়া উঠিলে অত্যন্ত সূড়্ সূড়্ করে এবং
চুলকাইতে ইচ্ছা করে। এ অবস্থায় বিশেষ সতর্ক হওয়া প্রয়োজন।
কারণ চুলকাইলে ঘা হইবে এবং উহা শুষ্ক হইয়া গেলেও গাত্রে গভীর
ক্ষতচিহ্ন হইবে। গুটিগুলি আপনা হইতে ফাটিয়া না গেলে কোন
গাছের কাঁটা দিয়া গালিয়া দেওয়া উচিত। কিন্তু আপনা হইতে পুঁষ
বাহির হইয়া গেলেই ভাল। বোগীব গাত্র হইতে মরামাস উঠিয়া গেলে
নিমের পাতা সিদ্ধ করিয়া উক্ত জল শীতল করতঃ তদ্বারা স্নান করাইবে।
গাত্রে তিলের তৈল ব্যবহার করিবে।

১২৫। বহুমূত্র (Diabetes)—এ রোগ হইলে প্রস্রাবের
সহিত অধিক পরিমাণে চিনি মিশ্রিত থাকে, ঘন ঘন প্রস্রাবের বেগ
হয়, অত্যন্ত পিপাসার উদ্রেক হয় এবং রোগী ক্রমে অতিশয় শীর্ণ ও


দুর্বল হইয়া পড়ে। প্রস্রাবের রং অতি হালকা হয় এবং উহা হইতে আপেলের ত্রায় গন্ধ নির্গত হয়। প্রস্রাবের মধ্য চিনির আধিক্যপ্রযুক্ত উহাতে পিপড়া, মাছি প্রভৃতি একত্রিত হয়। প্রস্রাবে চিনি আছে জানিবার ইহা একটা উপায়। এ রোগে প্রায়ই প্রস্রাব পরীক্ষা করিবার প্রয়োজন হয়। পরিশিষ্টে “মূত্র পরীক্ষা” দ্রষ্টব্য।

এই দুরারোগ্য রোগে শরীর ক্রমে ক্ষয় হইতে থাকে। এ রোগ হইলে অতি সহজেই কার্বাঙ্কল (Carbuncle), কুস্কুসের পীড়া এবং মোহ বা মূর্ছা (Diabetic Coma) প্রভৃতি রোগ জন্মিয়া রোগীর মৃত্যু হইতে পারে। বাহারা অতিরিক্ত পরিমাণে মাখন, চিনি এবং মিঠাই প্রভৃতি আহার করেন এবং অলসভাবে জীবন যাপন করেন অথবা বাহাদের শারীরিক শ্রম হইতে মানসিক শ্রম অধিক এবং বাহাদের শরীরে অধিক মেদ তাঁহাদেরই সাধারণতঃ এরোগ জন্মিয়া থাকে। এজন্য বড় লোকদিগেরই এরোগ অধিক হইতে দেখা যায়।


এরোগ হইলে খাওয়া সম্বন্ধে বিশেষ সতর্কতা অবলম্বন করা প্রয়োজন। সর্বপ্রকার মিষ্ট দ্রব্য পরিবর্জন করা কর্তব্য। চিনির পরিবর্তে স্যাক্কারিন (Saccharin) ব্যবহার করা কর্তব্য। ইহা ডাক্তারখানায় কিনিতে পাওয়া যায়। ইহাতে অল্পেই অনেক মিষ্ট হইয়া থাকে। কিন্তু অধুনাতন চিকিৎসকদিগের মতে বহুমূত্র রোগে শর্করা ব্যবহার নিষিদ্ধ নহে। এ রোগের পথ্যাপথ্য সম্বন্ধে ১৩৪ পৃষ্ঠা দ্রষ্টব্য। আলু, সালগম, গাজর, পালংশাক, সিম, কপি, আনারস প্রভৃতি আহার করা কর্তব্য নহে।

শয্যাশায়ী রোগীকে বিগুহ্ন বায়ু সঞ্চালিত গৃহে পরিকৃত শয্যা রাখিবে। বাহাতে শরীরের কোন স্থানে ক্ষত না হয় সে বিষয়ে বিশেষ দৃষ্টি রাখিবে। এ রোগে সহজে শয্যাক্ত হইতে পারে এজন্য বিশেষ সতর্কতা অবলম্বন করা কর্তব্য। এ সম্বন্ধে ৮৫ পৃষ্ঠা দ্রষ্টব্য। রোগীকে

ইউরিনেলে (Urinal) (৪৯ ও ৫০ নং চিত্র) করিয়া প্রস্রাব করাইবে, অধিক নড়াচড়া করিতে দিবে না। সমস্ত দিনে কতবার এবং কি



৪৯ নং চিত্র (স্ত্রীলোকদিগের জন্য) ।



৫০ নং চিত্র (পুরুষদিগের জন্য) ।

পরিমাণে প্রস্রাব হইল তাহা জানিবার আবশ্যিক হইতে পারে। একজন্ম প্রত্যেকবার প্রস্রাব করিবার পর উহা মাপিয়া তৎপর ফেলিয়া দিবে। পরিশিষ্টে মূত্র পরীক্ষা দ্রষ্টব্য। একটা টিনের বা বাঁশের চোঙ্গায় দাগ কাটিয়া লইলেই অতি সহজে ইহা সম্পন্ন হইতে পারে। চিকিৎসকের উপদেশানুসারে সর্ববিষয়ে ব্যবস্থা করিবে। দুর্বলবস্থায় বড্‌রিল বা এক্‌ষ্ট্রাক্ট্‌ অব্‌ মিট্‌ প্রভৃতি খাইতে দেওয়া আবশ্যিক।

১২৬। বাত (Rheumatism)—বাতরোগীর যাহাতে প্রত্যহ কোষ্ঠ পরিষ্কার থাকুক সে বিষয়ে বিশেষ দৃষ্টি রাখা আবশ্যিক। শরীরে যাহাতে ঠাণ্ডা লাগিতে না পারে তাহার ব্যবস্থা করা প্রয়োজন, একজন্ম ফ্লানেল ইত্যাদি গরম কাপড়ের জামা, গরম ড্রয়ার (পা জামা) এবং মোজা ব্যবহার করা উচিত। বেদনা স্থানে কেরোসিন তৈল মালিশ করিলে উপশম হয়। অধিক বেদনা বোধ হইলে ভেরেণ্ডার পাতায় করিয়া উত্তপ্ত বালিসেক দিলে বিশেষ উপকার দর্শে। প্রাতঃসন্ধ্যা ভ্রমণ এ রোগে বিশেষ উপকারী। পথ্যাদি সম্বন্ধে ১:৮ পৃষ্ঠা দ্রষ্টব্য। জলবায়ু পরিবর্তন দ্বারা এরোগ অনেক সময় প্রশমিত হইয়া থাকে। এ বিষয়ে নবম পরিচ্ছেদ দ্রষ্টব্য।

১২৭ । বিসর্প (Erysipelas)—এরিসিপিলাস অতি সংক্রামক ব্যাধি । সাধারণতঃ ইহা মুখেই হইয়া থাকে । প্রথমতঃ একটা ব্রণের মত হয় এবং ক্রমে উহা উজ্জ্বল, রক্তবর্ণ এবং দাহযুক্ত হয় ও স্ফীত হইয়া উঠে । কখন কখন এত অধিক ফোলে যে, নাক মুখ প্রায় এক হইয়া যায় । আনুষঙ্গিক জ্বর হয়, গা বন্ধি বমি করে এবং মাথা ধরে । রোগ গুরুতর হইলে জ্বর অত্যন্ত বৃদ্ধি পায়, প্রলাপ বকিতে থাকে, আক্রান্ত স্থানে অত্যন্ত বেদনা অনুভূত হয় এবং পুঁষ জন্মে । ক্ষতস্থানে অথবা যেস্থানে অস্ত্রপ্রয়োগ করা হইয়াছে এবং কখনও বা নূতন টিকা স্থানে বিসর্প হইতে দেখা যায় । আক্রান্ত স্থানের চারিদিকে লাল হইয়া ফুলিয়া উঠে । একরূপ হইলে ক্ষতস্থানের পুঁষ নিঃসরণ বন্ধ হইয়া যায় । শিশুদিগের নাভি সম্পূর্ণরূপে শুষ্ক হইবার পূর্বে কোন কারণে, এবিসিপিলাসের ছোঁয়া লাগিলে অতি সহজে শিশুর এ রোগ হইবার সম্ভাবনা । একরূপে কোন স্থান ফুলিয়া লাল হইলে এবং বেদনা অনুভূত হইলে আক্রান্তস্থান কার্বলিক লোশন্ দ্বারা ভিজাইয়া রাখিবে এবং উপযুক্ত চিকিৎসকের সাহায্য গ্রহণ করিবে ।

রোগীর গৃহে বায়ু চলাচলের বিশেষ ব্যবস্থা করা কর্তব্য । বন্ধ বায়ু এ রোগ বৃদ্ধির সহায়তা করে । রোগীকে এক মুহূর্তের জন্তও কোন কারণে অপরিষ্কার থাকিতে দিবে না । বিছানার চাদর সর্বদা বদলাইয়া দিবে ; পুঁষ কিম্বা মল মূত্রাদি লাগিলে তাহা কিছুকালের জন্তও রাখিয়া দিবে না । আক্রান্ত স্থান পরিস্কৃত তুলা (Absorbent Cotton) দ্বারা মুছিবে এবং তৎক্ষণাৎ তাহা পোড়াইয়া কিম্বা পুতিয়া ফেলিবে । রোগীর গৃহে অত্যাৱশ্যক দ্রব্যাদি ব্যতীত অপর কিছু রাখিবে না, এমন কি মশারি পর্য্যন্ত ব্যবহার করিবে না । মল মূত্রাদি তৎক্ষণাৎ সংক্রমণনাশক ঔষধাদি দিয়া সরাইয়া লইবে । অগ্রান্ত বিষয়ে ৩৮ পৃষ্ঠা দ্রষ্টব্য ।



১২৮ । ব্রণ-শোথ (Abscess)—শরীরের কোন স্থান ফুলিয়া বেদনায়ুক্ত হইলে এবং তৎপর উহা পাকিয়া পুঁষ নির্গত হইলে তাহাকে ব্রণ-শোথ বলে । ইহা দেহের যে কোন স্থানে হইতে পারে । এমন কি ইহা যকৃৎ ও মস্তিষ্ক প্রভৃতি স্থানেও হইয়া থাকে । ব্রণ-শোথ ও ফোড়ার পার্থক্য এই যে ইহাতে 'ভাতুড়ি' থাকে না এবং উহা দেহের যে কোন স্থানে হইয়া থাকে । ব্রণ-শোথ পাকিবার পূর্বে শোথস্থান অল্প তাপযুক্ত, কঠিন ও অল্প বেদনায়ুক্ত থাকে । পরে পাকিবার সময় উহা অত্যন্ত দাহ ও উত্তাপযুক্ত হয়, রক্তবর্ণ ধারণ করে এবং উহাতে দংশন বা কর্তনব্যং বেদনা হয় । পাকিয়া গেলে বেদনা কমিয়া যায়, মধ্যভাগ ক্রমে স্রবৎ পীতবর্ণ হয়, উপরের মাংস কুচ্ কিয়া যায় । টিপিলে শোথ স্থান বসিয়া যায়, ভিতরে পুঁষ জন্মে এবং টন্টন্ ও স্ফুস্ফু করে । তখন শোথস্থান নরম ও 'তলতলে' হয় । এ অবস্থায় একটু চাপ পাইলেই ফাটিয়া পুঁষরক্ত নির্গত হয় ।

কাটা কিম্বা তদ্বং কোন পদার্থ বিধিরা পাকিয়া উঠিলে উক্ত পদার্থ বাহির করিয়া ফেলিলে এবং তৎপর জলপটি দিলেই সচরাচর আরোগ্য হয় । অত্র কারণে ব্রণ-শোথ হইলে পুন্টিশ্, ব্যবহার করিলেই আরোগ্য হইবে । পুঁষ নির্গত হইয়া গেলে উহা কার্বলিক লোশনদ্বারা অথবা নিমপাতা জলে সিক্ত করতঃ তদ্বারা উত্তমরূপে ধোত করিয়া দিবে । এ সম্বন্ধে ক্ষত শুশ্রূষা (৮৭ পৃষ্ঠা) দ্রষ্টব্য ।

রোগীকে অপরুদ্ধ গৃহে রাখিবে না, কারণ বিশুদ্ধ বায়ুতে উহা শীঘ্র পাকিয়া উঠিবে এবং সত্বরে ক্ষত আরোগ্য হইবার সহায়তা করিবে । অস্ত্র প্রয়োগের প্রয়োজন হইলে যাহাতে তাহা উত্তমরূপে হইতে পারে তাহাই করিবে । সমস্ত পুঁষরক্ত প্রভৃতি বাহির হইয়া না গেলে অনিষ্ট হইতে পারে । ব্রণ-শোথ পাকিবার উপযুক্ত সময়ে উহার

পুঁষাদি উত্তমরূপে নির্গত না হইলে দুরারোগ্য নালী ঘায় (Sinus or Fistula) পরিণত হইতে পারে । অতএব সময়ে সতর্কতা অবলম্বন করা কর্তব্য ।

১২৯ । সর্দি (Catarrh)—হিম লাগান, জলে ভিজা, অধিকক্ষণ ভিজা কাপড়ে থাকা, কোন কারণে, শরীর গরম হইলে হঠাৎ শীতল জল পান, গাত্রে শীতল বাতাস লাগান অথবা অন্য কোন উপায়ে দেহ হঠাৎ শীতল করিলে এবং ঋতু পরিবর্তনের সময় সাধারণতঃ সর্দি লাগিয়া থাকে । সর্দি হইলে গরম কাপড়দ্বারা সর্বোচ্চ ঢাকিয়া রাখা উচিত, কারণ তাহাতে ঘাম হইয়া সর্দি দূর হইতে পারে । যে দিবস প্রথম সর্দির অনুভব হয় সে দিবস রাত্ৰিতে নিদ্রা যাওয়ার পূর্বে এক গ্লাস শীতল জল পান করিয়া গরম কাপড় ঢাকা দিলে খুব ঘাম হইয়া সর্দি সারিয়া যাইবে । সর্দিতে শীতল জলে স্নান করিলে কাসি হইতে পারে, এক্ষণে গরম জলে স্নান করাই বিধেয় । গৃহের দ্বার রুদ্ধ করিয়া স্নান করিবে এবং উত্তমরূপে গা মুছিয়া গরম কাপড়দ্বারা গা ঢাকিয়া দিবে । ইহাতে ঘাম হইয়া উপকার দর্শিবে । গরম জলে স্নান করিবার সময় মাথায় শীতল জল ঢালিবে । ত্র্যগত কপূর শুঁকিলে সর্দি তরল থাকে । সর্দি যাহাতে বসিয়া না যায় সেজন্য সতর্ক থাকা প্রয়োজন । মাথা কামড়ান এবং নাক আটকান প্রভৃতি থাকিলে কট্‌ছালের গুঁড়ার নশ্ব লইলে বিশেষ উপকার হয় । ইউকেলিপ্টাস অয়েল (Eucalyptus Oil) শুঁকিলেও সর্দির বিশেষ উপশম হয় । নাক দিয়া জলের মত সর্দি ঝরিলে এবং চোক দিয়া জল পড়িলে, গরম মুড়ি জলে ভিজাইয়া উত্তম জল ছাঁকিয়া পান করিলে সহরে উপশম হয় । সর্দির সূচনায় কিঞ্চিৎ পেঁয়াজের রস খাওয়াইয়া দিলে শিশুদের সর্দি নিবারণ হয় ।

যাঁহাদের সর্দির ধাত, অর্থাৎ সামান্য কারণে ঠাণ্ডা লাগিবামাত্র যাঁহাদের সর্দি হয়, অনেক স্থলে তাঁহারা সর্দির ভয়ে বারমাস প্রায় গরম জলে স্নান করিয়া থাকেন। কিন্তু ইহা নিতান্ত অহিতকর। ক্রমাগত গরমে থাকিতে অভ্যাস করিলে চামড়া এমন দুর্বল হইয়া পড়ে যে, বিন্দুমাত্র ঠাণ্ডা লাগিলেই লোমকূপগুলি বন্ধ হইয়া ঘর্মনিঃসরণ বন্ধ হইয়া যায়, কাজেই সর্দিও ছাড়ে না। একরূপ ব্যক্তিদিগের পক্ষে ক্রমে একটু ঠাণ্ডা জল ও বাতাস গায়ে লাগাইতে অভ্যাস করা আবশ্যিক। কারণ তাহা হইলে সহজে সর্দিতে আক্রান্ত হইবার কোন সম্ভাবনা থাকিবে না।

১৩০। সন্ন্যাস (Apoplexy)—এ রোগ সাধারণতঃ ১৫ বৎসরের, উর্দ্ধ বয়স্ক ব্যক্তিদিগের এবং স্ত্রীলোক অপেক্ষা পুরুষের অধিক হইয়া থাকে। পূর্বপুরুষের কাহারো এ রোগ থাকিলে, যথেষ্ট পানাহার করিলে, অধিক কালের কোষ্ঠবদ্ধতা, রক্তশূন্যতা অথবা মূত্রাশয়ের কোন রোগ এবং যকৃৎ বা হৃদরোগ থাকিলে এ রোগ জন্মিয়া থাকে। মূর্ছা বিশেষ ভাবে অল্প বয়স্ক অথবা হিষ্টিরিয়া রোগগ্রস্ত স্ত্রীলোকদিগেরই হইয়া থাকে, কিন্তু সন্ন্যাসরোগে অধিক বয়স্কেরাই আক্রান্ত হয়। মূর্ছা সাধারণতঃ কয়েক মিনিটের মধ্যেই দূর হয় কিন্তু সন্ন্যাস-রোগের আক্রমণ বহুক্ষণ স্থায়ী হয়। এ রোগে মুখ দিয়া সশব্দ স্ফীত নিশ্বাস প্রশ্বাস বহিতে থাকে এবং গৈঞ্জা বাহির হয়। কিন্তু মূর্ছা রোগে এ সকল কিছু হয় না।

রোগের আক্রমণ হইলে প্রথমতঃ গলদেশের বস্তাদি অতি সত্বরে খুলিয়া ফেলিবে এবং মাথা উচু করিয়া ধরিবে। এ অবস্থায় যাহাতে বিস্তৃত বায়ুর ব্যবস্থা হইতে পারে তাহা করিতে হইবে। কপাল শীতল জলদ্বারা ধুইয়া দিবে অথবা সম্ভব হইলে বরফপ্রয়োগ করিবে এবং পায়ে গরম বস্তাদি পরিধান করাইবে। রোগীর হাত পা

হাতে ঘসিয়া গরম করিবে এবং মস্তক ও স্বক্কদেশ ডান দিকে ঠেঁশ দিয়া রাখিবে। এই ভাবে রাখিয়া রোগীকে নিস্তরুভাবে থাকিতে দিবে। রোগীর পার্শ্বে ছই একজন থাকিয়া আর সকলে চলিয়া যাইবে এবং ঘরের জানালা প্রভৃতি এমন ভাবে ঢাকিয়া দিবে যেন রোগীর গৃহে অধিক আলোক প্রবেশ করিতে না পারে। রোগী যখন গিলিতে সক্ষম হইবে তখন ঔষধাদি দিবে, নচেৎ ঔষধ কিম্বা পথ্য কিছুই জোর করিয়া খাওয়াইতে চেষ্টা করিবে না। রোগী অজ্ঞানাবস্থায় যদি ৬৭ ঘণ্টা প্রস্রাব না করে তবে উপযুক্ত চিকিৎসক দ্বারা প্রস্রাব করাইতে হইবে।

আহারের অব্যবহিত পরেই রোগেব আক্রমণ হইয়া থাকিলে রোগীর বমনোদ্বেক হইতে পারে। এক্রপ হইলে পালকের স্ফুড় স্ফুড়ি দিয়া বমন করাইতে চেষ্টা করিবে। কিন্তু আপনা হইতে বমনোদ্বেক না হইলে বমন করাইতে চেষ্টা করিবে না।

রোগীর চৈতন্য হইলে কোষ্ঠ পরিষ্কারের ব্যবস্থা করিবে এবং রোগীর অবস্থানুযায়ী লঘুপাক আহারাদি খাইতে দিবে। বাতের ভাব বর্তমান থাকিলে নিরামিশ আহার এবং দুগ্ধ পান ব্যবস্থেয়। কোন প্রকার উত্তেজনা অথবা মানসিক পবিশ্রম নিষিদ্ধ।

১৩১। হাঁপানি (Asthma)—এ বোগে বিশুদ্ধ বায়ুর বিশেষ প্রয়োজন, এ জন্ত রোগীর গৃহে যাহাতে প্রচুর পরিমাণে পরিষ্কৃত বায়ুর সঞ্চালন হইতে পারে তাহার ব্যবস্থা করা উচিত। হাঁপানি রোগীর গৃহে যাহাতে গন্ধকের ধোঁয়া প্রবিষ্ট হইতে না পারে সে বিষয়ে বিশেষ সতর্ক হইতে হইবে। রোগীর গাত্রে ফ্ল্যানেল ইত্যাদি ব গরম জামা ব্যবহার করা কর্তব্য। প্রবল পীড়ার সময় রোগীকে যথাসম্ভব স্থিরভাবে রাখিবে এবং চুপ করিয়া থাকিতে দিবে। এ অবস্থায় অনেক সময় রোগী শায়িত থাকিতে কষ্টানুভব করে, এজন্ত রোগীকে ধীরে ধীরে

তুলিয়া বসাইবে এবং সম্মুখে একটি বালিশ দিয়া তাহাতে ভর দিয়া বসিতে দিবে । রোগীর গাত্রে এ অবস্থায় বাতাস করা অনেক সময় প্রয়োজন হয় । পথ্যাদি সম্বন্ধে ১৩২ পৃষ্ঠা দ্রষ্টব্য ।

হাঁপানি রোগীর পক্ষে অধিক রাত্রিতে আহার এবং পেট ভরিয়া আহার করা একবারে নিষিদ্ধ । তাহাতে কোন প্রকার মানসিক উত্তেজনা না হয় সে বিষয়ে বিশেষ দৃষ্টি রাখিতে হইবে । হাঁপানি রোগে কখন কখন ঔষধ অপেক্ষা জলবায়ু পরিবর্তন দ্বারা অধিক ফলোদয় হইতে দেখা গিয়াছে । কিন্তু কোন স্থানে গেলে উপকার দর্শিবে তাহা ঠিক কারয়া বলা যায় না । কখনও বা শুষ্ক আবহাওয়ায়, কখনও বা আর্দ্র জলবায়ুতে উপকার হয় । কখন কখনও অতি সামান্য পরিবর্তনে, এমন কি এক বাড়ী হইতে অন্য বাড়ীতে গিয়া উপকার হইতে দেখা যায় । এ রোগে পার্কতা স্বাস্থ্যকর স্থানও অনেক সময় অনুকূল হয় । এ বিষয়ে নবম পরিচ্ছেদ দ্রষ্টব্য ।

১৩২ । হাম (Measles)—ইহা একটি সংক্রামক রোগ । সচরাচর শিশুদিগেরই এ পীড়া অধিক হইয়া থাকে । হাম নিজে অতি সহজ ব্যাধি, হাম জ্বরের সহিত কাসি এবং উদরাময় প্রভৃতি উপসর্গ থাকিলে অতি সহজেই গুরুতর হইয়া দাঁড়ায় । প্রথমে অত্যন্ত সর্দি হইয়া জ্বর হয় । জ্বরের চতুর্থদিবসে সাধারণতঃ কণ্ঠ বাহির হইতে আরম্ভ করে । ইহা প্রথমে মুখের উপর, তৎপর হাতে ও গলায় এবং ক্রমে বুকে ও সর্ব শরীরে প্রকাশ পায় । হামের কণ্ঠগুলি ঠিক মশার কামড়ের ন্যায় দেখায় এবং অঙ্গুলি দ্বারা চাপিলে কিছুকালের জন্য অদৃশ্য হইয়া যাইতে দেখা যায় । হামজ্বরে কখনই জ্বালাপ দেওয়া কর্তব্য নহে । রোগীর গাত্রে শীতল বায়ু লাগাইলে অতি সহজে কাসি ও উদরাময় হইবার সম্ভাবনা । এক্ষণে বিশেষ সাবধান হওয়া প্রয়োজন ।

হামের সহিত উদরাময় এবং কাসি বর্তমান থাকিলে চিকিৎসকের ব্যবস্থা গ্রহণ করা কর্তব্য। হাম হইলে বস্ত্রাদি সিদ্ধ করিয়া লইলেই উহার সংক্রামকত্ব দূর হইতে পারে। শয্যাাদি উত্তমরূপে রোদে শুষ্ক করিয়া লওয়া কর্তব্য। উহাতে জলমিশ্রিত কার্বলিক এসিড ছড়াইয়া দেওয়া উচিত।

রোগীকে বাহিবে যাইতে দিবে না এবং গুরুতর হইলে বিছানায় রাখিবে। নতুবা হঠাৎ বাহিরের ঠাণ্ডা বায়ু লাগিয়া সদি কাসি উৎপন্ন হইতে পারে। রোগের প্রথম দিবস গরম জলে গা ধুইয়া পরে শুষ্ক বস্ত্র-খণ্ডদ্বারা উত্তমরূপে গা মুছিয়া বোগীকে বিছানায় রাখিবে। যাহাতে রোগীর গাত্রে হঠাৎ ঠাণ্ডা না লাগিতে পারে সে বিষয়ে বিশেষ সতর্ক হওয়া প্রয়োজন। রোগীর গৃহে বিশুদ্ধ বায়ু সঞ্চালনের ব্যবস্থা করিবে এবং যাহাতে গৃহে সহজে আলোক প্রবিষ্ট না হইতে পারে তাহার উপায় অবলম্বন করিবে। শয্যাাদি পরিষ্কার পরিচ্ছন্ন রাখিবে। ইহা অতি সংক্রামক, এজন্য বাড়ীর অন্যান্য শিশুকে সাবধানে রাখা কর্তব্য। পথ্যাদি সম্বন্ধে ১২৬ পৃষ্ঠা দ্রষ্টব্য।

১৩৩। হিষ্টিরিয়া (Hysteria)—ভদ্র ঘরের মেয়ে-দিগের, বিশেষতঃ যাহাদিগের বসিয়া থাকিবার অভ্যাস তাহাদিগেরই প্রায় এ রোগ হইতে দেখা যায়। হিষ্টিরিয়াগ্রস্ত রোগীর সর্বোচ্চ বেদনা অনুভূত হয়, বুক ধড়্ ফড় করে, মস্তকে বিদ্ধবৎ বেদনা বোধ হয় এবং গলদেশে কিছু ঠেকিয়া আছে বলিয়া মনে হয়। রোগের সর্বপ্রকার উপসর্গ ই হইয়াছে বলিয়া রোগীর মনে হয় এবং প্রকৃত রোগ হইলে যে সকল লক্ষণ প্রকাশ পায় রোগী তাহাই বর্ণনা করে! কিন্তু প্রকৃতপক্ষে সে সকল কোন রোগই বর্তমান থাকে না অথচ রোগীর কাছে সকলই প্রকৃত বলিয়া মনে হয়। এমন কি অঙ্গের কোন স্থানে চামড়া ছুঁইলেই

রোগী চিৎকার করিয়া উঠে এবং অসহ যন্ত্রণা অনুভব করে। কিন্তু উক্ত স্থান জোরে চাপিয়া ধরিলে যন্ত্রণা অধিক হয় না।

বাস্তবিক হিষ্টিরিয়াগ্রস্ত রোগীর যত রোগ মনের মধ্যে। রোগের যে সকল কাল্পনিক যন্ত্রণা রোগীর মনে হয় বাস্তবিকপক্ষে রোগী সে সকল যন্ত্রণা প্রকৃতই অনুভব করে। কখন কখন রোগী ইচ্ছা করিয়া রোগ জন্মায়—এ অভিপ্রায়ে কেহ কেহ নিজের চামড়ায় সূঁচ বিদ্ধ করিয়া দেয়, কখনও রক্ত বাহির করিয়া খায় এবং ভাটা বমন করিয়া যেন প্রকৃতই ব্যারাম হইয়াছে এরূপ দেখায়। কখনও বা কিছুই খাইতে চায় না অথচ হয়ত লুকাইয়া আবার ত্যক্ত খাদ্যই খাইয়া থাকে। হিষ্টিরিয়া রোগের অধিকাংশ স্থলেই মাসিক ঋতুসম্বন্ধীয় কোন গোলযোগ অথবা কৃমি বর্তমান থাকে। হিষ্টিরিয়া রোগীর একেবারে জ্ঞান লোপ পায় না এবং মুখেরও কোন বিকৃতি হয় না। পড়িয়া গেলে এমন স্থানে পড়ে যাহাতে অঙ্গে কোন প্রকার আঘাত না লাগিতে পারে। হাত পাব আক্ষেপ হয়, কিন্তু তাহাও কতকটা রোগীর ইচ্ছানুযায়ী। রোগী প্রায়ই একবার হাসে, একবার কাঁদে। ফিট্ ছাড়িয়া গেলে সচরাচর প্রচুর পরিমাণে হালকা রংএর প্রস্রাব হইয়া থাকে। হিষ্টিরিয়ার ফিট এবং মূর্গা ও সন্ন্যাস রোগের ফিট্ স্বতন্ত্র (১২৩, ১৭৯ ও ২৩৫ পৃষ্ঠা)।

ফিটের আক্রমণকালে অঙ্গের বস্তাদি শিথিল করিয়া দিবে। গৃহে যাহাতে প্রচুর পরিমাণে বায়ু প্রবিষ্ট হইতে পারে তাহার ব্যবস্থা করিবে এবং রোগীকে পাখাব বাতাস করিবে। চোখে মুখে শীতল জল বা বরফ জল ছিটাইয়া দিবে অথবা পালক পোড়াইয়া নাকের কাছে তাহার ধূম দিবে এবং হাত ও পায়ের তলা মর্দন করিয়া দিবে। রোগী সবল, হৃষ্টপুষ্ট এবং অল্পবয়স্ক হইলে নাক মুখ কিছুকাল চাপিয়া ধরিয়া

থাকিলে এবং রোগী নিশ্বাস ফেলিবার উপক্রম করিবারাত্র হঠাৎ ছাড়িয়া দিলে প্রায়ই ফিট্ দূর হয় । অধিককাল স্থায়ী ফিট্ হইলে কেটলির নল দিয়া রোগীর মাথায় ধারাভাবে শীতল জল ঢালিয়া দিবে । হিষ্টিরিয়া রোগীর প্রতি কর্কশ ব্যবহার করা অনুচিত । কারণ হিষ্টিরিয়া রোগীর অল্প প্রকৃত ব্যায়াম হইতে পারে না এমন নয় । বিশেষতঃ কর্কশ ব্যবহারে ইষ্ট না হইয়া অনিষ্ট হইবারই অধিক সম্ভাবনা । রোগীর সহিত রোগ সম্বন্ধে অধিক আলাপ করা কর্তব্য নয়, পরন্তু যথাসম্ভব ভুলাইয়া রাখিতে চেষ্টা করা কর্তব্য । পরিষ্কৃত বায়ু সেবন, ব্যায়াম, উন্নত মনকে কোন বিষয়ে বিশেষ নিবিষ্ট করা, লঘুপাক এবং পুষ্টিকর দ্রব্যাদি ভোজন, প্রতিদিন শীতল জলে অবগাহন এবং কোষ্ঠ পরিষ্কারের উপায় অবলম্বন করা অবশ্য কর্তব্য । স্বল্পরজঃ বা কষ্টরজঃ হইলে তাহার প্রতিকার করা কর্তব্য । হিষ্টিরিয়ার ফিট্ অধিককালব্যাপী হইলে অথবা অস্বাভাবিক লক্ষণ সকল প্রকাশ পাইলে প্রশ্রাবের কোন দোষ ঘটিয়াছে বুঝিতে হইবে । এমতাবস্থায় প্রশ্রাব পরীক্ষা এবং চিকিৎসকের উপদেশ নিতান্ত আবশ্যিক ।

১৩৪ । হৃদরোগ (Heart-disease)—অভিজ্ঞ চিকিৎসক ব্যতীত অপরের পক্ষে এ রোগ নির্ণয় করা সম্ভবপর নয় । এ রোগ হইলে বিশেষ সতর্কতা অবলম্বন করা প্রয়োজন । এ রোগে হঠাৎ মৃত্যু ঘটিয়া থাকে । বুক টিপ্ টিপ্ করা, বুকে চাপবোধ হওয়া, অবসন্নতা, নিশ্বাস ফেলিতে কষ্টানুভব করা, বুকের বামদিকে স্থচীবিন্দবৎ বেদনা প্রভৃতি যে কোন লক্ষণ প্রকাশ পাইলে তৎক্ষণাৎ সুবিজ্ঞ চিকিৎসক দ্বারা পরীক্ষা করান আবশ্যিক ।

এ রোগে রোগীকে বিশেষ সাবধানে থাকা আবশ্যিক । চা, কাফি এবং মস্তপান একেবারে পরিত্যাগ করা কর্তব্য । এমন কি তামাক

খাওয়াও উচিত নয়। আহার বিষয়ে বিশেষ সতর্ক হওয়া প্রয়োজন। পুষ্টিকর এবং সহজ পচ্য দ্রব্যাদি আহার করা কর্তব্য। অতিরিক্ত শারীরিক বা মানসিক পরিশ্রম বর্জনীয়। অতিরিক্ত পানাহার, হঠাৎ নড়াচড়া করা (sudden movements) এবং সর্বপ্রকার মানসিক উত্তেজনা হইতে বিরত হওয়া কর্তব্য। এ রোগে অনেক সময় জলবায়ু পরিবর্তনের প্রয়োজন হয়। এ বিষয়ে নবম পরিচ্ছেদ দ্রষ্টব্য।

১৩৫। ক্ষয়কাশ বা বক্ষ্মা (Consumption or Phthisis)—এরোগে পরিষ্কৃত বায়ু সেবনের বিশেষ আবশ্যক। দিনের বেলায় গৃহের বাতায়নাদি সমস্ত খুলিয়া রাখা উচিত। রোগীর গৃহে অধিক জিনিসপত্র রাখা কর্তব্য নহে। বিশুদ্ধ বায়ু চলাচলের ব্যবস্থা করা নিতান্ত প্রয়োজন। রোগীর গাত্রে যাহাতে শীতল বায়ু স্পর্শ করিতে না পারে অথবা কোন প্রকারে ঠাণ্ডা লাগিতে না পারে তজ্জন্ত ফ্যানেল ইত্যাদি গরম কাপড়ের জামা গায়ে দেওয়া এবং মোজা ব্যবহার করা কর্তব্য। বুকে এবং পিঠে যাহাতে কোন প্রকারে ঠাণ্ডা লাগিতে না পারে বিশেষভাবে তাহার ব্যবস্থা করা প্রয়োজন। রোগীর গৃহ যাহাতে উষ্ণ না হয় তাহুর উপায় অবলম্বন করা কর্তব্য। রোগীর শয্যায় এমন কি রোগীর ঘরেও অগ্নি কাহারও শয়ন করা উচিত নয়। প্রতিদিন ফাঁকা পরিষ্কৃত জায়গায় ভ্রমণ করা আবশ্যক। কারণ বিশুদ্ধ বায়ুসেবন পথের গ্ৰায় প্রয়োজনীয়। সভাসমিতি ও থিয়েটার প্রভৃতি জনাকীর্ণ স্থানে যাওয়া কর্তব্য নহে। গরম জল শীতল করিয়া স্নান করা উচিত। নিতান্ত দুর্বল হইলে স্নানের জলে কিঞ্চিৎ লবণ মিশ্রিত করিয়া লওয়া উচিত। স্নানের পূর্বে সর্বাঙ্গে তৈল মাখা বিশেষ উপকারী। এ রোগে পার্কতা স্বাস্থ্যকর স্থানে গমন নিতান্ত প্রয়োজন। এ বিষয়ে নবম পরিচ্ছেদ দ্রষ্টব্য।

রোগের প্রবল আক্রমণে রোগী শয্যায় শায়িত থাকিতে কষ্টানুভব করে। কারণ এ অবস্থায় শ্বাসক্রিয়ার ব্যাঘাত হয়। এইরূপ হইলে রোগীকে 'ইজিচেয়ারে' হেলান দিয়া বসিয়া থাকিতে দিবে অথবা অস্ত্র কোন উপায়ে অর্কশায়িতাবস্থায় রাখিবে। রোগীকে শ্লেষ্মাদি গিলিতে দেওয়া কর্তব্য নয়। পিকদানে একটা কাগজ পাতিয়া তাহার উপর শ্লেষ্মাদি ফেলিতে দিবে এবং উহা অতি সাবধানে পোড়াইয়া ফেলিবে। পথ্যাদি সম্বন্ধে ১৩৩ পৃষ্ঠা দ্রষ্টব্য।

নবম পরিচ্ছেদ ।

জলবায়ু পরিবর্তনার্থ স্বাস্থ্যকর স্থান ।

১৩৬ । জলবায়ু পরিবর্তনের আবশ্যিকতা ও স্থান—
জলবায়ু পরিবর্তন স্বাস্থ্যের পক্ষে বিশেষ প্রয়োজন একথা আমরা অনেক সময় ভুলিয়া যাই। “পীড়ার আরোগ্য অপেক্ষা তাহার আক্রমণ নিবারণ করাই উৎকৃষ্টতর পথ।” সুস্থ শরীরেও যে জলবায়ু পরিবর্তনের জন্ত স্বাস্থ্যকর স্থানে যাওয়া আবশ্যিক হয় তাহা হয়ত আমরা একবারও ভাবি না। স্বাস্থ্যরক্ষা বা উন্নতির জন্ত, কখনও বা মানসিক অসুস্থতা দূরীকরণ এবং স্মৃতিলাভের জন্ত, কখনও বা সঙ্কট রোগের হস্ত হইতে মুক্তিলাভ করিয়া শারীরিক ও মানসিক দৌর্বল্য দূর করিবার নিমিত্ত, কখনও বা রোগবিশেষের আক্রমণ হইতে রক্ষা পাইবার জন্ত এবং কখনও বা রোগবিশেষের কষ্ট যন্ত্রণা হইতে মুক্তিলাভ করিবার জন্ত কোন স্বাস্থ্যকর স্থানে জলবায়ু পরিবর্তনার্থ গমন করিবার বিশেষ প্রয়োজন হয়। সুস্থ শরীরে কাহারো জলবায়ু পরিবর্তনের আবশ্যিক হইলে তিনি যে কোন স্বাস্থ্যকর স্থানে গমন করিয়া অভিলষিত ফললাভ করিতে পারেন। কিন্তু রোগীর পক্ষে তাহা ঠিক নহে। ঔষধে যে রোগের প্রতীকার হয় না, অনেক সময় স্বাস্থ্যকর স্থানে জলবায়ু পরিবর্তনে সে সকল রোগের অচিবাৎ উপশম হইতে দেখা যায়। কিন্তু স্বাস্থ্যকর স্থান মাত্রই সকল পীড়ারোগের অনুকূল নহে। যেমন বিভিন্ন রোগে বিভিন্ন ঔষধের প্রয়োজন, তদ্রূপ বিভিন্ন রোগে বিভিন্ন স্থানে জলবায়ু পরিবর্তনের জন্ত অবস্থান করিলে সুফল উৎপন্ন হইতে পারে। আর চিকিৎসা যেমন

দেহে রক্তমাংসের অবশেষ থাকিলেই তাহাতে ফলপ্রদ হয়, জলবায়ু পরিবর্তনের পক্ষেও তদ্রূপ জানা উচিত। জীবনশক্তি শেষ হইয়া গেলে কেবল নামের জন্ত স্থান পরিবর্তন করিলে ফললাভের আশা বিড়ম্বনা মাত্র। আবার দুই একজন যে স্থানে গমন করতঃ রোগ এবং অবস্থা বিশেষে ফললাভ করিয়াছেন, অপরেরও বোগ এবং অবস্থার প্রতি লক্ষ্য না করিয়া সেই স্থানেই গমন করা নিতান্ত অবিবেচনার কার্য। কারণ এক রোগের পক্ষে যে স্থান চিতকর, অপর রোগের পক্ষে তাহার সম্পূর্ণ বিপরীত হইতেও দেখা যায়। এ অবস্থায় কোন্ রোগে কোন্ স্থান উপকারী এবং কোন্ রোগে অনিষ্টকর তাহা জানা বিশেষ আবশ্যিক। আরও একটা বিষয়ে লক্ষ্য রাখা কর্তব্য : প্রত্যেক নগরেরই ভাল মন্দ স্থান (Quarter) আছে। জলবায়ু পরিবর্তনের জন্ত কোন্ স্বাস্থ্যকর স্থানে গিয়া কদর্যা স্থানে যথেষ্ট ভাবে থাকিয়া কোন সুফল লাভেব প্রত্যাশা করাও নিতান্ত মূর্থতা; কিন্তু এ কথাও বলা প্রয়োজন যে, ইউরোপের স্বাস্থ্যকর স্থান সমূহের জলবায়ু সম্বন্ধে এবং কোন্ পীড়ারোগের জন্য কোন্ স্থানে যাওয়া আবশ্যিক তৎসম্বন্ধে তথাকার বহুদর্শী চিকিৎসকগণ যেরূপ অবধারিত করিয়া রাখিয়াছেন, আমাদের দেশ সম্বন্ধে তদ্রূপ কোন অভিজ্ঞতা লিপিবদ্ধ নাই। এ সম্বন্ধে আমাদের বহুদর্শী এবং প্রবীণ চিকিৎসকদিগের অভিজ্ঞতায় যতদূর জানা গিয়াছে নিম্নে তাহার তালিকা প্রদত্ত হইল।

অভিজ্ঞ চিকিৎসকদিগের মতামুসারে সাধারণতঃ নিম্নলিখিত রোগীদিগের জলবায়ু পরিবর্তন বিশেষ প্রয়োজন হয়। যথা—ম্যালেরিয়া, যক্ষ্মা ও প্লীহা, অম্বল অথবা ডিসপেপ্সিয়া, পুরাতন উদরাময় বা গ্রহণী, কাসি, ক্ষয়কাশ বা যক্ষ্মা, বাত, বহুমূত্র, স্নায়বিক দুর্বলতা, মস্তিষ্কগত পীড়া এবং হৃদরোগ।

১৩৭ । ত্রিবিধ দেশ—জলবায়ু পরিবর্তনের জ্ঞান স্থান সকলকে তিন শ্রেণীতে বিভক্ত করা যাইতে পারে । যথা—(১) সামুদ্রিক, (২) পার্বত্য এবং (৩) সমতল ।

(১) সামুদ্রিক—সমুদ্র এবং নদী ও সমুদ্রতীরবর্তী স্থান সকল এই শ্রেণীর অন্তর্গত । পোতারোগে সমুদ্র গমন এবং বাস বিশেষ স্বাস্থ্যকর । বৃহৎ নদীর উপর নৌকায় বাস করিলেও কতক পরিমাণে ঐরূপ উপকার হইয়া থাকে । সমুদ্রোপকূলে অথবা নদীতীরে অবস্থান দ্বারাও অনেক সময় উপকার দর্শে । এই সকল স্থানে গমন ও অবস্থান দ্বারা ক্ষুধার বৃদ্ধি, দৈহিক ও মানসিক তেজ এবং নিদ্রাব বৃদ্ধি হয়, পেশী ও স্নায়ুসকল বলিষ্ঠ হয় এবং শোণিতের পরিমাণ বৃদ্ধি পায় । কিন্তু হৃৎপিণ্ড, যকৃৎ বা পাকস্থলীর বিশেষ কোন পীড়া থাকিলে সমুদ্র গমন বিধেয় নহে ।

(২) পার্বত্য—এই সকল স্থানকে আবার দুই ভাগে বিভক্ত করা যায় । যথা (ক) যে সমুদয় পার্বত্য স্থান শুষ্ক ও যথায় বৃষ্টির পরিমাণ অল্প এবং (খ) যে সকল স্থানে বৃষ্টির পরিমাণ অধিক ও জলীয় বাষ্প অধিক পরিমাণে বিদ্যমান থাকে । পার্বত্য স্থানের জলবায়ু সাধারণতঃ বলকারক ও উত্তেজক । মস্তিষ্ক, স্নায়ু, পেশী ও হৃৎক এ সকল উত্তমরূপে পুষ্ট হয়, ক্ষুধার উদ্রেক হয়, শোণিতের উন্নতি ও বৃদ্ধি হয় এবং দৈহিক ও মানসিক দৌর্জলা দূর হয় । অত্যন্ত রুগ্নাবস্থায় পার্বত্য প্রদেশে গমন করা উচিত নয় । কারণ দৌর্জলাবস্থায় তঠাৎ পরিবর্তন হেতু অনিষ্ট হইতে পারে । অতিরিক্ত পরিশ্রম জনিত অথবা জনাকীর্ণ নগরে বাস হেতু যে অসুস্থতা জন্মে এবং কঠিন রোগ হইতে আরোগ্য লাভ করিবার পরও যে দৌর্জলা থাকে তাহা দূর করিবার নিমিত্ত পার্বত্য স্থান বিশেষ হিতকর ।

ম্যালেরিয়া জনিত রোগ, যক্ষ্মার প্রথমাবস্থায় ও গণ্ডমালা প্রভৃতি রোগে এ সকল স্থানে বিশেষ উপকার হয়। হৃৎপিণ্ডের পীড়া, বাত ও আমাশয় প্রভৃতি রোগে পার্শ্বীয় স্থান অপকারক।

(৫) সমতল—সমতল প্রদেশে যে স্থানে হঠাৎ উত্তাপের হ্রাস বৃদ্ধি না হয়, যে স্থানের ভূমি অনাদ্র এবং বায়ু অতিরিক্ত শুষ্ক বা জলসিক্ত নহে, সে সকল স্থানই স্বাস্থ্যকর। পুরাতন জ্বর, অজীর্ণ ও ক্ষুধামান্দ্য, বাত, যক্ষ্মা, রক্তশূন্যতা, অনিদ্রা, শারীরিক ও মানসিক দৌর্বল্য এবং হিষ্টিরিয়া প্রভৃতি রোগের পক্ষে এ সকল স্থান হিতকর।

১৩৮। আয়ুর্বেদমতে ত্রিবিধ দেশ—এ সম্বন্ধে আমাদিগের প্রাচীন আয়ুর্বেদীয় চিকিৎসকদিগের মত নিম্নে উদ্ধৃত করা গেল। তাঁহাদিগের অভিজ্ঞতা বিশেষ ফলদায়ক হইবে সে বিষয়ে সন্দেহ নাই। তাঁহাদিগের মতেও দেশ তিন প্রকার, যথা—(ক) আনূপ, (খ) জাঙ্গল ও (গ) সাধারণ।

(ক) যেস্থানে বহুল জলাশয়, যাহা বর্ষাকালে নিতান্ত দুর্গম হইয়া পড়ে, যাহার কোন কোন স্থান উন্নত এবং অধিকাংশ নিম্ন; যেস্থানে মৃদু ও শীতল বায়ু বহমান, যেস্থান নানা বিশাল পর্বত ও বৃক্ষসমূহে সমাকীর্ণ, যেস্থানে মানুষের শরীর মৃদু ও স্নিকুমারভাব ধারণ করে এবং লোকে বাতশ্লেষ্মাজনিত রোগে আক্রান্ত হয়, তাহাকে আনূপ দেশ বলা যায়।

(খ) যেস্থানে অল্প বর্ষা, অল্প প্রস্রবণ, সামান্ত পর্বত ও কূপ, যাহা স্থানে স্থানে কণ্টক বৃক্ষ সমূহে সমাকীর্ণ, যেস্থানে উষ্ণ ও রুদ্ধ বায়ু বহমান, যাহা সমতল; যথায় মানুষের শরীর রুশ ও দৃঢ় এবং প্রায়ই যেখানে বাতপিত্ত রোগ জন্মে, সেই স্থানকে জাঙ্গল দেশ কহে।

(গ) যেস্থানে উল্লিখিত সকল প্রকারের লক্ষণই বর্তমান তাহাই সাধারণ দেশ । সাধারণ দেশে শীত, উষ্ণ, বর্ষা ও বায়ু সমভাবে থাকে । এজন্য প্রাণিগণের দেহে দোষও সমভাবে থাকে ।

আনুপ দেশে শ্লীপদাদি রোগ জন্মে । এই সকল ব্যাধিকে জলজ ব্যাধি কহে । স্থলে অর্থাৎ জাঙ্গল দেশে আনীত হইলে ঐ সকল ব্যাধি তত বলবান হইতে পারে না । স্বদেশে যে সকল দোষের সঞ্চার হয়, অত্র দেশে তৎসমুদয় প্রকৃপিত হইয়া থাকে । বিদেশের জল বায়ু ভাল হইলে এবং আহার, নিদ্রা ও ইন্দ্রিয় সমূহের কার্য বথানিয়মে হইতে থাকিলে ভিন্নদেশের কোন পীড়া আক্রমণের আশঙ্কা থাকে না ।

পশ্চিম, দিগ্বাহিনী নদীর জল লঘু ও সুপথ্য । পূর্বদিগ্বাহিনী নদীর জল গুরু ও অপথ্য । দক্ষিণ দিগ্বাহিনী নদীর জল অধিক গুরু ও নয়, লঘুও নয়—সাধারণ । পূর্বে আনুপদেশ, পশ্চিমে জাঙ্গল দেশ এবং দক্ষিণে মধ্য অর্থাৎ সাধাবণ দেশ । নদীসমূহ ঐ সকল দেশ দিয়া প্রবাহিত হইয়া দেশানুসারে জলের গুণ প্রাপ্ত হয় ।

সহপর্বত হইতে যে সকল নদী নির্গত হইয়াছে, সেই সকল নদীর জল পান করিলে কুষ্ঠরোগ জন্মে । বিষ্কাপর্বত হইতে উদ্ভূত নদীসমূহের জল পান করিলে কুষ্ঠরোগ ও পাণ্ডুরোগ জন্মে । মলয় পর্বত হইতে উৎপন্ন নদী সকলের জল পান করিলে শ্লীপদ (গোদ) ও উদররোগ জন্মে । হিমালয়ের উপরিভাগ হইতে উদ্ভূত নদী সমূহের জল সুপথ্য । কিন্তু যে সকল নদী হিমালয়ের অধোভাগ হইতে উৎপন্ন হইয়াছে তৎসমুদয়ের জল পান করিলে হৃদরোগ, শোথ, শিরোরোগ, শ্লীপদ, গলগণ্ড প্রভৃতি পীড়া জন্মে । উজ্জয়িনীর পশ্চিমদিকস্থ পর্বত সমূহ হইতে উৎপন্ন নদী সকলের জল পান করিলে অর্শ রোগ জন্মে ।

১৩৯। সামুদ্রিক স্বাস্থ্যনিবাস—সামুদ্রিক স্বাস্থ্যপ্রদ স্থান এদেশে প্রায় নাই। বাঙ্গালার নিকট পুরী ও ওয়ালটেয়ারের নাম করিতে পারা যায়। সমুদ্র যাত্রায় যাহাদের আপত্তি নাই, তাহারা কলম্বো বা রেঙ্গুনে গমন করিলে কয়েকদিন সমুদ্রবাসের উপকার প্রাপ্ত হইতে পারেন। তবে যাহাদের শরীর নিতান্ত দুর্বল তাহাদের পক্ষে সমুদ্রযাত্রা অবিধেয়। পূর্ব বাঙ্গালায় যে সকল বড় বড় নদী আছে তাহার উপর নৌকাবাস করিয়া সমুদ্র যাত্রার কতকটা অনুকরণ করা যাইতে পারে এবং তাহাতে উপকার হইবারও সম্ভাবনা। ম্যালেরিয়া এবং যক্ষ্মারোগে সমুদ্রের বিশুদ্ধ বায়ু অতিশয় উপকারী। শীত গ্রীষ্মের প্রার্থ্য নাই বলিয়া বাত, এলবুমিনুরিয়া এবং যকৃতের পীড়ায় এই সকল স্থানে উপকার প্রাপ্ত হওয়া যায়।

(১) ওয়ালটেয়ার—বায়ুরোগ, হিষ্টিরিয়া, অজীর্ণ, ও অল্পপিত্ত, বাত, ম্যালেরিয়া, যক্ষ্মা, আলবুমিনুরিয়া এবং যকৃতের রোগে এ স্থান বিশেষ উপকারী।

ইহা মালদ্বীপ প্রদেশের ভিজোগাপত্তন জেলার সদর ষ্টেশন। হাবড়া হইতে ৫৪৬ মাইল দূরে বেঙ্গল নাগপুর রেলওয়ের একটি ষ্টেশন। ভাড়া—মধ্যম শ্রেণী ১১।১০ এবং তৃতীয় শ্রেণী ৬।১০ আনা। কলিকাতা হইতে মালদ্বীপ মেলে যাইতে হয়।

এখানে ৪।৫টী মাত্র ভাল বাড়ী আছে। ভাড়া ৫০, হইতে ৮০, টাকা। এতদ্ব্যতীত ১০।১৫টী ক্ষুদ্র ক্ষুদ্র বাড়ী আছে, তন্মধ্যে ৪।৫টীর অধিক ভাড়া পাওয়া যায় না। এ সকলের ভাড়া ৫, হইতে ১০, টাকা। এই সকল বাড়ী সমুদ্রের তীরে; এ স্থানকে upland বলে। রেলওয়ে ষ্টেশনের কাছে কতকগুলি বাড়ী আছে; কিন্তু সে সকল স্থান রোগীর পক্ষে তত উপযোগী নহে। কারণ তথায় সমুদ্রবায়ু প্রবাহিত হইতে

বাধা প্রাপ্ত হয়। এপ্রিল হইতে সেপ্টেম্বর পর্যন্ত সময় ভাল। 'আপ্লাগু' বা চীনা 'ওয়ান্টেয়ারএ' অতি ক্ষুদ্র বাজার আছে, তাহাতে সব সময় সকল জিনিষ পাওয়া যায় না। তিন মাইল দূরে ভিজিগাপত্তন হইতে প্রয়োজনীয় দ্রব্যজাত আনা যাইতে পারে।

(২) কলম্বো—ম্যালেরিয়া, যক্ষ্মা, আলবুমিনুরিয়া এবং যক্ষ্মের পীড়ায় উপকারী। ডিসপেন্সিয়ায় তত উপকারী নহে। পৌষ হইতে জ্যৈষ্ঠমাস পর্যন্ত সময় ভাল। বসন্ত ও বসন্ত এই দুই ঋতুই প্রধান। শীত অথবা গ্রীষ্মের প্রাবল্য নাই। ৮ হইতে ১৬ টাকার বাড়ী ভাড়া পাওয়া যায়। আহাৰ্য্য দ্রব্যাদি দুপ্রাপ্য ও দুশূল্য। সর্ষপ তৈল পাওয়া যায় না। নারিকেল তৈলে বন্ধনাদি চইয়া থাকে।

ইঙ্গা সিংহল (লঙ্কা) দ্বীপের রাজধানী। কলিকাতা হইতে P. & O অথবা ব্রিটিশ ইণ্ডিয়া লাইনের জাহাজে যাওয়া যায়। তিন মাসের রিটারণ টিকিট লইলে প্রথম সেলুন ১৬৫ এবং দ্বিতীয় সেলুন ৯৪। কলিকাতায় Messrs. Thos. Cook & Son (11, Old Court House Street) এবং কলম্বোতে 12, Baillie Street, Mr. Creasyর নিকট হইতে টিকিট ক্রয় করাই সুবিধাজনক। তথায় সেন্ট (Cent) মুদ্রা প্রচলিত। আমাদের ১ টাকা তথাকার ১০০ সেন্টের সমান। ৫০ সেন্ট ১০, ২৫ সেন্ট ১০ এইরূপ; ১০ সেন্ট পর্যন্ত রোপ্য মুদ্রা প্রচলিত। লঙ্কাদ্বীপে দু-আনি ব্যতীত এদেশীয় রোপ্য মুদ্রাও প্রচলিত আছে। নোট ইত্যাদি সামান্য বাটা দিয়া ভাঙ্গান যায়। তথাপি ঐ দেশীয় মুদ্রা সঙ্গে থাকিলে বিশেষ সুবিধা হয়। মিউনিসিপালিটির ভিতরে গাড়ী ভাড়া অর্ধঘণ্টা ৫০ সেন্ট। প্রথম একঘণ্টা ১ এবং তৎপরে প্রত্যেক ঘণ্টা ২৫ সেন্ট। জিনরিক্স প্রতিঘণ্টা ২৫ সেন্ট। কোনস্থানে হাজির রাখিলে প্রতি অর্ধঘণ্টা ১০ সেন্ট হিসাবে দিতে হয়।

(৩) গঞ্জাম (বরহমপুর)—এখানেও অল্পাধিক পরিমাণে ঐ সকল রোগে উপকারী। বরহমপুর মাল্ধাজ প্রদেশের গঞ্জাম জেলার সদর স্টেশন। হাবড়া হইতে ২৭৪ মাইল দূরে বেঙ্গল নাগপুর রেলওয়ের একটা স্টেশন। ভাড়া—মধ্যম শ্রেণী ৭৮/০, তৃতীয় শ্রেণী ৪৮/০ আনা।

(৪) ডায়মণ্ড হারবার—ওয়ালটোয়ার ৫ পুরীতে যে সকল উপকারিতার বিষয় উল্লেখ করা হইয়াছে এখানেও অল্পাধিক পরিমাণে ঐ সকল গুণ বিদ্যমান আছে। কলিকাতা হইতে ৩৮ মাইল দূরে পূর্ববঙ্গ রেলওয়ের (দক্ষিণ বিভাগে) একটা স্টেশন এবং ২৪ পরগণার একটা মহকুমা। ভাড়া—মধ্যম শ্রেণী ৮৫ এবং তৃতীয় শ্রেণী ১৮/১৫ আনা।

শিয়ালদাহ হইতে আড়াই ঘণ্টায় যাওয়া যায়। বাটী ভাড়া পাওয়া সুকঠিন। রেলের ডাকবাঙ্গালা আছে, তাহা মাসিক ৩০ টাকা ভাড়ায় পাওয়া যাইতে পারে। প্রয়োজন হইলে পূর্ববঙ্গ রেলওয়ের Traffic Superintendentএর কাছে লিখিতে হয়। দুধ, মাছ ইত্যাদি দুপ্রাপ্য। কাটা মাংস বাজারে বিক্রয় হয় না। দুধ বাহা পাওয়া যায় তাহা খাঁটি এবং টাকায় ৬ হইতে ৮ সের পর্য্যন্ত। কোন দ্রব্যের প্রয়োজন হইলে কলিকাতা হইতে নেওয়া যাইতে পারে। ডাক্তার ও ডাক্তারখানা আছে। চাকর চাকরাণী পাওয়া যায় না।

(৫) পুরী (সমুদ্র তীর)—পুরাতন জ্বর, পুরাতন বাত, স্নায়বিক দুর্বলতা, কাসি, হাঁপানি ও যক্ষ্মা এবং যক্ষ্মের রোগে বিশেষ উপকারী।

হাবড়া হইতে ৩১০ মাইল দূরে বেঙ্গল নাগপুর রেলওয়ের একটা স্টেশন। ভাড়া—মধ্যশ্রেণী ৫৮/১০ এবং তৃতীয় শ্রেণী ৪৮/১৫ টাকা। সমুদ্রতীরে এখন যথেষ্ট বাড়ী পাওয়া যায়, কিন্তু ভাড়া বেশী। সমুদ্র-তীরের স্বাস্থ্য ভাল; সহরের ভিতরে স্বাস্থ্য ভাল নয়। দুধ খাঁটি ও

সুলভ। সমুদ্রের মাছ নানা প্রকার পাওয়া যায়। সমুদ্রতীরে রোগীর বাসের ব্যবস্থা করা সুকঠিন ও বহুবায় সাধ্য। বর্ষাকাল ভাল নয়। গ্রীষ্মকাল মন্দ নয়, তবে শীতকালই সর্বোৎকৃষ্ট। শীতকালে তত শীত নাই, গ্রীষ্মেও তত গরম হয় না। সমুদ্রতীরের দৃশ্য অতি মনোরম।

১৪০। পার্শ্বত্যা স্বাস্থ্য নিবাস—পার্কীয় স্থানের মধ্যে দার্জিলিং, মুসুরী ও সিমলা প্রসিদ্ধ। তন্মধ্যে মুসুরী ও সিমলাই উৎকৃষ্ট বলিতে হইবে। কিন্তু কাশ্মীরই সর্বশ্রেষ্ঠ। দার্জিলিংএ বৃষ্টির পরিমাণ অধিক এবং বায়ু জলসিক্ত। মুসুরী ও সিমলা অপেক্ষাকৃত শুষ্ক; উত্তেজক ও বলকারক। কিন্তু এ সকল স্থানে দেশী লোকের বাসোপযোগী বাসগৃহ পাওয়া সুকঠিন এবং আবশ্যিক দ্রব্যাদিও মহাঘা। অতিশ্রমজনিত শারীরিক ও মানসিক দৌর্বল্য দূর করিবার পক্ষে এই সকল স্থানই প্রশস্ত। যক্ষ্মা ও ম্যালেরিয়াগ্রস্ত রোগী, শিশু, অতিবৃদ্ধ বা অতি দুর্বল হইলে শীতসহিষ্ণু হইবেন না; স্তত্রাং তাঁহাদের শৈলবাস কালে এবিষয়ে বিশেষ সতর্ক হওয়া আবশ্যিক। ব্যারাম গুরুতর না হইলে হৃদরোগ এবং রক্তহীনতাতেও শৈলবাস, বিধেয়। প্রণালীপূর্বক পার্কিত্য পথে উঠা নামা করিতে পারিলে হৃদরোগের উপশম হয়। যকৃৎ রোগে পার্কিত্য প্রদেশ বড়ই অতিকর।

(১) আলমোড়া—বহুমূত্র, প্লীহা, পুরাতন জ্বর, মস্তিষ্ক ও স্নায়ুর দুর্বলতা এবং যক্ষ্মা রোগে বিশেষ উপকারী।

কলিকাতা হইতে ৯৫৫ মাইল দূরে উত্তর পশ্চিম প্রদেশের কুমায়ুন বিভাগের একটি জেলা। উচ্চতা ৫, ৪৯৪ ফিট। ইহা নৈনিতাল হইতে ৩০ মাইল দূরে অবস্থিত। কাঠগুদাম হইতে (২৭১ পৃষ্ঠা) পনি কিছা ডাঙিতে করিয়া আলমোড়া যাইতে হয়। পনির ভাড়া ৭।।০ এবং ডাঙির ভাড়া ৩।০ আনা। মালের পনি ২।০ এবং কুলি ১।০ হিসাবে নেয়।

এস্থানে অল্প ভাড়াতে বাড়ী পাওয়া যাইতে পারে। এস্থানের জলবায়ু শুষ্ক, নৈনিতালের ঞায় কোয়াশা ও শৈত্যের প্রাচুর্য্য নাই। পানের পক্ষে ঝরণার জলই উৎকৃষ্ট। এস্থান গ্রীষ্মের সময় অতিশয় গরম হয়। যেবারে রীতিমত বর্ষা হয় সেবারে ইহার আবহাওয়া বেশ ভাল থাকে।

(২) আবু-গিরি—উদরাময়, হৃদরোগ, মস্তিষ্কের পীড়া, শারীরিক বা মানসিক দৌর্বল্য প্রভৃতি রোগে বিশেষ উপকারী। উপদংশ, বাত এবং জ্বর বোগের পক্ষে ভাল নহে। সিমলা প্রভৃতির ঞায় এখানে পেটের অস্থখের (Hill diarrhoea) কোন আশঙ্কা নাই। এখানকার প্রাকৃতিক দৃশ্য অতিশয় মনোরম। গ্রীষ্মকালে সমুদ্র-বায়ু প্রবাহিত হইলে এস্থান বড়ই আবামপ্রদ এবং বর্ষার প্রারম্ভে অতি মনোমুগ্ধকর হয়।

ইহা রাজপুতনার সিরোহী জেলার অন্তর্গত একটা পার্বত্য স্বাস্থ্যকর স্থান। উচ্চতা ৪০০০ ফিট। বোম্বাই হইতে (২৬৩ পৃষ্ঠা) ৪২৫ মাইল দূরে B. B. & G. I. Ry. এ আবুরোড পর্য্যন্ত এবং তথা হইতে ১৭ মাইল দূরে আবু-গিরি। পাকা রাস্তা আছে এবং ঘোড়া কিম্বা রিক্সতে করিয়া যাইতে হয়। ঘোড়ার ভাড়া প্রথমশ্রেণী ৪, দ্বিতীয়শ্রেণী ২, এবং তৃতীয়শ্রেণী ১। এবং রিক্সের ভাড়া ৬ টাকা। আজমীর দিয়াও যাওয়া যাইতে পারে। হাবড়া হইতে দিল্লী ২০৩ মাইল। ভাড়া—মধ্যমশ্রেণী ১৪৮/১০ এবং তৃতীয়শ্রেণী ৮০/০ আনা। দিল্লী হইতে আবুরোড ৪৬৫ মাইল। ভাড়া মধ্যমশ্রেণী ৬৮/০ এবং তৃতীয়শ্রেণী ৪৮/০ আনা। বোম্বাই হইতে আবুরোড ৪২৫ মাইল। ভাড়া—মধ্যমশ্রেণী ৬, এবং তৃতীয়শ্রেণী ৪। আনা। আবুরোড হইতে আবু-গিরি—২ ঘোড়ার টায় প্রতিজনের ৪, এবং সমগ্র টকা ১০, টাকা। এক ঘোড়ার একা প্রতিজনের ২, এবং সমগ্র একা ৪। টাকা। বৎসরের

অধিকাংশ সময়ই স্বাস্থ্য ভাল থাকে। বর্ষার সময় প্রচুর বৃষ্টি হয়। এ সময়েও স্বাস্থ্য নষ্ট হয় না। তবে জ্বররোগীর পক্ষে এ সময় ভাল নয়। নবেম্বর হইতে মার্চ মাস পর্য্যন্ত অতিশয় স্বাস্থ্যকর হয়। এ সময়ে বেশ শীত হয়। গ্রীষ্মের সময় অত্যধিক গরম হয় না।

ইহা অতিশয় স্বাস্থ্যকর স্থান বলিয়া সাহেবদিগের বড়ই প্রিয়। এখানে গির্জা, ক্লাব, হাসপাতাল প্রভৃতি সবই আছে। ডাক বাঙ্গালায় থাকিবার স্থান হইতে পারে। আবু-গিরির কোন কোন স্থানের উচ্চতা ৫৬৫৩ ফিট। পাহাড়েব উপবে “নখী তালাও” নামক অন্ধ মাইল বিস্তৃত একটা অতি রমণীয় হ্রদ আছে। ইংবাজেরা ইহাকে Nail Lake বলিয়া থাকেন। প্রবাদ এই যে দেবতাগণ নখদ্বারা ইহা খনন করিয়া-ছিলেন। এ স্থানে প্রায়ই ভূকম্পন হয়। পানের পক্ষে ঝরণার জল অপেক্ষা কূপের জলই প্রশস্ত।

(৩) আশীরগড়—এ স্থানের জলবায়ু অতিশয় স্বাস্থ্যপ্রদ। ইহা পশ্চিম ঘাট পর্বতশ্রেণীর সাতপুরা শাখার এক উন্নত গিরিশৃঙ্গে অবস্থিত। তথাকার ডাক বাঙ্গালা ভাড়া পাওয়া যাইতে পারে। এস্থানে মধ্যপ্রদেশের নিমার ডিষ্ট্রিক্টের অন্তর্গত স্মৃবৃহৎ প্রাচীন দুর্গ। এলাহাবাদ হইতে ৫২৮ মাইল; জব্বলপুর দিয়া G. I. P. Ry. এর চাঁদনী স্টেশন পর্য্যন্ত রেল গাড়ীতে যাইতে হয়। তথা হইতে গরব গাড়ী কিম্বা ঘোড়ায় ৭ মাইল দূরে আশীরগড়। ইহার উচ্চতা ২২৮৩ ফিট। বোম্বাই হইতে চাঁদনী ৩২২ মাইল। ভাড়া—ডাকগাড়ীর তৃতীয়শ্রেণী ৫/০ এবং সাধারণ তৃতীয়শ্রেণী ৩/০ আনা। তুওলা জংশন (E. I. Ry.) হইতে চাঁদনী ৫৩৩ মাইল। ভাড়া—ডাকগাড়ীর তৃতীয়শ্রেণী ৫/০ এবং সাধারণ তৃতীয়শ্রেণী ৩/৫ টাকা। হাবড়া হইতে তুওলা ৭৭৭ মাইল। ভাড়া—মধ্যমশ্রেণী ১২৬/৫ এবং তৃতীয়শ্রেণী ৭/৫ আনা।

(৪) কাসোলি—ইহা একটা স্বাস্থ্যকর স্থান । জলাতঙ্ক (Hydrophobia) রোগের চিকিৎসার্থ গবর্ণমেন্ট এখানে প্যাস্চুর ইনষ্টিটিউট (Pasteur Institute) স্থাপন করিয়াছেন । ইহা কলিকাতা হইতে ১, ১৪২ মাইল দূরে পঞ্জাব প্রদেশের একটা সহর ।

কাসোলি সমুদ্রতট হইতে প্রায় ৬,০০০ ফুট উচ্চে নিম্নতর হিমালয় পর্বতমালায় অবস্থিত । শীতকালে কাসোলিতে অত্যন্ত শীত হইয়া থাকে এবং কখন কখন এককালে একাধিক সপ্তাহ ধরিয়া ভূমি তুষারাচ্ছন্ন হইয়া থাকে । একারণ রোগীরা যথেষ্ট পরিমাণে গরম কাপড় চোপড় এবং বিছানাপত্র লইয়া যাইবেন ।

কাসোলিতে যাইবার পক্ষে কাল্কাই সর্বাপেক্ষা সুবিধাজনক রেলওয়ে স্টেশন ছিল । কাল্কা ইষ্ট ইণ্ডিয়ান রেলওয়েৰ উপর এবং প্যাস্ চুর ইনষ্টিটিউট হইতে ২ $\frac{১}{২}$ মাইল দূবে অবস্থিত । কাল্কা হইতে কাসোলি যাইতে হইলে আগাগোড়া পাহাড়ে উঠিয়া যাইতে হয় । আরোহী এবং গাঁটরির বহনার্থে টাট্টু ঘোড়া, ডাণ্ড, ডুলি, রিকসা এবং কুলি পাওয়া যায় । সম্প্রতি কাসোলি হইতে ৫ মাইল দূরে কাসোলিরোড নামক (Kalka Simla Ry.) একটি স্টেশন হইয়াছে । এখান হইতে টম্‌টম্ বা টঙ্কা করিয়া যাওয়াই সুবিধাজনক ।

এখানে বিনা পয়সায় সকলকে চিকিৎসা করা হইয়া থাকে । দংশনের নানাধিক্যানুসারে ১৮ হইতে ২২ দিন পর্য্যন্ত চিকিৎসার সময় আবশ্যক হইয়া থাকে । মুখে অত্যধিক পরিমাণে দংশন করিলে ইহা হইতে আরো কয়েকদিন অধিক সময়ের আবশ্যক হয় । রোগীদিগকে হাঁসপাতালের ভিতরে রাখিয়া চিকিৎসা করিবার ব্যবস্থা নাই । প্রতিদিন প্রাতে সাড়ে দশ ঘটিকার সময় সকলকে চিকিৎসার্থ উপস্থিত হইতে হয় । আহাৰ্য্যাদি নিজেদের সংগ্রহ করিতে হয় । কাসোলির উদারহৃদয় লালী

ঘুস্ত মিয়া দেশীয় গরীবদিগের বাসের জন্ত বাজারে ১৬ কামরা বিশিষ্ট একটী বাড়ী দান করিয়াছেন। কাসোলিতে বহু সংখ্যক হোটেল আছে তাহাতে অবস্থাপন্ন লোকদিগের বাসস্থানের বন্দোবস্ত হইতে পারে। একথা সকলের জানা আবশ্যিক যে রোগীদিগকে অত্যাণ্ড হাঁসপাতালের রোগীর ন্যায় শয্যাশায়ী হইয়া থাকিতে হয় না। কাসোলিতে যাইতে হইলে চিকিৎসার ব্যয় ব্যতীত আব সকল ব্যয়ই নিজেকে বহন করিতে হয়। উপযুক্ত গাত্র বস্ত্রাদি এবং বাসস্থান ও আহারের ব্যবস্থা নিজেদের করা আবশ্যিক। ক্ষিপ্ত কুকুর, শেয়াল বা অন্য কোন ক্ষিপ্ত (rabid) জন্তুতে কামড়াইলে ১৫ দিনের ভিতর কাসোলি যাওয়া কর্তব্য।

ক্ষিপ্ত কুকুর প্রভৃতিতে কামড়াইলে প্যাস্চুর ইন্স্টিটিউটে
চিকিৎসিত হইবার নিমিত্ত যে সকল ব্যক্তি
কাসোলিতে যান তাহাদিগের পরি-
চালনার্থ যে বিধিব্যবস্থা আছে
নিম্নে তাহার সারাংশ
উদ্ধৃত হইল।

ঐ ইন্স্টিটিউট হইতে প্রায় অন্ধ মাইল দূরে অবস্থিত বাজারে বাটী ভাড়া লইতে যাহারা অক্ষম তাহাদিগের নিমিত্ত “লাইন” প্রস্তুত করা হইয়াছে, যেখানে তাহারা চিকিৎসাধীন থাকিবার কালে বাস করিতে পারেন। আবশ্যিক হইলে দরিদ্র রোগীদিগকে গরম পরিচ্ছদ, কম্বল এবং রন্ধনের জন্য তৈজসাদি যোগান হয়। ইহাব জন্ত কোন খরচা লওয়া হয় না।

চিকিৎসার বাবৎ কোন রকম খরচা লওয়া হয় না এবং ডিরেক্টর সাহেব যে সকল উপদেশাবলী বিধিবদ্ধ করিয়াছেন তাহা যদি পালন

করিয়া চলা হয় তাহা হইলে চিকিৎসাধীন ব্যক্তিদিগকে পীড়াশঙ্কবাচক কোনরূপ অসুস্থতাই ভোগ করিতে হয় না । চৌদ্দদিন পর্য্যন্ত চিকিৎসাধীন থাকিতে হয় ।

কামড়াইবার পর যত শীঘ্র সম্ভব রোগীদিগের কাসোলিতে যাওয়া উচিত । নিয়োগকারী এবং গবর্ণমেন্ট কন্সচার্জী যে সকল অশিক্ষিত রোগীকে পাঠান, যে প্রণালীতে ঐ সকল ব্যক্তি দৃষ্ট হয়, দংশনকারী জন্তুর পরিণাম এবং যতজন ব্যক্তিকে ঐ ক্ষিপ্ত জন্তু কামড়াইয়াছে বলিয়া জানা যায় তাহার মোট সংখ্যাসম্বন্ধে সমস্ত বিস্তারিত বিবরণসম্বলিত এক একখানি পত্র ঐ রোগীদিগের সহিত পাঠাইতে হইবে ।

বেসরকারী নিয়োগকারী, বন্ধু এবং অপরাপর বেসরকারী ব্যক্তিগণ কিম্বা সমিতিসমূহকর্তৃক কিম্বা তাঁহাদিগের খরচে যে সকল রোগী পাঠান হয় ঐ নিয়োগকারী প্রভৃতিকে সেই রোগীদিগের ফিৰিয়া যাত্ৰিবার খরচা এবং দুই সপ্তাহকালব্যাপী চিকিৎসাধীন থাকিবার কালে তাঁহাদিগের আহাৰাদির খরচা দিবার পক্ষে যথেষ্ট হয় এ পরিমাণ টাকাও দিতে হইবে । ইচ্ছা করিলে, এই সকল উদ্দেশ্যের নিমিত্ত টাকা ঐ ইন্সটিটিউটের ডাইরেক্টরের নিকট পাঠান বাইতে পারিবে : ভৃত্যাদি এবং অশিক্ষিত কিম্বা অপর দায়িত্বজ্ঞানশূন্য ব্যক্তিদিগের বেলা এই প্রণালী অবলম্বন করাই বিশেষ সুবিধাজনক ।

কুকুর প্রভৃতিতে কামড়াইলে চিকিৎসা করাইবার নিমিত্ত যে সকল দরিদ্ররোগী ও তাহাদিগের অনুচরবর্গ কাসোলিস্থ প্যাস্চুর ইন্সটিটিউটে যান আসাম বেঙ্গল রেলওয়ে, বারাসত-বসিরহাট রেলওয়ে, বর্গি লাইট রেলওয়ে, বেঙ্গল ডুয়াম' রেলওয়ে, ইষ্টার্ন-বেঙ্গল ষ্টেট রেলওয়ে, ইষ্ট ইণ্ডিয়ান রেলওয়ে, হাবড়া-আমতা রেলওয়ে, হাবড়া-সিয়াখালা রেলওয়ে এবং অপরাপর রেলওয়ে ও ইণ্ডিয়ান রেলওয়ে কন্ফারেন্স এসোসিয়েসনের

পক্ষগণ নিম্নলিখিত সর্ভসমূহের অধীনে তাঁহাদের যাতায়াতের বিশেষ সুবিধা করিয়া থাকেন।

(ক) সরকারী কর্মচারী নহেন এমন কোন দরিদ্র ব্যক্তিকে (এবং ঐ দরিদ্র ব্যক্তি স্ত্রীলোক কিম্বা ১৬ বৎসরের ন্যূনবয়স্ক শিশু হইলে কিম্বা বয়স অথবা, অপর যথেষ্ট কারণের দরুণ একাকী ভ্রমণ করিতে অক্ষম এমন কোন পুরুষ হইলে তাহার সহিত একজন অনুচরকেও) বিনামূল্যে তৃতীয়শ্রেণীর টিকিট দেওয়া হইবে।

(খ) প্যাস্‌চুব ইন্‌স্টিটিউটের কর্তৃপক্ষগণের স্বাক্ষরিত একখানি সাটিফিকেট উপস্থিত করা হইলে প্রত্যাগমন করিবার টিকিট দেওয়া হইবে।

(গ) প্রত্যেক রোগীর সহিত কিম্বা একই পরিবারস্থ রোগীদিগের প্রত্যেক দলের সহিত উপরোক্তমত কেবল একজন অনুচরকে যাইতে দেওয়া হইবে।

(ঘ) টিকিটের নিমিত্ত আবেদনপত্র যে আফিস হইতে বাহির হয় সেই আফিসের সরকারী মোহরের ছাপ উহাতে থাকা আবশ্যিক। উহাতে নিম্নলিখিত কর্তৃপক্ষসমূহের, অর্থাৎ কমিসনড্ মেডিকাল অফিসার, সিভিল সার্জেন, মিলিটারি আসিষ্ট্যান্ট সার্জেন, সিভিল আসিষ্ট্যান্ট সার্জেন এবং হাসপাতালের স্বাধীন ভারপ্রাপ্ত সিভিল এপথিকারী ইহাদের একজনের স্বাক্ষর থাকা চাই এবং ছেসনে কোন মেডিকাল অফিসার উপস্থিত না থাকিলে কালেক্টর কিম্বা কমিসনর, ডিভিসনাল অফিসার, তহসিলদার কিম্বা তালুকদার, স্বাধীন ভারপ্রাপ্ত ডেপুটী তহসীলদার, পুলিশ বিভাগের ডেপুটী সুপারিন্টেন্ডেন্টের ও তাহার উচ্চ পদস্থ অফিসার, সব-রেজিষ্ট্রার এবং সব-আসিষ্ট্যান্ট অফ সার্ভেইন্স উহা স্বাক্ষরিত হইবে। গেজেটেড্ অফিসারের অনুপস্থিতিতে ঐ স্থানের

সর্বোচ্চ সিবিল কর্তৃপক্ষ ঐ আবেদনপত্র বাহির করিতে ক্ষমতাপন্ন হইবেন ।

কোন আবেদনে যে সকল স্থল কাটা এবং যে সকল পরিবর্তন থাকে তাহাতে যে কর্মচারী ঐ আবেদনপত্র বাহির করেন তাঁহার নামের আওক্ষরযুক্ত সহি অবশ্যই থাকিবে ।

দরিদ্র রোগিগণের প্রতি গবর্ণমেন্টে প্রদর্শিত অনুগ্রহের কথা ।

কোনও ক্ষিপ্ত জন্তুতে দংশন করিবার পর গবর্ণমেন্টেব চাকরগণ এবং সরকারী চাকরির সহিত সম্বন্ধহীন দরিদ্র ব্যক্তিগণ চিকিৎসার জন্য অবিলম্বে কুম্বুর কিম্বা কাসৌলী পাস্তুব ইন্স্টিটিউটে গমন করিতে পারেন ততদ্দেশে ভারতবর্ষীয় গবর্ণমেন্ট তাহাদিগের প্রতি কতকগুলি অনুগ্রহের ব্যবস্থা করিয়াছেন সেই অনুগ্রহগুলি এই :—

(১) যে গবর্ণমেন্ট কর্মচারীব মাসিক বেতন ১০০ টাকার অধিক কিন্তু ৫০০ টাকার অধিক নহে এবং যিনি কোনও ইন্স্টিটিউটে যাওয়ার উপযোগী অর্থ অবিলম্বে সংগ্রহ করার পক্ষে অসুবিধা বোধ করেন, তাঁহাকে, কাসৌলী বা কুম্বুর পর্য্যন্ত যাইবার ও তথা হইতে প্রত্যাগমন করিবার প্রকৃত পথ খরচা নিক্সাতার্থ যথেষ্ট টাকা অগ্রিম মঞ্জুর করা যাইতে পারে । অপিচ তাঁহাকে এক মাসের অগ্রিম বেতন এবং এক মাসের আগনুক (ক্যাজুয়াল) ছুটি দেওয়া যাইতে পারে । এইরূপে যত টাকা অগ্রিম দেওয়া হইল তাহা নির্দিষ্ট হারে কিস্তিক্রমে আদায় করা হইবে ।

(২) ক্ষিপ্ত জন্তুকর্তৃক দষ্ট হইয়াছেন এরূপ যে কোন গবর্ণমেন্ট কর্মচারী অর্থাভাবে নিম্নব্যয়ে কাসৌলী কিম্বা কুম্বুর পর্য্যন্ত গমন করিতে

অসমর্থ, তাঁহার মাসিক বেতন ১০০ টাকার অধিক না হইলে তাঁহাকে—

(ক) কাসোলী বা কুন্ডুর পর্য্যন্ত যাওয়ার ও তথা হইতে ফিরিবার প্রকৃত পথ খরচা ;

(খ) এক মাসের অগ্রিম বেতন ; এবং

(গ) এক মাসেব আগন্তুক (ক্যাজুয়াল) ছুটি মঞ্জুর করা হইবে । এতদতিরিক্ত ছুটি আবশ্যক হইলে তাহা অনুগ্রহ (প্রিভিলেজ) ছুটি বা পীড়া হেতু (সিক্) ছুটি বলিয়া গণ্য করা হইবে ।

(৩) সরকারী চাকরির সহিত বাহার সম্বন্ধ নাই এমন কোনও দরিদ্র ব্যক্তি, অনুগ্রহ মঞ্জুরি বিষয়ে ক্ষমতাপ্রাপ্ত কোনও কর্মচারীর মতে, নিজ্বায়ে পাস্তুর ইন্সটিটিউটে গমন করার পক্ষে অসমর্থ বলিয়া বিবেচিত হইলে তাঁহাকে—

(ক) কাসোলী বা কুন্ডুর পর্য্যন্ত যাওয়ার ও তথা হইতে ফিরিবার প্রকৃত তৃতীয় শ্রেণীর পথ খরচা ;

(খ) গমনাগমন কালে দিন প্রতি ১০ আনা এবং চিকিৎসাধীন থাকিবার কালে দিন প্রতি ১০ আনা পাইতে পারিবেন :

(গ) স্ত্রীলোক, ১৬ বৎসরের কম বয়স্ক শিশু, এবং বার্কক্য বা অপর যথেষ্ট কারণে যে সকল পুরুষ একেলা ভ্রমণ করিতে অসমর্থ এমন পুরুষ সমেত দরিদ্র ব্যক্তিগণ তাঁহাদিগের সহিত একজন অনুচর ঐ ইন্সটিটিউটে লইয়া যাইবার অনুমতি পাইতে পারিবেন। ঐ অনুচর রোগীদিগের নিমিত্ত মঞ্জুর করা হারে পথ খরচা এবং খোরপোষের ভাতা এবং যে সকল স্থলে প্রেরণকারী অফিসারের প্রতীতি হয় যে রোগী ঐ অনুচরের দৈনিক খরচা দিতে অক্ষম সেই সকল স্থলে দিনে চারি আনার অনধিক হারে বেতনও পাইতে পারিবেন। [মাসে ১০০ টাকার অনধিক বেতন

পাইয়া থাকেন এমন গবর্ণমেন্টের চাকরদিককেও (কিন্তু তাঁহাদিগেব পরিবারবর্গকে নহে) এই সুবিধা দেওয়া হয় ।] ,

এই অনুগ্রহ কার্যতঃ প্রদর্শন জন্য ভারতবর্ষীয় গবর্ণমেন্ট যে সমস্ত নিয়ম ও বিধিসমূহ প্রণয়ন করিয়াছেন তাহাব সংক্ষিপ্ত সারাংশ এই :—

(১) স্থানীয় গবর্ণমেন্টকর্তৃক বেরূপ পদবী নির্দিষ্ট হইতে পাবে তদপেক্ষা নিম্নতর পদস্থ নহেন এরূপ যে কোনও গবর্ণমেন্টের কর্মচারী, গবর্ণমেন্টের কর্মচারীই হউন বা সরকারী চাকরির সহিত সম্বন্ধহীন দরিদ্র ব্যক্তিই হউন, যথোক্ত যে কোনও শ্রেণীর লোকদিগকে অবিলম্বে কাসোলী কিম্বা কুন্ডর যাত্রার ক্ষমতা দিবার এবং উল্লিখিত অনুগ্রহ প্রদর্শন করিবার ক্ষমতা প্রাপ্ত হইলেন।

(২) নিম্নলিখিত বিষয়গুলি লিখিয়া অবিলম্বে একেবারে পাস্তর ইন্সটিটিউটের ডিরেক্টরকে খবর দিতে হইবে।—

(ক) সাহায্যপ্রার্থী ব্যক্তি (১) গবর্ণমেন্টের কর্মচারী, (২) স্থানীয় কোনও ফণ্ড বা মিউনিসিপালিটির কর্মচারী, কি (৩) দরিদ্র লোক ;

(খ) ঐ ব্যক্তি যদি গবর্ণমেন্টের কর্মচারী বা স্থানীয় ফণ্ড কিম্বা মিউনিসিপালিটির কর্মচারী হন, তবে তিনি যাতায়াত খরচের উদ্দেশ্যে কোন শ্রেণীভুক্ত বলিয়া গণ্য হইয়াছেন ;

(গ) (রেল এবং রাস্তা দ্বাৰা) যাতায়াতেব যত খরচ অগ্রিম দেওয়া হয় ;

তাহা উল্লেখ করিয়া—অব্যবহিত পরেই প্রেরণকারী কর্মচারীকর্তৃক একেবারে পাস্তর ইন্সটিটিউটের ডিরেক্টরকে নিকট সংবাদ প্রেরিত হইবে।

মন্তব্য।—এই সংবাদ রোগীর সঙ্গে কিম্বা তৎপর যত শীঘ্র সম্ভব তত শীঘ্র প্রেরিত হওয়া উচিত।

(৩) কাসোলী কিম্বা কুন্ডুরে অতিবাহিত দিনগুলির জন্ত খোরাকি খরচ ইন্স্টিটিউটের ডিরেক্টারকর্তৃক অগ্রিম প্রদত্ত হইবে এবং তাহা তিনি স্থানীয় ট্রেজুরি কন্সচারী হইতে আদায় করিবেন ; .

(৪) ইন্স্টিটিউটে যাওয়ার জন্ত যে হারে পথখরচ ও খোরাকি দেওয়া হইয়াছিল, ফিরিয়া আসিবার পথখরচ ও পথেব খোরাকিও সেই হারে কাসোলী বা কুন্ডুরের ট্রেজুরির কন্সচারীকর্তৃক প্রদত্ত হইবে। আদি অগ্রিমদত্ত টাকার জন্ত দায়ী কন্সচারী হইতে প্রাপ্ত পূৰ্ব সংবাদ দ্বারা এই বিল সমর্থিত হইবে। ডিরেক্টার প্রদত্ত একখানা মুক্তির সার্টিফিকেটও এই পথখরচার বিলেব সঙ্গে সংযুক্ত করিয়া দিতে হইবে ;

(৫) এই সমস্ত ব্যয়গুলির স্থায়ী সমাধান জন্ত বিশিষ্ট প্রকাবের ব্যবস্থা করা হয়।

যে সকল রোগী ইন্স্টিটিউটে উপস্থিত হন তাহাদের প্রতি গবর্ণমেন্ট প্রদর্শিত এই অনুগ্রহগুলি বাদে, ভারতবর্ষীয় রেলওয়ে কোম্পানীগুলির মধ্যে কয়েকটিও অনুগ্রহ করিয়া থাকেন। যথা,—চিকিৎসার জন্ত কাসোলী বা কুন্ডুরে পাস্তুর ইন্স্টিটিউটে যাওয়া হইতেছে এই মন্যে গেজেটে উল্লিখিত কোনও কন্সচারীকর্তৃক স্বাক্ষরিত ডাক্তারের সার্টিফিকেট দেখাইলে আউধরোহিলখণ্ড সাউথ-ইণ্ডিয়ান, এবং নর্থ-ওয়েস্টার্ন রেলওয়ের উপর এতদেশীয় লোকগণ বিনা ভাড়া তৃতীয় শ্রেণীর রিটার্ন (যাতায়াতের) টিকিট পাইয়া থাকেন। মাদ্রাজ রেলওয়েব উপর, তাহাদিগকে এক ভাড়া তৃতীয় শ্রেণীর যাতায়াতের টিকিট দেওয়া হয়।

(৫) কসিয়াং—এ স্থানও অল্লাধিক পবিমাণে আলমোড়ার গ্রাম গুণবিশিষ্ট। ইহা দার্জিলিং জেলার একটা উপবিভাগ। কলিকাতা হইতে ৩৪১ মাইল দূরে দার্জিলিং হিমালয়ান রেলের একটা ষ্টেশন।

রেল গাড়ীতে সিয়ালদহ হইতে সান্তাহার গিয়া গাড়ী বদল করিতে হয় এবং তথা হইতে পুনরায় শিলিগুড়ি গিয়া ছোট গাড়ীতে উঠিতে হয়। শিলিগুড়ি হইতে ৩২ মাইল দূরে কসিয়াং স্টেশন। ভাড়া—মধ্যমশ্রেণী ৯১/১০ (শিলিগুড়ি হইতে তৃতীয় শ্রেণীতে যাইতে হয়), তৃতীয় শ্রেণী ৬৫১০ আনা। বাড়ী দুপ্রাপ্য নহে এবং ভাড়াও দার্জিলিং অপেক্ষা সুলভ। ভাড়া মাসিক ১৫ হইতে ১০০ পর্য্যন্ত। এখানে দার্জিলিং অপেক্ষা শীত কম। মাছ মাংস তরি তরকারী প্রভৃতি সমস্তই দার্জিলিংএর ন্যায়। দুধ চাকায় সাত সের। চাকরের বেতন দার্জিলিং অপেক্ষা সুলভ। এখানে কাঠেই রকনাদি হইয়া থাকে এবং ১/০। ১০০ করিয়া বড় বড় কাঠের বোঝা কিনিতে পাওয়া যায়। Dowhill Road দেখিতে অতি মনোরম এবং তথায় বেড়াইবার অতি উত্তম স্থান। মধ্যবিত্ত লোকের পক্ষে দার্জিলিং অপেক্ষা এখানে থাকা সুবিধাজনক। কারণ এখানে দার্জিলিং এর ন্যায় সাহেবের প্রাধান্য নাই এবং রাস্তায় বেড়াইবার সময় দার্জিলিংএর ন্যায় অত উঠা নামা করিতে হয় না বলিয়া দুর্বল রোগীদিগের পক্ষে এ স্থান বিশেষ সুবিধাজনক। প্রাকৃতিক দৃশ্য কোন কোন বিষয়ে দার্জিলিং অপেক্ষাও মনোরম। ”

(৬) কাশ্মীর—দার্জিলিং যে সকল রোগের পক্ষে উপকারী, এখানেও সেই সকল রোগের পক্ষে হিতকর। তবে ইহা অনেকাংশে দার্জিলিং হইতেও উৎকৃষ্ট গুণবিশিষ্ট। কাশ্মীরের প্রাকৃতিক দৃশ্য অতিশয় মনোরম। ইহার রমণীয় দৃশ্যে মন প্রাণ পুলকিত হয়। এজন্য ইহা ‘ভূস্বর্গ কাশ্মীর’ বলিয়া বিখ্যাত। এখানে প্রায় চির বসন্ত বিরাজমান।

হাবড়া হইতে রেল রাউলপিণ্ডি (১৪৬৮ মাইল) পর্য্যন্ত এবং তথা হইতে মুড়ী, কোহলা এবং বড়লা দিয়া শ্রীনগর রাজধানী (১৯৮

মাইল) ভাড়া—হাবড়া হইতে রাউলপিণ্ডি, মধ্যমশ্রেণী ২৩।৯/১০ এবং তৃতীয় শ্রেণী ১৪/১০। রাউলপিণ্ডি হইতে ডাকটঙ্কা, ফিটন-গাড়ী অথবা একাগাড়ীতে করিয়া শ্রীনগর যাইতে হয়। বড়মুলা হইতে শ্রীনগর (৩৬ মাইল) নৌকা কবিয়াও বাওয়া যাইতে পারে। টঙ্কার ভাড়া রাউলপিণ্ডি হইতে শ্রীনগর—একজনের ৩৭ টাকা। সমগ্র টঙ্কার (তিনজনের উপযুক্ত) ভাড়া ১০৫ টাকা। বসন্তকালই সর্বোৎকৃষ্ট সময়। সেপ্টেম্বর ও অক্টোবর এবং এপ্রিল ও মে মাসও মন্দ নয়। এখানে অতিশয় শীত। কাশ্মীরে আহাৰ্য্য দ্রব্যাদি সকলই সুলভ এবং প্রায় সকল দ্রব্যই পাওয়া যায়। কাশ্মীরে অতি উত্তম সূপকার পাওয়া যায়। এখানে মেওয়া (আঙ্গুর ও বেদানা, কিস্মিস, পেস্তা, বাদাম মনকা, আকরোট, নাশপাতি, শেউ প্রভৃতি) অতিশয় সমৃদ্ধ। এখানকার শীতবস্ত্র প্রসিদ্ধ এবং সুলভ।

(৭) কুনুর—মাজ্জাজ প্রদেশের নীলগিরি পাহাড়ে অবস্থিত। ইহা মেথুপুলেয়ান হইতে ১৭ মাইল দূরে নীলগিরী রেলের একটি ষ্টেশন। কাসৌলির গ্রাম এখানেও জলাতন রোগের চিকিৎসার জন্য প্যাস্চুর ইনষ্টিটিউটে (Pasteur Institute) স্থাপিত হইয়াছে। ইহার নিয়মাবলী সম্বন্ধে কাসৌলী (২৫৪ পৃষ্ঠা) দ্রষ্টব্য।

(৮) খাণ্ডালা—যাবতীয় রোগের পক্ষে এস্থান বিশেষ উপকারী। বোম্বাই প্রদেশের অন্তর্গত পুনা জেলার একটি স্বাস্থ্যকর স্থান। পুনা হইতে ৪১ মাইল এবং বোম্বাই হইতে ৭৮ মাইল দূরে G. I. P. Ry.এর একটি ষ্টেশন। বোম্বাই হইতে ভাড়া—দ্বিতীয়শ্রেণী ২।৬০, মেলের তৃতীয়শ্রেণী ১।০ এবং সাধারণ তৃতীয়শ্রেণী ৬/০ আনা। হাবড়া হইতে বোম্বাই, ভাড়া—মধ্যমশ্রেণী ২১।৬০/১০, মেলের তৃতীয়শ্রেণী ১৬।৯/১০ এবং সাধারণ তৃতীয়শ্রেণী ১৩।৬/১০ আনা। খাণ্ডালা পশ্চিমঘাট

পর্বতশ্রেণীর একটি শৃঙ্গবিশেষ । ইহার ১৬ মাইল পূর্বস্থিত কর্জ্জং স্টেশন হইতে রেলগাড়ী যখন পাহাড়ের উপর উঠিতে থাকে, তখন ঢুই ধারের প্রাকৃতিক দৃশ্য দেখিতে অতিশয় প্রীতিপ্রদ । খাণ্ডালের পথে অনেকগুলি কন্দর-পথ (tunnel) আছে । ইহার অর্ধ মাইল দূবে একটি জলপ্রপাত আছে, তাহাতে ৩০০ ফিট উচ্চ হইতে জল পতিত হইতেছে । ইহার বারিপতন শব্দ বড়ই শ্রুতিমধুর । প্রাকৃতিক দৃশ্যও অতিশয় প্রীতিপ্রদ । অক্টোবর হইতে ডিসেম্বর পর্য্যন্ত ইহার জলবায়ু বিশেষ স্বাস্থ্যকর । এখানে বাড়ী নিতান্ত মহার্ঘ নহে । অগ্রাণ্ড পার্কতা স্বাস্থ্যকর স্থানে যাইতে হইলে ঘোড়া বা ডাণ্ডি প্রভৃতি যানে সুদীর্ঘ পার্কতা পথে উঠা নামা করিতে হয় বলিয়া রোগীর পক্ষে বড়ই কষ্টকর হয় । কিন্তু খাণ্ডালায় পাহাড়ের উপরেই রেলওয়ে স্টেশন আছে বলিয়া এ সকল কোন অসুবিধা ভোগ করিতে হয় না । এত সুবিধা বলিয়া লোকসমাগম অধিক হইয়া থাকে ; এজন্য বাড়ী পাওয়া সুকঠিন হয় । রেলওয়ের ডাক্তার ব্যতীত এখানে অন্য কোন চিকিৎসক নাই । এখানকার বাজার প্রয়োজনীয় দ্রব্যজাতে পরিপূর্ণ ।

(৯) দার্জিলিং—বহুমূত্র, ম্যালেরিয়াজনিত পুরাতন জ্বর, রক্ত-শূণ্যতা, প্লীহা (বক্রত থাকিলে নয়), বম্বা এবং মস্তিষ্ক ও শ্বাসবীয় দুর্বলতার পক্ষে বিশেষ উপকারী । কাসি, অজীর্ণ ও অন্নপিণ্ড, আমাশয়, বাত অথবা জ্বংপিণ্ডের কোন রোগের পক্ষে ভাল নয় ।

কলিকাতা হইতে ৩৭৯ মাইল । ভাড়া—মধ্যমশ্রেণী ১০৬/১৫ (শিলিগুড়ি হইতে তৃতীয়শ্রেণীতে যাইতে হয়), তৃতীয়শ্রেণী ৮৮/১৫ । সিয়ালদহ হইতে সাম্বাহার স্টেশনে গিয়া গাড়ী বদল করিতে হয় । তথা হইতে পুনরায় শিলিগুড়ি পর্য্যন্ত আসিয়া ছোট গাড়ীতে উঠিতে হয় । দার্জিলিং রেলওয়ে স্টেশনের নিম্নেই দেশীয় আগন্তুক

রোগীদিগের অবস্থানের জন্ত Lowis Jubilee Sanitarium নামক একটি স্বাস্থ্যনিবাস আছে। এই স্বাস্থ্যনিবাসের দুইটি বিভাগ আছে—হিন্দু বিভাগ ও সাধারণ বিভাগ। যাহারা হিন্দুয়ানি বজায় রাখিয়া থাকিতে চান তাঁহারা হিন্দু বিভাগে থাকিতে পাবেন। সাধারণ বিভাগে কোন জাতি বিচার নাই। এই দুই বিভাগেই প্রথম, দ্বিতীয় ও তৃতীয় এইরূপ তিনটি শ্রেণী আছে। সাধারণ বিভাগে দৈনিক ব্যয় প্রথমশ্রেণী ৫ টাকা, দ্বিতীয়শ্রেণী ৪ টাকা এবং তৃতীয়শ্রেণী ১।০ আনা। হিন্দুবিভাগে—প্রথমশ্রেণী ৩।০ আনা, দ্বিতীয়শ্রেণী ২।০ আনা এবং তৃতীয়শ্রেণী ১।০ আনা। সঙ্গে চাকর থাকিলে তাহার দৈনিক ব্যয় ১।০ আনা করিয়া দিতে হয়। কুচবেহারের মহারাজা, রঙ্গপুরের রাজা, দিঘাপাতিয়ার রাজা, কাশিমবাজারের মহারাজা, ময়মনসিংহের মহারাজা, এবং চঞ্চলের বাজা প্রভৃতির কতকগুলি free seat আছে। গরীব রোগিগণ হস্তাদের নিকট আবেদন করিলে বিনা বায়ে এই স্বাস্থ্যনিবাসে থাকিতে পারেন। এই স্বাস্থ্যনিবাসে পরিবার লইয়া থাকিবারও বিশেষ বন্দোবস্ত আছে। একজন এসিষ্ট্যান্ট সার্জন স্বাস্থ্যনিবাসের সুপারিন্টেন্ডেন্ট। তিনি বিনা ভিজিটে রোগীদিগকে দেখিয়া থাকেন এবং ঔষধের মূল্যাদিও রোগীদিগকে দিতে হয় না। যাহারা তথায় নিজব্যয়ে অবস্থান করেন তাঁহাদিগকে প্রতি সপ্তাহের ব্যয় অগ্রিম দিতে হয়। এক সপ্তাহের ন্যূনকাল থাকিতে হইলেও পূর্ণ এক সপ্তাহের খরচ দিতে হয়। ধোবা ও নাপিতেব খরচ নিজেকে পৃথক বহন করিতে হয়। কর্তৃপক্ষগণ কেবল আহার, জলখাবার, আলো, খাট ও ঔষধ দিয়া থাকেন। বিছানা ইত্যাদি, যথেষ্ট শীতবস্ত্র এবং একটি ছাতা সঙ্গে লইয়া যাওয়া কর্তব্য। নবেম্বর মাসের মধ্যভাগে স্বাস্থ্যনিবাস বন্ধ হয় এবং মার্চ মাসের মধ্যভাগে পুনরায় খোলা হয়।

এখানে season হিসাবে বাড়ী ভাড়া করিতে হয় । সাধারণতঃ এপ্রিল হইতে জুন এবং সেপ্টেম্বর হইতে নবেম্বর অথবা মার্চ হইতে নবেম্বর এই ভাবে season ধরা হয় । ভাড়া মসিক ২৫ হইতে ৩০০ পর্য্যন্ত । চাঁদমারিতেই বিশেষ ভাবে বাঙ্গালীদিগের বাস এবং অপেক্ষাকৃত অল্প ভাড়ায় বাড়ীও পাওয়া যায় । কিন্তু উহা স্বাস্থ্যের পক্ষে তত ভাল নয় । তবে ইহার অতি নিকটে বোটানিকেল গার্ডেন থাকাতে অন্তঃপুরের মহিলাদের তথায় বেড়াইবার বিশেষ সুবিধা আছে । রেলওয়ে ষ্টেশনের দক্ষিণে কার্টরোডের (Cart Road) পাশে কাগ্‌ঝোড়ায় ও মহাকাল্লজ, লাসাভিলা প্রভৃতি নামক কতকগুলি বাড়ীও বাঙ্গালী পল্লীর অন্তর্ভুক্ত । তবে ও সকল অপেক্ষাকৃত খোলামেলা যামগায় অবস্থিত । ষ্টেশন হইতে অল্পদূরে মল (Mall) এর দিকে ঘাইবার রাস্তায় Beachwood Estate এর Philosophers Cottage নামক কতকগুলি বাড়ী আছে । এ সকল উপরোক্ত বাড়ীগুলি হইতে অপেক্ষাকৃত ভাল এবং উহাদের ভাড়াও অপেক্ষাকৃত অধিক ।

Auckland Road এর ধারে যেসকল বাড়ী আছে সে সকল স্বাস্থ্যের পক্ষে এতদপেক্ষা উত্তম । তবে জলা পাহাড় অঞ্চলের বাড়ীগুলিই সর্বাপেক্ষা উত্তম বলিতে হইবে । সে সকল বাড়ীর ভাড়াও যথেষ্ট । সম্পন্ন ব্যক্তিদিগের এ সকল বাড়ী ভাড়া করাই কর্তব্য । এতদ্ব্যতীত মিউনিসিপালিটার কতকগুলি দালান আছে তাহার নীচের তলায় দোকান, কিন্তু উপরের তলাগুলি কখন কখন ভাড়া পাওয়া যায় । এ বাড়ী গুলিতে বৈদ্যাতিক আলো ও ড্রেইনের পায়খানা আছে । মিউনিসিপালিটির পায়খানা গুলিই একমাত্র কলিকাতার গ্রায় ড্রেইনের, তা ছাড়া ছোট বড় অপর সকল বাড়ীতেই মেথর খাটা পায়খানা বা কমোডের ব্যবস্থা আছে । দার্জিলিং এর সকল রাস্তাতে এবং অধিকাংশ বাড়ীতেই

বৈদ্যুতিক আলোকের ব্যবস্থা আছে । সন্ধ্যার সময় যখন একসঙ্গে সমস্ত বৈদ্যুতিক আলোগুলি জ্বলিয়া উঠে তখন দেখিতে বাস্তবিকই অতিশয় মনোহর হয় ।

যাঁহারা পাহাড়ের উচু নীচু রাস্তায় উঠা নামা করিতে কষ্টানুভব করেন তাঁহাদের পক্ষে কার্টরোডেই (Cart Road) বেড়াইবার উত্তম স্থান । দার্জিলিংএ গিয়া দুই বেলা না বেড়াইলে তথায় যাওয়াই বুথা । দার্জিলিংএর মধ্যে মল (Mall) ই বেড়াইবার উৎকৃষ্ট স্থান । একটু কষ্ট স্বীকার করিয়া একবার তথায় উঠিতে পারিলে পরে আর কোন কষ্ট বোধ হয় না । উপরে উঠিবার সময় কাহারো জোরে হাঁটা উচিত নয়, তাহাতে ক্লান্তি বৃদ্ধি ও শ্বাস-কষ্ট উপস্থিত হওয়া ভিন্ন কোন উপকার হয় না । এজন্য উপরে উঠিবার সময় ধীরে ধীরে উঠাই সঙ্গত এবং মুখ বন্ধ করিয়া চলা উচিত । অতিশয় শ্বাসকষ্ট বা ক্লান্তি বোধ হইলে এক মিনিট কাল বিশ্রাম করিয়া লইলেই পুনরায় বল সঞ্চয় হইবে । দার্জিলিংএ যত বেড়ান যায় ততই ভাল । তবে কোনটাই অতিরিক্ত মাত্রায় ভাল নয় । যাঁহাদের ক্ষুধামান্দ্য বা অজীর্ণ রোগ আছে কিয়ৎকাল উঠা নামা করিলেই তাঁহাদের উদরের গ্লানি দূর হইয়া ক্ষুধার উদ্রেক হইবে ।

দার্জিলিংএব হাওয়া অতি লঘু এবং নিম্নল কিন্তু জল ভাল নহে । বিশেষতঃ বর্ষাকালেত কথাই নাই । তখন উদরাময় এবং আমাশয় হইবার সর্বদাই আশঙ্কা থাকে । এজন্য সর্বদাই জল ফুটাইয়া শীতল করতঃ ছাকিয়া পান করা কর্তব্য । দার্জিলিংএ উদরে অত্যন্ত বায়ু জন্মে, এজন্য অনেকে তথায় জলের পরিবর্তে সোডাপানি ব্যবহার করিয়া থাকেন । মেডেন কোম্পানী (Messrs Maden & Co.) এবং বাথ্‌গেট কোম্পানীর (Messrs Bathgete & Co.) ৩ বোতল সোডাপানি এক সঙ্গে লইলে ১৫ পাওয়া যায় ।

দাৰ্জিলিংএ হিল্‌ডায়রিয়া (Hill Diarrhoea) নামক সাংঘাতিক উদরাময়ের বিশেষ ভয় আছে । সেজন্য পেটে যাইতে কোন প্রকারে ঠাণ্ডা লাগিতে না পারে সে বিষয়ে সৰ্বদাই অতিশয় সতর্ক হওয়া প্রয়োজন । এই জন্মই বোধ হয় সে দেশের স্ত্রী পুরুষ সকলেরই পেটে কাপড় জড়াইয়া রাখিবার রীতি প্রচলিত দেখিতে পাওয়া যায় । পেটে সৰ্বদা একখণ্ড ফ্যানেলের টুকরা জড়াইয়া রাখিলে বিশেষ উপকার হয় । বিশেষতঃ শয়নকালে এরূপ কবিলে উদরাময়ের তত আশঙ্কা থাকে না ।

দাৰ্জিলিংএ অবস্থানকালে কোষ্ঠবদ্ধতা বা উদরাময় এ দুয়ের একটা প্রায়ই হইতে দেখা যায় । তথায় স্থলভ মূল্যে অতি উৎকৃষ্ট সুপক্ক পেপে পাওয়া যায় । কোষ্ঠবদ্ধতা দূরীকরণার্থ উহা প্রচুর পরিমাণে ব্যবহার করা বাইতে পারে । অতি উৎকৃষ্ট টাটকা শাক সব্‌জিও প্রচুর পরিমাণে এবং স্থলভ মূল্যে পাওয়া যায় । মাছ মাংসও যথেষ্ট পাওয়া যায় । জীবিত মৎস্যের মধ্যে শিক্কাই মৎস্যই প্রচুর, অপর মৎস্যও সময় সময় পাওয়া যায় । ডিম উজন ১০ আনা । তুঙ্গ টাকায় ১৬/৭ সের । মাখন অতি উত্তম এবং অপেক্ষাকৃত স্থলভ । উহার মধ্যে চমরী গাইএর মাখনই উৎকৃষ্ট । রোগীর উপযোগী নানাপ্রকার ফলও যথেষ্ট পাওয়া যায় । রন্ধনের জন্ত কাঠের কয়লা ব্যবহৃত হইয়া থাকে । সাধারণতঃ প্রতি মণ ১১০ বা ১২০ করিয়া পাওয়া যায় । সপ্তাহে এক মণ হইলেই সাধারণ গৃহস্থের চলিতে পারে । জেলখানায় উৎকৃষ্ট সরিষার তৈল বিক্রী হইয়া থাকে । বাজারের তৈল তত ভাল নয় । দেশী চাকর চাকরাণী যথেষ্ট পাওয়া যায় । চাকরকে ‘কেটা’ এবং চাকরাণীকে ‘নানী’ বলে (স্ত্রীলোককেই ‘নানী’ বলিয়া সম্বোধন করিবার প্রথা প্রচলিত) । রান্নার জন্ত পশ্চিমা ঠাকুরও পাওয়া যায় । বেতন ৮ হইতে ১২ এবং খোরাক । নানীর বেতন, আপথোরাকি ৬.৭ টাকা । কেটার

বেতন, আপথোরাকি ৮.১২ টাকা। পাহাড়ের রাস্তায় ভ্রমণ করিবার জন্ত স্থানে স্থানে ঘোড়া, খচ্চর ও রিক্স এবং ডাণ্ডির আড্ডা আছে। এ সকল ঘণ্টা হিসাবে ভাড়া হইয়া থাকে।

দার্জিলিংএ যাওয়ার সময় প্রত্যেকের একটা করিয়া ছাতা এবং প্রচুব শীতবস্ত্র সঙ্গে নেওয়া নিতান্ত আবশ্যিক। রেল পথে শিলিগুড়ি হইতে দার্জিলিং পর্য্যন্ত শীতবস্ত্র এবং একটা ব্যাগে যাত্রা ধরে একরূপ জিনিস ও আগাধা ব্যতীত অপর কিছু সঙ্গে নেওয়া যায় না।

(১০) দেৱাদুন—এস্থানও অল্পাধিক পরিমাণে দার্জিলিংএর স্থায় গুণবিশিষ্ট। এস্থান বাতরোগের পক্ষে ভাল, কিন্তু মস্তিষ্কের কোন রোগে বড় একটা উপকার হয় না; উচ্চতা, ২,৩৬৯ ফিট।

কলিকাতা হইতে ১,১১৬ মাইল দূরে অযোধ্যা-রোহিলখন্দ রেলওয়ের একটা শাখা ষ্টেশন; হাবড়া হইতে মোগলসরাই (E. I. Ry.), ভাড়া—মধ্যমশ্রেণী ৭।/১৫ এবং তৃতীয়শ্রেণী ৪।/১০ আনা। মোগলসরাই হইতে লাকসার, ভাড়া—মধ্যমশ্রেণী ৮।/১০ এবং তৃতীয়শ্রেণী ৫।/৫। লাকসার হইতে একবারে দেৱাদুন; ভাড়া—মধ্যমশ্রেণী ১৮।/০ এবং তৃতীয়শ্রেণী ৮।/০ আনা। খাঁটি দুধ দুগ্ধাপা। টাকায় দশ সের পাওয়া যায়, কিন্তু তাহা খাঁটি নয়। মাছ প্রায়ই পাওয়া যায় না এবং যাহা পাওয়া যায় তাহাও সুখাত্ত নয়। মাংস চারি আনা সের। ভিণ্ডি (টেডশ), বেগুন, একপ্রকার কচু, সিম, মিঠাকুমড়া প্রভৃতি তরকারী পাওয়া যায়। কাশ্মীরী মেওয়া প্রচুর পরিমাণে পাওয়া যায়। প্রাকৃতিক দৃশ্য মনোরম। সোডা লেমনেড পাওয়া যায়, কিন্তু তত ভাল নয়। শীতকালই স্বাস্থ্যের পক্ষে উত্তম। গ্রীষ্মকালও মন্দ নয়। মাসিক চারি পাচ টাকা ভাড়াতেও রোগীর বাসোপযোগী বাড়ী পাওয়া যাইতে পারে। সিভিলসার্জন ব্যতীত ভাল চিকিৎসক নাই; ঔষধালয় আছে।

(১১) ধরমপুর—ইহা শিমলা-পাহাড়ের নিম্নপ্রদেশে অবস্থিত। কাছা হইতে ২০½ মাইল দূরে একটি ষ্টেশন। ইহার উচ্চতা ৫০০০ ফিট। এখানে শীতকালেও শীত তত তীব্র নয় এবং হাওয়া ও তত হালকা নয়। এখানে যথেষ্ট দেবদারু বন আছে। এই সকল কারণে এই স্থানটী যক্ষ্মা রোগীর পক্ষে অতিশয় হিতকর। উৎকট যক্ষ্মা রোগগ্রস্ত নর-নারীর স্বাস্থ্যলাভের জন্য এখানে একটি স্বাস্থ্যনিবাস প্রতিষ্ঠিত হইয়াছে। সেবাধর্ম-পরায়ণ কয়েকজন মহাশয় ব্যক্তির উদ্যোগ ও সাহায্যে এ আশ্রম স্থাপিত এবং ইহার কার্য সুচারুরূপে সম্পন্ন হইতেছে। একটি দেবদারু বনের মধ্যে জায়গা পরিষ্কার করিয়া রোগীদের থাকিবার কুটীর, পথ, চৌবাচ্চা প্রভৃতি নিৰ্মাণ করা হইয়াছে। কুটীরগুলি এমনভাবে প্রস্তুত যে প্রত্যেক বোগী দুই একজন আত্মীয় সঙ্গে লইয়া পৃথকভাবে থাকিতে পাবেন। এখানে ৫০টী রোগীর অবস্থানের সংস্থান আছে। তন্মধ্যে ১৫ জন রোগীকে বিনাবায়ে বাখিবাব বন্দোবস্ত হইয়াছে। পবিণত যক্ষ্মারোগে শৈলবাস ও দেবদারুবনের বাতাস অতিশয় হিতকর। একতাই ধরমপুরে এই স্বাস্থ্যনিবাসটী প্রতিষ্ঠিত হইয়াছে। প্রকৃতির সৌন্দর্য্যের লীলা-নিকেতন হিমালয়ে বাস করিলে মনের প্রকল্পতায় শারীরিক বোগ অচিরে পলায়ন করে, দেহ মন সতেজ হইয়া উঠে। এখানে রেল থাকাতে সামগ্রীর অভাব নাই। পরন্তু খাঁটী দুগ্ধ প্রচুর পরিমাণে পান করিয়া রোগী স্বাস্থ্য, সৌন্দর্য্যে আরক্তিম নিটোল হইয়া উঠে।

(১২) নৈনিতাল—প্রায় দার্জিলিংএর সমগুণ বিশিষ্ট স্থান। এ স্থানের বায়ু শুষ্ক বলিয়া ইহাকে দার্জিলিং হইতেও উৎকৃষ্ট বলা বাইতে পারে। ইহার উচ্চতা ৬,৪০৯ ফিট।

হাবড়া হইতে মোগলসবাই (E. I. Ry.) সেখান হইতে বেরেলী (O. & R. Ry.) এবং তথা হইতে কাঠগুদাম (R. & K. Ry.)

ইহার পরে আর রেল নাই । কাঠগুদাম হইতে কার্টরোড দিয়া ১৮ মাইল দূরে ক্রয়ারী এবং ২২ মাইল দূরে নৈনিতাল । কাঠগুদাম হইতে ব্রাইডলরোড দিয়া ১৪ মাইল দূরে ক্রয়ারী এবং তথা হইতে আড়াই মাইল দূরে নৈনিতাল । কলিকাতা হইতে বোম্বে মেলে যাওয়াই সুবিধাজনক । হাবড়া হইতে কাঠগুদাম, ভাড়া—মধ্যম শ্রেণী, ১৫।।/১০ এবং তৃতীয় শ্রেণী ৯/১০ আনা । কাঠগুদাম হইতে ক্রয়ারী পর্য্যন্ত রিজার্ভ টঙ্কা ১২. এবং প্রত্যেকের ৪।।০ টাকা । ক্রয়ারী হইতে নৈনিতাল—পনি কিম্বা ডাণ্ডির ভাড়া ১. টাকা । কাঠগুদাম হইতে একেবারে নৈনিতাল একটা পনির ভাড়া ২. টাকা । যাত্রীদিগের সুবিধার্থ কাঠগুদামে বিশ্রামাগার আছে । উহার ভাড়া ৩ ঘণ্টা পর্য্যন্ত ১।।০ আনা এবং ২৪ ঘণ্টা পর্য্যন্ত ১. টাকা । টঙ্কার জন্য নৈনিতাল যাওয়ার সময় Tonga Superintendent, Kathgodam এই ঠিকানায় এবং ফিরিয়া আসিবার সময় Messrs. Smith Rodwell & Co., Nainital এই ঠিকানায় পূর্বে চিঠি দিতে হয় । কাঠগুদাম হইতে নৈনিতাল প্রত্যেক কুলি ১৩.০ (আধ মণ করিয়া লগেজ নেয়) । উহারা অতিশয় বিশ্বাসী । দ্বিতীয় দিবস বাড়ীতে লগেজ পছঁ ছাইয়া দেয় ।

সেপ্টেম্বর হইতে নবেম্বর পর্য্যন্ত ভাল সময় । তদ্ব্যতীত এপ্রিল ও মে মাসও মন্দ নহে । বাড়ীভাড়া এককালে এক বৎসরের জন্য করিতে হয় । বাৎসরিক ভাড়া অনুমান ১৫০. টাকা । মাছ পাওয়া যায় । মাংসের সের ১/০ কি ১.০ আনা, মাটনের সের ১।।০ হইতে ১.০ আনা । তরকারী বড় একটা পাওয়া যায় না । আলু অতিশয় শস্তা । গোয়ালার দুধ টাকায় ৭।৮ সের, কিন্তু ভাল নয় । ডেয়ারীর দুধ উৎকৃষ্ট, টাকায় ১/৬ সের । ঝরণার জল ভাল এবং তাহাই পান করিতে হয় । এখানে খুব বৃষ্টি হয় । সিমলা হইতে শীত কম । নৈনিতালে এক হ্রদ আছে, তাহা

এক মাইল লম্বা এবং প্রায় অর্ধ মাইল চওড়া । অন্তঃশ্রোত বিশিষ্ট সুগভীর জলরাশি—তীরে বিস্তৃত চত্বর । ইহা অতি মনোরম এবং ভ্রমণের বিশেষ উপযোগী স্থান ।

(১৩) মুসুরী—প্রায় নৈনিতালের গ্রাম গুণবিশিষ্ট । যক্ষ্মা, জ্বর, বাত প্রভৃতির পক্ষে বিশেষ উপকারী । দেবাদুন (২৬৯ পৃষ্ঠা) হইতে ১২ মাইল দূরে অবস্থিত । উচ্চতা ৭,৪৩৩ ফিট । দেবাদুন হইতে ঘোড়ার গাড়ীতে (ভাড়া ৫০ আনার ভিতর) রাজপুর পর্য্যন্ত ৬ মাইল । তথা হইতে ঘোড়া বা ডাণ্ডিতে মুসুরি পাহাড় ভাড়া—ঘোড়ায় ১ টাকা হইতে ৩ টাকা পর্য্যন্ত এবং ডাণ্ডির ৩ হইতে ৪ টাকা পর্য্যন্ত । বাড়ী ভাড়া অত্যন্ত অধিক । এককালে অনূন ৬ মাসের জন্ত বাড়ী ভাড়া করিতে হয় । ষাণ্মাসিক ভাড়া ৪০০ টাকার নূন নহে । আহাৰ্য্য দ্রব্যাদি দেবাদুনেব গ্রাম । শীত দেবাদুন হইতে অত্যন্ত অধিক । মুসুরীতে ৫ মাইল দীর্ঘ একটা সমতল রাস্তা আছে তাহা বৃদ্ধ ও দুর্বল এবং হাঁপানি রোগগ্রস্তদিগের পক্ষে বেড়াইবার বিশেষ সুবিধা ।

(১৪) শিলং—প্রায় দেবাদুনের গ্রাম গুণবিশিষ্ট । ইহার জল এবং বায়ু উভয়ই তুল্য উপাদেয় । ইহা আসামের রাজধানী । সিয়ালদহ হইতে সান্তাহার, সান্তাহার হইতে আমিন গাঁ, আমিন গাঁ হইতে পাণ্ডুঘাট এবং পাণ্ডুঘাট বা গোহাটী হইতে শিলং । ভাড়া মধ্যম শ্রেণী ১২৫/১৫ এবং তৃতীয় শ্রেণী ১৬/১০ । পাণ্ডুঘাট হইতে প্রতিদিন দুই খানি মটর গাড়ী ছাড়া হয় । প্রথম খানায় ডাক যায় এবং দ্বিতীয় খানায় পার্শেল ইত্যাদি যায় । প্রথম ও দ্বিতীয় শ্রেণীর আরোহীদের জন্ত উহাতে বিশেষ বন্দোবস্ত (reserve seat) থাকে । এই মটরের ভাড়া পাণ্ডুঘাট হইতে শিলং প্রত্যেকে ১০ টাকা । গোহাটী হইতে আর একখানা মটর গাড়ী

ছাড়ে। তাহাতে মধ্যম ও তৃতীয় শ্রেণীর যাত্রীদের যাওয়ার ব্যবস্থা আছে। উহার ভাড়া প্রত্যেকে ৫ টাকা। অথবা সিয়ালদহ হইতে গোয়ালন্দ (E. B. S. R.), ভাড়া—মধ্যম শ্রেণী ৩৯/০ এবং তৃতীয় শ্রেণী ১৮/৫ আনা। গোয়ালন্দ হইতে আসাম দৈনিক ডাকষ্টীমারে একেবারে গোহাটী। সচরাচর তৃতীয় দিনে গোহাটী পছঁ ছিয়া থাকে। ভাড়া—মধ্যম শ্রেণী ১২।০ এবং তৃতীয় শ্রেণী ৬৮.০ আনা। সেখান হইতে ৬২½ মাইল মটর, পনি টঙ্কা বা গরুর গাড়ীতে শিলং। টঙ্কার ভাড়া ৩০ টাকা, গরুর গাড়ি ৫, হইতে ৮ টাকা। স্থানে স্থানে সরাই আছে, সেখানে আহাৰাদি করিতে পারা যায়।

শিলংএর মধ্যে 'লাবান'ই উৎকৃষ্ট স্থান। সেখানে যে সকল বাড়ী পাওয়া যায় তাহার অধিকাংশই বাঙ্গালা—মেজেতে কাঠের পাটাতন দেওয়া। মাসিক ভাড়া ৮ হইতে ২৫ টাকা পর্য্যন্ত। খাটি দুধ টাকায় ১/৫ সের মাত্র। শীতকালে মাছ পাওয়া যায়, তখন কলিকাতা হইতে সুলভ। মাংস সুলভ এবং সর্বদাই পাওয়া যায়। প্রায় সকল প্রকার তরকারীই পাওয়া যায়, মূল্য অপেক্ষাকৃত মহার্ঘ। চাকর পাওয়া যায়, বেতন ৭।৮ টাকা (আপনোরাকী)। চাকর চাকরানী বড় অপরিষ্কার। পাচক পাওয়া যায় না। এখানে চাকরানীকে 'কাস্তাই' বলে।

(১৫) সিমলা—দার্জিলিংএর ঝায় গুণসম্পন্ন, তবে অনেকাংশে দার্জিলিং হইতেও উৎকৃষ্ট। গণ্ডমালা, যক্ষ্মা ও কাসির পক্ষে উপকার হইতে পারে। ষকুৎ, ডিস্‌পেপ্‌সিয়া, বহুমূত্র ও হাঁপানি প্রভৃতি রোগের পক্ষে ভাল নয়। উচ্চতা ৭,১০০ ফিট। হাবড়া হইতে ১১৩৫ মাইল দূরে (Kalka-Simla Ry.) একটা ষ্টেশন।

হাবড়া হইতে সিমলা (১১৩৫ মাইল) ৪০½ ঘণ্টায় যাওয়া যায়। পঞ্জাব মেলে বা হাবড়া-কান্কা এক্সপ্ৰেসএ যাইতে হয়। ভাড়া—মধ্যম

শ্রেণী ২৩৬/১০ এবং তৃতীয়শ্রেণী ১৪/১০ আনা। অতিরিক্ত লগেজ মনকরা ৯০ টাকা। সেপ্টেম্বর হইতে নবেম্বর মাস পর্য্যন্ত অতি উৎকৃষ্ট সময়। বাড়ীভাড়া সাধারণতঃ এক বৎসরের জন্য করিতে হয়। বাৎসরিক ভাড়া সচরাচর ২০০ টাকা। তবে কোন কোন বাড়ী মাস হিসাবেও ভাড়া পাওয়া যায়।

একখানা ঘর, সঙ্গে দুইখানা ছোট ঘর (একখানা রান্না এবং অপর খানায় স্নান ও পায়খানার ব্যবস্থা) ভাড়া মাসিক ১৫ টাকা। এইরূপ ঘর সিমলা বাজারের ভিতরেও কখন কখন পাওয়া যায়। কিন্তু সিমলার নাভা ষ্টেটের (Nabha Estate) যে জায়গা আছে তথায় একরূপ ঘর প্রায়ই পাওয়া যায়। যাওয়ার পূর্বে Agent, Nabha Estate, Simla South, এই ঠিকানায় চিঠি দিলেই ঘরের বন্দোবস্ত হইতে পারে। এতদ্ব্যতীত অনেক হোটেল আছে যেখানে দৈনিক ৫ হইতে ১০ পর্য্যন্ত আহারের খরচ দিয়া থাকিতে পারা যায়। কিন্তু যাহারা স্বতন্ত্র ঘর নিয়া থাকিতে চান তাঁহাদিগকে ঘরের ভাড়া পৃথক দিতে হয়। এ সকল হোটেলের পরিবার লইয়া স্বতন্ত্র ভাবেও থাকা যায়। (অবশ্য যাহারা সাহেবী কেতায় থাকেন)।

যাহারা কখনও সিমলায় যান নাই, অথচ দূর হইতে বাড়ীভাড়া না করিয়া নিজেদের পছন্দ মত বাড়ী করিতে চান তাঁহারা ইচ্ছা করিলে ষ্টেশন হইতে বরাবর সিমলা কালী বাড়ীতে গিয়া উঠিতে পারেন এবং সেখানে তিন দিন পর্য্যন্ত বিনা খরচে থাকিতে পারেন। সঙ্গে পরিবার থাকিলেও অসুবিধার কোন কারণ নাই।

গোয়ালার দুধ টাকায় ৫।৬ সের, কিন্তু খাঁটি নয়। ডেয়ারীর দুধ খাঁটি এবং টাকায় ৮ সের। মৎস্য প্রায় সর্বদাই পাওয়া যায়। দাম ১।০, ১।০, ১।০ সের। মাংস সর্বদাই পাওয়া যায়, ১।০ কি ১।০ আনা সের ;

মাটন ৥০ হইতে ৥৮০ সের। আলু, মটরগুটি, পালংশাক এবং কপি, বেগুন, কুমড়া প্রায় ঝারমাস পাওয়া যায়। অল্প তরকারী বড় একটা পাওয়া যায় না। ফলের মধ্যে সেউ (Apple), গ্ৰাশপাতি (Pears), বিহী, সব্দা, খরমুজা, খোবানি, আড়ু (Apricot), পীচ্ (Peach), আলুচা, আলুবখরা, আঙ্গুর, বিলাতী কুল, ষ্ট্রবেরী (Straw-berry), গুজ্বেরী (Goose-berry), রোজ্বেরী (Rose-berry), তুঁত (Black-berry) প্রচুর পরিমাণে পাওয়া যায়। তবে এ সকল ফল একই সময়ে জন্মে না। ইহাদের মধ্যে প্রথমোক্ত চারিটা ফল আগষ্ট ও সেপ্টেম্বর মাসে এবং অপরগুলি জুন ও জুলাই মাসে জন্মিয়া থাকে। সেউ ও গ্ৰাশপাতি অক্টোবর মাস পর্যন্ত পাওয়া যায়। সিমলার হাওয়া যেরূপ উৎকৃষ্ট, জল তদ্রূপ নয়। প্রথমে পেটেব অস্থখ (Hill Diarrhoea) হয়। এ সময়ে আহারাদির সম্বন্ধে সতর্ক হওয়া প্রয়োজন। কখনও শীতলজলে স্নান করা অথবা খোলা জায়গায় খালি গায়ে থাকা উচিত নয়।

১৪১। সমতল স্বাস্থ্যনিবাস—সমতল প্রদেশেও অপেক্ষাকৃত স্বাস্থ্যপ্রদ স্থান অনেক আছে। সাঁওতাল পরগণা ও উত্তর পশ্চিম প্রদেশের কতকগুলি স্থান এই শ্রেণীভুক্ত। ভূমি ও বায়ু অনার্দ বলিয়া এবং পানীয়জলে যথোপযুক্তরূপ খনিজ পদার্থ আছে বলিয়া এই সকল স্থান স্বাস্থ্যকর। মধুপুর, বৈদ্যনাথ, গিরিধী প্রভৃতি সাঁওতাল পরগণাস্থ অধিকাংশ কূপজলই উৎকৃষ্ট, সুস্বাদু ও তৃপ্তিকর। বেহার এবং উত্তর পশ্চিমাঞ্চলে অনেক স্থানের ভূমি এবং বায়ু স্বাস্থ্যকর বটে, কিন্তু তথাকার প্রায় কূপেরই জল ক্ষারধর্ম যুক্ত। উত্তর পশ্চিমাঞ্চলের ও ছোট নাগপুরের যে স্থানে পাহাড় এবং প্রবাহিতা নদী আছে সেই সকল স্থান অধিকতর স্বাস্থ্যকর। মুন্সের, ভাগলপুর প্রভৃতি স্থান

এককালে স্বাস্থ্যের জন্য প্রসিদ্ধ ছিল। কিন্তু এক্ষণে ও সকল স্থানের স্বাস্থ্য ভাল নহে।

(১) আজমীর—উপত্যকা প্রদেশে স্থাপিত বলিয়া ইহার জল বায়ু অতিশয় স্বাস্থ্যকর। প্রায় সকল প্রকার রোগেই এখানে উপকার হইতে পারে। ইহা রাজপুতানা প্রদেশের একটা ডিষ্ট্রিক্ট।

হাবড়া হইতে ১০২৬ মাইল দূরে B. B. & C. I. Ry. এর একটা ষ্টেশন। ভাড়া—মধ্যম শ্রেণী ১৬/৮/১০ এবং তৃতীয় শ্রেণী ৯/৮/১০ আনা। ইহা চারিদিকে পর্বত প্রকারে পরিবেষ্টিত। শীতের সময় অত্যন্ত শীত এবং গ্রীষ্মের সময় অতিশয় গরম হয়। বৈশাখ হইতে শ্রাবণ মাস পর্যন্ত সময় ভাল নয়। এখানে সকল বাড়ীই প্রস্তর নির্মিত। মাসিক ৪।৫ টাকা ভাড়ায় দোতারা বাড়ী পাওয়া যাইতে পারে। খাঁটি দুধ টাকায় ১৩।১৪ সের। মৎস্য সকল সময় পাওয়া যায় না। মাংস সর্বদাই প্রচুর পরিমাণে পাওয়া যায়। সের ১।১০ আনা হইতে ৮/১০ আনা। তরকারী তত প্রচুর নহে, তবে যাহা পাওয়া যায় তাহা অপেক্ষাকৃত সুলভ। প্রায় সর্বপ্রকার ফলই প্রচুর পরিমাণে পাওয়া যায়। সোডা লেমনেড ও বরফ ইত্যাদি সকল দ্রব্যই পাওয়া যায়। রাস্তায় কলের জল আছে, কিন্তু পানীয় জলের পক্ষে “হুধিয়া” নামক পাতকুয়ার জলই সর্বোৎকৃষ্ট। ডাক্তার এবং ডাক্তারখানা আছে। এখান হইতে ২ ক্রোশ দূরে সুবিখ্যাত “পুষ্কর” তীর্থ। পুষ্করের উপরেই সার্বিত্রী পাহাড়। ঘোড়া কিম্বা গরুর গাড়ী অথবা ডুলিতে করিয়া পুষ্করে যাইতে হয়। যাতায়াতের ভাড়া—ঘোড়ার গাড়ী ৪ \, গরুর গাড়ী ১ \ এবং ডুলি ১।।০ টাকা।

(২) ইন্দোর—ইহার জল বায়ু বিশেষ স্বাস্থ্যপ্রদ। ইহা হোলকারের রাজধানী—একটি ঐশ্বর্যশালী নগর। প্রাকৃতিক দৃশ্য অতি

মনোরম। শীতের সময় অত্যন্ত শীত হয়। হাবড়া হইতে ১০৭৯ মাইল দূরে B. B. & C. I. Ry.এর একটা ষ্টেশন। ভাড়া—মধ্যম শ্রেণী ১৬৮/১০ আনা এবং তৃতীয় শ্রেণী ১০৥/১০ আনা। আহাৰ্য্য দ্রব্যাদি সুলভ।

(৩) এটোয়া—মাগলেরিয়া, যক্ষ্মা, বাত, যকৃতের পীড়া, হৃদরোগ, ডিসপেপ্‌সিয়া এবং যকৃত বা প্লীহা সংযুক্ত পুরাতন জ্বর প্রভৃতি রোগে বিশেষ উপকারী।

উত্তর পশ্চিম প্রদেশের আগ্রাবিভাগের একটা জেলা। যমুনাৰ অর্ধমাইল উত্তরে এবং রেলওয়ে ষ্টেশন হইতে ১ মাইল দূরে অবস্থিত হাবড়া হইতে ৭২০ মাইল দূরে E. I. Ry.এর একটা ষ্টেশন। ভাড়া—মধ্যমশ্রেণী ১২/০ এবং তৃতীয়শ্রেণী ৬৥/৫ আনা। বাড়ীভাড়া সুলভ। মাসিক ৫ ভাড়ায় দোতারা বাড়ী পাওয়া যাইতে পারে। খাঁটি দুধ টাকায় ১২।১৩ সের। স্নত টাকায় এক হইতে দেড় সের। মাছ, মাংস এবং তরকাবী প্রভৃতি অতিশয় সুলভ। বাঙ্গালীর উপযোগী আহাৰ্য্য দ্রব্যাদি প্রায় সমস্তই পাওয়া যায়। ডাক্তার ও চিকিৎসালয় আছে। শীতকালই উৎকৃষ্ট। ১৫ অক্টোবর হইতে ১৫ই মার্চ পর্য্যন্ত ভাল সময়।

(৪) এলাহাবাদ—পুরাতন জ্বর, সাধারণ দুৰ্বলতা, কাসি ও বাত রোগে উপকারী।

আগ্রা ও অযোধ্যার যুক্ত প্রদেশের রাজধানী। হাবড়া হইতে ৫১৪ মাইল দূরে E. I. Ry.এর একটা ষ্টেশন। ভাড়া—মধ্যমশ্রেণী ৮৮/১০ এবং তৃতীয়শ্রেণী ৫/১০ আনা। ৮।১০ টাকায় মধ্যে রোগীর বাসোপযোগী বাড়ী পাওয়া যাইতে পারে। দুধ খাঁটি এবং সুলভ। টাকায় ১২।১৪ সের। মৎস্য, মাংস এবং অন্যান্য আহাৰ্য্য দ্রব্যও প্রচুর ও সুলভ।

তৈল, ঘৃত প্রভৃতিও অতিশয় উৎকৃষ্ট এবং সুলভ। এখানে গঙ্গা ধমনী সঙ্গমে সুপ্রসিদ্ধ “প্রয়াগ” তীর্থ। এখানকার কুড় ও মাঘমেলা বিশেষ প্রসিদ্ধ।

(৫) কটক—অজীর্ণ ও অল্পপিত্ত এবং যক্ষ্ম বা প্ৰীহাসংযুক্ত পুরাতন জ্বরে উপকারী। মহানদীর তীরস্থ উড়িষ্যা বিভাগের প্রধান নগর। হাবড়া হইতে ২৫৩ মাইল দূরে বেঙ্গল নাগপুর রেলওয়ের একটি স্টেশন। ভাড়া—মধ্যমশ্রেণী ৪১৮.০ এবং তৃতীয়শ্রেণী ৩১৫ আনা। মাসিক ৫ হইতে ১০ টাকার মধ্যে রোগীর বাসোপযোগী বাড়ী ভাড়া পাওয়া যাইতে পারে। খাঁটি দুধ টাকায় ১২।১৪ সেব পাওয়া যায়। মাছ মাংস প্রচুর এবং সুলভ। মুরগীর ডিম পয়সায় ৩টা এবং হাঁসের ডিম ৬টা করিয়া পাওয়া যায়। আলু তত প্রচুর নহে; অন্যান্য তরকারী যথেষ্ট পাওয়া যায়।

(৬) কুমিল্লা—পূর্ববঙ্গের ত্রিপুরা জেলার সদর স্টেশন। ইহা পূর্ববঙ্গের মধ্যে একমাত্র স্বাস্থ্যকর স্থান। রেল কলিকাতা হইতে গোয়ালন্দ, তথা হইতে শ্রীমারযোগে চাঁদপুর এবং তথা হইতে পুনরাঙ্গ রেল কুমিল্লা স্টেশন। ভাড়া—মধ্যমশ্রেণী ৩১৮.১০ এবং তৃতীয়শ্রেণী ৩৮৮.০। আহার্য্য দ্রব্যাদি অপেক্ষাকৃত সুলভ। রোগীর প্রয়োজনীয় প্রায় সকল জিনিষই পাওয়া যায়। পাকা বাড়ী দুপ্রাপ্য। কিন্তু সুন্দর খড়ের বাড়ী মাসিক ৮১০. ভাড়ায় পাওয়া যাইতে পারে। প্রাকৃতিক দৃশ্য মনোরম। তিনটা বৃহৎ দীঘি আছে তাহা হইতে জল সরবরাহ হইয়া থাকে। ‘ধর্ম্মসাগর’ নামক প্রকাণ্ড দীঘির জল অতি সুস্বাদু।

(৭) কৈলোয়র—ক্ষুধামান্দ্য, অজীর্ণতা এবং পুরাতন উদরাময় বা গ্রহণী প্রভৃতি রোগে বিশেষ উপকারী। ম্যালেরিয়া ও যক্ষ্ম বা প্ৰীহাসংযুক্ত জ্বর এবং যক্ষ্মা ও বাতরোগে উপকারী।

শোননদীর তীরস্থ সাহাবাদ (আরা) জেলার একটি গ্রাম । হাবড়া হইতে ৩৬০ মাইল দূরে E. I. Ry.এর একটি স্টেশন । ভাড়া—মধ্যম-শ্রেণী ৬৮/০ এবং তৃতীয়শ্রেণী ৩৮/৫ আনা । পাকা বাড়ী দুপ্রাপ্য । কাঁচা বাড়ী মাসিক দুই এক টাকা ভাড়াতেই পাওয়া যাইতে পারে, কিন্তু রোগীর পক্ষে তাহা তত সুবিধাজনক নহে । এখানে গোরক্ষপুরী পয়সা প্রচলিত । এই পয়সা টাকায় ২৭।২৮ গণ্ডা, কখন কখনও বা ৩০ গণ্ডাও হইয়া থাকে । এই পয়সাকে স্থানীয় লোকে 'টাকা' বলে । খাঁটা দুধ এই পয়সার ১৫ পয়সা সের । মংস ৮০ সের এবং অপরিপাক্য পাওয়া যায় । মাংস ৫।৬ 'টাকা' (পয়সা) সের । প্রায় সকল প্রকার তরকারীই পাওয়া যায় এবং অতিশয় সুলভ । নানাপ্রকার ফল ও যথেষ্ট পরিমাণে পাওয়া যায় । সপ্তাহে রবি ও বুধবারে হাট হয় । এতদ্ব্যতীত এক কিছা অর্ধ ক্রোশ দূরে আরো অনেক হাট আছে । এখান হইতে আরা ৪ ক্রোশ দূরে । কোন দ্রব্যের প্রয়োজন হইলে অতি সহজে আরা হইতে আনিতে পারা যায় । চাকর চাকরাণী অতি সুলভ এবং সহজ প্রাপ্য । ডাক্তার কিছা ঔষধালয় নাই । শোননদীর জল অতিশয় হজমকারী । এজন্ত উদরাময়ের পক্ষে ইহা সর্বোৎকৃষ্ট স্থান ।

(৮) গিরিধী—পুরাতন অর, প্লীহাজনিত দৌর্বল্য, ক্ষুধামান্দ্য, ম্যালেরিয়া এবং যক্ষ্মা ও বাত প্রভৃতি রোগে উপকারী ।

ছোটনাগপুর বিভাগের হাজারিবাগ জেলার একটি মহকুমা । উচ্চতা ১০০০ ফিট । হাবড়া হইতে ২০৬ মাইল দূরে E. I. Ry. এর একটি স্টেশন । মধুপুরে গাড়ী বদল করিতে হয় । ভাড়া মধ্যম শ্রেণী ৩৮।০ এবং তৃতীয় শ্রেণী ২৮/০ আনা ।

গিরিধীর মধ্যে উত্রী নদীর তীরস্থ বারগণ্ডা এবং মুকতপুরই (কাছারীর সন্নিকটস্থ স্থান) ভাল । রেল ও কয়লার খনির সন্নিকটস্থ

স্থান স্বাস্থ্যের পক্ষে তত উপযোগী নহে । কয়লার খনির কুলিদিগের মধ্যে সময় সময় ওলাউঠার প্রাদুর্ভাব হয় । গ্রীষ্মকালে বসন্তেরও প্রাদুর্ভাব হইয়া থাকে । মাসিক ১০।১৫ হইতে ৫০।৬০ টাকা ভাড়ায় বাড়ী পাওয়া যায় । এখানকার জলে অন্ন মিশ্রিত আছে সে জন্ত আমাশয় ও জ্বর বিকার প্রভৃতির বিশেষ আশঙ্কা । এজন্ত জল ফুটাইয়া শীতল করতঃ তৎপর ছাঁকিয়া পান করা কর্তব্য । বিশেষতঃ বর্ষাকালে এ বিষয়ে বিশেষ সাবধান হওয়া আবশ্যিক । যে কূপ বাঁধান নয় তাহার জল ব্যবহার করা কর্তব্য নয় । এখানে সকল কূপের জল সমান নহে । কূপ যত গভীর হয় উহার জলও তত ভাল হয় । পানীয় জল ব্যবহার করিবার সময় এবিষয়টি বিশেষভাবে স্মরণ রাখা আবশ্যিক । কাছারীর কূপের জল এবং বারগণ্ডার কয়েকটি কূপের জলই উৎকৃষ্ট । এখানে গ্রীষ্মের সময় অত্যধিক গরম এবং শীতের সময় অতিশয় শীত হইয়া থাকে । পশ্চিমের হাওয়াই এ সকল স্থানে অতিশয় স্বাস্থ্যপ্রদ । উত্তর কিম্বা পূর্বের হাওয়া বহিতে থাকিলে সাবধান হওয়া আবশ্যিক । গ্রীষ্মের সময় বেলা ১০টা হইতে ৫টা পর্য্যন্ত ঘরের বাহির হওয়া কর্তব্য নয় । সে সময় রাত্রিতে খোলা জায়গায় থাকিলেও কোনও আশঙ্কার কারণ নাই । শীতের সময় প্রচুর শীত বস্ত্রের প্রয়োজন । গরমকালে অধিক পরিমাণে দই, ঘোল, পেঁপে ও বেল প্রভৃতি খাওয়া আবশ্যিক । নতুবা আমাশয় ও জ্বরবিকার প্রভৃতি রোগের বিশেষ আশঙ্কা থাকে । অস্তঃপুরের মহিলাদের জলবায়ু পরিবর্তনের পক্ষে এস্থান বিশেষভাবে উপযোগী । কারণ এস্থানে মেয়েরা স্বাধীনভাবে রাস্তাঘাটে বেড়াইতে পারেন । বাঙ্গালী রমণীদিগের পক্ষে এমন অবাধে বেড়াইবার সুবিধা বঙ্গদেশের আর কোথাও নাই । প্রতিদিন এখানে বাজার হয় এবং রবিবারে হাট বসে । খাটি দুধ টাকায় ১/৭ সের পর্য্যন্ত পাওয়া যাইতে পারে । মাংস চারি পাঁচ আনা

সের। শীত ও বর্ষাকালে মাছ পাওয়া যায়, অল্প সময়ে চুপ্রাপ্য। প্রায় সকল রকম তরকারীই পাওয়া যায়। পাউরুটী ও সোডা লেমনেড প্রভৃতি পাওয়া যায়। ডাক্তার এবং ডাক্তারখানা আছে। চাকর চাকবাণীকে প্রতি সপ্তাহান্তে বেতন দিতে হয়।

(৯) চূণার বা চণ্ডাল গড়—ইহা একটা সাধারণ স্বাস্থ্যকর স্থান; অতি শুষ্ক, অথচ গঙ্গার তীরে অবস্থিত। বাবতীয় পেটের অস্থখের পক্ষে এস্থান অতিশয় উপকারী। এস্থানের জল অতিশয় হৃদয়কারী। নিকটে বিদ্যুৎচল, বায়ু বিশুদ্ধ এবং দৃশ্য অতিশয় মনোরম। উত্তর পশ্চিম প্রদেশের মির্জাপুর জেলার একটা তহসিল বা মহকুমা। হাবড়া হইতে ৪৩৯ মাইল দূরে E. I. Ry.এর একটা স্টেশন। ভাড়া—মধ্যমশ্রেণী ৭।।/১৫ এবং তৃতীয়শ্রেণী ৪।। আনা। সহর হইতে স্টেশন ২।। মাইল দূরে। স্টেশনে গাড়ী বা পাকী পাওয়া যায়। এ স্টেশনে ডাকগাড়ী দাঁড়ায় না। ভাড়াটে বাড়ী পাওয়া যায়। মাসিক ভাড়া ২০।২৫ হইতে ১০০ টাকা পর্য্যন্ত। খাঁটি দুধ টাকায় ১৫।১৬ সের; ঘৃত তত ভাল নয়। মাছ মাংস প্রচুর এবং সুলভ। মাছের সের ৯০ আনার অধিক নয়, মাংস ৮০ কি। আনা সের। কুক্কটও সুলভ। তরকারী, ফল ও জ্বালানি কাঠ প্রচুর এবং সুলভ। শুইবার খাট প্রভৃতিও ভাড়া পাওয়া যায়; ডাক্তার ও ঔষধালয় আছে। স্টেশনে বরফ পাওয়া যায়। বড়বাজার এবং বড় বড় দোকান আছে। তথায় সোডা, লেমনেড ও অন্যান্য প্রয়োজনীয় দ্রব্যাদি সমস্তই পাওয়া যায়। নৌকাতে বেড়াইবার সুবিধা আছে। চূর্ণাকুণ্ড নামক ঝরণা অতি রমণীয়। বুচুয়া নামক একটা কূপ আছে তাহার জল অতিশয় উৎকৃষ্ট। ইহার জল ভারতবর্ষের মধ্যে দ্বিতীয় স্থানীয়। চাকর চাকবাণী সুলভ। চূণারের সন্নিকটে “কেন্দুয়া” পাহাড়। উহার গায়ে তপস্বীদিগের গুহা আছে। তথায় সর্প ও বৃশ্চিকের ভয় আছে।

(১০) জব্বলপুর—ইহাও একটা সাধারণ স্বাস্থ্যকর স্থান। কলিকাতা হইতে ৭৩৪ মাইল দূরে মধ্য প্রদেশের একটা জেলা। উচ্চতা ১৩৬২ ফিট। ইহার ১০ মাইল দূরে সুবিখ্যাত নর্মদার জলপ্রপাত ও শ্বেত মর্ম্মর-শৈল। হাবড়া হইতে বেঙ্গল নাগপুর রেলওয়েব বিলাসপুর এবং কাটনি ষ্টেশন দিয়া অথবা E. I. Ry.এর নৈনী ষ্টেশন দিয়া জব্বলপুর যাওয়া যায়। ভাড়া—মধ্যমশ্রেণী ১২।৫ এবং তৃতীয়শ্রেণী ৬।১৫ আনা। মাসিক ৭।৮ টাকা ভাড়ায় রোগীর বাসোপযোগী বাড়ীভাড়া পাওয়া যায়। আহাৰ্য্য দ্রব্যাদি প্রচুর ও সুলভ। বাজারীর আহাৰোপযোগী প্রায় সকল দ্রব্যই পাওয়া যায়। দুগ্ধ, মৎস্য, মাংস ও তরকারী প্রভৃতি অতিশয় সুলভ। ডাক্তার ও ঔষধালয় আছে। প্রায় সকল রোগের পক্ষেই এস্থান উপকারী।

(১১) জামতারা—মধুপুরের গ্রাম গুণবিশিষ্ট। সাঁওতাল পরগণার একটা মহকুমা এবং হাবড়া হইতে ১৫৭ মাইল দূরে E. I. Ry.এর একটা ষ্টেশন। ভাড়া—মধ্যমশ্রেণী ২।৮৫ এবং তৃতীয়শ্রেণী ১।৮৫। পাকা বাড়ীর সংখ্যা অল্প। কাঁচা বাড়ী মাসিক ৩৪ টাকা ভাড়াতে পাওয়া যাইতে পারে। খাঁটি দুধ টাকায় ১৫।১৬ সের। মাছ মাংস ইত্যাদি প্রচুর এবং সুলভ। আহাৰ্য্য দ্রব্যাদি গরিবিধি প্রভৃতি হইতে প্রচুর এবং সুলভ। ডাক্তার ও ডাক্তারবথানা আছে। সবডিভিশন বলিয়া অন্যান্য অনেক বিষয়েও সুবিধা আছে। প্রতিদিন বাজার হয় এবং প্রয়োজনীয় প্রায় সকল দ্রব্যই পাওয়া যাইতে পারে।

(১২) ডিহিরী—এ স্থানটাও শোণনদীর তীরে এবং কৈলিওয়ের সম গুণবিশিষ্ট। যাবতীয় পেটের অসুখে অতিশয় ফলপ্রসূ।

হাবড়া হইতে ৩৪৫ মাইল দূরে E. I. Ry.এর Grand Chord Lineএর একটা ষ্টেশন (Dehiri-on-Sone)। ভাড়া—মধ্যম শ্রেণী

৬/৫ এবং তৃতীয় শ্রেণী ৩৮৫ আনা। বাড়ী যথেষ্ট পাওয়া যায় তবে কৈলিওরের অপেক্ষা ভাড়া অধিক। আহাৰ্য্য দ্রব্যাদি প্রচুর এবং সুলভ। এখানে হাট বাজার, ডাক্তারখানা প্রভৃতি কিছুই অভাব নাই। শোণনদীর চড়ায় বেড়াইবার উৎকৃষ্ট স্থান। শোণনদীর জল পান করিলে পেটের গ্নানি দূর হয় এবং ক্ষুধা বৃদ্ধিত হয়। প্লেগের প্রাদুর্ভাবকাল ব্যতীত অপর সকল সময়ই ভাল।

(১৩) দেওঘর-বৈষ্ণনাথ বা বৈষ্ণনাথ ধাম—পুরাতন জ্বর, প্লীহাজনিত দৌৰ্বল্য, ক্ষুধামান্দ্য, অজীর্ণতা, যক্ষ্মা, ম্যালেরিয়া, বাত, ষকৃৎের পীড়া এবং হৃদরোগ প্রভৃতিতে উপকারী।

কলিকাতা হইতে ২০৬ মাইল দূরে সাঁওতাল পরগণার একটা মহকুমা। E. I. Ry.এর যশিন্দী জংশন হইতে ৫ মাইল দূরে বৈষ্ণনাথ ধাম নামক ষ্টেশন। ভাড়া—মধ্যম শ্রেণী ৩৮৫ এবং তৃতীয় শ্রেণী ২৮/১৫ আনা। যশিন্দী জংশনে গাড়ী বদল করিতে হয়।

মাসিক ১০।১৫ হইতে ১০০ টাকা পর্যন্ত সকল প্রকার বাড়ীই ভাড়া পাওয়া যাইতে পারে। প্রতিদিন বাজার হয়। মাছ প্রায় বার মাসই পাওয়া যায়। মাংস ১০ আনা সের। দুধ তত খাঁটি নয়, টাকায় ১৪ হইতে ১৬ সের পর্যন্ত। প্রয়োজনীয় সমস্ত দ্রব্যই পাওয়া যায়। পানের পক্ষে স্কুল ও কাছারীর কুপের জলই উৎকৃষ্ট। বালি খুঁড়িয়া দাঁড়োয়া নদীর জল আনিতে পারিলে উহা অতিশয় হজমকারী হয়। অজীর্ণরোগের পক্ষে বালির নীচের জলই সর্বোৎকৃষ্ট। তীর্থস্থান বলিয়া সৰ্বদাই যাত্রীর সমাগম হয়। বিশেষতঃ শিবরাত্রি, চৈত্র সংক্রান্তি এবং কার্তিক পূর্ণিমায় মেলা ও যাত্রীর সংখ্যা অত্যধিক হয়। যাত্রীর সমাগম হয় বলিয়া দেওঘর সহরে প্রায়ই ওলাউঠার প্রাদুর্ভাব হয়। সম্প্রতি প্লেগও দেখা দিয়াছে। কিন্তু Carstairs town এবং আফিস অঞ্চলে সংক্রামক

বাধির বড় প্রাদুর্ভাব হয় না। Williams town নামক আর একটি নতুন স্থান প্রস্তুত হইয়াছে। চাকর চাকরাণী পাওয়া যায়, বেতন প্রতি সপ্তাহান্তে দিতে হয়। ডাক্তারখানা আছে এবং ডাক্তার, কবিরাজ ও একজন হোমিওপ্যাথিক চিকিৎসক আছেন। নিকটে তপোগিরি, অতি মনোরম স্থান।

(১৪) পচম্বা—গিরিধীর গ্ৰাম গুণবিশিষ্ট। অনেকাংশে গিবিধী হইতেও উত্তম। কলিকাতা হইতে ২১০ মাইল দূরে হাজারিবাগ জেলার একটি স্বাস্থ্যকর স্থান। গিরিধী হইতে আড়াই মাইল দূরে অবস্থিত। ষ্টেশন হইতে পুষপুষ, বা ঘোড়ার গাড়ীতে যাওয়া যায়। ভাড়া (গিরিধী দ্রষ্টব্য) পুষপুষ ৥০, এবং ঘোড়ার গাড়ী ৥০ আনা।

প্রাকৃতিক দৃশ্য অতি মনোহর। বাড়ীর সংখ্যা অল্প এবং মাসিক ১০ টাকার কমে বাড়ী ভাড়া পাওয়া যায়না। খাটি দুধ টাকায় ৮।১০ সের পাওয়া যায়। মৎস্য সুলভ নহে। মাংস চারি আনা সের। কুকুট অতিশয় সুলভ। সোডা লেমনেড প্রভৃতি আবশ্যিক হইলে গিরিধী হইতে আনিতে হয়। প্রতিদিন বাজার হয়। আহাৰ্য্য দ্রব্যাদি গিরিধী হইতে সুলভ এবং প্রচুর। ডাক্তার কিম্বা ডাক্তারখানা নাই। চাকর চাকরাণী পাওয়া যায়।

(১৫) পুরুলিয়া—কতকাংশে গিরিধীর গ্ৰাম। ইহা ছোটনাগপুর বিভাগস্থ মানভূম জেলার সদর ষ্টেশন। হাবড়া হইতে ১৮৩ মাইল দূরে B. N. Ry.এর একটি ষ্টেশন। ভাড়া—মধ্যম শ্রেণী ৩।১০ এবং তৃতীয় শ্রেণী ২।১০ আনা। হাবড়া হইতে বরাবর যাওয়া যায় অথবা আসানসোলে গাড়ী বদল করিয়া বেঙ্গলনাগপুরের গাড়ীতে উঠিতে পারা যায়। ষ্টেশন হইতে সহর প্রায় এক মাইল দূরে। ষ্টেশনে গাড়ী ও পুষপুষ পাওয়া যায়। প্রতিদিন প্রাতে বাজার বসে। আহাৰ্য্য দ্রব্যাদি সুলভ। মাছ

মাংস সর্বদাই পাওয়া যায় । সহজে বাড়ী পাওয়া সুকঠিন । মাসিক ৩০।৪০ ও ততোধিক ভাড়ায় কোন কোন বাঙ্গলা ভাড়া পাওয়া যাইতে পারে । বাড়ী ভাড়া তত সুলভ নহে । দুধ প্রভৃতি অপেক্ষাকৃত সুলভ । গোছুগ্লে মহিষদুগ্ধ মিশ্রিত থাকিতে পারে, একত্র খাঁটি দুগ্ধের বিশেষ বন্দোবস্ত করা প্রয়োজন । কৃত্রিমহৃদ এবং বহু বিস্তৃত জলাশয় আছে । প্রয়োজনীয় সকল দ্রব্যই পাওয়া যাইতে পারে । 'সাহেব বন্ধ' নামক কৃত্রিমহৃদের জল রোগীর পক্ষে বিশেষ উপকারী ।

(১৬) বৈছনাথ (যশিদী) জংশন—দেওঘরের ঞায় স্থান । হাবড়া হইতে ২০১ মাইল দূরে E. I. Ry.এর একটা ষ্টেশন (এক্ষণে ইহার যশিদী জংশন নামকরণ হইয়াছে) । ভাড়া মধ্যম শ্রেণী ৩।১৫ এবং তৃতীয় শ্রেণী ২.৮৫ আনা । মাসিক ২০।১৫ হইতে ১০০, ১৫০, টাকা পর্য্যন্ত ভাড়ায় বাড়ী পাওয়া যাইতে পারে । রীতিমত হাট বাজার নাই, কয়েকখানা দোকান আছে । মাছ, তবকারী প্রভৃতি বাড়ী বাড়ী বিক্রয় করিতে আনে । দুধ তত খাঁটি নয়, টাকায় ১২।১৪ সের । কুকুট সুলভ । যাহ কিছু আবশ্যক হয় দেওঘর হইতে আনিতে পারা যায় ।

(১৭) মধুপুর—গিরিধীর ঞায় গুণবিশিষ্ট । কলিকাতা হইতে ১৮৩ মাইল দূরে সাঁওতাল পরগণার অন্তর্গত E. I. Ry.এর একটা ষ্টেশন । ভাড়া—মধ্যম শ্রেণী ৩।৮০ তৃতীয় শ্রেণী ২.১৫ উচ্চতা ৮২০ ফিট । এখানে একটা দাতব্য চিকিৎসালয় আছে । তাহাতে একজন এসিষ্ট্যান্ট সার্জন আছেন । এতদ্ব্যতীত একজন হেমিওপ্যাথি ডাক্তারও আছেন । কেলনার কোম্পানীর অতি উৎকৃষ্ট সোডা লেমনেড ও বরফ ইত্যাদি পাওয়া যায় । কুণ্ডুর বাঙ্গলা, লিলিভিলা, রোজভিলা এবং বাবু নীলমণি মিত্রের কতকগুলি বাড়ী প্রায় সর্বদাই ভাড়া পাওয়া যায় । তবে

পূজার ছুটী সময় বাড়ী পাওয়া দুর্ঘট । পূর্ব হইতেই ঠিক না করিলে এসময়ে সকল বাড়ীই ভাড়া হইয়া যায় । এসময়ে আহাৰ্য্য দ্রব্যাদিও অপেক্ষাকৃত মহাৰ্ঘ হইয়া উঠে । বাড়ী ভাড়া ২০।২৫ টাকা হইতে ৭০।৮০ টাকা পর্য্যন্ত, সকল প্রকারই পাওয়া যায় । নূতন লোক যাওয়া মাত্র চাকর, গোয়ালী, ধোপা, মেথর প্রভৃতি আপনা হইতেই আসিয়া উপস্থিত হয় । দুধ টাকায় ১০।১২ সের । অনেক সময় গোলুপের সহিত মহিষদুগ্ধ মিশ্রিত করতঃ বিক্রয় করিয়া থাকে । একটু চেষ্টা করিলেই খাঁটি দুধ পাওয়া যাইতে পারে । মাংস প্রচুর, কুক্কটও প্রচুর এবং সুলভ । রোজ বাজার হয় এবং সোমও ও শুক্রবারে হাট বসে । ঘরে বসিয়াই প্রায় সকল প্রকার জিনিষ কিনিতে পারা যায় । পূজার ছুটী হইতে আরম্ভ করিয়া বর্ষার পূর্ব পর্য্যন্ত ভাল সময় । তবে বসন্তকালে যখন পশ্চিমদিক হইতে বাবু বহিতে থাকে তখনই প্রকৃষ্ট সময় । পশ্চিমের সকল স্থানই পশ্চিমের হাওয়া বহিলে অতিশয় স্বাস্থ্যপ্রদ হয় । পানীয় জলের পক্ষে ষাবু নীলমণি মিত্রের এবং রেলের পাতকুয়ার জলই উৎকৃষ্ট । কুণ্ডুব ঝাঙ্গলার কূপের জলও ভাল । সম্প্রতি এখানে একটা উচ্চ ইংরাজী বিদ্যালয় স্থাপিত হইয়াছে ।

(১৮) মহেশমণ্ডা—গিরিধীর গ্রাম গুণবিশিষ্ট । হাবড়া হইতে ২০০ মাইল দূরে গিরিধী শাখা লাইনের (E. I. Ry.) একটা ষ্টেশন ।
ভাড়া—মধ্যমশ্রেণী ৩।৮।১৫ এবং তৃতীয়শ্রেণী ২।৮০ ।

বাড়ীভাড়া দুপ্রাপ্য । বাজার এবং ডাক্তার কিম্বা ডাক্তারখানা নাই । আহাৰ্য্য দ্রব্যাদি পাওয়া সুকঠিন । অন্তস্থান হইতে প্রয়োজনীয় দ্রব্যসমূহ আনিতে পারিলে সুবিধা হইতে পারে । এখানকার জল অতিশয় উৎকৃষ্ট । আহাৰ্য্য দ্রব্যাদি যাহা পাওয়া যায় তাহা অপেক্ষাকৃত সুলভ ।

(১৯) মীরাট—অজীর্ণ, অল্পপিত্ত ও পুরাতন জ্বরের পক্ষে বিশেষ উপকারী। ম্যালেরিয়া ও যক্ষ্ম বা প্লীহাসংযুক্ত জ্বর, যক্ষ্মা এবং বাত প্রভৃতি রোগেও হিতকর।

আগ্রা ও অযোধ্যার যুক্ত প্রদেশের একটি জেলা; গঙ্গা হইতে ২৫ মাইল পূর্বে এবং যমুনা হইতে ৩০ মাইল পশ্চিমে অবস্থিত। সহর হইতে ৩ মাইল পূর্বে কালীনদী প্রবাহিত। হাবড়া হইতে ৯১৯ মাইল দূরে N. W. S. Ry.এর একটি স্টেশন। ভাড়া—মধ্যমশ্রেণী ১৫/১০ এবং তৃতীয়শ্রেণী ৮/১০ টাকা। কেন্টনমেন্টের সন্নিকটস্থ স্থানই উত্তম। সেখানে মাসিক ৪০।৫০ টাকা ভাড়ায় ভাল বাঙ্গলা পাওয়া যাইতে পারে। সহরের ভিতর ১৫।২০ টাকা ভাড়ায় দোতারা বাড়ী পাওয়া যায়। আহাৰ্য্য দ্রব্যাদি প্রচুর এবং সুলভ। খাঁটি দুধ টাকায় ১২।১৪ সের। মাছ মাংস সকলই সুলভ। প্রয়োজনীয় প্রায় সকল দ্রব্যই পাওয়া যায়। ডাক্তার এবং ডাক্তারখানা আছে। চাকর চাকরাণী পাওয়া যায়।

(২০) রাঁচী—পুরাতন যক্ষ্মা, ম্যালেরিয়া ও সাধারণ ছৰ্কলতার পক্ষে বিশেষ উপকারী। কলিকাতা হইতে ২৫৭ মাইল দূরে ছোট নাগপুর বিভাগের সদর স্টেশন। উচ্চতা ২১০০ ফিট। পুরাতন সহর হইতে প্রায় ৩ মাইল দূরে বর্তমান বিহার ও উড়িষ্যা প্রদেশের একটি রাজধানী স্থাপিত হইয়াছে। সহর হইতে ২ মাইল দূরে বেঙ্গল নাগপুর রেলের একটি স্টেশন আছে। ভাড়া—মধ্যমশ্রেণী ৫/১০ তৃতীয়শ্রেণী ৩/১০।

বাড়ীভাড়া তত সহজে পাওয়া যায় না। মাসিক ১৫ হইতে ২০ টাকা ভাড়ার কমে রোগীর বাসোপযোগী বাড়ী পাওয়া স্কঠিন। খাঁটি দুধ টাকায় ১০।১২ সের পাওয়া যায়। মাংস ১/০ সের, মৎস্তও

সুলভ । প্রায় সকল প্রকার তরকারীই পাওয়া যায় । চাউল খুব ভাল পাওয়া যায় । প্রতিদিন বাজার হয় এবং রবি, ও বুধবার 'পেটিয়া' (হাট) বসে । পানীয় জল উত্তম । সিভিলসার্জন ব্যতীত এমিষ্টাণ্ট সার্জন আছেন এবং ঔষধালয়ও আছে । সাহেবদিগের ক্লাব হইতে মোড়া লেমনেড পাওয়া যায় । সাধারণ স্বাস্থ্য হাজারিবাগ হইতেও উত্তম । বর্ষাকাল তত ভাল নয় । কৃত্রিম হৃদয়ের তীরে বেশ বেড়াইবার স্থান আছে । সহরের ভিতরেই একটি পাহাড় আছে । ২।৩ মাইল এবং ততোধিক দূরে আরও বহু পাহাড় রহিয়াছে ।

(২১) শিমুলতলা—মধুপুর প্রভৃতিব গ্রাম গুণবিশিষ্ট । হাবড়া হইতে ২১৭ মাইল দূরে E. I. Ry.এর একটি ষ্টেশন । ভাড়া—মধ্যম শ্রেণী ৩৮/১৫ এবং তৃতীয়শ্রেণী ২।১৫ আনা ।

বাড়ীভাড়া পাওয়া সুকঠিন । হাট কিম্বা বাজার নাই । দুধ, মাছ তরকারী কিনিতে পাওয়া যায় বটে, কিন্তু প্রচুর নহে । অনেকে কলিকাতা হইতে Bazar basket নেওয়াইয়া থাকেন । ডাক্তার কিম্বা ডাক্তারখানা নাই । প্রয়োজন হইলে দেওঘর হইতে আনিতে হয় । অর্থের সম্বলতা থাকিলে কোন বিষয়েই তত অসুবিধা হয় না । স্থান মধুপুর, গিরিধী প্রভৃতি হইতে স্বাস্থ্যের পক্ষে ভাল । প্রাকৃতিক দৃশ্য মনোহর । ষ্টেশনে ডাকগাড়ী দাঁড়াইয়া না । এখানে বাঘের ভয় আছে এবং চোরের উপদ্রব ও যথেষ্ট; এজন্য সাবধানে থাকা প্রয়োজন ।

(২২) হাজারিবাগ—সাধারণ দুর্বলতা, মস্তিষ্কের দুর্বলতা, বহুমূত্র প্রভৃতি রোগে বিশেষ উপকারী । কলিকাতা হইতে ২৫৬ মাইল দূরে ছোটনাগপুর বিভাগের একটি জেলা । উচ্চতা ২০১০ ফিট । হাবড়া হইতে রেল হাজারিবাগ রোড ষ্টেশন (২১৪ মাইল) পর্যন্ত । ভাড়া মধ্যমশ্রেণী ৩৮/৫ এবং তৃতীয়শ্রেণী ২।১০ আনা । ষ্টেশন হইতে ৮

মাইল দূরে বগোদর ডাক বাঙ্গলা। তথা হইতে ৩৩ মাইল দূরে হাজারিবাগ সহর। পুষপুষের কুলি ৪ জন ৬, ও ৬ জন ৮ টাকা। Messrs Abu Syed & Co. Agent Carrying Co. হাজারিবাগ রোড ষ্টেশন হইতে মোটরগাড়ীতে করিয়া হাজারিবাগ যাওয়া যায়। ভাড়া—দ্বিতীয়শ্রেণী ৫ (১৫ সের লগেজ বিনা ভাড়ায় যাবে) এবং তৃতীয়শ্রেণী ২ (১০ সের লগেজ বিনা ভাড়ায়)। পুষপুষ, গরুরগাড়ী এবং উটের গাড়ীতেও যাওয়া যায়। মাসিক ১০।১৫ টাকা ভাড়ায় রোগীর বাসোপযোগী বাড়ী পাওয়া যাইতে পারে। খাঁটি দুধ টাকায় ১০।১২ সের। মৎস্য তত সহজ প্রাপ্য নহে। যাহা পাওয়া যায় তাহা সুলভ। মাংস ৩০ আনা সের। প্রায় সকল প্রকার তরকারীই অপরিমিত পরিমাণে এবং সুলভ মূল্যে পাওয়া যায়। এমন সুন্দর ও সুলভ পেঁপে বাঙ্গালার আর কোথাও পাওয়া যায় কি না সন্দেহ। চাকর চাকরগীর বিশেষ সুবিধা। এখানকার প্রবাসী বাঙ্গালী সমাজ নবাগতদিগের প্রতি অতিশয় সদ্যবহার করিয়া থাকেন। ভাল ঔষধালয় নাই। সিভিলসার্জন ব্যতীত ডবলীন মিশনের (Dublin Mission) একজন সুবিজ্ঞ মিশনারী ডাক্তার সাহেব আছেন। ইনি অনেক সময়ে বিনা ভিজিটেও দেখিয়া থাকেন। মিশনারী ডাক্তার সাহেব বিলাতের পাশকরা ডাক্তার এবং সূচিকিংসক বটেন। সোডা লেমনেড প্রভৃতি পাওয়া যায়। রিফরমেটরী জেলের (Reformatary Jail) ইদারার জল পানের জন্ত সর্কোংকুট।

সমতল স্থানস্থানবাসের প্রায় সকল স্থানেই গরমের সময় চক্ষু উঠিয়া থাকে। ইহা হইতে অব্যাহতি পাওয়া বড়ই দুষ্কর হয়। এ সময়ে দিনের বেলায় গৃহের দ্বার রুদ্ধ করিয়া থাকা আবশ্যিক।

দশম পরিচ্ছেদ ।

মুষ্টিযোগ প্রকরণ ।

১৪২ । অজীর্ণতা—হরীতকী পোড়াইয়া, সৈন্ধব লবণ, বিটলবণ ও যোয়ান (যমানী) সমভাগ লইয়া উত্তমকপে বাটিয়া আধ তোলা হইতে এক তোলা পরিমাণ বাটিকা প্রস্তুত করতঃ আহারের অব্যবহিত পরই গরম জল দ্বারা সেবন করিলে সহজে পরিপাক হইবে ।

১৪৩ । অরুচি ও অগ্নিমান্দা—আমলকীর পাতা ঘূতে ভাজিয়া খাইলে অরুচি দূর হয় । হল্কসা বা ঘল্ঘসের (দণ্ড কলস) পাতা তৈলে ভাজিয়া খাইলে অরুচি দূর হয় এবং মন্দাগ্নি দূর হয় ।

কচি ডালিমের বস, জীবাচূর্ণ, চিনি, মধু ও ঘৃত একত্র মিশ্রিত করিয়া মুখে রাখিলে সর্বপ্রকার অরুচি আরোগ্য হয় ।

পুরাতন তেঁতুল ও গুড়ের জলে দাকচিনি, এলাচ ও গোলমরিচ চূর্ণ মিশ্রিত করিয়া মুখে ধারণ করিলে অরুচি দূর হয় ।

শৈ, কয়তবেল, মধু, পিপুল ও গোলমরিচ চূর্ণ একত্র মিশ্রিত করতঃ অবলেহন করিলে অরুচি ও বমন প্রশমিত হয় ।

১৪৪ । অর্শ—হরীতকী, বয়ড়া ও আমলা, এই কয়টি দ্রব্য পূর্ব রাত্রে ভিজাইয়া রাখিয়া পরদিন প্রাতে বাসি মুখে খাইলে অর্শ রোগ দমন হইয়া থাকে ।

ওলটকম্বলের শিকড়ের ছাল আধ তোলা, গোলমরিচ ২১টা এক সঙ্গে বাটিয়া তাহাতে উক্ত পরিমাণ চিনি মিশ্রিত করিয়া সাত দিবস খাইলে অর্শের উপশম হয় ।

আয়্যাপানের রস অর্ধ ছটাক পরিমাণ পান করিলে অর্শের শ্রাব নিবারিত হয় ।

মনসাসিজের আঠার সহিত কিঞ্চিৎ হরিদ্রা চূর্ণ মিশ্রিত করতঃ বলির মুখে প্রলেপ দিলে উত্তা থসিয়া যায় ।

আকন্দের আঠা, মনসার আঠা, তিতলাউএর কচিপাতা ও ডহব করঞ্জের ছাল সমভাগে লইয়া ছাগমূত্রে পেষণ করিয়া বলিতে প্রলেপ দিলে বিশেষ উপকার দর্শে ।

ঘোষালতার মূল বাটিয়া প্রলেপ দিলে অর্শের রক্তশ্রাব নিবারিত হয় ।

১৪৫ । আঙ্গুলহাড়া—কচি বেগুনের মধ্যভাগে লবণ পুরিয়া তাহার ভিতরে ক্ষীত আঙ্গুলি প্রবিষ্ট করিয়া রাখিলে কয়েক ঘণ্টা মধ্যেই উপশম হইবে ।

রেড়ীর (এরণ্ড) পাতা পুক করিয়া আঙ্গুলে বাঁধিয়া রাখিলে উপশম হইবে ।

১৪৬। আঁচিল (মঁজ)—সাজিমাটি ও কলি চূর্ণ একত্র করতঃ আঁচিলের উপরিভাগে প্রলেপ দিবে । এই প্রলেপটি আঁচিল যতদিন থাকিবে তত দিন উঠিবে না, তৎপর আঁচিলের সঙ্গে উঠিয়া আসিবে । ঔষধ ব্যবহার করিবার পূর্বে আদা দ্বারা উত্তমরূপে রগড়াইয়া লইতে হইবে ।

১৪৭। আমাশয়—পুরাতন তেঁতুল, চিনি ও মত্তমান (সপরি) কলা একত্রে মিশ্রিত কবতঃ খাইলে আমাশয় আরোগ্য হইবে ।

কুটজেব (কুটেখর) ছাল এক ছটাক, একসের জলে সিদ্ধ করিয়া এক ছটাক থাকিতে নামাইয়া খাইলে তিন দিবসেই আরোগ্য হইবে ।

এক ছটাক পরিমিত কালি ওজাব পাতার বস কিঞ্চিৎ চিনি মিশ্রিত করিয়া সেবন করিলে যে কোন আমাশয় আরোগ্য হইবে ।

আইটশেওডার পাতা ১০।১২টি এক পোয়া পরিমিত জলে উত্তমরূপে মদন কবতঃ যখন দেখিবে যে ত্রৈ জল লাল বর্ণ হইয়াছে তখন উক্ত জল চিনি কিম্বা লবণ মিশ্রিত করিয়া প্রাতে সেবন করিলে কঠিন আমাশয়ও আরোগ্য হইবে : কিম্বা জ্বর থাকিলে এ ঔষধ সেবন করিতে দেওয়া কখনও কতব্য নহে ।

তিন চাবিটি ববাস ফুল পূকরাতে ভিজাইয়া রাখিয়া পবদিন প্রাতে কাশীব চিনির সহিত বাটিয়া খালি পেটে খাইতে দিবে । একপে তিন দিবস খাইলেই রক্তামাশয় আরোগ্য হইবে । শিশুদিগেব জন্য অন্ধমাত্রা ।

১৪৮। উকুন—চাপা ফুলের পাতাব রস চূলে মাখিয়া শুকাইবে এবং তৎপর গুইয়া ফেলিবে । ইহাতে সমস্ত উকুন নষ্ট হইবে ।

১৪৯। একশিরা—যে দিকে বৃদ্ধি পায় কোমরের সেই দিকে চালতা গাছের (বাহার এখনও ফুল হয় নাই) দক্ষিণ দিকের শিকড় ধারণ করিলে বিশেষ উপকার হয় ।

১৫০। ঐকাতিক জ্বর—ধূতুরা ফুলের ভিতরেব একটা পাপড়ি পানের ভিতরে পবিয়া চিবাইয়া খাইলে এক দিনে ঐকাতিক জ্বর আরোগ্য হইবে । ঔষধ জ্বর আনিবার কিঞ্চিৎ পূর্বে খাইতে হইবে ।

১৫১। কাণ পাকা—কনক ধূতুরার রস ৪ সেব, সবপ তৈল ১ সের, দারুহরিজা ৪ তোলা ও গন্ধক ৪ তোলা একত্রে লইয়া মুহূ তাপে জ্বাল দিয়া জলভাগ সম্পূর্ণরূপে শুষিয়া গেলে ছাঁকিয়া লইবে । পাখীর পালকে কবিয়া এই তৈল কাণে দিলে দুই তিন দিবসের মধ্যে সম্পূর্ণ আরোগ্য হইবে ।

প্রতিদিন প্রাতে কাণ পবিষ্কার কবিয়া তাহাতে ২।৩ ফোঁটা কচি বাছুরের (এক মাসের উর্দ্ধ বয়স্ক না হয়) চনা দিলে তিন দিবসেই আরোগ্য হইবে ।

১৫২ । কাসি—এক কিম্বা অর্দ্ধ পোয়া আদা কিঞ্চিৎ ছেঁচিয়া ৭টা আদা বাকশেব পাতার মধ্যে বিছাইয়া ঈষদুষ্ণ করতঃ সে দিবস রাত্ৰিতে বাহিরে বাগিয়া দিবে । পর দিবস প্রাতঃকালে ঐ সমুদয় ছেঁচিয়া অর্দ্ধ পোয়া রস খাইলে খুশখুশে কাসি আরোগ্য হইবে ।

একটা পাত্রে জল লইয়া ৪টা লক্ষ্য মবিচ পোড়াইয়া উহাতে ফেলিয়া উক্ত জল ছাঁকিয়া পান করিলে খুশখুশে কাসি নিবৃত্ত হইবে ।

রক্তবাকসের পাতার বস চিনি মিশ্রিত করিয়া খাইলে সর্দওকাব কাসি আরোগ্য হয় ।

কণ্টকারী ১ তোলা, পিপ্পল ৪টা, মিছবী ১ তোলা, কিসমিস ১ তোলা, একত্রে লইয়া এক সের জলে সিদ্ধ করতঃ আধ পোয়া থাকিতে নামাইয়া খাইলে যে কোন প্রকার কাসিতে বিশেষ উপকার হয় ।

কুরুণ্ড—একটা জীবন্ত শামুকের মাংস ছাড়াইয়া উহার খোলার ভিতর তিনভাগ গব্যঘৃত ও একভাগ সৈন্ধব লবণ দ্বারা পূর্ণ করিয়া এক সপ্তাহ কাল বৌদ্ধ তাপে পাক করিবে । তৎপর এই বত লেপন করিলে বহু দিবসের অতি শ্রবদ্ধ কুরুণ্ড বিনষ্ট হয় ।

১৫৩ । কুমি—অর্দ্ধ তোলা পবিমাণ সোমবাজের বীচি কিঞ্চিৎ লবণ মিশ্রিত করিয়া খাইলে কুমি দূর হয় ।

ডালিমের শিকড়ের ছাল ২: তোলা, ১: সের জলে সিদ্ধ করতঃ দেউ পোয়া থাকিতে নামাইয়া ঐ জল ১ দণ্ড অন্তর ১ তোলা পরিমিত পান করিতে হইবে । ইহাতে সর্দপ্রকার কুমি বিনষ্ট হয় ।

আনারসের পাতার বস এক ছটাক কিঞ্চিৎ চূর্ণ মিশ্রিত করিয়া সেবন করিলে কুমি আরোগ্য হয় ।

কোয়াসিয়ার জল বা লবণ জল দ্বারা প্রত্যুষে পাথথানায় বাইবার পূর্বে এনিমা দিলে ক্ষুদ্র সূত্রবৎ কুমি আরোগ্য হয় ।

নিমছাল সিদ্ধ করিয়া উক্ত জল দ্বারা এনিমা দিলে সূত্রবৎ কুমিতে বিশেষ উপকার দশে ।

কাচা পেঁপের আঠা এক চামচ, একটু মধু ও এক ছটাক গরম জল একত্র করতঃ শীতল হইলে সেবন করিবে এবং তৎপর অর্দ্ধ ছটাক ক্যাপ্টর অয়েল এক চামচ লেবুর রসের সহিত মিশ্রিত করতঃ সেবন বিধেয় । এইরূপে ২।৩ দিন সেবন করিলে কুমি নষ্ট হইয়া যায় । ৬।৭ বৎসরের বালকদিগের পক্ষে ইহার অর্দ্ধমাত্রা সেবন ব্যবস্থা ।

১৫৪ । গরল—স্থানকুড়ির (ধানকুন বা ঢোলা মানকুন) পাতা বাটিয়া আদাব রস ও কিঞ্চিৎ লবণ মিশ্রিত করতঃ যেস্থানে গরল লাগিয়াছে তথায় দিলে আরোগ্য হইবে । লাগিয়া মাত্র দিলে কোন বাতনাই পাইতে হইবে না । পাকিলে ও ব্যথা করিলেও সম্ভবে আরোগ্য হইবে ।

কাঠরঙ্গির (তুনকাঠ) পাতা বাটিয়া প্রলেপ দিলে তৎক্ষণাৎ জ্বালা নিবারিত হইবে এবং ক্রমে আবোগ্য লাভ করিবে।

১৫৫ । গলগণ্ড—বামুনহাটীর মূল চাউলের জলে বাটিয়া প্রলেপ দিলে গলগণ্ড ও কুবণ্ড বিনষ্ট হয়।

১৫৬ । গলাবেদনা—বহেড়া বাটিয়া উষ্ণতে যত মিশ্রিত কবতঃ উষ্ণ করিয়া খাইলে গলাবেদনা আবোগ্য হইবে।

ফুটকির মূল, কাইচেব মূল, ২:১টি গোলমরিচ, ২:১টি লবঙ্গ একত্রে বাটিয়া উষ্ণ করতঃ অন্ধেক খাইতে দিবে এবং অন্ধেক গলাব উপবে প্রলেপ দিবে। ইহাতে 'গলাসাপা' আরোগ্য হয়। সাধারণ গলাবেদনাতেও ইহা বিশেষ উপকারী।

১৫৭ । গোদ—ধূতরা, এবণ্ড, নিসিন্দা, শ্বেত পুনর্নবা, সজিনা ও সধপ এই সমুদয় দ্রব্য একত্রে বাটিয়া প্রলেপ দিলে শ্লীপদ রোগ আবোগ্য হয়।

এবণ্ড তৈলে হরীতকী ভাজিয়া গোমূত্রের সহিত সেবন করিলে সাত দিবসের মধ্যে শ্লীপদ বোগ বিনষ্ট হয়।

১৫৮ । ঘামাচি—শাচা হরিদ্রা, নিমপাতা ও শ্বেতচন্দন একত্রে পিষিয়া প্রলেপ দিলে ঘামাচি আরোগ্য হয়।

১৫৯ । চক্ষু উঠা—জোখ উঠিলে ফটুকিবিব জল অথবা গোলাপ জল বা গুল্লির জল দিবসে ৪।৫ বার চক্ষু দিলে উপশম হয়।

এক ছটাক পরিমিত পবিত্র শীতল জলে এক চিম্টি লবণ মিশ্রিত করতঃ উক্ত জলদ্বারা দিবসে দুই তিন বার চক্ষু ধোত করিলে বিশেষ উপশম হয়। ইহাতে চক্ষু কোন জ্বালা যন্ত্রণা হওয়া দূরে থাকুক, বরং বর্ষ জলের শ্রায় চক্ষু শীতল বোধ হইবে।

১৬০ । চক্ষু ফোলা—চক্ষু ফুলিলে ও লাল হইলে সেণ্ডার ডাল ছাল ফেলিয়া চন্দনের শ্রায় ঘষিয়া চক্ষুর চারিদিকে প্রলেপ দিলে সত্বরে আবোগ্য হইবে।

১৬১ । ছুলী (ছলম)—তামাক পাতা ভিজান জলে হরিতাল পিষিয়া উহা ছুলীতে মালিশ করিলে আবোগ্য হইবে।

ঝুল, নালিতার পুবাভন মূল ও শিঙ্গী মৎস্ত পোড়াইয়া একত্রে চূর্ণ করতঃ ভেরেণ্ডার তৈলে মাষিয়া ছুলীতে লাগাইলে আরোগ্য হইবে। উক্ত তৈল লাগাইবার পূর্বে আক্রান্ত স্থান চুলকাইয়া পরাকলা দ্বারা কিছু কালবাধিয়া বাধিতে হইবে, তৎপর ধোত করতঃ পূর্বেকৃত ঔষধের প্রলেপ দিতে হইবে।

১৬২ । তৃষ্ণা—আম ও জামের পাতার বা আটির শস্তের কাধ মধু মিশ্রিত করিয়া পান করিলে তৃষ্ণা ও বমন নিবারিত হয়।

১৬৩ । দাঁতের পীড়া—বকুল ও ছাতিয়ানের ছাল এবং আকন্দের মূল তুলাংশে দুই তোলা পরিমাণ লইয়া আধ সেব জলে সিদ্ধ করতঃ আধ পোয়া থাকিতে নামাইয়া ঐ জলে কুলি করিলে মাড়ি ফোলা এবং দাঁত কনকন্ আরোগ্য হয় ।

নারিকেলের শিকড় খেঁতে কবিয়া জলে সিদ্ধ করতঃ উক্ত জলদ্বারা কুলি করিলে দাঁতের গোড়া শক্ত হইয়া থাকে ।

১৬৪ । দাঁদ—দাধাবণ দানে কৃষ্ণ তুলসীব পাতা কিঞ্চিৎ চূর্ণ মিশ্রিত করিয়া উহার রস লাগাইলে আবোগ্য হয় ।

এডাচের বীজ বাটিয়া তাহাতে কামবাক্সাব বস মিশ্রিত করতঃ ১টী ডেকল (মাদাব) পোড়াইয়া খোসা ছাড়াইয়া একত্র মিশ্রিত কবিবে, তৎপর দাদ উত্তমরূপে চুলকাইয়া ৩ দিবস দিলেই সম্পূর্ণ আবোগ্য হইবে ।

১৬৫ । নথকুনি—পাষের বৃদ্ধাঙ্গুলীব নথের কোণে ঘা হইলে অথবা নথের কোণে বসিয়া গেলে উহাতে সিজের (মনসাগাছ) আঠা দিলে আবোগ্য হইবে ।

১৬৬ । নালি ঘা—শাল ধূপ উত্তমরূপে চূর্ণ করতঃ এবং তুঁতে পোড়াইয়া তাহা চূর্ণ করতঃ একত্র মিশ্রিত কবিবে । তৎপর একটী পাত্রে গব্যগুত লইয়া উক্ত মিশ্রিত চূর্ণ উহাতে মাখাইবে এবং উত্তমরূপে মিশ্রিত হইলে পবিত্র জলে ১০৮ বার ধৌত কবিবে । একরূপ করিলে ঠিক মাখনের মত দেখাইবে । এই ঔষধ নেকডায় করিয়া ঘানুখে লাগাইবে । এই পুটি ষতদিন টানিলে উঠিয়া আঠানে ততদিন দিবসে ৩৪ বার প্রয়োগ কবিত্তে হইবে । পটি ঘানুখে কামডনিয়া বসিয়া গেলে আর উঠাইতে হইবে না, যা শুষ্ক হইলে আপনি উঠিয়া আসিবে । যার ভিতরে যাহাতে কোন প্রকারে জল না লাগে সে বিষয়ে বিশেষ সাবধান হওয়া আবশ্যিক । এই ঔষধ প্রয়োগে সর্দপ্রকার ঘা যতদিনেরই হউক না কেন এবং যে প্রকারেরই হউক না কেন, আরোগ্য হইবে । ঔষধ ব্যবহার কবিলে দুগ্ধ, মাংস, যত, মৎস্য, খেসারি ও কলাইর ডাল প্রভৃতি ভক্ষণ নিষিদ্ধ ।

১৬৭ । পাঁকুই (হাজা)—জিউলি (জিগা) গাছের পাতা বাটিয়া প্রলেপ দিলে অতি সত্বরে আবোগ্য হইবে । মেরী পাতার রস দিলেও পাঁকুই আবোগ্য হয় ।

সোরা জলে ভিজাইয়া উক্ত জল দিলে উপশম হয় ।

খয়ের গুলিয়া গবম করতঃ আক্রান্ত স্থানে লাগাইলে দুই তিন দিবসেই আরোগ্য হইবে ।

১৬৮ । পাঁচড়া—ননছাল ও রসুন, নারিকেল তৈলে ঘষিয়া বোদ্রে দিবে । ঐ তৈল উষ্ণ হইলে পাঁচড়া ধৌত করিয়া উত্তমরূপে লাগাইলে আরোগ্য হইবে ।

সর্ষপ তৈলে গাঁজা সিদ্ধ করিয়া উক্ত তৈল পাঁচড়ায় দিলে সত্বরে শুষ্ক হইবে ।

চন্দনের তৈল দিলে পাঁচড়া সত্বরে আরোগ্য হয় ।

১৬৯। পিপাসা—ডাবের জলে কিছু ধনে ও মউরী ভিজাইয়া কিয়ৎকাল পরে ছাঁকিয়া পান করিলে উৎকট পিপাসা নিবৃত্তি হইবে ।

ধনে, মউরী, ষষ্টিমধু, কচি আমপাতা সম পরিমাণ লইয়া গরম জলে কিছুকাল ভিজাইয়া রাখিবে । তৎপরে শীতল হইলে উক্ত জল ছাঁকিয়া পান করিলে পিপাসার শান্তি হইবে ।

১৭০। পৃষ্ঠ-ব্রণ—কাচা অবস্থাতেও ছোট গোয়ালে লতার পাতা নিজ্জলা বাটিয়া প্রলেপ দিলে (দিবসে দুইবার দিতে হইবে) অতি সত্তরে পাকিয়া আপনা হইতেই পুঁষ নির্গত হইবে । কাটিয়া গেলে মুখের অংশ বাদ দিয়া আক্রান্ত স্থানে উক্ত প্রলেপ দিতে হইবে । ইহাতে দুই সপ্তাহেই আবেগ্য হইবে ।

১৭১। পোড়ানারেঙ্গা—ডাকরুণাব তৈল প্রস্তুত করতঃ দুই তিন দিবস প্রয়োগ করিলেই আরোগ্য হইবে ।

১৭২। প্রমেহ—তেলা-কুচিব মূল (আগা ও গোড়া ভাগ করিয়া) মধ্যভাগ লইবে । এইরূপ সাত খণ্ড মূল বাটিয়া এক পোয়া দুফের সহিত ক্রমে ৩ দিবস পান করিলে আরোগ্য হইবে ।

কাশীর চিনির সহিত কিঞ্চিৎ পরিমাণ কৃষ্ণজিরা সেবন করতঃ প্রচুর পরিমাণে জল পান করিবে । ইহাতেও প্রস্রাব হইয়া রোগ দূর হইবে ।

কিঞ্চিৎ কাশীর চিনিতে ৫ ফোঁটা ঘৃতকুমাবীর আঠা মিশ্রিত করিয়া সেবন করিলে মেহ প্রভৃতি বোগের বিশেষ উপশম হয় ।

হরিদ্রাচূর্ণ, মধু ও আমলকী রস একত্র মিশ্রিত করতঃ পান করিলে সর্বপ্রকার প্রমেহ আরোগ্য হয় ।

১৭৩। প্রস্রাববদ্ধতা—পাথর কুচিব পাতা বাটিয়া নাভিমূলে প্রলেপ দিলে প্রস্রাব হইবে ।

পিপ্পলিচূর্ণ ষাঁড়ের চোনার সহিত মিশ্রিত করিয়া প্রস্রাবদ্বারের উপরে চতুর্দিকে প্রলেপ দিবে । কিন্তু যাহাতে মূত্র নালীতে না লাগে সে বিষয়ে বিশেষ সাবধান হইতে হইবে । ওলাউঠার কিম্বা অশ্রুকারণে প্রস্রাব নির্গত না হইলে এই প্রলেপে কয়েক মিনিটের মধ্যেই প্রস্রাব হইবে । চনা যত বয়স্ক ষাঁড়ের হইবে তত সত্তরে প্রস্রাব হইবে ।

১৭৪। প্লীহা—গোড়া লেবুর রস একটা তাম্রপাত্রে রাখিয়া তাহাতে কড়ি, লোহা এবং লবণ দিয়া তিন দিবস রাখিয়া দিবে । তৎপরে উক্ত লেবুর রস অর্দ্ধ ছটাক পরিমাণ প্রত্যবে খালি পেটে খাইতে দিবে । খাইবামাত্র পেটে অত্যন্ত উষ্ণ হইবে । খাওয়ার পর চিড়া কিম্বা চাউল চিবাইতে দিবে । এই ঔষধ, কিয়ৎ পরিমাণে পেটে থাকিলেও প্লীহা যত বড়

এবং পুরাতন হউক না কেন নিশ্চিত আরোগ্য হইবে। ঔষধ একবারে অধিক খাইতে হয় না। বালকদিগের পক্ষে এ ঔষধ ব্যবহার করা কৰ্ত্তব্য নহে।

সামান্য প্লীহাতে বিষকাটালির ডগা ও রসুন বাটিয়া এক তোলা আন্দাজ খাওয়াইবে। তিন দিবস ব্যবহার কবিলেই রোগী আরোগ্যলাভ করিবে।

১৭৫। ফোড়া—কচি পুঁইপাতার সম্মুখের পৃষ্ঠে বিশুদ্ধ গব্যমূত্র মাখাইয়া তাহা অগ্নিসস্তাপে উষ্ণকবতঃ ২ ঘণ্টা অন্তর লাগাইলে ফোড়া পাকিয়া ফাটিয়া যাইবে এবং সমস্ত পুঁই নির্গত হইয়া অতি সত্বরে আরোগ্য হইবে।

পরী কলা (জাত কলা) তেঁতুল এবং লবণ মিশ্রিত করিয়া ব্রণের উপর বাঁধিয়া রাখিলে উহা পাকিয়া গলিয়া যাইবে।

পুরাতন তেঁতুল ও একটা জ্বাকুল বাটিয়া ফোড়ার উপর প্রলেপ দিলে ফোড়া ফাটিয়া যায়, প্রায় অস্ত্র প্রয়োগ করিতে হয় না।

এক খণ্ড খোলা বা চাড়ার (ভগ্ন মৃৎপাত্র) উপর কিঞ্চিৎ জল দিয়া অপর এক খণ্ড খোলা দ্বারা উহাতে ঘষিলে চন্দনের স্মায় যে পদার্থ বহির্গত হইবে তাহা ব্রণ বা লোম-ফোড়া ইত্যাদিতে দিলে দুই তিন বার প্রয়োগ করিবামাত্র ফোড়া ফাটিয়া পুঁই রক্ত বাহির হইয়া যাইবে। তৎপরে উক্ত পদার্থ প্রয়োগ দ্বারা ফোড়া অতি সত্বরে শুষ্ক হইবে।

সাবান ও চিনি একত্রে চটকাইয়া ফোড়ার মুখে দিয়া রাখিলে পাকিয়া সমস্ত পুঁই বস্তু নির্গত হইয়া যাইবে। ইহা ব্যবহার করিলে আর অস্ত্র করিবার প্রয়োজন হয় না।

শালকাঠ ঘষিয়া ফোড়ায় দিলে ফোড়া ফাটিয়া যায়।

১৭৬। বমন—এক ছটাক কাশীব চিনিব সরবহেঁস সহিত ১০।১২টা আমের কচি পাতা রগড়াইয়া উক্ত সরবৎ পান করিবামাত্র বমন নিবারিত হয়।

কচি শসা কাটিয়া তাহার ঘ্রাণ লইলেও বমন নিবারণ হয়।

শ্বেত চন্দন সরু আতপ চাড়লের সহিত মিশ্রিত করতঃ নেকডায় বাঁধিয়া তাহার ঘ্রাণ লইলেও বিবমিষা দূর হয়।

ময়ূরের পাখা বাটিয়া খেসারির ডালভিজান জলে গুলিয়া খাইলে অতি সত্বরে বমন নিবারিত হয়।

১৭৭। ব্রণ (বয়স ফোড়া)—মুখে ব্রণ হইলে নাকের ভিতরে আঙ্গুল দিলে তাহাতে যে জলীয় পদার্থ লাগে তাহা উক্ত ব্রণের উপর দিনে ৩।৭ বার লাগাইলে দুই এক দিনের মধ্যেই আরোগ্য হয়।

ব্রণ হওয়া মাত্র চূণ দিয়া রাখিলেও বিশেষ উপকার হয়।

গোলমরিচ বাটিয়া দিয়া রাখিলেও বিশেষ উপকার দর্শে।

১৭৮ । বহুমূত্র—জামের বীচি চূর্ণ সেবন করিলে উপকার দর্শে ।

১৭৯ । বাঘী—সিঁড়পত্রের (মনসা পাতা) রস ও পাথর কুটির পাতা এবং কচি
সিমূল কাঁটা বাটিয়া প্রলেপ দিলে বাঘী বসিয়া যায় ।

পানিমান্দারের পাতা বাটিয়া প্রলেপ দিলেও অতি সত্তরে বাঘী বসিয়া যায় ।

শাসের ডিমের শাদা জলীয় ভাগ, মধু ও চূর্ণ একত্রে মাখিয়া প্রলেপ দিলে নির্দোষ বাঘী
আবোগ্য হয় ।

ডেফল (মান্দার) গাছেব আঠা কিঞ্চিৎ লবণ মিশ্রিত কবতঃ তূলায় করিয়া ফোলাস্থানে
দিয়া কোন গরম কাপড় দ্বারা বাঁধিয়া রাখিলে এক দিবসেই বাঘী বসিয়া যায় ।

বাঘী পাকিয়া উঠিলে—মন্দার (তেপালতে) ফুলের কুঁড়ি ৩৪টা একত্রে বাটিয়া উষ্ণ
করতঃ আক্রান্ত স্থানে দিয়া কচিকলাপাতা দ্বারা বাঁধিয়া রাখিলে এক দিবসেই ফাটিয়া পুষ্ণ
নির্গত হইয়া যাইবে ।

কনক বৃত্তাব পাতা ও সমুদ্রফেনা (কস্তুরা) একত্র বাটিয়া দিবসে ৩৪ বার প্রলেপ দিলে
দুইদিবসেই বাঘী আরোগ্য হইবে ।

১৮০ । বাত—মানকচুর ডাঁটার বস লইয়া তাহাতে লবণ মিশ্রিত করতঃ রোজে
শুক করিবে । কিঞ্চিৎ ঘন হইলে তদ্বারা আক্রান্ত স্থানে মালিশ কবিলে সত্তরে আরোগ্য
হইবে ।

গোবরের সেক দিলে বাতের বিশেষ উপকার হয় ।

১৮১ । বাতরক্ত—হরীতকী, বয়ড়া, আমলা, বচ, কটকী, গুলঞ্চ, নিম, দারুহরিদ্রা
ও মঞ্জিষ্ঠা প্রত্যেক দুই তোলা পরিমিত লইয়া উহার কাথ প্রস্তুত করতঃ পান করিলে উপকার
দর্শে ।

১৮২ । ভগন্দর—মনসাসিঁড়ের আঠা, আকন্দের আঠা, ও দারুহরিদ্রা চূর্ণ
একত্র জ্বাল দিয়া বস্তি (stick) প্রস্তুত কবিবে । এই বস্তি ভগন্দরে প্রবিষ্ট কবিয়া রাখিলে
ভগন্দর ও নালী বিনষ্ট হয় ।

১৮৩ । মচুকিয়া গেলে—কোন স্থান মচুকিয়া গেলে একটা বেগুন পোড়াইয়া
তাহা দুইভাগ কবতঃ বেদনা স্থানে বাঁধিয়া দিলে অতি সত্তরে উপশম হইবে । জুড়াইয়া গেলে
পুনরায় দিতে হইবে । এইরূপে দুই তিনবার দিলেই আবোগ্য হইবে ।

চূর্ণ ও হরিদ্রাবাটা একত্র মিশ্রিত করতঃ উষ্ণ কবিয়া বেদনা স্থানে প্রলেপ দিলে সত্তরে
উপশম হইবে ।

হাড়ভাঙ্গা লতা (কোন কোন অঞ্চলে ইহাকে মহিভাঙ্গাও বলে) হকার জলে বাটিয়া উষ্ণ
করতঃ প্রলেপ দিলে অতি সত্তরে আরোগ্য হয় । ইহাতে হাড় জুড়িয়া যায় এবং অচিরে
বেদনা নিবারিত হয় ।

১৮৪। মস্তকে রক্ত উঠিলে—এক পোয়া পরিমিত আমলা (শুক আমলকী) চা—চামচের এক চামচ যুতে ভাজিয়া শীতল জলে বাটিয়া মস্তকোপরি প্রলেপ দিলে মস্তক শীতল হইবে। ইহা দ্বাৰা বরফ হইতেও সত্বে ক্রিয়া হয়। মস্তক মুগুন পূৰ্বক প্রলেপ দেওয়া উচিত।

১৮৫। মাথাধরা—রাই অথবা নারুচিনি বাটিয়া কর্ণপটিতে প্রলেপ দিলে মাথাধরা দূর হয়।

নেকডাতে লবণ বাধিয়া তাহা জলে ভিজাইয়া লইবে এবং উভয় নাক দ্বারা উক্ত জল একবারে টানিয়া লইলে সত্বে মাথা ব্যথা দূর হইবে।

শ্বেত অপরাজিতাব মূল চূর্ণ করিয়া নস্ত লইলে শিবঃশূল আৰোগ্য হয়।

১৮৬। মুখে ঘা—সোহাগাব খই মধু মিশ্রিত কবতঃ ঘামুখে দিলে সত্বে আৰোগ্য হইবে।

ভেডার দুধ বা মুখে দিলে সত্বে উপশম হয়।

বেল পাতা চিৰাইলেও সাধারণ ঘা দূর হয়।

১৮৭। রক্তপ্রদর—অশোক ছাল ১ তোলা চারিসের জলে সিদ্ধ করিয়া ১২ সের থাকিতে নামাইবে। দুক্ষ চারিভাগ ও এই কাথ একভাগ এই পরিমাণে আবশ্যক মত দুক্ষ ও এই কাথ লইয়া জ্বাল দিবে এবং দুক্ষ ভাগ অবশিষ্ট থাকিতে নামাইয়া শীতল হইলে ছাঁকিয়া প্রাতঃকালে রোগীকে সেবন করিতে দিবে। ইহাতে তীব্র রক্তপ্রদর বোগ প্রশমিত হইয়া থাকে।

চাউলের জলে কুশ-মূল পেষণ করিয়া পান করিলে তিন দিবসের মধ্যে প্রদর বোগ আৰোগ্য হইবে।

১৮৮। রসপৈত্তিক ঘা—মৃচ্ছিত্তাব পাতার পীঠের দিক ঘা মুখে লাগাইয়া রাখিলে ঘা সত্বে আৰোগ্য হইবে। কিন্তু সাবধান, সম্মুখের পীঠ ঘামুখে দিলে ঘা বন্ধিত হইবে।

১৮৯। শিরোরোগ—মাথা কামড়ান এবং শিরোরোগজনিত বমন প্রভৃতি বর্তমান থাকিলে এক কুঁচ পরিমিত ঘোষা ফল চূর্ণের নস্ত লইলে প্রচুর পরিমাণে শ্বেতা নির্গত হইয়া সত্বে উপশম হইবে। এ ঔষধ অধিক পরিমাণে ব্যবহার করা কর্তব্য নহে।

শুঁঠ চূর্ণ তিন মাষা ও দুক্ষ একপল একত্র মিশ্রিত করিয়া নস্ত লইলে যে কোন প্রকার মাথা ধরার বিশেষ উপকার দশে।

১৯০। শূলব্যথা—শুঁঠ চূর্ণ ৫ ভরি, বিটলবণ ২৥ ভরি, সোহাগা ১।০ ভরি, মূলতানি হিং ১০০, বিটলবণ ও সোহাগা খই করিয়া লইবে। তৎপর সজনা ছালের রসে প্রথমতঃ হিং মিশ্রিত করিয়া পরে ক্রমে সোহাগার খই এবং শুঁঠ চূর্ণ উত্তমরূপে বাটিয়া লইবে। ইহা দ্বারা

৪৫টা বটিকা প্রস্তুত করিবে । সজনার রসেব কোন পবিমাণ নাই, যে পরিমাণে দিলে সমুদায় জিনিষগুলি ভিজিয়া বটিকা প্রস্তুত হইতে পারে উক্ত পরিমাণ দিতে হইবে । এক একটা বটিকা প্রাতে ও বৈকালে সেবন করিতে হইবে । এইরূপে ২৭ দিন খাইলেই শূলরোগ দূর হইবে ।

উৎকৃষ্ট গোটা রাই সরিষা এক চামচ খালি পেটে মুখে জল লইয়া গিলিয়া ফেলিবে । সপ্তাহকাল এরূপ খাইলেই তীব্র শূল (colic pain) বেদনার উপশম হইবে । দীর্ঘকালের রোগ হইলে দুই সপ্তাহ পর্যন্ত ষাণ্ডয়াব আবশ্যিক হইতে পারে ।

১৯১ । শোথ—যে স্থানে জল আনিয়াছে তাহাব নিম্নভাগে বনকাপাসের মূল বাঁধিয়া বাধিলে শোথ আরোগ্য হইবে ।

সমস্ত শরীবে শোথ হইলে ভুললৈন (এক প্রকার ঘোষান) কিয়ৎ পরিমাণে ভাজিয়া তাহা বাটিয়া সমস্ত শরীবে প্রলেপ দিলে শোথ নিবারণ হইবে ।

আদার রস পুরাতন গুড়ের সহিত মিশ্রিত কবিয়া পান করিলে সকল প্রকার শোথ বিনষ্ট হয় । এই ঔষধ সেবনকালে ছাগ দুগ্ধ পান করিবে ।

১৯২ । হাঁপানি—ধূতুরাব গাছ খণ্ড খণ্ড কবিয়া কাটিয়া বোত্রে গুঁড় করতঃ তামাকের ঝায় উহাব ধূমপান করিলে হাঁপানি নিবৃত্ত হয় ।

রাত্রে নিদ্রা ঘাইবার পূর্বে প্রদীপেব সমপ তৈল বৃকে মালিন করিলে বিশেষ উপশম হয় ।

আরম্বলা (তেলাপোকা) জলে সিদ্ধ করতঃ উক্ত জল পান করিলে বিশেষ উপকাব হয় ।

সম পরিমাণ ময়ূরপুচ্ছ ভস্ম ও পিপুল চূর্ণ মধুব সহিত মিশ্রিত কবিয়া লেহন করিলে হিকা ও খাসকষ্ট নিবারিত হয় ।

সম পরিমাণ পুরাতন গুড় ও সমপ তৈল মিশ্রিত কবিয়া লেহন করিলে খাসরোগ আরোগ্য হয় ।

বহেড়া চূর্ণ অধিক পবিমাণে মধুব সহিত মিশ্রিত কবিয়া লেহন করিলে গলা স্ফুট, স্ফুট, করা নিবারিত হয় ।

১৯৩ । হিকা—লবণ জল খাইতে দিলে সহজ হিকা নিবারণ হয় ।

মুড়ি ভিজান জল পান করিলে অতি সহজে হিকা নিবৃত্ত হয় ।

মাষ কলাই চূর্ণের ধূমপান করিলে হিকার শাস্তি হয় ।

পরিশিষ্ট ।

০২০

১। তাপমান যন্ত্র (Thermometer) ।

ইহা একটা কাচনির্মিত নল । ইহার নিম্নদেশে পারদ থাকে । উত্তাপ লাগিলে ঐ পারদ উপরের দিকে উঠে । নলের গাত্রে অনেকগুলি রেখা এবং অঙ্কপাত আছে । সচরাচর উহাতে ৯৫ হইতে ১১০ পর্যন্ত



৫১ নং চিত্র ।

১৬টা রেখা থাকে (৫১ নং চিত্র) । এই রেখাগুলিকে 'ডিগ্রী' বলা যায় । উক্ত পারদ যত দাগ পর্যন্ত উঠিবে উত্তাপ তত ডিগ্রী হইল জানিতে হইবে । এক একটা ডিগ্রী পাঁচ ভাগে বিভক্ত । উহার প্রত্যেকটি দুই "পয়েন্ট" । যেমন পারদ ১০০র দাগে উঠিয়া আরও (ছোট) দুই দাগ উপরে উঠিল । তাহা হইলে জানিতে হইবে উত্তাপ এক শত পয়েন্ট চার (১০০' .৪) হইয়াছে । বগল, জিহ্বার নিম্নে অথবা গুহদ্বারে তাপমান যন্ত্র রাখিয়া দেহের উত্তাপ পরীক্ষা করিতে হয় । বগলে কিম্বা জিহ্বার নিম্নে তাপমান যন্ত্র প্রয়োগ করাই সর্বাপেক্ষা প্রশস্ত । বগলে থার্মোমিটার দিতে হইলে যাহাতে সে স্থানে ঘাম না থাকে তাহা বেশ করিয়া দেখিয়া লইবে । যন্ত্র প্রয়োগ করিবার পূর্বে বগল শুষ্ক বস্ত্রখণ্ড দ্বারা মুছিয়া লওয়া কর্তব্য । যন্ত্রের নিম্নভাগ অর্থাৎ যে অংশে পারদ আছে সেই অংশ বগলে কিম্বা জিহ্বার নিম্নে দিতে হইবে । এক্রূপে ৫ হইতে ১০ মিনিট কাল পর্যন্ত রাখিলেই হইবে । যন্ত্র প্রয়োগ করি-

বার পূর্বে পারদ রেখা ৯৫ দাগ পর্যন্ত নামাইয়া দিতে হইবে । উক্ত
 যন্ত্রে ৯৮ ডিগ্রীর উপর, দ্বিতীয় ছোট রেখার কাছে তীরের স্রায় একটি
 চিহ্ন আছে । দেহের স্বাভাবিক উত্তাপ এই পর্যন্ত উঠিয়া থাকে, এমন
 উহাকে 'নরম্যাল পয়েন্ট' কহে । কিন্তু অবস্থাভেদে ইহার তারতম্য
 হইয়া থাকে । কারণ, পরিণতবয়স্ক যুবকের শারীরিক উত্তাপ শিশু ও
 বৃদ্ধের অপেক্ষা কিঞ্চিৎ ন্যূন । পুরুষের দৈহিক উত্তাপ হইতে সাধারণতঃ
 স্ত্রীলোকের দেহের উত্তাপ কিঞ্চিৎ অধিক । পক্ষান্তরে দেহের উত্তাপ
 নানাকারে বৃদ্ধি পাইয়া থাকে । বোগীর উত্তাপ ১০৫ ডিগ্রীর অধিক
 হইলেই সাংঘাতিক বলিয়া জানিতে হইবে । আবার উত্তাপ ৯৬ কিম্বা
 ৯৫ ডিগ্রীতে নামিয়া পড়িলেও গুরুতর আশঙ্কার কারণ । এ অবস্থায়
 সর্বদাই চিকিৎসকের আশ্রয় গ্রহণ করা কর্তব্য ।

২ । নাড়ী-পরীক্ষা ।

হৃদযন্ত্র হইতে রক্ত পরিষ্কৃত হইয়া শিরাসমূহ দ্বারা দেহের সর্বত্র
 পরিচালিত হওয়ার সময় যে স্পন্দন হয়, তাহাকেই নাড়ী বলে ।
 সচরাচর দক্ষিণ হস্তের ক্ষব্জির কাছে মণিবন্ধে নাড়ী দেখা হইয়া থাকে ।
 কিন্তু গলায় কিম্বা গোড়ালির উপরিভাগেও নাড়ীর স্পন্দন অনুভূত
 হইয়া থাকে । যথা—

জন্ম হইতে একবৎসর বয়ঃক্রম পর্যন্ত	প্রতি মিনিটে	১৪০	বার ।
শৈশব " তৃতীয় বর্ষ	" " " "	১২০	"
বাল্য অথবা ষষ্ঠবর্ষ	" " " "	১০৬	"
কোমারাবস্থায় বা সপ্তদশবর্ষ	" " " "	৯০	"
যৌবন কালে বা পঞ্চাশৎবর্ষ	" " " "	৭৫	"
বৃদ্ধিকো	" "	৭০	"

পুরুষের দক্ষিণ হস্তে এবং স্ত্রীলোকের বাম হস্তে নাড়ী দেখিতে হয় । নিদ্রিতাবস্থায়, ভোজনকালে বা ভোজনের অব্যবহিত পরে, অগ্নি বা আতপতাপে সম্বৃত্ত হইলে, অঙ্গ মর্দনান্তে এবং কোন কারণে পরিশ্রান্ত হইলে নাড়ীর গতির ব্যতিক্রম হইয়া থাকে । এমত অবস্থায় নাড়ী পরীক্ষা করা কর্তব্য নহে । যে রোগীর নাড়ী কয়েকবার দ্রুতগতিতে স্পন্দিত হইয়া কিছুকাল একবারে বন্ধ হইয়া যায় এবং পরক্ষণে পুনরায় ঐরূপ ভাবে স্পন্দিত হইয়া আবার গতিরোধ হয় তাহার সঙ্কটকাল উপস্থিত হইয়াছে জানিতে হইবে । অভিজ্ঞ চিকিৎসক ব্যতীত নাড়ীর স্পন্দন অনুভব করা দুরূহ ।

৩। নাড়ীদ্বারা উত্তাপ-পরীক্ষা ।

নাড়ীর স্পন্দন প্রতিমিনিটে ৯৫ বার হইলে শারীরিক উত্তাপ ১০০ ডিগ্রী

”	”	১০৫	”	”	”	১০১	”
”	”	১১৫	”	”	”	১০২	”
”	”	১২৫	”	”	”	১০৩	”

অর্থাৎ নাড়ীর স্পন্দন ১০ বার অধিক হইলে 'শারীরিক উত্তাপ এক ডিগ্রী বৃদ্ধিত হইবে । সুস্থাবস্থায় সাধারণতঃ নাড়ীর স্পন্দন প্রতি মিনিটে—যুবকের ৭০ হইতে ৭৫ বার, শিশুর ১০০ হইতে ১২০ বার এবং বৃদ্ধের ৫০ হইতে ৬০ বার ।

৪। শ্বাসক্রিয়া (Respirations) ।

ফুস্ফুসে বায়ু প্রবিষ্ট ও নির্গত হইবার সময় উহার যে সঙ্কোচন ও সম্প্রসারণ হইয়া থাকে, তাহা হইতেই শ্বাস প্রশ্বাস-ক্রিয়া নিম্পন্ন হইয়া

থাকে । শারীরিক পরিশ্রম বা মানসিক উত্তেজনা হইলে, নাড়ীর গতির
 ত্রায় শ্বাস-ক্রিয়াও দ্রুত হইয়া থাকে । একজন পূর্ণ-বয়স্ক ব্যক্তির সুস্থ
 দেহে এবং শরীর ও মনের বিরামাবস্থায় (নাড়ীর স্পন্দন ৪ বারে শ্বাস-
 ক্রিয়া একবার সম্পন্ন হইয়া থাকে) প্রতিমিনিটে ১৫ হইতে ১৮ বার
 শ্বাস-ক্রিয়া সম্পন্ন হইয়া থাকে । শিশুদিগের দুই বৎসর বয়ঃক্রম পর্য্যন্ত
 প্রতিমিনিটে ৩৫ বার ; দুই হইতে নয় বৎসর বয়ঃক্রম পর্য্যন্ত নিদ্রিতা-
 বস্থায় মিনিটে ১৮ বার এবং জাগ্রদবস্থায় ২৩ বার ; ৯ হইতে ১৫ বৎ-
 সর বয়ঃক্রম পর্য্যন্ত নিদ্রিতাবস্থায় মিনিটে ১৮ বার এবং জাগ্রদবস্থায়
 ২০ বার শ্বাস ক্রিয়া সম্পন্ন হইয়া থাকে ।

৫ । নাড়ী, শ্বাসক্রিয়া এবং উত্তাপের পরস্পর সম্বন্ধ ।

নাড়ীর স্পন্দন মিনিটে ১০ বার অধিক হইলে দেহের উত্তাপ ১ ডিগ্রী
 বৃদ্ধি হইবে এবং শ্বাসক্রিয়াও মিনিটে ২ কিম্বা ৩ বার অধিক
 হইবে । অর্থাৎ স্বাভাবিক নাড়ীর গতি মিনিটে ৭৫ বার এবং দেহের
 উত্তাপ ৯৮.৪ হইলে শ্বাসক্রিয়া যেমন মিনিটে ১৮ বার হইবে, তেমনি
 দেহের উত্তাপ ১০০ শত হইলে নাড়ীর গতি প্রতি মিনিটে ৯০।৯৫ বার
 এবং শ্বাসক্রিয়াও প্রায় ২৩ বার হইবে । ইহার ব্যতিক্রম হইলে অর্থাৎ
 শ্বাসক্রিয়া ও নাড়ীর গতি বৃদ্ধি পাইলে এবং তৎসঙ্গে উত্তাপের বৃদ্ধি না
 হইয়া হ্রাস হইলে সঙ্কটাপন্ন অবস্থা বৃদ্ধিতে হইবে ।

৬ । মূত্র পরীক্ষা ।

একজন পূর্ণবয়স্ক ব্যক্তি সাধারণতঃ দিবসে ৪০ হইতে ৬০ আউন্স
 পর্য্যন্ত (১।১ হইতে ১.২ সের) প্রস্রাব করিয়া থাকে । স্বাভাবিক

মূত্রের আপেক্ষিক গুরুত্ব ১০১৫ হইতে ১০২৫ এবং অম্লগুণ (acid reaction) বিশিষ্ট । শীত এবং বর্ষাকালে প্রস্রাবের পরিমাণ বৃদ্ধি পাইয়া থাকে । কিন্তু গ্রীষ্মকালে সচরাচর প্রায় ১/১ সেরের অধিক প্রস্রাব হয় না । আপেক্ষিক গুরুত্ব ১০১৫এর নিম্নে হইলে প্রস্রাবে অ্যালুমিন আছে কিনা দেখা আবশ্যিক এবং ১০২৫এর উর্ধ্বে হইলে প্রস্রাবে চিনি আছে কিনা দেখা কর্তব্য । বহুমূত্র এবং হিষ্টিরিয়া রোগে সাধারণতঃ অধিক প্রস্রাব হইয়া থাকে । জ্বর ও অ্যালুমিনিয়াম রোগে প্রভৃতি রোগে এবং মূত্রাশয়ের প্রদাহ হইলে প্রস্রাবের পরিমাণ হ্রাস হইয়া থাকে । স্বাভাবিক প্রস্রাব ঈষৎ পীতবর্ণ । প্রস্রাবে পিত্তাধিক্য হইলে প্রস্রাবের রং কটা-পীতবর্ণ । প্রস্রাবে রক্তের ভাগ থাকিলে ঘোর কটাবর্ণ হয় এবং পুঁয় থাকিলে ঘোলাটে রং হয় । স্বাভাবিক মূত্র রাখিয়া দিলে উহার পরিবর্তন কিছু লক্ষিত হয়, কিন্তু রোগ হইলে ওরূপ হয় না ।

(১) প্রস্রাবের দৈনিক পরিমাণ নির্ণয়—একজন রোগী একদিবসে কি পরিমাণ প্রস্রাব করে তাহা জানিবার আবশ্যিক হইলে কোন একটা নির্দিষ্ট সময়ে প্রস্রাব করিয়া তাহা ফেলিয়া দিবে এবং উক্ত সময় হইতে তৎপর দিবস ঠিক সেই নির্দিষ্ট সময় পর্য্যন্ত যত প্রস্রাব করিবে তাহা রাখিয়া দিতে হইবে । এই প্রস্রাব মাপিলেই দৈনিক পরিমাণ নির্দিষ্ট হইবে ।

(২) অ্যালুমেন ও ফসফেট পরীক্ষাপ্রণালী—একটা লম্বা টেঁটে টিউবের (test-tube) তিন ভাগ (ঠুঁর্থ অংশ) মূত্র দ্বারা পূর্ণ করতঃ উক্ত টেঁটে টিউবের নিম্নভাগে ধরিয়া স্পিরিট লেম্পের উপর এমন ভাবে তাতাইবে বাহাতে কেবল উপরের অংশ উষ্ণ হইতে পারে । প্রস্রাব ফুটিয়া আসিবার পূর্বে উহা সাদা ঘোলাটে রং হইলে অ্যালুমেন কিম্বা

ফসফেট আছে জানিতে হইবে। উহাতে কয়েক ফোটা তীব্র নাইট্রিক এসিড (strong Nitric Acid) দিলে যদি আরো ঘোলাটে হয় অথবা মূত্রের রং পরিষ্কার না হয় তবে তাহাতে অ্যালবুমেন (albumen) আছে বুঝিতে হইবে। আর ঘোলাটে রং অদৃশ্য হইয়া পরিষ্কার আকার ধারণ করিলে ফসফেট (phosphate) আছে জানিতে হইবে। প্রস্রাবে অ্যালবুমেন থাকিলে উহার আপেক্ষিক গুরুত্ব সাধারণতঃ ১০১৫ এর নিম্নে থাকে।

(৩) চিনি পরীক্ষাপ্রণালী—একটা টেঁট টিউবে সমপরিমাণ মূত্র এবং লাইকার পটাশ (Liquor Potassæ) লইয়া তাহা স্পিরিট লেম্পে তাতাইলে যদি উহা সুরকির গায় রং বিশিষ্ট হয়, তবে উহাতে চিনি আছে জানিতে হইবে। প্রস্রাবে চিনি বর্তমান থাকিলে আপেক্ষিক গুরুত্ব ১০৫০ পর্য্যন্ত হইয়া থাকে। Urinometer যন্ত্রে করিয়া প্রস্রাবের আপেক্ষিক গুরুত্ব পরীক্ষা করিতে হয়। চিনির পরিমাণ জানিবার প্রয়োজন হইলে উপযুক্ত রাসায়নিক পরীক্ষক কর্তৃক পরীক্ষা করান কর্তব্য।

(৪) এলকেলাইন ও এসিড পরীক্ষা—মূত্রে লাল লিটমাস পেপার (Litmus paper) ডিজাইলে যদি তাহা নীলবর্ণ হয় তবে তাহা (alkaline urine) কারগুণবিশিষ্ট বুঝিতে হইবে; আর নীল লিটমাস পেপার ডিজাইলে যদি তাহা লালবর্ণ ধারণ করে তবে (acid urine) অম্লগুণবিশিষ্ট বুঝিতে হইবে। আণুবীক্ষণিক পরীক্ষার প্রয়োজন হইলে অথবা অপরাপর বিষয় জানিতে হইলে এবং বিশেষ পরীক্ষার আবশ্যক হইলে, উপযুক্ত রাসায়নিক পরীক্ষক দ্বারা প্রস্রাব পরীক্ষা করান কর্তব্য।

৭। দুগ্ধপরীক্ষা-প্রণালী ।

(য়) ল্যাক্টোমিটার (Lactometer)—যন্ত্রদ্বারা সাধারণতঃ দুগ্ধ পরীক্ষা করা হইয়া থাকে । উক্ত যন্ত্রের M অক্ষর পর্য্যন্ত ডুবিলে খাঁটি দুগ্ধ বুঝিতে হইবে । তদ্ব্যতীত অপর চিহ্ন সকল জলের পরিমাণ-মাপক । কিন্তু এ যন্ত্রদ্বারা পরীক্ষা সকল সময় ঠিক হয় না । কারণ দেখিতে পাওয়া যায় যে, শীতকালে যে দুগ্ধে ল্যাক্টোমিটার M পর্য্যন্ত ডুবিয়া যায়, ঠিক সেই দুগ্ধই গ্রীষ্মকালে পরীক্ষা করিলে দেখা যাইবে যে, তাহাতে শতকরা ১৫ কি ২০ ভাগ জল রহিয়াছে । আবার যথেষ্ট পরিমাণে জল দেওয়া দুগ্ধে কয়েকখণ্ড বাতাসা মিশ্রিত করিয়া দিলে আর উক্ত যন্ত্রে জলের ভাগ লক্ষিত হইবে না ।

(২) হাইড্রোমিটার (Hydrometer)—যন্ত্রদ্বারা দুগ্ধ পরীক্ষা করাই নিরাপদ । হাইড্রোমিটারে যে দাগ দেওয়া আছে, তাহা উপরে • হইতে আরম্ভ করিয়া নিম্নের দিকে ক্রমে বৃদ্ধি পাইয়াছে । যথা—
•, ১০, ২০, ৩০, ৪০, ও ৫০ । ইহাতে দেখা যাইবে যে, যখন দুগ্ধের উত্তাপ ৬০ ডিগ্রীতে থাকিবে (খাঁটি দুগ্ধের স্বাভাবিক উত্তাপ) তখন শতকরা প্রায় ১০ ভাগ জলে ৩ ডিগ্রী করিয়া কমিয়া আসিবে । যথা—

হাইড্রোমিটারে বিশুদ্ধ দুগ্ধ (৬০ ডিগ্রী) ...	৩০	দাগ	দেখাইবে ।
শতকরা ১৫ ভাগ জল মিশ্রিত দুগ্ধ ...	২৬	”	”
” ২০ ” ” ” ” ...	২৩	”	”
” ৩৫ ” ” ” ” ...	১৮	”	”
” ৪৫ ” ” ” ” ...	১৫	”	”
হাইড্রোমিটারে বিশুদ্ধ জল ...	০	”	”

* বিশুদ্ধ জলের আপেক্ষিক গুরুত্ব ১০০০ । জল হাইড্রোমিটারের • দাগে থাকিলেই অমিশ্র জল বুঝিতে হইবে । এইরূপে দেখা যাইবে যে হাইড্রোমিটারে দুগ্ধের আপেক্ষিক গুরুত্ব যত কমিয়া আসিবে জলের ভাগ ততই অধিক বিদ্যমান বুঝিতে হইবে ।

মাখনতোলা দুগ্ধে জল মিশ্রিত করিলেও উহার আপেক্ষিক গুরুত্ব অধিক হইয়া থাকে, পক্ষান্তরে যে দুগ্ধে নবনীর (cream) ভাগ অধিক তাহার আপেক্ষিক গুরুত্ব কম হইয়া থাকে।

(৩) এসিড পরীক্ষাপ্রণালী—গোদুগ্ধ ঈষৎ অম্লগুণ বিশিষ্ট। একত্র উহাতে নীলবর্ণের লিটমাস পেপার দিলে উক্ত দুগ্ধ সামান্য অম্লগুণ বিশিষ্ট হইলে লিটমাস পেপার ঈষৎ লোহিতবর্ণ ধারণ করিবে এবং দুগ্ধ অত্যন্ত অম্লগুণবিশিষ্ট হইলে লিটমাস পেপার লালবর্ণ ধারণ করিবে। লাল হইলে (fermentation) দধি হওয়ার পূর্ব-ক্রিয়া আরম্ভ হইয়াছে জানিতে হইবে। এরূপ দুগ্ধ ব্যবহার করা কর্তব্য নয়।

দুগ্ধে চক মিশ্রিত থাকিলে লিটমাস পেপারের রং পরিবর্তিত হয় না। মাতৃদুগ্ধ ক্ষার গুণবিশিষ্ট, একত্র উহাতে নীল লিটমাস পেপার কখনও লালবর্ণ হয় না। শিশুদিগকে গোদুগ্ধ দিবার প্রয়োজন হইলে একত্রই চূণের জল মিশ্রিত করিয়া দিবার আবশ্যিক হয়।

(৪) দুগ্ধ পরীক্ষার অপর একটা উপায়—একটা লম্বা গ্লাস টিউবের বহির্ভাগে একখণ্ড কাগজ সম একশত ভাগে দাগ দিয়া উহাতে আঠা দিয়া জুড়িয়া দিবে। উক্ত কাগজের দাগগুলি উপর হইতে ১, ২, ৩ করিয়া ক্রমে নম্বর দিয়া যাইবে। তাহা হইলেই টিউবের তলায় অর্থাৎ সর্বনিম্ন দাগটা ১০০ শত হইবে। যে দুগ্ধ পরীক্ষা করিতে হইবে তদ্বারা উক্ত টিউবটা পূর্ণ করতঃ একটা নির্ঝাঁত স্থানে ১২ ঘণ্টাকাল রাখিয়া দিবে। এরূপে রাখিয়া দিলে নবনীর ভাগ ক্রমে উপরের দিকে উঠিবে। তখন উহা কত দাগ হইল অনায়াসে দেখিতে পারা যাইবে। দুগ্ধ বিশুদ্ধ হইলে সাধারণতঃ ৮ হইতে ১১ ডিগ্রী পর্যন্ত হইয়া থাকে। এই পরীক্ষা শীতকালে ঠিক হইবে। গ্রীষ্মকালে দুগ্ধ সহজে নষ্ট হইয়া যায় একত্র তখন এ পরীক্ষা সুবিধাজনক নহে।

(৫) দুগ্ধ পরীক্ষার একটি অতি সহজ প্রণালী—একটি নূতন চক্চকে কার্পেটের সূচ (well polished knitting needle) লইয়া উহা দুগ্ধে ডুবাইয়া তৎক্ষণাৎ তুলিয়া ফেলিবে। নিৰ্জ্জলা দুগ্ধ হইলে সূচের গায়ে দুধ লাগিয়া থাকিবে। কিন্তু জল মিশ্রিত দুগ্ধ হইলে সূচের গায়ে বিন্দু মাত্র দুগ্ধও লাগিয়া থাকিবেনা।

(৬) বাতিদ্বারা দুগ্ধ পরীক্ষা—প্রথমতঃ একটি বড় চামচ বা হাতা দিয়া পাত্রস্থিত সমগ্র দুগ্ধ এমন ভাবে ঘাটিয়া দিবে যেন দুগ্ধের উপরিভাগে ভাসমান তৈলবৎপদার্থ বা 'লনী' গুলি সমস্ত দুগ্ধের সহিত উত্তমরূপে মিশ্রিত হইয়া যায়। তৎপর উক্ত দুগ্ধের একভাগে পঞ্চাশ-ভাগ জল মিশ্রিত করতঃ (অর্ধছটাক পরিমিত দুগ্ধ লইয়া উহাতে আড়াই পাট জল মিশ্রিত করিবে) একটি অন্ধকার ধরে লইয়া যাইবে। তথায় একটি চর্কিবাতি জালিয়া তাহার ঠিক উপরে এক ফুট উচ্চে জল পান করিবার একটি অতি পাতলা তলা ওয়ালা কাচের গ্লাস এমনভাবে ধরিবে যেন গ্লাসের তলা দিয়া বাতির আলোটা স্পষ্ট দেখিতে পাওয়া যায়। তৎপর উহাতে উপরোক্ত জলমিশ্রিত দুগ্ধ ধীরে ধীরে ঢালিতে থাকিবে। গ্লাসটি যেমন দুগ্ধে পূর্ণ হইতে থাকিবে আলোর শিখাটা তেমনি ক্রমশঃ স্তান হইয়া অবশেষে একটি শাদা বিন্দুতে পরিণত হইবে। গ্লাসটি যখন দুগ্ধে প্রায় ছাপাছাপি হইয়া যাইবে তখন আলোক বিন্দুটি একেবারে অদৃশ্য হইয়া যাইবে।

এক্কে একথণ্ড 'পীস্বোর্ট' লম্বা করিয়া কাটিয়া তাহা উক্ত গ্লাসস্থিত দুগ্ধের ভিতর ডুবাইলে যদি খাঁটি দুগ্ধ হয় তাহা হইলে 'পীস্বোর্টের' ভিত্তি অংশ একইধর অধিক হইবে না। ভাল দুধ হইলে তাহা উপরোক্তভাবে জলমিশ্রিত করিয়া পরীক্ষা করিলে দেখা যাইবে যে, আলোক রেখা একেবারে অদৃশ্য হইবার পূর্বে 'পীস্বোর্ট' খণ্ডের ভিত্তি

অংশ এক ইঞ্চির আটভাগের সাতভাগ হইবে। দুখে সিকিভাগ জল মিশ্রিত থাকিলে ভিজ্জা অংশ দেড় ইঞ্চি পরিমিত হইবে এবং অর্ধভাগ জলমিশ্রিত থাকিলে অথবা মাখনটানা দুধ হইলে ভিজ্জা অংশ দুই ইঞ্চি পরিমিত হইবে। 'ল্যাক্টোমেটার' অপেক্ষা এই পরীক্ষাটি অধিক বিশ্বাস যোগ্য।

৮। ঋতু ও বয়স ভেদে রোগের তারতম্য।

প্রাচীন আয়ুর্বেদ শাস্ত্রকারগণ ঋতু ও বয়স ভেদে নিম্নলিখিত অবস্থা বিভাগ নির্দেশ করিয়াছেন।

একদিনে ছয় ঋতু—প্রাতঃকালে বসন্ত, মধ্যাহ্নকালে গ্রীষ্ম, অপরাহ্নে বর্ষা, সন্ধ্যাকালে শরৎ, অর্দ্ধরাত্রে হেমন্ত এবং রাত্রির শেষভাগে শীত; এইরূপে দিবসে ছয়টা ঋতুর লক্ষণ-কাল পরিলক্ষিত হয় এবং সেই সেই কালে বাত, পিত্ত ও শ্লেষ্মার সঞ্চারণ, প্রকোপ ও উপশম হইয়া থাকে।

বয়স বিভাগ—১ হইতে ১৫ বাল্য, ১৬ হইতে ৭০ মধ্য এবং তৎপর বার্দ্ধক্য দশা উপস্থিত হয়। ২০ বৎসর পর্য্যন্ত বৃদ্ধি, ৩০ বৎসর পর্য্যন্ত যৌবন, ৪০ বৎসর পর্য্যন্ত সমুদয় ধাতু, ইন্দ্রিয়, বল বীৰ্য্যের সম্পূর্ণতা এবং তাহার পর হইতে ৭০ বৎসর বয়স পর্য্যন্ত ঐ সমস্ত ধাতুর ঈষৎ হ্রাস হইয়া থাকে। ৭০ বৎসরের পর ধাতু প্রভৃতি দিন দিন ক্ষয়প্রাপ্ত হয় এবং কোন কার্য্য করিবার শক্তি থাকে না ও শরীর ক্রমে জীর্ণ গৃহের স্তায় শিথিল হইয়া পড়ে। এই অবস্থাকেই বার্দ্ধক্য বলা যায়। বাল্যকালে শ্লেষ্মা, মধ্যবয়সে পিত্ত এবং বার্দ্ধক্যে বায়ু বৃদ্ধি পায়।

৯। রোগের সঙ্কটাপন্নকাল ।

(Climacteric Periods)

সাধারণতঃ লোকের ধারণা যে জরের প্রত্যেক সপ্তম দিবস সঙ্কটকাল এবং ৩, ৫, ৭, ৯ প্রভৃতি বিজোড় বৎসর সকল, বিশেষতঃ স্ত্রীলোকের ৪৯ এবং পুরুষের ৬৩ বৎসর বয়ঃক্রমকাল আশঙ্কাজনক । ইহা সম্পূর্ণ ভ্রমাত্মক নহে ।

একাদশী, পূর্ণিমা ও অমাবস্যা প্রভৃতি তিথিতে সাধারণতঃ রোগের প্রকোপ বৃদ্ধি পাইয়া থাকে । দিবসের মধ্যে—উষা, দিবা দ্বিপ্রহর, সন্ধ্যা এবং রাত্রি দ্বিপ্রহর রোগের সঙ্কটাপন্ন কাল ।

১০। অরিষ্ট-লক্ষণ ।

যাহার ক্র প্রভৃতি ঝুলিয়া পড়িয়াছে বা উপরদিকে উখিত হইয়াছে, মস্তক ও গ্রীবা প্রভৃতি অঙ্গের ধারণার অসামর্থ্য, স্বর পরিবর্তিত, চক্ষু শুষ্ক, শিথিল অথবা স্রাবযুক্ত এবং যাহার নেত্র অন্তর্গত বা বহির্গত এবং যাহার বিভ্রান্ত দৃষ্টি, তাহার মৃত্যু উপস্থিত জানিবে । যাহার ললাটে শিরা প্রকাশিত হইয়াছে এবং সর্কশরীর একবর্ণ ও মুখে অগ্ৰবর্ণ, যাহার নিম্নোষ্ঠ অধঃক্ষিপ্ত এবং উর্দ্ধোষ্ঠ উর্দ্ধ-ক্ষিপ্ত ও পক্কজাম ফল-সদৃশ তাহার মৃত্যুকাল উপস্থিত । যাহার দন্ত সকল কৃষ্ণবর্ণ অথবা মল্লিগু এবং যাহার কারণ ব্যতিরেকে রোগের বৃদ্ধি হয়, তাহার মৃত্যু নিকটবর্তী জানিবে । যে রোগীর হস্তপদ ও নিখাস শীতল এবং মুখ দিয়া নিখাস ফেলে এবং অধিকাংশ সময় চিৎ হইয়া শয়ন করতঃ পদদ্বয় ইতস্ততঃ বিক্ষিপ্ত করে, তাহার মৃত্যুকাল আসন্ন জানিবে । যাহার কেশ ও লোম সমূহ আপনা

হইতেই সিঁথিকাটার স্মায় হয় অথবা তৈল না দিয়াও তৈলযুক্তের স্মায় চক্চকে বোধ হয় এবং নাসিকার অগ্রভাগ বক্র, স্থূল বা ফাটা ফাটা হয় তাহা তাহার অরিষ্ট লক্ষণ। রোগীর মুখে যদি সহসা তিলক সমূহ উৎপন্ন হয়, নখে ও দন্তে যদি পুষ্প (শুভ্রচিহ্ন) প্রকাশ পায় এবং উদরে নানাবর্ণের ও নানা আকারের শিরা জন্মে তাহা হইলে তাহার মৃত্যু উপস্থিত জানিবে ।

১১। মৃতের লক্ষণ ।

কখন কখন সংস্কার করিতে গিয়াও মৃত ব্যক্তিকে বাঁচিয়া উঠিতে দেখা গিয়াছে। অবশ্য প্রকৃত মৃত্যু ঘটিলে ইহা কখনই সম্ভবপর হইত না। প্রকৃত মৃতের লক্ষণাবলী নিম্নে দেওয়া গেল ।

(১) রক্ত চলাচল বন্ধ হওয়া। এরূপ হইলে নাড়ী পাওয়া যায় না এবং হৃদযন্ত্রের কোন শব্দ শ্রুতিগোচর হয় না। কিন্তু ওলাউঠা রোগে নাড়ী ডুবিয়া গেলেও রোগীকে বাঁচিয়া থাকিতে দেখা যায় ।

(২) শ্বাস প্রশ্বাস ক্রিয়ার নিরোধ। এরূপ হইলেই মৃত্যু হইল তাহার কোন নিশ্চয়তা নাই ; কারণ শ্বাস প্রশ্বাস এক সময়ে বন্ধকণ নিরুদ্ধ থাকিতে পারে অথবা এত ক্ষীণভাবে উহার ক্রিয়া হইতে পারে যে, তাহা অনেক সময় অনুভূত হয় না ।

(৩) দেহের শীতলতা। ইহাও মৃত্যুর স্থির লক্ষণ বলা যায় না। কারণ ওলাউঠার মৃত্যু ঘটিলে কখন কখন পরে গা গরম হইয়া থাকে।

(৪) অঙ্গপ্রত্যঙ্গ ক্রমে শক্ত হওয়া। ইহাও নিশ্চিত লক্ষণ নহে, কারণ সকল রোগে মৃত্যুর পরই ওরূপ হয় না ।

(৫) অঙ্গপ্রত্যঙ্গের স্থিরতা । ইহাতেও ভ্রম হইতে পারে, কারণ ওলাউঠা প্রভৃতি রোগে মৃত্যুর পরও কখন কখন হাত পা নড়িয়া উঠিতে দেখা যায় ।

(৬) চক্ষু শিথিল, নিম্পন্দ এবং সঙ্কুচিত হওয়া । ইহাও সকল সময় নিশ্চিত লক্ষণ নহে । কারণ কোন কোন বিনাস্ত দ্রব্য সেবনে মৃত্যু ঘটিলে মৃত্যুর পরে বহুক্ষণ চক্ষু উজ্জল থাকে ।

(৭) উজ্জল আলোকে আঙ্গুলের মাপায় লালবর্ণের অদৃশ্যতা ।

(৮) অগ্নিস্পর্শে চর্ম্মে ফোঁস্কা না পড়া ।

(৯) তাড়িত প্রয়োগে পেশী সমূহ সঙ্কুচিত না হওয়া ।

(১০) দেহস্থ প্রকাশ্য প্রভৃতি সর্বাঙ্গে পচিতে আরম্ভ হওয়া । মৃত্যুর ইহাই একমাত্র নিশ্চিত লক্ষণ । অগ্ৰাণ্ণ লক্ষণের প্রত্যেকের পৃথক ভাবে মৃত্যুস্বাপেক্ষ নহে । তবে উহার কয়েকটি লক্ষণ একসঙ্গে প্রকাশ পাইলে নিশ্চিত মৃত্যু হইয়াছে জানিতে হইবে ।

১২ । জল পরিক্ষিত করিবার প্রণালী ।

(১) একটি কাঠ কিস্বা বাশ নির্মিত ত্রিপদ ক্রেমের উপর চারিটি কলসী উপস্থাপয়ি সাজাইয়া প্রথম কলসী জলে পূর্ণ করিবে । দ্বিতীয়টিতে কয়লার বড় বড় টুকরা এবং কাঁকর রাখিবে, তৃতীয়টিতে পরিক্ষিত কয়লা ও বালি রাখিবে এবং চতুর্থটি শূন্য রাখিবে । উপরের তিনটি কলসীর ভল্লায় ক্ষুদ্র ক্ষুদ্র ৪।৫টি ছিদ্র করিয়া দিলে বালি ও কয়লার মধ্য দিয়া জল পতিত হইয়া উত্তমরূপে পরিক্ষিত হইয়া আসিবে এবং ক্রমে করিত হইয়া চতুর্থ কলসীতে পড়িবে । চতুর্থ কলসীর মুখ পরিক্ষিত বস্ত্রখণ্ড দ্বারা ঢাকিয়া রাখা কর্তব্য । প্রথম কলসীতে যে জল দেওয়া হইবে, তাহা

অগ্নিতাপে উত্তমরূপে ফুটাইয়া দেওয়া উচিত । এরূপ করিলে দূষিত পদার্থ সকল বিনষ্ট হইবে । উপরোক্ত উপায়ে জল পরিশুদ্ধ করিবার কলকে সাধারণতঃ “কলসীকল” বলা হয় ।

(২) কয়লা ও বালি ব্যতীত স্পঞ্জ দ্বারাও সংশোধন কার্য সমাধা হইতে পারে ।

(৩) কখন কখন একথণ্ড লৌহ উত্তপ্ত করিয়া কলসীর ভিতরে প্রবেশ করাইয়া দিলেও জল অনেক পরিমাণে নির্দোষ হইতে পারে ।

(৪) একথণ্ড ফটকিরির টুকরা লইয়া উহা কলসীর ভিতরে দুই এক বার নাড়িয়া দিলেই ময়লা অংশ নীচে ‘খিতাইয়া’ যায় এবং জল পরিশুদ্ধ হয় । ফটকিরি জলে ছাড়িয়া দিতে হইলে প্রায় ৮ সের জলে ৬ গ্রেণ পরিমাণ ফটকিরি প্রদান করা আবশ্যিক । অধিক দিলে জল বিষাদ হইবার সম্ভাবনা ।

(৫) নির্মালি* জলে ঘষিয়া দিলে জল পরিশুদ্ধ হয় ।

(৬) পাঁচসের পরিমিত জলে ৮ ফোটা কণ্ডিসফুইড (২২৭ পৃষ্ঠা) দিলে জল বিশুদ্ধ হইবে । কণ্ডিসফুইডের রং বেগুনে কিন্তু পঙ্কিল জলে দিলে উহার রং ধূসরবর্ণ হইয়া যায় । জলের বিশুদ্ধতা পরীক্ষার্থ ইহা একটা বিশিষ্ট উপায় ।

(৭) সজ্জতিপন্ন ব্যক্তিদিগের পক্ষে ফিল্টার (Charcoal filter) ব্যবহার করাই কর্তব্য । তদভাবে বোতল ফিল্টার (Bottle filter) ব্যবহার করাও মন্দ নহে ।

* ইহা এক প্রকার বৃক্ষের ফল । বেনে দোকানে কিনিতে পাওয়া যায় । এক পয়সার হইলেই চলিতে পারে । শিলে জল দিয়া ঘষিলে উহা হইতে চন্দনের মত বাহা বাহির হয়, তাহাই জলে দিতে হয় ।

ফিল্টার পরিষ্কার প্রণালী—জলের ভারতম্যানুসারে প্রতি দুই বা তিন মাস অন্তর ফিল্টার খুলিয়া ভিতরে হাওয়া লাগান উচিত এবং উহার ভিতরের কয়লা (charcoal) যদি কুঁদোর গ্ৰায় (block form) থাকে তবে তাহা ব্রাশ দ্বারা উত্তমরূপে পরিষ্কার করা কর্তব্য ; নতুবা কয়লাগুলি রোদে উত্তমরূপে শুষ্ক করিয়া লওয়া উচিত। ফিল্টারের ভিতর স্পঞ্জ থাকিলে তাহা কিছুদিন অন্তর গরমজল দ্বারা ধৌত করিয়া লওয়া আবশ্যিক। উপরোক্ত উপায়ে ফিল্টার পরিষ্কার করতঃ উহাতে ৬ কিম্বা ৮ আউন্স কণ্ডিসফুইড টালিয়া দেওয়া উচিত। তৎপরে ঘণ্টা খানেক পর প্রায় ২০ সের আন্দাজ বিশুদ্ধ জলে (ফিল্টারের বা কলসী কলের জল) এক আউন্স হাইড্রোক্লোরিক এসিড (Pure Hydrochloric Acid) মিশ্রিত করতঃ ফিল্টারের ভিতরে ঢালিয়া দিবে। এই জল নিঃশেষ হইয়া গেলে পুনরায় পরিষ্কৃত জল ঢালিয়া দিবে। তৎপর উহা নির্গত হইয়া গেলে ফিল্টার ব্যবহার করিবে।

১৩। জল শীতল করিবার প্রণালী ।

একটি মৃৎ বা প্রস্তর পাত্রে একসের পরিমাণ শীতল জল লইয়া উহাতে এক কিম্বা অর্ধ পোয়া নিসাদল এবং উক্ত পরিমাণ সোরা মিশ্রিত করিবে। তৎপর অত্র একটি পাত্রে পরিষ্কৃত পানীয় জল লইয়া উহা পূর্কোক্ত সোরা ও নিসাদল মিশ্রিত জলে কিছুকাল রাখিয়া দিলেই পানীয় জল প্রচুর পরিমাণে শীতল হইবে।

অধিক শীতল করিবার প্রয়োজন হইলে—সোরা (Pot. Nitras.), নিসাদল (Ammon. Chlor) এবং লবণ প্রত্যেক এক ছটাক পরিমিত লইয়া একসের জলে মিশ্রিত করিলে উক্ত জল বরফের গ্ৰায় শীতল

হইবে। বরফ ছুঁড়াপ্য হইলে এই জল আইস-ব্যাগে পুরিয়া প্রয়োগ করিলেও প্রায় তুল্য ফল দর্শিবে। পানীয় জল শীতল করিতে হইলে উক্ত শীতল জলে পানীয়জল এক গ্রাম বসাইয়া রাখিলেই গ্লাসের জল অত্যন্ত শীতল হইবে।

১৪। সোডাওয়াটার প্রস্তুতপ্রণালী।

একটা সোডাওয়াটারের বোতলে ৩০ গ্রেণ সোডা (Sodi. Bicarb) লইয়া উহাতে জল পুরিবে। তৎপরে তাহাতে ২৫ গ্রেণ টার্টারিক এসিড (Acid. Tart.) মিশ্রিত করিলেই সোডাওয়াটার প্রস্তুত হইবে। বোতলের অভাবে পাথর কিম্বা এনামেলের বাটী বা গ্লাসে করিয়াও প্রস্তুত করা যায়। পাড়ার্গায়ে সোডাওয়াটার ও লেমনেড পাওয়া না গেলে এই প্রণালী অবলম্বন করিলেই চলিতে পারে।

১৫। লেমনেড প্রস্তুতপ্রণালী।

একটা পাথর, কাঁচ অথবা এনামেলের পাত্রে দেড় তোলা পরিমাণ দোবারা চিনি বা মিছরি লইয়া উহাতে ২ ফোঁটা 'এসেন্স অব লেমন' (Essence of Lemon.) উত্তমরূপে মিশাইতে হইবে। তৎপরে তাহাতে ১ ড্রাম পরিমাণ 'বাইকার্বনেট অব পটাশ' (Pot. Bicarb) এবং এক ছটাক পরিষ্কৃত জল মিশ্রিত করিবে। উক্তরূপ অত্র একটা পাত্রে আর এক ছটাক জল লইয়া তাহাতে এক সিকি পরিমাণ 'সাইট্রিক এসিড, (Acid. Citric) মিশ্রিত করিবে। তৎপরে উভয় পাত্রস্থ জল একত্র করিলেই লেমনেড প্রস্তুত হইবে। বোতলে লেমনেড প্রস্তুত করিয়া রাখিতে হইলে 'বাইকার্বনেট অব পটাশ, সকলের শেষে

মিশ্ৰিত কৰিতে হইবে । জলের পৰিষ্কাৰে গোলাপ জল কিম্বা ডাবের জলও ব্যবহার কৰিতে পাৰা যায় ।

১৬ । চূণের জল প্রস্তুতপ্রণালী ।

একটা পৰিস্কৃত হাঁড়ি বা প্রস্তর পাত্রে অড়াই সের পৰিমিত জল লইয়া তাহাতে অৰ্দ্ধ ছটাক পাথর চূণ (কলিচূণ) উত্তমরূপে মিশ্ৰিত কৰিবে । একবারে অধিক প্রস্তুত কৰিতে অনুবিধা বোধ কৰিলে একটা বড় বোতলে (এক বোতলে তিন পোয়া জল ধরে) জল পূৰিয়া তাহাতে ১০/ আনা পৰিমাণ চূণ দিবে এবং বোতলের মুখ উত্তমরূপে আঁটিয়া এক্ৰূপে বাঁকিবে যেন চূণগুলি সমস্ত জলের সহিত বেশ মিশিয়া যায় । তৎপরে বোতলটী এক স্থানে স্থিরভাবে বসাইয়া রাখিবে । এই জল কয়েক ঘণ্টা নিনড়ভাবে রাখিলেই চূণগুলি থিতাইয়া বোতলের তলায় পড়িবে । তখন আন্তে আন্তে উপরের স্বচ্ছ জল টুকু এক্ৰূপে ঢালিয়া লইবে, যেন উহার সঙ্গে নীচের চূণ মিশিয়া যাইতে না পারে । তৎপরে উহা ব্লটিং কাগজে ছাঁকিয়া লইলেই চূণের জল প্রস্তুত হইল । বোতলে ছিপি আঁটিয়া রাখিয়া দিলে অনেক দিন উহা ভাল থাকিবে ।

১৭ । শীতল পানীয় ।

একটা মৃৎ বা প্রস্তর পাত্রে অথবা এমামেলের বাটীতে ৪ ড্রাম কিম্বা অব টার্টার (cream of tartar) একটা পাতিলেবুর সমস্ত রস এবং অৰ্দ্ধ ছটাক চিনি রাখিয়া তাহাতে ১/১ সের পৰিমিত ফুটন্ত গরম জল ঢালিয়া দিয়া পাত্ৰের মুখটী ঢাকিয়া দিবে । তৎপরে শীতল হইলে ঢাকনাটী খুলিবে । অন্ন রোগে ইহা অতি উপায়ের পানীয় ।

১৮। তেঁতুলের সরবৎ।

একটি মৃৎ বা প্রস্তর পাত্রে অথবা এনামেলের বাটীতে অর্ধপোয়া অতি পুরাতন তেঁতুল রাখিয়া তাহাতে ১/১৫ সের পরিমিত ফুটন্ত গরম জল ঢালিয়া দিবে এবং পাত্রে মুখ ঢাকা দিয়া রাখিয়া দিবে। তৎপরে শীতল হইলে আবশ্যিক মত চিনি, কিম্বা ইক্ষুর গুড় মিশ্রিত করতঃ পান করিতে দিবে। পুরাতন অরে ইহা অতি উপাদেয় পানীয়।

১৯। ফট্কিরি তক্র (Alum whey)

আড়াইপোয়া ফুটন্ত দুগ্ধে এক ড্রাম ফট্কিরির গুঁড়া ফেলিয়া দিলেই উহা ছানা কাটিয়া যাইবে। তৎপরে উহা ছাঁকিয়া লইলেই 'ফট্কিরি-তক্র' প্রস্তুত হইল। ওলাউঠায় এবং টাইফয়েড অরে প্রবল উদরাময় এবং রক্তস্রাব হইলে ইহা সেবনে অতিশয় উপকার দর্শে।

২০। পিপীলিকা নিবারণের উপায়।

চিনি, মিছরি প্রভৃতি মিষ্ট দ্রব্য যে পাত্রে রাখা হয় তাহাতে একখণ্ড নেকড়ায় একটুকরা কর্পূর বাঁধিয়া রাখিয়া দিলে উহাতে কখনই পিপড়া ধরিলে না।

বিছানা হইতে পিপড়া তাড়াইবার পক্ষেও ইহা একটি প্রকৃষ্ট উপায়। শস্যের চারিদিকে কর্পূর ছড়াইয়া দিলে উহার কাছে পিপীলিকা আসিতে পারিলে না। খাট বা তক্তপোষের পারায় কাছে কর্পূর বা স্কাপ্‌থেলিন্ (Naphthaline) রাখিয়া দিলে খাট বা তক্তপোষের উপরে পিপড়া উঠিলে না।

২১। বিষ ও বিষন্ন।

সাধারণতঃ বিষাক্ত দ্রব্য সেবন করিবামাত্র রোগীকে বমন করাইতে চেষ্টা করিবে। বমনার্থ ঈষদৃষ্ণ জল, লবণ বা সর্বপচূর্ণ জলের সহিত মিশ্রিত করিয়া (১ চামচ 'কলম্যান মাষ্টার্ড' ২৩ সের জলে গুলিয়া) অথবা ফট্‌কিরির গুঁড়া উক্ত অনুপানে সেবন করিতে দিবে। সম্ভব হইলে সর্বাগ্রে চিকিৎসককে সংবাদ দিবে।

(১) অক্সেলিক (Oxalic) টার্টারিক ও এসেটিক এসিড প্রভৃতি উদ্ভিজ্জ এসিড খাইলে—পেটে ভীষণ বেদনা, খিঁচুনী এবং ক্রমে সজ্জাশূন্য হয়। এরূপ হইলে তৎক্ষণাৎ চিকিৎসককে সংবাদ দিবে এবং রোগীকে খড়িগোলা, চূণের জল, ডিমের শাদা তরল অংশ অথবা দুগ্ধে চক মিশ্রিত করিয়া খাইতে দিবে। তৎপরে ক্যাষ্টর অয়েল ও জলপাইর তৈল খাইতে দিবে। কখনও বমন করাইতে চেষ্টা করিবে না। ক্রিম অব টার্টার (Cream of Tartar) খাইলেও এই ব্যবস্থা। এই সকল এসিডের মধ্যে অক্সেলিক বা পাইরোগ্যালিক এসিডই ভয়ানক বিষাক্ত। উহা খাইলে ১০ মিনিট হইতে এক ঘণ্টার মধ্যে মৃত্যু ঘটতে পারে।

(২) আইওডিন (Iodine) খাইলে—গলায় ও পাকস্থলীতে বেদনা এবং জ্বালা বোধ হয়, পীত বা নীল রংএর বমন হয় এবং প্রায়ই রক্তমিশ্রিত দাস্ত হয়। অতিশয় পিপাসা থাকে, মূর্ছা এবং কখন কখন আক্কেপও হয়। প্রথমেই বমন করাইতে চেষ্টা করিবে এবং প্রচুর পরিমাণে ঈষদৃষ্ণ জল পান করিতে দিবে। এরারুট, ময়দা, পাউরুটি, আলু সিদ্ধ, চূণের জল এবং গ্লিসারিন, বাদাম বা জলপাইর তৈল, তিসির চা প্রভৃতি খাইতে দিবে। টিঞ্চার আইওডিন, লিনিমেন্ট আইওডিন প্রভৃতি খাইলে এই ব্যবস্থা।

(৩) আকন্দ (Pnocera) খাইলে—ঠোঁট ও মুখে ফোকা পড়ে । বমনোদ্বেক হয়, দাস্ত, হইতে থাকে এবং উদরে তীব্র বেদনা অনুভূত হয় । ইহা সাধারণতঃ জ্বাণ হত্যার জন্ত ব্যবহৃত হয় । ইহা খাইলে সর্বাগ্রে বমন করাইবে । তৎপর প্রচুর পরিমাণে সরষৎ, দুগ্ধ, কাঞ্জি, জল মিশ্রিত ডিমের শাদা তরল অংশ এবং ইসবগুল প্রভৃতি পান করিতে দিবে । বেদনার উপশমার্থ পেটে গরম জলের সেক দিবে । সংজ্ঞাহীন অবস্থায় গায়ে গরম কাপড় ঢাকা দিবে এবং পার্শ্বদেশে ও পায়ে বোতল সেক দিবে । অবশেষে ক্যাষ্টর অয়েল খাওয়ান আবশ্যিক ।

(৪) আফিং (লডেনাম) বা মর্ফিয়া (Morphia) খাইলে—রোগীর মাথা ঘুরে, ক্রমাগত তন্দ্রা হয় এবং মূর্ছা হইয়া ক্রমে চেতনা বিলোপ হয় । গলা ঘড়্ ঘড়্ করে, গা হিম হইয়া আসে, মুখ বিবর্ণ এবং চক্ষু সঙ্কুচিত হইয়া যায় । আফিং খাইবামাত্র জানিতে পারিলে এক গ্রেণ Pot. Permanganas জলে গুলিয়া খাইতে দিলে বিশেষ উপকার হইতে পারে । গিলিবায় শক্তি থাকিলে বমনকারক ঔষধ দ্বারা বমন করাইতে চেষ্টা করিবে, নতুবা ষ্ট্রমেক পাম্পের প্রয়োজন । ঐষদুষ্ক জল প্রচুর পরিমাণে পান করিতে দিবে । তীব্র চা কিম্বা কাফি পান করিতে দিলেও উপকার হয় । মস্তকে, গ্রীবায় এবং মুখমণ্ডলে শীতল জলের আছড়া দিবে । একবার গরম জল ও একবার শীতল জলের ধারা দিবে । রোগীকে কখনও নিদ্রা যাইতে দিবে না । একান্ত রোগীকে ধরিয়া দৌড়াইতে থাকিবে এবং আবশ্যিক হইলে বেত্রাঘাতও করিবে । কিন্তু এক্ষেপে দৌড়াইতে গিয়া রোগী যাহাতে অতিশয় ক্লান্ত হইয়া না পড়ে সে বিষয়ে বিশেষ দৃষ্টি রাখা প্রয়োজন ।

(৫) আর্সেনিক (Arsenic) বা শেকোবিষ ও হরিতাল মনছাল প্রভৃতি সেবন করিলে—মোহ হয়, সর্বদা বমনোদ্বেক হয়,

কখন কখন অতিশয় বমন হয় এবং রক্তমিশ্রিত দাস্ত হইতে থাকে। গলায়, উদরে, গুহ্বারে অত্যন্ত জ্বালা বোধ হয়, পিপাসা বর্তমান থাকে, পারে খিঁচুনি হয় এবং নাড়ী অতিশয় ক্ষীণ ও গা হিম হইয়া যায়। সর্বাঙ্গে বমন করাইতে চেষ্টা করিবে। তৎপর দুগ্ধ কিম্বা দুগ্ধ ও ডিম্ব, স্নুইট অয়েলের সহিত অথবা দুগ্ধের সহিত চুণের জল মিশ্রিত করিয়া খাইতে দিবে। চিনি কিম্বা চিনি বা মিছরির সরবৎ বিশেষ উপকারী। পুরাতন লোহার মরিচা ঘসিয়া জলে মিশ্রিত করতঃ অথবা সাবান গুলিয়া খাওয়াইলেও বিশেষ উপকার হয়। অবশেষে দাস্ত পরিষ্কার হইবার জন্য কেঁচুর অয়েল খাওয়ান কর্তব্য।

(৬) একোনাইট (Aconite) বা মিঠাবিষ খাইলে—বিহ্বা ও ওষ্ঠ আড়ষ্ট হইয়া যায়, গলায় জ্বালা হয়, ক্রমাগত থুথু উঠে, গলা খেকরায়, মুখ দিয়া গঁজা উঠে, বমন হয়, কণীনিকা প্রসারিত হয় কিন্তু তীব্র আলোক চক্রে পতিত হইলে চক্ষু মূর্ছিত হয়, প্রলাপ ও আক্ষেপ হইতে থাকে এবং ক্রমে মূর্ছা ও সংজ্ঞাহীন হয়।

এরূপ হইলে তৎক্ষণাৎ চিকিৎসক ডাকা কর্তব্য। খাওয়া মাত্র বমন করান আবশ্যিক। রোগীকে চিৎ করিয়া শোয়াইয়া রাখিবে এবং যথাসম্ভব শান্তভাবে থাকিতে দিবে। ক্রমাগত শুষ্ক সেক দিবে এবং হস্তপাদাদি ঘর্ষণ করিবে ও কৃত্রিম উপায়ে শ্বাস প্রশ্বাস উৎপাদন (১১৯ পৃষ্ঠা) করিতে থাকিবে। চা কিম্বা কাফি পান করিতে দিবে।

(৭) এলকোহল (Alcohol) বা সুরাসার খাইলে—রোগী হাঁটিতে বা দাঁড়াইতে পারে না; টলিতে থাকে। ফ্যাল্ ফ্যাল্ করিয়া তাকায়। মুখ বিবর্ণ হয়, ঘর্ম হয়। প্রথম অবস্থায় উত্তেজনা হয় কিন্তু তৎপরে সংজ্ঞা লোপ পায়। এরূপ হইলে সত্বরে উহা পাকস্থলী হইতে নিষ্কাশন করার প্রয়োজন। অতএব অবিলম্বে চিকিৎসকের

আশ্রয় লওয়া কর্তব্য । মস্তকে ক্রমাগত শীতল জলের ধারা দেওয়া উচিত ; কিন্তু সংজ্ঞাহীন অবস্থার না দেওয়াই সঙ্গত । রোগীকে ঘুমাইতে দিবে না । আবশ্যক হইলে কৃত্রিম উপায়ে খাস প্রবাস করাইবে ।

(৮) কষ্টিকলোশন ইত্যাদি রৌপ্যযুক্তিত্ত্বে দ্রব্য সেবন করিলে—গলায় এবং পাকস্থলীতে আলাবোধ, শাদা শ্লেষ্মা বমন এবং তৎপর উহা কাল্চে রং হইয়া যায় । উদরে বেদনা বোধ হয় এবং দাস্ত হইতে থাকে । রোগী ক্রমে সংজ্ঞাহীনও হইতে পারে । এইরূপ লক্ষণ প্রকাশ পাইলেই প্রচুর পরিমাণে লবণজল খাওয়াইবে । বমন হইবার পর ক্রমাগত জলমিশ্রিত ডিমের শাদা তরল অংশ খাইতে দিবে । তৎপর ডিমের কুস্থম, এরাকুট অথবা জলমিশ্রিত দুগ্ধ যথেষ্ট পরিমাণে খাইতে দিবে ।

(৯) কল্কে ফুল (*Cerbera, Thevetica*) বা করবী ফুল (*Nerium, Odorum*) খাইলে—পেটে অত্যন্ত বেদনা হয় । অতিশয় বমনোদ্বেক হয় । হাত, পা খেঁচিতে থাকে । কখন কখন প্রলাপ বকিতে থাকে, ঘাম হইয়া গা হিম হইয়া যায় এবং তৎপর সংজ্ঞা লোপ পায় । এরূপ হইলে রোগীকে শয্যায় শারিত রাখিবে । বমন হইতে বিলম্ব হইলে বমন করাইতে চেষ্টা করিবে । তৎপর ঘন চা বা কাফি পান করিতে দিবে । গুরুতর হইলে চিকিৎসকের আশ্রয় গ্রহণ করাই কর্তব্য ।

(১০) কৃষ্ণধূতুরা (*Stramonium*) বেলোডোনা (*Belladonna*) এট্রোপিয়া (*Atropia*) খাইলে—মাথা ধরে, মোহ হয়, চক্ষে ঘোর দেখে, মাথা ঘুরে, পিপাসার উদ্বেক হয়, ক্রমাগত বকিতে থাকে, অত্যন্ত হাসির উদ্বেক হয়, উন্মাদের ভাৱ দেখায় এবং ক্রমে সংজ্ঞাহীন হয় ও গলা বড় বড় করে এবং মুখ দিয়া গেল্লা বাহির হইতে থাকে । গা গরম হয়, খাস প্রবাসে কষ্ট হয় । ধূতুরা খাইলে

সমস্ত গায়ে জ্বালা বোধ ও চুলকাইতে আরম্ভ হয়। এক্ষণে অনেক সময় গায়ের কাপড় খুলিয়া ফেলে। কখন কখন বমন ও দাস্ত হইতে থাকে। একপ হইলে সর্বাগ্রে আধ পাট (Pint) জলে আধ আউন্স সর্ষপ চূর্ণ (Mustard) মিশ্রিত করিয়া তাহা খাইতে দিবে এবং তৎপর যথেষ্ট পরিমাণে ঈষৎ জল পান করিতে দিবে। প্রথমে এই উপায়ে বমন করাইতে চেষ্টা করিবে। তৎপর চা, কাফি, প্রভৃতি খাইতে দিবে। অধিক খাইলে চিকিৎসকের আশ্রয় গ্রহণ করা কর্তব্য। এট্রোপিয়া চক্ষুর ঔষধে সাধারণতঃ ব্যবহৃত হয় এবং বেলেডোনা মালিশের ঔষধে সাধারণতঃ ব্যবহৃত হয়।

(১১) কার্বলিক এসিড বা ক্রিয়েজোট (Creasote) খাইলে—ঠোঁট ও মুখ শাদা ও কুঞ্চিত হয়। নিঃশ্বাসে কার্বলিক এসিডের গন্ধ নির্গত হয়। প্রস্রাব ঈষৎ সবুজের আভাযুক্ত কালীর রং হয় এবং কখন ও বা প্রস্রাব বন্ধ হইয়া যায়। হৃৎ শীতল ও চট্চটে, চক্ষুতারকা সঙ্কুচিত এবং সত্বরেই সংজ্ঞা লোপ পায়। কখন কখন হয়ত কয়েক ঘণ্টার জন্ত রোগী বেশ ভাল হইতেছে মনে হয় কিন্তু পরে হঠাৎ অজ্ঞান হইয়া একবারে মারাও যায়।

প্রথমতঃ ক্যাষ্টর অয়েল কিম্বা জলপাইয়ের তৈল তৎপর ডিমের শাদা তরল অংশ ও দুগ্ধ এবং প্রচুর পরিমাণে মিসারিণ খাইতে দিবে। অধিক খাইলে চিকিৎসকের আশ্রয় লওয়া কর্তব্য। পায়ের তলায় ও পার্শ্বদেশে বোতল সেক দিবে এবং গায়ে ঢাকা দিবে। ফেনাইল খাইলেও এই ব্যবস্থা।

(১২) ক্লোরেল (Chloral Hydras) খাইলে—সর্বাগ্রে বমন করাইবে। শরীর বাহাতে উষ্ণ থাকে তাহার বিহিত উপায় অবলম্বন করিবে। রোগীকে কিছুতেই নিদ্রা ঘাইতে দিবে না। নিদ্রার

ঔষধে সাধারণতঃ ক্লোরেল থাকে। ইহা অধিক পরিমাণে খাইলে এমন কি মৃত্যু ঘটতে পারে। অতএব এ অবস্থায় সত্বরে চিকিৎসক ডাকা কর্তব্য। ইহা খাইলে গভীর নিদ্রাবেশ হয়, ধীরে ধীরে নিঃশ্বাস পড়ে। নাক ডাকিতে থাকে, ক্রমে ক্রমে সংজ্ঞা লোপ পায়। চর্ম অত্যন্ত শীতল হয়।

(১৩) ক্লোরোফরম (Chloroform) বা ইথার (Ether) খাইলে—মুখ হইতে পাকস্থলী পর্যন্ত জ্বালা বোধ হয়, চর্ম শীতল হয়। বমনোদ্বেক হয়, ক্রমে গলা ঘড় ঘড় করিতে থাকে ও অবশেষে সংজ্ঞাহীন হয় বা নাড়ী প্রায় লোপ পায়। প্রথমে বমন করিতে চেষ্টা করিবে। নিঃশ্বাস বন্ধ হইয়া আসিলে জ্বিত টানিয়া বাহির করিবে। চোখে, মুখে এবং মস্তকে শীতল জলের ধারা দিবে। জ্বরে বাতাস করিতে থাকিবে এবং কৃত্রিম উপায়ে শ্বাস প্রশ্বাস উৎপাদন করিতে চেষ্টা করিবে। রোগীকে বামকাতে শয়ন করাইবে অথবা উপুড় করিয়া দিবে। ক্লোরোফরমের আঘ্রাণে শ্বাস কষ্ট উপস্থিত হইলেও উল্লিখিত উপায় অবলম্বন করিতে হইবে।

(১৪) চূণ (Lime) অথবা সাজিমাটি খাইলে—সোডাওয়াটার বা লেমনেড প্রভৃতি খাইলে বিশেষ উপকার হয়। জল মিশ্রিত শিকী খাওয়াইয়া তৎপর বাদাম বা জলপাইর তৈল, গিসারিণ, তিসির চা বা যষ্টিমধু প্রভৃতি খাইতে দিবে।

(১৫) জয়পাল (Croton oil) খাইলে—বমনোদ্বেক হয়। তরল দান্ত হইতে থাকে এবং পেটে তীব্র বেদনা (শূলুনী) হয়। গা হিম হইয়া যায় এবং নাড়ী অতিশয় ক্ষীণ ও ক্রত হয়। একপ হইলে প্রথমে বমন করাইবে। তৎপর ডিমের শাদা তরল অংশ, দুগ্ধ অথবা এরাক্লট পান করিতে দিবে। বেদনার উপশমার্থ গরম জলের সেক দিবে এবং গায়ে গরম কাপড় ঢাকা দিবে।

(১৬) টার্টার এমেটিক (Tarter Emetic), ভাইনাম এন্টিমনি (Vin. Antimony) ও সূক্ষ্মা প্রভৃতি রসায়নঘটিত দ্রব্য সেবন করিলে—আপনা হইতেই বমন হইয়া থাকে। গলা হইতে পেট পর্যন্ত আলা বোধ হয়, অন্ত্যস্ত বমন এবং দাস্ত হইতে থাকে। হাত পায়ে ঝিল ধরে, নাড়ী অতিশয় ক্ষীণ এবং গা হিম হইয়া যায়। বমন না হইলে বমন করাইতে চেষ্টা করিবে। দুধ, ডিমের শাদা তরল অংশ, জলবাণি বা এরাকট অথবা তিসির চা প্রচুর পরিমাণে পান করিতে দিবে। অবসাদ অবস্থায় পায়ে তলায় ও রোগীর পার্শ্বদেশে বোতল সেক দিবে এবং যথেষ্ট পরিমাণে গরম বস্ত্র চাপা দিবে। হিমাক্ত অবস্থায় ডাক্তারের আশ্রয় গ্রহণ করিবে। পিপাসা বর্তমান থাকিলে বরফের টুকরা চুষিতে দিবে।

(১৭) তুঁতে (Copper, Salts of) ও তাম্বের কলক প্রভৃতি তাম্রঘটিত দ্রব্য খাইলে—অত্যন্ত পিপাসা, মুখ হইতে পাকাশয় পর্যন্ত বেদনা, পেটে শূলুনী ও বমন এবং দাস্ত হয়। ঘন ঘন নিঃশ্বাস, শ্বাসকষ্ট, নাড়ী ক্ষীণ ও দ্রুত, প্রবল মাথা বেদনা, ক্রমে সংজ্ঞাহীন ও শিঁচুনী হয়। ইহাতে আপনা হইতেই বমন হইবার সম্ভাবনা। কিন্তু তাহা না হইলে বমন করাইতে হইবে। তৎপর দুধ, ডিমের শাদা তরল অংশ, এরাকট অথবা ময়দা জলে গুলিয়া এবং বাদাম বা জলপাইর তৈল খাইতে দিবে এবং পেটে সেক দিবে।

(১৮) নক্সভমিকা (Nuxvomica) বা কুচিলা কিশ্বাট্টিকনিয়া (Strychnine) সেবন করিলে—সর্বাগ্রে বমন করাইবার চেষ্টা করিবে। তৎপর ডাক্তার আসিয়া যাহা উচিত বিধান করিবেন। যে কোন বিধাক্ত দ্রব্য তরুণে সর্বদাই সুবিজ্ঞ চিকিৎসকের ব্যবস্থানুযায়ী চলাই কর্তব্য। এই উগ্রবিষ সেবনে শ্বাস কষ্ট হয়, শ্বাস রোধ হইবার উপক্রম

হয়, চোয়াল ধরিয়া যায়, হাত পা মোচ্ড়াইয়া যায় এবং খুঁটকায়ের স্তায় আক্ষেপ উপস্থিত হয়। রোগীকে অন্ধকার ঘরে রাখিবে এবং সম্পূর্ণ স্থিরভাবে থাকিতে দিবে। সহজে রোগীর অঙ্গ স্পর্শ পর্যাস্ত করিবে না।

(১৯) নাইট্রিক, সালফিউরিক (গন্ধক-দ্রাবক) ও হাইড্রোক্লোরিক প্রভৃতি খনিজ এসিড খাইলে—গলা হইতে পেট পর্যাস্ত অগ্নিযা যাওয়ার মত বোধ হয়। অত্যন্ত বমন হয় এবং অবশেষে কালচে রংএর রক্ত মিশ্রিত শ্লেষ্মা নির্গত হয়। কথা বলিতে এবং ঢোক গিলিতে অত্যন্ত কষ্ট বোধ হয়। রোগী যাতনার ছটফট করে। পিপাসা বর্তমান থাকে। অত্যন্ত থিচুনী হয় এবং ক্রমে সংজ্ঞা লোপ পায়। কখন কখন প্রস্রাব বন্ধ হইয়া যায়। উপরোক্ত কোন এসিড খাইয়াছে জানিতে পারিলেই রোগীকে তৎক্ষণাৎ সোডাওয়াটার, দুগ্ধ, চূণের জল, বাদাম কিম্বা জলপাইর তৈল কিম্বা খড়িগোলা খাওয়াইয়া দিবে অথবা প্রচুর পরিমাণে জলের সহিত সাবান গুলিয়া খাইতে দিবে। তৎপরে জলবাঁলি বা এরারুট এবং ডিমের শাদা তরল অংশ প্রচুর পরিমাণে খাইতে দিবে। পিপাসা নিবারণার্থ বরফের টুকরা চুষিতে দিবে।

(২০) পারদ, রসকপূর (Hyd. Perchlor), ক্যালোমেল (Hyd. Subchlor), গ্রে পাউডার, সিন্দূর, রসসিন্দূর প্রভৃতি পারদযুক্ত দ্রব্য খাইলে—যুথ এবং পাকস্থলীতে বেদনা এবং সঙ্কোচন বোধ হয়, রক্ত এবং শ্লেষ্মা বমন হয়, অত্যন্ত দাস্ত হয় এবং মলে রক্ত মিশ্রিত থাকে। প্রস্রাব বন্ধও হইয়া থাকে এবং অনেক সময় আক্ষেপ হইতে থাকে। এ সকলের কোন লক্ষণ প্রকাশ পাইলেই তৎক্ষণাৎ ডিমের শাদা জলীয় অংশ খাইতে দিবে এবং দুগ্ধ ও সোডাওয়াটার, জলে ঘন করিয়া ময়দা গুলিয়া এবং বাদাম বা জলপাইর তৈল পান করিতে দিবে।

(২১) প্রুসিক এসিড (Prussic or Hydrocyanic Acid) খাইলে—সংজ্ঞাশূন্য হয়, মুখ নীলিমাৰ্ণ ধারণ করে। দেহ শীতল ও স্থিরদৃষ্টি হয় এবং খিঁচুনী হইতে থাকে ও নিশ্বাস বন্ধ হইয়া আসে। ক্রমে সম্পূর্ণ সংজ্ঞাশূন্য হয় ও নাড়ী লোপ পায়। এ সকল লক্ষণ প্রকাশ পাইলে সাধারণতঃ দুই তিন মিনিটের মধ্যেই রোগীর প্রাণবায়ু নির্গত হইয়া থাকে। ইহাতে বমন করাইবারও অবসর থাকে না। এরূপ হইলে প্রথমেই এমনিয়া শুঁকিতে দিবে, একবার গরম জল ও একবার শীতল জলের ধারা দিবে এবং কৃত্রিম উপায়ে শ্বাস প্রশ্বাস উৎপাদন করিতে চেষ্টা করিবে। ইহা অতিশয় বিষাক্ত দ্রব্য, এজন্য খাওয়া মাত্র চিকিৎসকের আশ্রয় গ্রহণ করা কর্তব্য।

(২২) ফটকিরি (Alum) খাইলে—জলে মোড়াগুলিয়া এবং চিনি বা চিনির সরবৎ পান করিতে দিবে।

(২৩) বিষাক্ত খাদ্যদ্রব্য (Ptomaines) খাইলে—পাকস্থলীতে উদ্বেগ বোধ হয়, হাত পা অবসন্ন হয়, গলা গরম, ভুঙ্ক ও আঁটা বোধ হয়। প্রবল মাথা ধরা এবং পিপাসা বর্তমান থাকে ও কম্প দিয়া জ্বর আসে। পা ও পেটে খিলু ধরে, বমন ও দাস্ত হয় এবং মলে অতিশয় দুর্গন্ধ হয়। ঘাম হইতে থাকে এবং গা হিম হইয়া ক্রমে অবসন্ন হইয়া পড়ে। যদি আপনা হইতে বমন না হয় তাহা হইলে অর্ধ পাট জলে টেবিল চামচের এক চামচ সর্ষপ চূর্ণ মিশ্রিত করিয়া খাইতে দিবে এবং তৎপর ক্রমাগত ঈষৎস্ব জল পান করিতে দিবে। অবশেষে ক্যাষ্টর অয়েল খাইতে দিবে। শীত নিবারণার্থ গায়ে গরম কাপড় ঢাকা দিবে এবং পার্শ্বদেশে ও পায়ের তলায় সেক দিবে।

“বিলাতী টিমের” মাছ ও মাংস হইতেই সাধারণতঃ এই বিষ উদ্ভব হয়।

(২৪) ব্যাঙের ছাতা (Mushrooms) খাইলে—দাস্ত ও বমন হয় । তীব্র শূলুনী বা পেট বেদনা হয় । নাড়ী মন্থর ও দেহ শীতল হইয়া রোগী ক্রমে সংজ্ঞাহীন হয় । একরূপ হইলে রোগীকে শায়িত অবস্থায় রাখিবে । প্রথমে বমন করাইবে । পেটে গরম সেক দিবে এবং কাফি প্রভৃতি খাইতে দিবে । অবশেষে ক্যাষ্টর অয়েলের জোলাপ দিবে ।

(২৫) মনসীজ (Euphorbias Resinifera) বা লঙ্কাসীজ (E. Tirucalli) খাইলে—বমন ও দাস্ত হইতে থাকে । মাথা ঘুরে, খিঁচুনী হয় এবং মাদক বা অবসাদক লক্ষণ সকল দেখা দেয় । প্রথমে বমন করাইবার জন্য রাই চূর্ণ (Mustard) মিশ্রিত জল খাইতে দিবে এবং তৎপর প্রচুর পরিমাণে ঈষদুষ্ণ জল পান করিতে দিবে । দুগ্ধ, জলের সহিত ডিমের শাদা তরল অংশ, কাজি ও এরাকট যথেষ্ট পরিমাণ খাইতে দিবে । অবশেষে ক্যাষ্টর অয়েল দ্বারা জোলাপ দিবে ।

(২৬) সফেদা * (White lead), গুলার্ডস লোসন (Goulard's Lotion) প্রভৃতি সীসঘটিত দ্রব্য খাইলে—অতিশয় পিপাসা, পেটে অত্যন্ত বেদনা এবং চাপিয়া ধরিলে বেদনার উপশম, কোষ্ঠ বদ্ধতা, পা অসাড়, হাত পায়ে খিল ধরা এবং শীতল বর্ষ প্রভৃতি লক্ষণ বর্তমান থাকে । একরূপ হইলে প্রথমে বমন করাইবে তৎপর দুগ্ধ ও ডিমের শাদা তরল অংশ খাওয়াইবে । এরাকট, জলবালি, ইসবগুল, তিসির চা প্রভৃতি খাইতে দিবে । বেদনার উপশমের জন্য পেটে সেক দিবে ।

* ইহা শাদা রং বিশেষ ।

(২৭) সলফেট (Zinci Sulph), ক্লোরাইড (Zinci Chlorid.) এবং এসিটেট (Zinci Acetate.) অব জিঙ্ক প্রভৃতি দস্তাঘটিত দ্রব্য খাইলে—ঠোঁট ও মুখ কয়ে যায়, গলা এবং পাকস্থলীতে তীব্র বেদনা অনুভূত হয়, রক্ত মিশ্রিত বমন এবং দাস্ত হইতে থাকে। গিলিতে ও নিশ্বাসে কষ্টানুভব হয়। নাড়ী ক্ষীণ ও দ্রুত এবং ক্রমে মোহ ও সংজ্ঞাহীনতা প্রাপ্ত হয়। প্রথমে প্রচুর পরিমাণে কাপড় কাচিবার সোডা (Bicarbonate of Soda নয়) মিশ্রিত জল (এক পাট জলে ৪০ গ্রেণ সোডা কার্ব) খাইতে দিবে। তৎপর হৃৎ, ডিমের শাদা তরল অংশ, ঘন চা, তিসির চা এবং ইসবগুল প্রভৃতি পান করিতে দিবে। পেটে তিসির পুন্টিশ প্রদান করিবে।

(২৮) সিদ্ধি (ভাঙ্গ) অথবা গাঞ্জা ভক্ষণ করিলে—মাতালের ত্রায় দেখায়, ক্রমাগত হাসিতে থাকে এবং মাঝে মাঝে বোকার মত চূপ করিয়া থাকে এবং ক্রমে চেতনাশূন্য হয়। অধিক নেশা হইলেই প্রতীকারের প্রয়োজন হয়। এরূপ হইলে সর্বাগ্রে বমন করাইতে চেষ্টা করিবে। মাথায় শীতল জলের ধারা দিবে। নিদ্রার ভাব বা ঘুমে অচেতন হইলে চিমটি কাটিয়া জাগাইয়া রাখিবে এবং ধরিয়া হাঁটাইতে থাকিবে। একবারে সংজ্ঞাশূন্য হইলে কৃত্রিম শ্বাস প্রদান করাইবে।

(২৯) সোডা (Soda), এমোনিয়া (Ammonia) ও কষ্টিকপটাশ (Caustic Potash) ইত্যাদি ক্ষার দ্রব্য (Alkaline) সেবন করিলে—মুখ হইতে পাকস্থলী পর্যন্ত অতিশয় জ্বালা বোধ হয়। বমন হইতে থাকে, জিহ্বা শাদা ও ঠোঁট মুখ কুলিয়া যায়। এরূপ হইলে ভিনিগার কিম্বা লেবুর রস প্রচুর পরিমাণে জলের সহিত মিশ্রিত করিয়া খাইতে দিবে অথবা টক দুগ্ধ (sourmilk) বা

ঘোল, বাদাম কিছা জলপাইর তৈল বা মাখন গলাইয়া পান করিতে দিবে । ছুৎ পান করিয়া রোগী আরাম বোধ করিলে তাহা বার বার দিবে । জলবালি বা তিসির চাও পান করিতে দেওয়া যায় ।

২২ । ঔষধের ওজন ।

(ইংরাজী ও বাঙ্গালা ওজনে তুলনা) ।

(১) তরল ঔষধ ।

৬০ মিনিম (বিন্দু)	এ	...	১ ড্রাম । (ʒ)
৮ ড্রাম	এ	...	১ আউন্স । (ʒ)
১৬ আউন্স	এ	...	১ পাউণ্ড । (lb)
২০ আউন্স	এ	...	১ পাইন্ট । (ʒ)
২ পাইন্ট	এ	...	১ কোয়ার্ট । (Qt)
৮ পাইন্ট বা ৪ কোয়ার্টে	এ	...	১ গ্যালন । (C)

১ পাউণ্ড	এ	...	প্রায়	অর্ধসের ।
১ আউন্স	এ	অর্ধছটাক ।
১ গ্যালন	এ	পাঁচ সের ।

১ ড্রাম	=	চা-চামচ (Teaspoonful)
২ "	=	১ ডেসার্টস্পুন (Dessertspoonful)
৪ "	=	১ টেবিলস্পুন (Tablespoonful)
১½ আউন্স	=	১ ওয়াইন গ্লাস (Wineglassful)

(২) শুক ঔষধ।

২০ গ্রেণ	ঐ	...	১ ক্রুপল। (ঐ)
৬০ ”	ঐ	...	১ ড্রাম। (৩)
৮ ড্রাম	ঐ	...	১ আউন্স। (৩)
১৬ আউন্স	ঐ	...	১ পাউণ্ড। (lb)
৩ ড্রাম	ঐ	...	১ ভরি বা তোলা।
১৮০ গ্রেণ	ঐ	...	১ ”
৪৫ ”	ঐ	...	১ শিকি।
২৥ ”	ঐ	..	১ কুঁচ।

নির্ঘণ্ট ।

অ		অস্ত্র প্রয়োগের পূর্বে কর্তব্য	৬৭
অক্কেলিক এসিড খাইলে	৩১৮	— পর কর্তব্য ...	৭২
অগ্নিদাহ ...	২৩	— প্রয়োজনীয় দ্রব্যজাত	৬৮
অঙ্গ (কোন) কাটিয়া গেলে	১০৫	অস্থি স্থানচ্যুত হইলে ...	২৮
— পুড়িয়া গেলে ...	২৩	আ	
— পেষ্টিয়া (চেপ্টিয়া) গেলে	২৫	আইওডিন খাইলে ...	৩১৮
অঙ্গাবরণ পরিবর্তনপ্রণালী	৭১	আইসিংলাস (Isinglass)	১৫৪
অজীর্ণতা ...	১৭৮	আকন্দ খাইলে ...	৩১২
— মুষ্টিযোগ ...	২২০	আকন্দের সেক ...	৪৮
অধিক রাত্রিতে আহার	৩৭	আগর-আগর ...	১৫৪
অম্লবৃদ্ধি ...	৬২	আঘাতপ্রাপ্ত হইলে—কোন	
অন্ন, গুণাগুণ ...	১৬৪	অঙ্গে ...	২৬
অপস্মার বা মৃগী ...	১৭২	আঘাতপ্রাপ্ত ব্যক্তিকে হাঁস-	
অম্লপিণ্ড বা অম্বল ...	১৮১	পাতালে পাঠাইবার উপায়	২৬
অরিষ্ট লক্ষণ ...	৩১০	আঘাতে অচৈতন্য হইলে	২৬
অরুচি ও অগ্নিমান্দ্য ...	২২০	— অস্থি স্থানচ্যুত হইলে	২৮
অবিরাম জ্বর ...	২০৩	আঙ্গুলহাড়া—মুষ্টিযোগ	২২০
অর্শ ...	১৮২	আঁচিল, মুষ্টিযোগ ...	২২১
— মুষ্টিযোগ ...	২২০	আজনাই (অঙ্গুনি) ...	২০০

আঁজমীর ...	২৭৬	ইন্হেলার, কগ্‌হিলস্ ...	৬০
আর্দ্রতা নিবারণ ...	৩	— সিগলস্ ...	৫২
অঁধাকোড়া ...	২১৯	ইন্ডোর ...	২৭৬
আনুপদেশ ...	২৪৬	উ	
আফিং খাইলে ...	৩১৯	উকুন—মুষ্টিযোগ ...	২৯১
আবু-গিরি ...	২৫২	উচ্চস্থান হইতে পড়িয়া আঘাত	
আমফোড়া ...	২২০	পাইলে ...	৯৬
আমাশয় ...	১৮২	উটে কামড়াইলে ...	১১৭
— মুষ্টিযোগ ...	২৯১	উদরাময় ...	১৮৫
আলজিভ বৃদ্ধি পাইলে	১৯৪	উদরে কোন বস্তু প্রবিষ্ট হইলে	৯৯
আলমোড়া ...	২৫১	— জোক প্রবিষ্ট হইলে	৯৯
আলোক ও উত্তাপ, গৃহে	৩	উদ্বন্ধনে মৃতপ্রায় হইলে	১২০
আশীরগড় ...	২৫৩	উদ্বায়ু পটি (Evaporating	
আর্সেনিক খাইলে ...	৩১৯	dressing) ...	৯১
আহার, অধিক রাত্রিতে	৩৭	উষ্ণিষ্ক এসিড খাইলে	৩১৮
— প্রদানপ্রণালী ...	৩৫	উপকরণ, শুক্রবার ...	১৬
— বিবমিষায় ...	৩৭	— অস্ত্র প্রয়োগের ...	৬৮
আয়ুর্বেদোক্ত ত্রিবিধ দেশ	২৪৬	উষাপান ...	১৭৯
ই		ঋ	
ইউরিণ্যাল ...	২৩১	ঋতু ও বয়সভেদে রোগের	
ইংরেজী টিকা ...	২২৮	তারতম্য ...	৩০৯
ইথার খাইলে ...	৩২৩	— শোণিত ...	১০৪
ইন্ডুরেঞ্জা ...	১৮৪	— শ্রাবকষ্ট হইলে ...	৫০

		মিষ্টি ।	৩৩৩
এ		এসিডে পুড়িলে —	২৫
একোনাইট খাইলে ...	৩২০	এসেন্স অব চিকেন ...	১৫৯
এটোমাইজার ব্যবহার- প্রণালী ...	৫৯	ঐকাহিক অর—মুষ্টিযোগ	২৯১
এটোর	২৭৭	ও	
এটোপিয়া খাইলে ...	৩২১	ওজন, ইংরাজি ও বাঙ্গালা, তুলনা ...	৩২৯
এনিমা (Enema) ...	৫৪	— তরল ঔষধের ...	৩২৯
— গ্লিসারিন ...	৫৫	— শুষ্ক ঔষধের ...	৩৩০
— প্রয়োগ প্রণালী	৫৫	ওটমিল (Oatmeal) ...	১৪১
— পুষ্টিকর (আহার্য)	৫৭	ওয়ালটেয়ার ...	২৪৮
— বিরেচক ...	৫৬	ওলাউঠা ...	১৮৬
— সাধারণ ...	৫৬	ও	
এন্টিমনি খাইলে ...	৩২৪	ঔষধ—আয়ুর্বেদীয়, সেবন প্রণালী	৩১
এফারভেসিং মিকচার	২৯	— এলোপ্যাথিক ,,	২৫
এমোনিয়া খাইলে ...	৩২৮	— হোমিওপ্যাথিক ,,	৩০
এরাকট প্রস্তুত প্রণালী...০	১৩৭	— রোগীকে প্রদান প্রণালী	২৫
— গুণাগুণ ...	১৬৩	ঔষধাদি রক্ষা ...	১৭
এরিসিপিলাস ...	২৩২	ঔষধের ওজন ...	৩২৯
এলুকোহল খাইলে ...	৩২০	ক	
এলাহাবাদ ...	২৭৭	কগ্‌হিলস্ ইনহেলার ...	৬০
এলেন্বারির মিক-ফুড...	১৪৫	কটক ...	২৭৮
— মণ্টেড-ফুড ...	১৪৬		
এসেটিক এসিড খাইলে	৩১৮		
এসিড খাইলে ...	৩২৫		

কটিনান (Hip-bath.)	৫০	কটিক পটাশ খাইলে ...	৩২৮
কডলিভার অয়েল		কসিয়াং	২৬১
সেবনপ্রণালী ...	২৭	কাঁচা মাংসের সুরক্ষা ...	১৬০
কঠরোগ ...	১২৪	কাজি ওঘাটার ...	১৫১
কণ্ডিস্ ফুইড ...	২২৭	কাটিয়া গেলে, কোন অঙ্গ	১০৫
কঠাতে আঘাত লাগিলে	২৭	কাণপাকা—যুষ্টিযোগ ...	২২১
কম্পজ্বর ...	২০৮	— বেদনা ...	১২৩
কর্ণ পরীক্ষার উপায় ...	১২২	কাণে খইল হইলে ...	১২১
কর্ণ-রোগ ...	১২১	— তালি লাগিলে	১০০
কর্ণে কীট প্রবিষ্ট হইলে	১০০	কাণের ভিতর কোন দ্রব্য	
— পিচকারী দিবার		প্রবিষ্ট হইলে ...	২২
প্রণালী ...	১২২	কাপড়ে আগুন লাগিলে	২৩
— পুন্টিশ দিবার		কার্বলিক অয়েল ...	৬৮
প্রণালী ...	১২৩	— — এসিড ...	৪
কপূর খাইলে ...	১০২	— — অঙ্গে লাগিলে	৪, ২৫
কবিরাজী ঔষধ সেবন		— — খাইলে ...	৩২২
প্রণালী ...	৩০	— — লোশন ...	৬৮, ২০
করণ ফ্লাওয়ার ...	১৩৭	কার্বাকল ...	২৩০
করবী ফুল খাইলে ...	৩২১	কালাজ্বর ...	২২২
কলকে ফুল খাইলে ...	৩২১	কাসি ...	১২৫
কলছো ...	২৪২	— যুষ্টিযোগ ...	২২২
কলসী-কল ...	৩১৩	কাসোলি ...	২৫৪
কয়লার পুন্টিশ ...	৫২	কাশ্মীর ...	২৬২
কটিক লোশন খাইলে...	৩২১	কুকুরে কামড়াইলে ...	১০৮

নির্ঘণ্ট ।

৩৩৪

কুচিলা খাইলে ...	৩২৪	খনিজ এসিড খাইলে ...	৩২৫
কুমুর ...	২৬৩	খাণ্ডালা ...	২৬৩
কুপথোর ফল ...	১৬১	খাণ্ড দ্রব্যের (কতিপয়) পরি-	
কুমিল্লা ...	২৭৮	পাক হইতে যত	
কৃত্রিম খাসপ্রখাস উৎপাদন	১১৮	সময় আবশ্যিক	১৭৬
কুমি ...	১২৮	— বিশেষ ক্রিয়াকারক	
— মুষ্টিযোগ ...	২২২	অংশ সমূহের শতকরা	
কুম্বুতুরা খাইলে ...	৩২১	পরিমাণ বিভাগ	১৭৪
কেরন অয়েল ...	৯৪	খাণ্ড-নির্কীচন ...	১৬৩
কেলোমেল খাইলে ...	৩২৫	খেলের পুন্টিশ ...	৫২
কেরোসিন তৈল খাইলে	১০২	গ	
কেষ্টর অয়েল সেবন প্রণালী	২৭	গঞ্জাম (বহরমপুর) ...	২৫০
কৈলিয়র ...	২৭৮	গন্ধক পোড়াইবার প্রণালী	৪০
কোন্ রোগে কোন্ স্থানে গমন		গরম জলের সেক ...	৫৪
কর্তব্য ...	২৪৩	গরল—মুষ্টিযোগ ...	২২২
কোষ্ঠবদ্ধতা ..	১২৭	গলদেশে কোন বস্তু আবদ্ধ	
ক্রিম অব টার্টার খাইলে	৩১৮	হইলে ...	২৮
ক্রিয়োজোট খাইলে ...	৩২২	গলক্ষত (Sorethroat)	১২৪
ক্রোরেল খাইলে ...	৩২২	গলার ভিতর ঔষধ প্রদান	
ক্রোরোফরম খাইলে ...	৩২৩	প্রণালী ...	৩২
খ		গলাবসিয়া গেলে ...	১২৪
খই, গুণাগুণ ...	১৬৩	গলাবেদনা—মুষ্টিযোগ ...	২২৩
খইয়ের মণ্ড প্রস্তুতপ্রণালী	১৩৮	গলা-মাপা ...	২২৩

গাঁজা ভক্ষণ করিলে ...	৩২৮	বুংরি কাসি ...	১৯৯
গাঙ্গাবরণ পরিবর্তনপ্রণালী	৭০	ঘোড়ার কামড়াইলে ...	১১৭
গিরিধী ...	২৭৯	ঘোল, গুণাগুণ ...	১৬৭
গিলনস্ এসেল অব্		— প্রস্তুতপ্রণালী ...	১৪০
চিকেন ...	১৫৯	চ	
গুলার্ডস লোশন খাইলে	৩২৭	চশমা ব্যবহার ...	২০২
গৃহ—রোগীর ...	১	চক্ষু উঠিলে ...	২০১
— ইষ্টক নিশ্চিত হইলে	১	— — মুষ্টিযোগ ...	২৯৩
— শোধন করিবার উপায়	৪	চক্ষু ফোলা—মুষ্টিযোগ	২৯৩
গৃহে, আলোক ও উত্তাপের		চক্ষু-রোগ ...	২০০
ব্যবস্থা ...	৩	চক্ষে ছানি হইলে ...	২০১
— প্রদীপের ব্যবস্থা	৫	— লোশন দিবার প্রণালী	৩৩
— লোক সমাগম ...	৪	— সেক দিবার প্রণালী	২০২
— বায়ু চলাচলের ব্যবস্থা	২	চক্ষের ভিতর কিছু প্রবিষ্ট	
গৃহের আর্দ্রতা নিবারণের		হইলে ...	১০১
উপায় ...	৩	চাউল, গুণাগুণ ...	১৬৪
— কোন্ স্থানে শয্যা করা		চিকিৎসক পরিবর্তন ...	৪০
উচিত ...	৫	চিড়ার মণ্ড প্রস্তুতপ্রণালী	১৩৮
গ্রে পাউডার (Grey		চিনাঘাস ...	১৫৪
powder) খাইলে	৩২৫	চিনি (শর্করা)—গুণাগুণ	১৬৮
গ্র্যানোজ (Granose)	১৫০	চিনিতে পিপড়া নিবারণের	
য		উপায় ...	৩১৭
ঘর্ম হইলে কর্তব্য ...	৭, ২০৩	চূর্ণ, চক্ষে পতিত হইলে	১৬১
ঘামাচি—মুষ্টিযোগ ...	২৯৩	— খাইলে ...	৩২৬

নির্ঘণ্ট ।

৩৩৭

চূণের জল প্রস্তুত প্রণালী	৩১৬	জলসাপ্ত প্রস্তুত প্রণালী	১৩৬
চূর্ণ-ঔষধ সেবন প্রণালী	৩০	জলাতঙ্ক (Hydrophobia)	১০৮
চূনার বা চণ্ডালগড় ...	২৮১	জলাভিষেক (Irrigation)	৯২
ছ		জলীয় ঔষধ সেবন প্রণালী	২৯
ছাগলের দুধ খাওয়াইবার		জবলপুৰ	২৮২
প্রণালী ...	১৮৪	জাঙ্গলদেশ	২৪৬
ছানা, গুণাগুণ ...	১৬৮	জাগস্থপ	১৫৩
ছানার জল প্রস্তুত প্রণালী	১৪০	জামতারা	২৮২
ছানি, চক্ষের ...	২০১	জিঙ্ক অক্সাইড খাইলে	৩২৮
ছুলি (ছলম)—মুষ্টিযোগ	২৯৩	— এসিটেট ...	৩২৮
জ		— ক্লোরাইড ...	৩২৮
জয়পাল খাইলে ...	৩২৩	— সলফেট ...	৩২৮
জল, গুণাগুণ ...	১৭৩	জোয়ান সেক ...	৪৯
— পরিষ্কৃত করিবার		জৌক উদরে প্রবিষ্ট হইলে	৯৯
প্রণালী ...	৩১২	জৌকে কামড়াইলে ...	১০৭
— রোগীকে দেওয়ার		জোলাপ লইলে কর্তব্য	২৮
ব্যবস্থা ...	১৮	জোলাপের ঔষধ ও ব্যবহার	
— শীতল করিবার		প্রণালী ...	২৭
প্রণালী ...	৩১৪	জব	২০৩
জলপাট ...	৯১	— অবিরাম ...	২০৩
জলবসন্ত ...	২০২	জ্বর, দাহ ...	২০৪
জলবায়ু-পরিবর্তন ...	২৪৩	— পালা ...	২০৫
জলমগ্ন রোগীর চিকিৎসা	১১৮	— বিকার বা জ্বরাতিসার	২০৫
		— সবিরাম বা কল্প	২০৮

ট		তাপিণ সেক ...	৪৭
টল্লাইটিস	১৬০, ১২৫	তামাক ভক্ষণ করিলে	১০৩
টাইফয়েড জ্বর	... ২০৫	তাম্রঘটিত দ্রব্য খাইলে	৩২৪
টাইনিয়া	... ২০০	তাম্রের কলঙ্ক খাইলে ...	৩২৪
টাটার এমোটিক খাইলে	৩২৪	তালানে	... ২১২
টার্টারিক এসিড খাইলে	৩১৮	তিক্ত ঔষধ সেবনপ্রণালী	৩১
টিঞ্চার আইওডিন		তিসির চা	... ১৪২
খাইলে	... ৩১৮	তিসির পুষ্টিশ	... ৫২
টীকা লইলে কর্তব্য	... ২২৮	তুঁতে খাইলে	... ৩২৪
ট্রাস (Truss)	... ৬২	তৈতুলের সরবৎ	... ৩১৭
ড		তোকমারির পুষ্টিশ	... ৫৩
ডলাই-মলাই	... ৬৬	তোকবালামের পুষ্টিশ	... ৫৪
ডায়মণ্ড হারবার	... ২৫০	ত্রিবিধ দেশ	... ২৪৫
ডায়রী	... ১৪	থ	
ডিপ্‌থিরিয়া	... ২০২	থার্মোমিটার প্রয়োগ	৩০০
ডিম্ব, গুণাগুণ	... ১৬৬	থুথু ও বমনপাত্র	... ৭
ডিস্‌পেপ্সিয়া	... ১৭৮	দ	
ডুশ (Douche)	... ৬১	দধি, গুণাগুণ	... ১৬৭
ডুপার ব্যবহার প্রণালী	৩৩	— প্রস্তুতপ্রণালী	... ১৩৮
ত		দস্তধাবন	... ২৩
তরকারী, গুণাগুণ	... ১৭০	দস্তমূল হইতে রক্তশ্রাব	
তরল ঔষধ সেবনপ্রণালী	২২	হইলে	... ১০৬
তাপমান যন্ত্র	... ৩০০	দস্তাঘটিত ঔষধ খাইলে	৩২৮

দাঙ্কি লিং ...	২৬৪	নবনীত, গুণাগুণ ...	১৬৮
দাঁতের পীড়া—মুষ্টিযোগ	২৯৪	নাইট্রিক এসিড খাইলে	৩২৫
দাদ—মুষ্টিযোগ ...	২৯৪	নাকের ভিতর কিছু প্রবিষ্ট	
দাল, গুণাগুণ ...	১৬৯	হইলে ...	১০০
দালের যুষ প্রস্তুতপ্রণালী	১৫২	নাড়ী, শ্বাসক্রিয়া এবং উত্তাপের	
দাহ-জ্বর ...	২০৪	পরস্পর সম্বন্ধ ...	৩০৩
দিয়াশলাইয়ের কাটি চুষিলে	১০২	নাড়ী-পরীক্ষা ...	৩০১
হৃৎ, গুণাগুণ ...	১৬৭	নাড়ীদ্বারা উত্তাপ-পরীক্ষা	৩০২
— পরীক্ষাপ্রণালী ...	৩০৬	নাভীমূলে পুন্টিশ দিতে হইলে	৫১
— পেপ্টোনাইজ প্রণালী	১৫৭	নালি ঘা ...	২৩৪
হৃৎ-সাগু ...	১৩৬	— মুষ্টিযোগ ...	২৯৪
হৃৎ-সৃষ্টি প্রস্তুতপ্রণালী	১৪২	নাসিকা হইতে রক্তস্রাব হইলে	১০৭
দুর্বলবস্থায় উথানাদি	২৪	নিউমোনিয়া ...	২১৮
দেওঘর-বৈদ্যনাথ ...	২৮৩	নিদ্রাকরণ-প্রণালী ...	২৫
দেবাদূন্ ...	২৬৯	নিদ্রার ঔষধ ...	২৮
ধ		নেফ্রেল ডুশ ...	৬২
ধমুটেকার ...	২২১	নোট-বুক বা ডায়রী ...	১৪
ধমনী হইতে রক্তস্রাব হইলে	১০৩	নৈনিতাল ...	২৭০
ধরমপুর ...	২৭০		
ধূতুরা খাইলে ...	৩২১	প	
ধূপধূনা ...	৫	পচননিবারক পটি ...	৯১
ন		পচন ...	২৮৪
নক্সভমিকা খাইলে ...	৩২৪	পঞ্জরের হাড় ভাঙ্গিয়া গেলে	৯৭
নখকুনি—মুষ্টিযোগ ...	২৯৪	পটাশ—কোন খাইলে	৩২৮

পটি (Dressing) ...	৯০	পথ্যাপথ্য জ্বর (সাধারণ) রোগে	১২৪
— উদ্বায়ু ...	৯১	— — জীর্ণ জ্বরে ...	১২৫
— খুলিবায়ু নিয়ম ...	৮৭	— — টাইফয়েড জ্বরে	১৭১
— জ্বল ...	৯১	— — প্রমেহ রোগে	১৩৪
— পচন নিবারক ...	৯১	— — প্লীহা রোগে	১২৫
— বদলাইবার নিয়ম	৮৭	— — প্লেগ রোগে	২১৭
— মলমের ...	৯২	— — বসন্ত রোগে	১২৬
— শুষ্ক (Dry dressing)	৯০	— — বহুমূত্র রোগে	১৩৪
পথ্য প্রদানপ্রণালী ...	৩৫	— — বাত রোগে	১২৮
— প্রস্তুতপ্রণালী	১৩৫—১৬১	— — বাতব্যাধি বা পক্ষাঘাত রোগে ...	১২৮
পথ্যাপথ্য নির্ণয় ...	১২৪	— — বক্রং রোগে	১২৫
— — অগ্নিমান্দ্য রোগে	১৩০	— — যক্ষ্মা রোগে	১৩৩
— — অজীর্ণ বোগে	১৩০	— — রক্তামাশয় রোগে	১৩১
— — অন্নপিত্ত রোগে	১২৯	— — শূল রোগে	১৯
— — অর্শ রোগে ...	১২৭	— — শোথ রোগে	১৩১
— — আমাশয় রোগে	১৩১	— — শ্লীপদ বা গোদ রোগে ...	১৩১
— — উদরি রোগে	১৩১	— — হীপানি রোগে	১৩২
— — উপদংশ রোগে	১৩৫	— — হাম রোগে ...	১২৬
— — একশিরা বা কোষবৃদ্ধি রোগে ...	১৩২	পাদ-রোগ ...	২১২
— — কৃমি রোগে	১২৭	পরিচর্যা, রোগীর ...	১৮
— — জলবসন্ত রোগে	১২৬	পরিচ্ছদ, ,, ...	৬
— — জ্বরের সহিত উদরাময় থাকিলে ...	১২৫	পরিচ্ছন্নতা, রোগীর বস্ত্রাদি	৬

পলস্তারা ...	৬৫	পুকলিয়া ...	২৮৪
পাঁউরুটা, গুণাগুণ ...	১৬৫	পুন্টিশ ...	৫০
— টোষ্ট ...	১৪৩	পুন্টিশ, কর্ণে দিবার প্রণালী ...	১২৩
পাঁকুই—মুষ্টিযোগ ...	২২৪	— কয়লার ...	৫২
পাগল কুকুর বা শিয়ালে .		— খৈলের ...	৫২
কামড়াইলে ...	১০৮	— তিসির ...	৫২
পাঁচড়া—মুষ্টিযোগ ...	২২৪	— তোকবালামের ...	৫৪
পাঁজরার হাড় ভাঙ্গিয়া গেলে ...	৯৭	— তোকমারীর ...	৫৩
পানিফলের পালো ...	১৪১	— প্রদানপ্রণালী ...	৫০
পানের বিষম ...	১২২	— ভুসির ...	৫২
পার্কত্যাদেশ ...	২৪৫	— ময়দার ...	৫১
পার্কত্যা স্বাস্থ্যনিবাস ...	২৫১	— রাইয়ের ...	৫৩
পারদ খাইলে ...	৩২৫	পৃষ্ঠত্রণ—মুষ্টিযোগ ...	২২৫
— ঘটিত দ্রব্য খাইলে ...	৩২৫	পেটেন্ট ঔষধ ব্যবহার... ..	৪৩
পারক্লোরাইড লোশন ...	৬৮, ২১৮	পেটের অসুখ ...	১৮৫
— — খাইলে ...	৩২৫	পেট্রল খাইলে ...	১০২
পারুল বালি প্রস্তুতপ্রণালী ...	১৩৭	পেপের পায়েস ...	১৫৫
পালা-জ্বর ...	২০৫	— মোহনভোগ ...	১৫৫
পিপাসা—মুষ্টিযোগ ...	২২৫	— মোরকা ...	১৫৬
পিপীলিকা নিবারণের উপায় ...	৩১৭	পেপ্টোনাইজ ছত্র ...	১৫৭
পীড়িতাবস্থায় স্নান ...	২২	পোড়াঘার পটি খুলিবার নিয়ম ...	২৩
পুড়িয়া ফোকা উঠিলে ...	৯৪	পোড়ানারেঙ্গা—মুষ্টিযোগ ...	২২৫
— সন্ধিস্থানে ক্ষত হইলে ...	৯৫	পোসুর টেঁড়ীর সেক ...	৪৭
পুরী ...	২৫০	প্রদীপ, কিরূপ হওয়া আবশ্যক ...	৫

প্রদীপ, রাখিবার উপায়	৫	ফোড়া (boils)	... ২১২
প্রমেহ, মুষ্টিযোগ ...	২২৫	— মুষ্টিযোগ	... ২২৬
প্রলেপ, প্রদানপ্রণালী...	৩২	ফোঙ্কা উঠিলে	... ২৪
প্রস্রাববদ্ধতা—মুষ্টিযোগ	২২৫	ব	
ফ্রসিক এসিড খাইলে ...	৩২৬	বজ্রাঘাতে অর্চৈতন্ত হইলে	১২২
প্যাস্‌চুর ইনস্টিটিউট ...	২৫৫	— ফোঙ্কা পড়িলে ...	১২২
প্লুরিসি (Pleurisy)	২১৩	বাটিকা সেবন-প্রণালী ...	৩০
প্লেগ (Plague) ...	২১৩	— — — কবিরাজী	৩১
প্লাশমন এরারুট (Plasmon		— — — হোমিওপ্যাথিক	৩০
arrowroot) ...	১৪১	বভিকালোক, গৃহে ...	৫
ফ		বধিরতা	... ১২১
ফটকিরি খাইলে ...	৩২৬	বভারিল (Bovril) ...	১৬০
ফটকিরি-তক্র ...	৩১৭	বমন করাইবার উপায়...	১০২
ফটকিরির জল	১২৫, ২০০	— নিবারণের উপায়	২২৬
ফল, গুণাগুণ ...	১৭১	— মুষ্টিযোগ ...	২২৬
ফাঁপা বালিশ ...	৮৬	বরফ প্রয়োগপ্রণালী ...	২০
— শয্যা ...	৮৬	— রোগীকে কখন দেওয়া যায়	২০
ফিট্ হইলে ...	১২৩	বন্ধা-দুগ্ধ ...	১৬৭
ফিণ্টার, চারকোল ...	৩১৩	বসন্ত-ফোড়া ...	২২১
— পরিষ্কার প্রণালী	৩১৪	বসন্ত	... ২৪৪
— বোতল ...	৩১৩	বহুমূত্র	... ২২২
ফুট-বাথ (foot-bath)	৫০	বাকরোধ বা সংজাহীন অবস্থায়	১০
ফুসফুসের প্রদাহ ...	২১৮	বাঘী—মুষ্টিযোগ ...	২২৭
ফেনাইল খাইলে ...	৩২২	বাঙ্গালা টীকা	... ২২৮

বাত ...	২৯৭	বিষম লাগিলে ...	১২২
— মুষ্টিযোগ ...	২৯৭	বিষ ও বিষন্ন ...	৩১৮-২৯
বাত-রক্ত—মুষ্টিযোগ ...	২৯৭	বিষাক্ত খাচু ভক্ষণ করিলে	৩২৬
বায়ু চলাচল ব্যবস্থা ...	২	বিষাক্ত দ্রব্য সেবন করিলে	১০২
বায়ু-পরিবর্তনার্থ স্বাস্থ্যকর		বিসর্প (Erysipelas)	২৩২
স্থান ২৪৩—		বিস্কট, গুণাগুণ ...	১৬৩
বারিদান—কখন কর্তব্য	১৮	বৃশ্চিকে দংশন করিলে...	১০৭
বালিসেক ...	৪৮	বেঙ্গাস ফুড প্রস্তুতপ্রণালী	১৪৩
বালি, গুণাগুণ ...	১৬৩	বেড্ প্যান ...	৭২
— প্রস্তুতপ্রণালী ...	১৩৭	বেলাডোনা খাইলে ...	৩২১
বাসি পথা ...	৩৭	বেলেস্তারা ...	৬৫
বিকারাবস্থায়—কর্তব্য	৯	বৈদ্যনাথ জংশন ...	২৮৫
বিছানার চাদর পরিবর্তন		বৈদ্য-সঙ্কট ...	৪০
প্রণালী ...	৬৯	বোতল সেক ...	৪৯
বিছানায় পিপড়া নিবারণের		বোলতায় কামড়াইলে ...	১০৭
উপায় ...	৩১৭	ব্যজন-প্রণালী ...	১৮
বিছায় কামড়াইলে ...	১০৭	ব্যবস্থাপত্র রক্ষার প্রয়োজন	
বিজ্ঞাপনের ঔষধ ব্যবহার	৪৩	এবং উপায় ...	১৬
বিড়ালে দংশন করিলে	১১৭	ব্যাণ্ডের ছাতা খাইলে ...	৩২৭
বিফ্-টী ...	১৫৬	ব্যাণ্ডেজ (বন্ধনী) ...	৭২
বিষমিষায়, আহার প্রদান		— আয়তন ...	৭৩
প্রণালী.. ...	৩৭	— আঙ্গুলে বাধিতে হইলে	৭৯
বিরেচক ঔষধ ...	২৭	— এক আঙ্গুলে বাধিতে	
বিষফোড়া ...	২২০	হইলে ...	৭৯

ব্যাণ্ডেজ একশিরায় ...	৮৪	ব্রিষ্টার ..	৬৪
— কুঁচকিতে বাধিতে হইলে	৭৬	— প্রয়োগ প্রণালী ...	৬৪
— (উভয়) একবারে ,,	৭৭		
— গলায় বাধিতে হইলে	৮১	ভ	
— চক্ষুতে বাধিতে হইলে	৮৩	ভগন্দর—মুষ্টিযোগ ...	২২৭
— পায়ে বাধিতে হইলে	৭৫	ভাইনাম এন্টিমনি খাইলে	৩২৪
— পায়ের বুড়ো আঙ্গুলে		ভাঙ্গ খাইলে ...	৩২৮
বাধিতে হইলে	৮০	ভাতুড়ি ...	২১২
— পেরিনিয়মের ...	৮৩	ভাতের মণ্ড ...	১৩৮
— প্রস্তুতপ্রণালী ...	৭৩	— সেক ...	৪২
— বগলে বাধিতে হইলে	৮০	ভাপুরা গ্রহণ	৫৭
— বাধিবার প্রণালী	৭৪	ভার্যাপন, শুক্রবার ...	১৩
— মলদ্বারে বাধিতে হইলে	৮৩	ভৌমকলে দংশন করিলে	১০৭
— মস্তকে বাধিতে হইলে	৮২	ভূসির পুন্টিস ...	৫২
— রুমাল দ্বারা বাধা	৮৪	— রুটা, প্রস্তুত প্রণালী	১৪৩
— স্তনে বাধিতে হইলে	৭৭	— সেক ...	৪৮
— — (উভয়) একেবারে		ভ্রম প্রমাদ হইলে কর্তব্য	১২
বাধিতে হইলে	৭৮		
— হাঁটুতে বাধিতে হইলে	৭৬	ম	
ব্রণ ...	২২১	মচ্কিয়া গেলে—মুষ্টিযোগ	২২৭
— মুষ্টিযোগ ...	২২৬	মণ্ড—চিড়ার ...	১৩৮
ব্রণ-শোধ (Abscess)	২৩৩	— খইয়ের ...	১৩৮
ব্রথ (Broth) ...	১৫২	— ভাতের ...	১৩৮
ব্রেণ্ডস এসেন্স অব চিকেন	১৫২	— মান ..	১৩৮
		— যবের ...	১৩৮

নির্ঘণ্ট ।

৩৪৫

মৎস্য, গুণাগুণ ...	১৬৯	ম্যালেরিয়া ...	২২১
মধু গুণাগুণ ...	১৬৮	ম্যাসাজ ...	৬৬
মধুপুর ...	২৮৫	মালিশ প্রদান-প্রণালী	৩১
মনসীজ খাইলে ...	৩২৭	মিঠাই, গুণাগুণ ...	১৭২
মন্ত্রণা-শুষ্টির আবশ্যিকতা	৮	মিঠাবিষ খাইলে ...	৩২০
মর্ফিয়া খাইলে ...	২৬৯	মীরাত	২৮৭
ময়দা, গুণাগুণ ...	১৬৪	মুখ-প্রক্ষালন ...	২৩
ময়দার পুষ্টিগ	৫১	মুখে ঘা, মুষ্টিযোগ ...	২৯৮
মণ্টেড মিল্ক (Horlick's Malted Milk)	১৪৭	মুখে ব্রণ ...	২২১
মলম প্রদান-প্রণালী ...	৩২	মুড়ি, গুণাগুণ ...	১৬৩
মলমের পটি "	৯২	মূর্ছা বা ফিট হইলে ...	১২৩
মসলা, গুণাগুণ ...	১৭৩	মুসুরী ...	২৭২
মস্তকের খুলিতে আঘাত লাগিলে ...	৯৭	মূত্র-পরীক্ষা ...	৩০৩
মস্তকে রক্ত উঠিলে, মুষ্টিযোগ	২৯৮	মৃগীরোগ ...	১৪৫
মহেশমণ্ডা ...	২৮৬	মৃতের লক্ষণ ...	২৫৯
মাইলো ফুড ...	১৪৮	মে'জ (অঁচিল) ...	২৯১
মাংস, গুণাগুণ ...	১৬৫	মেরুদণ্ডে আঘাত লাগিলে	৯৭
মাংসের যু প্রস্তুতপ্রণালী	১৫২	মেলিস ফুড ...	১৪৫
মাখন, গুণাগুণ ...	১৬৮	য	
মাখন তোলা ...	১৪০	যবের মণ্ড ...	১৫৮
মান-মণ্ড প্রস্তুতপ্রণালী	১৩৮	যক্ষ্মা ...	২৪১
মাথাধরা, মুষ্টিযোগ ...	২৯৮	যুয—দালের ...	১৪২
		— মাংসের ...	১৫২
		যোয়ান সেক ...	৪৯

র		রেস্পিরেশন্ (Respiration) ২৫১
রক্তপ্রদর—মুষ্টিযোগ ...	২২৮	রোগবিশেষে ব্যবস্থা ১৭৮-২৪২
রক্ত বমন ...	১০৩	রোগীকে ঔষধ প্রদানপ্রণালী ২৫
রক্তভেদ ...	১০৪	— পথ্য প্রদানপ্রণালী ৩৫
রক্তশৃঙ্খতা ...	২২৩	রোগীর—অঙ্গাবরণ পরিবর্তন
রক্তস্রাব হইলে ...	১০৩	প্রণালী ... ৭১
— — জ্বরের কামড়ে	১০৭	— গাত্রাবরণ পরিবর্তন
— — দন্তমূল হইতে	১০৬	প্রণালী ... ৭০
— — ধমনি হইতে	১০৩	— চিত্তবিনোদন-প্রণালী ১০
— — নাসিকা হইতে	১০৭	— দুর্বলাবস্থায় কর্তব্য ২৪
— — শিরা হইতে	১০৩	— নিদ্রাকর্ষণ প্রণালী ২৫
রক্তোৎকাশ হইলে ...	১০৪	— পরিচর্যা ... ১৮
রসকপূর (Hydrag. Perchlor)		— বিছানার চাদর পরিবর্তন
খাইলে ...	৩২৫	প্রণালী ... ৬২
রসপৈত্তিক ঘা—মুষ্টিযোগ	২২৮	রোগীর প্রতি কর্তব্য ... ৮
রসসিন্দুর খাইলে ...	৩২৫	— — — বাকরোধ বা সংজ্ঞা-
রসাজনঘটিত দ্রব্য খাইলে	৩২৪	হীন অবস্থায় ১০
রাইয়ের পুন্টিশ ...	৫৩	— — — বিকারাস্থায় ৯
রাঁচি ...	২৮৭	রোগের সঙ্কটাপন্নকাল ৩১০
রীড্‌স এনিমা ...	৫৪	রৌপ্যঘটিত দ্রব্য খাইলে ৩২১
রুগ্নাবস্থায় উথানাদি	২৪	ল
— মুখ প্রক্ষালন ...	২৩	লক্ষ্যসীম খাইলে ... ৩২৭
— স্নান করাইবার প্রণালী	২২	লডেনাম খাইলে ... ৩১৯
রুটা, গুণাগুণ ...	১৬৪	লীবেগস্ একষ্ট্রাক্ট অর মিট ১৫৯

নির্ঘণ্ট ।

৩৪৭

লুচি, গুণাগুণ ...	১৬৫	শুক পটি ...	২০
লেমনেড প্রস্তুতপ্রণালী .	৩১৫	— সেক ...	৪৫
লোক সমাগম—গৃহে ...	৪	শূল বেদনা—মুষ্টিযোগ	২২৮
লোমফোড়া ...	২২০	শৃগালে কামড়াইলে ...	১০৮
লোহাদাগ ...	১০৯	শোকোবিষ খাইলে ...	৩১৯
লৌহচূর্ণ চক্ষে পড়িলে...	১০২	শোধ—মুষ্টিযোগ ...	২২৯
		শ্বাসক্রিয়া ...	৩০২
		— কৃত্রিম উপায়ে উৎপাদন	১১৮
শর্করা, গুণাগুণ ...	১৬৮	ষ	
শয্যা—অস্ত্র প্রয়োগের	৬৮	ষ্টিম এটোমাইজার ...	৫৯
— রোগীর ...	৫	ষ্ট্রীকনিয়া খাইলে ...	৩২৪
শয্যাক্ত (Bed-sore)	৮৫		
শিমুলতলা ...	২৮৮	স	
শিরঃশূল—মুষ্টিযোগ ...	২৮৯		
শিরোরোগ— মুষ্টিযোগ	২২৮	সফেদা খাইলে ...	৩২৭
শিলং ...	২৭২	সদি ...	২৩৪
শীতল পানীয় ...	৩১৬	সন্ধি-গাম্বি হইলে ...	১২১
শুশ্রূষাকারীর কর্তব্য ...	১১	সন্ন্যাসরোগ ...	২৩৫
— — ভ্রম প্রমাদ ...	১২	সর্পাঘাত ...	১১৭
— — স্বাস্থ্য ...	১৩	সমতলদেশ ...	২৪৬
— — নোটবুক ...	১৪	সাগু, গুণাগুণ ...	১৬২
শুশ্রূষার উপকরণ, এলোপ্যাথিক	১৬	— প্রস্তুতপ্রণালী ...	১৬৬
— — কবিরাজী ...	৬১	সাগুর খিচুড়ী ...	১৫১
— — হোমিওপ্যাথিক	১৬	সাজিমাটি খাইলে ...	৩২৩

সাধারণ দেশ ...	২৪৭	সেক, ভূসির ...	৪৮
সাপোজিটরী ...	৬৫	— যোয়ান ...	৪৯
সামুদ্রিক দেশ ...	২৪৫	— শুষ্ক ...	৪৫
সামুদ্রিক স্থাননিবাস ...	২৪৮	সোডাওয়াটার প্রস্তুতপ্রণালী	৩১৫
সালফিউরিক এসিড খাইলে	৩২৫	সংক্রমাপহ ও দুর্গন্ধনাশক	
শ্রানাটোজেন ...	১৫০	ঔষধাদি ...	৪
সিডলিঞ্জ পাউডার সেবন		সংক্রামক রোগে ব্যবস্থা	৩৮
প্রণালী ...	২৮	স্তনে পুন্টিশ দিতে হইলে	৫১
সিদ্ধি খাইলে ...	৩২৮	স্নান, পীড়িতাবস্থায় ...	২২
সিন্দূর খাইলে ...	৩২৫	স্প্রে (Spray) ...	৬০
সিমলা ...	২৭৩	স্প্লিন্ট (Splint) ...	৮৪
সীসঘটিত দ্রব্য খাইলে	৩২৭	স্বর-ভঙ্গ (Hoarseness)	১২৪
সুজি, গুণাগুণ ...	১৬৪	হ	
সুজির রুটি প্রস্তুতপ্রণালী	১৪২	হর্লিকের মন্টেডমিক্স...	১৪৭
সুখ্যা খাইলে ...	৩২৪	হরিতাল খাইলে ...	৩১৯
সেক, আকন্দের ...	৪৮	হাইড্রোক্লোরিক এসিড	
— গরম জলের ...	৪৫	খাইলে ...	৩২৫
— চক্ষে দিবার প্রণালী	২০২	হাইড্রোসিয়ানিক এসিড	
— তাপিন ...	৪৭	খাইলে ...	৩২৬
— পোস্তর তেড়ীর ...	৪৭	হাজা—মুষ্টিযোগ ...	২২৪
— প্রদানপ্রণালী ...	৪৪	হাজারিবাগ ...	২৮৮
— বালি ...	৪৮	হাঁপানি ...	২৩৬
— বোতল ...	৪৯	— মুষ্টিযোগ ...	২২২
— ভাতের ...	৪৯	হাম ...	২৩৭

নির্ঘণ্ট ।

৩৪৯

হিকা—মুষ্টিযোগ ...	২৯৯	ক্ষত পরিষ্কার প্রণালী	৮৭
হিরাবসের জল ...	১২৯	— শুষ্কতা ...	৮৭
হিষ্টিরিয়া ...	২৩৮	ক্ষয়কারক তরল পদার্থ লাগিয়া	
হৃদ রোগ ...	২৪০	পুড়িলে ...	৯৫
হোমিওপ্যাথি ঔষধ সেবন		ক্ষয়কাশ বা যক্ষ্মা ...	২৪১
প্রণালী ...	৩০	ক্ষিপ্ত শৃগাল কিংবা কুকুরে	
ক্ষ		দংশন করিলে ...	১০৮
ক্ষত-ধোতকালে কর্তব্য	৮৭	ক্ষার দ্রব্য খাইলে ...	৩২৮
— ধোতপ্রণালী ...	৮৮		

100

100

এই সম্বন্ধে অভিমত ।

(প্রথম সংস্করণ)

ভূতপূর্ব সিভিল-সার্জন, লেপ্টেন্যান্ট-কর্নেল শ্রীযুক্ত ধর্মদাস
বসু মহাশয় লিখিয়াছেন :—

“শুশ্রূষা নামক পুস্তকখানি বেশ হইয়াছে । আমি উহার আদ্যো-
পান্ত পাঠ করিয়া অত্যন্ত সুখী হইয়াছি । পুস্তকখানি অতি সরল
ভাষায় ও পরিষ্কাররূপে লিখিত হইয়াছে । এদেশে রোগীর শুশ্রূষা সম্বন্ধে
যে রূপ বিশৃঙ্খলতা ঘটে তাহা স্মরণ করিলে সাধারণের বোধগম্য
এইরূপ একখানি পুস্তকের যে বিশেষ অভাব ছিল তাহা অবশ্যই স্বীকার
কবিতে হইবে । কি আয়ুর্বেদীয় চিকিৎসা প্রণালী, কি হোমিওপ্যাথিক
কি এলোপ্যাথিক প্রণালী সকলেই একমত হইয়া বলিতেছেন যে
রোগীর চিকিৎসার জন্য ঔষধ ভক্ষণ ব্যতীত রোগীর পথ্য ও শুশ্রূষার
বিশেষ আবশ্যিকতা আছে । অথচ আমরা আয়ুর্বেদিক শাস্ত্র মধ্যে
রোগীর সেবা সম্বন্ধে যে সমুদায় উপদেশ আছে তাহাও জানি না বা
জানিতে চেষ্টা করি না এবং পাশ্চাত্য চিকিৎসা শাস্ত্রে যে সমুদায় উপদেশ
আছে তাহাও জানি না । সুতরাং অনেক সময় বিভ্রাট ঘটে । এমন
কি ঔষধ পথ্য ও শুশ্রূষার বৈষম্য হেতু রোগীর অকাল মৃত্যুও ঘটিয়া
থাকে । এমন স্থলে শুশ্রূষা সম্বন্ধে কতকগুলি আবশ্যিকীয় কথা
সুন্দররূপে লিখিত হওয়ায় যে সাধারণের একটা গুরুতর অভাব
মোচন হইয়াছে তাহাতে আমার কোন সন্দেহ নাই । এইরূপ
একখানি পুস্তক সকল গৃহস্থের বাটীতে থাকা উচিত । * * *”

•

•

ভূতপূর্ব সিভিল-সার্জন Lt. Col. **U. N. Mukherjee, M. B., C. M. (Edin), M. R. C. S. (Lond)** লিখিয়াছেন—“আমি বাবু শ্যামাচরণ দে প্রণীত ‘শুশ্রূষা’ পাঠ করিয়া বিশেষ পরিতোষ লাভ করিয়াছি। বিশ বৎসর পূর্বে বাঙ্গালা ভাষায় একরূপ পুস্তক সঙ্লিত হইতে পারে বলিয়া বিশ্বাস হইত না। ইংরাজী ভাষায় শুশ্রূষা সম্বন্ধীয় পুস্তকের অসম্ভাব নাই। কিন্তু তাহাদের মধ্যে কোন গ্রন্থই বাঙ্গালী গৃহে রাখিবার উপযোগী নয়। একে ব্যয় সাপেক্ষ তাহার পর পরিচ্ছদ পথ্যাদি সম্বন্ধে মৌলিক নিয়ম ভেদ হেতু বাঙ্গালী রোগীর কোন প্রয়োজনই তাহাদের দ্বারা সাধিত হওয়া সম্ভব নয়। শ্যামাচরণ বাবুর পুস্তকে শুশ্রূষা সম্বন্ধীয় যাহা কিছু জানা আবশ্যিক তাহা সন্নিবেশিত আছে। বাঙ্গালী মাত্রেই গৃহে গৃহে একখণ্ড রাখা উচিত।

—

Late **Dr. J. N. Mitra, M. R. C. P. (London)** says :—“* * I have gone through the book and am glad to see that it has just filled up a gap in the popular science series of books in the Bengali literature. It is written in a plain easy style. * * * *It should be in the hand of every housewife.*”

—

Late **Dr. M. M. Bose, M. D., L. R. C. P. (Edin)** says:—“I have read with much interest Babu Shama Churn Dey’s “শুশ্রূষা” The treatise has been nicely arranged. *I have no doubt it will be of great help to those who take up the sacred and important duty of nursing sick people. There is also a chapter in the Book on accidents and how to meet them.*”

Dr. Sundari Mohan Das, M. B., M. C. P. S.,
author of "*Hygiene in Bengali*", "*Small-pox and Vaccination*" &c. &c. says :—

"Practitioners are often at a loss to understand why the pounds and pints of drugs they prescribe do little good to their patients, and their joy knows no bound when they find a little extra trouble in advising the attendants to separate the fresh phials from the old ones or to administer the medicines and meals at regular intervals is amply repaid by the rapid improvement of the poor sufferer. So between the patient and his physician stands a class of people called *nurses* or attendants who have no guidance except love or *lucré*. It is extremely gratifying to find Babu Shyama Charan De coming to our rescue by a scientific attempt to teach this class. His "**Susrusa**" will be of immense help to those who nurse the sick."

কলিকাতার সুপ্রসিদ্ধ কবিরাজ ৩বিজয়রত্ন সেন কবিরঞ্জন
মহাশয় লিখিয়াছেন :—

"শ্রীযুক্ত বাবু শ্যামাচরণ দে প্রণীত 'শুক্রযা' প্রাপ্ত হইয়া সাতিশর
প্রীতিলাভ করিলাম। রোগের প্রতিকার পক্ষে সুচিকিৎসা যেমন
আবশ্যক শুক্রযাও তদপেক্ষা কোন অংশেই নূন নহে। কিন্তু এই
প্রয়োজনীয় বিষয়ে বঙ্গ সাহিত্যে এ পর্য্যন্ত কোন পুস্তকই ছিল না।
এই গুরুতর অভাব মোচনে প্রয়াস পাইয়া শ্যামাচরণ বাবু যে এদেশ-
বাসীর কৃতজ্ঞতা ভাজন হইয়াছেন তাহাতে সন্দেহ নাই। গ্রন্থের ভাষা

সরল এবং বিষয়বিজ্ঞান অতিশয় প্রশংসার্হ। অংশা করি এই অতীব প্রয়োজনীয় গ্রন্থ বঙ্গদেশে গৃহে গৃহে রক্ষিত হইবে।”

হিতবাদী (২৫শে বৈশাখ, ১৩০৪)—“আমাদের দেশে শুক্রযা-কারীর দোষে অনেক স্থলে সূচিকিৎসা সত্ত্বেও হিতে বিপরীত ফল হইতে দেখা যায়। এই অভাব মোচন জন্য শ্যামাচরণ বাবু এই পুস্তকখানি প্রণয়ন করিয়াছেন এবং কৃতকার্য্যও হইয়াছেন। এই পুস্তকে রোগের শুক্রযা প্রণালী, পথ্য প্রস্তুত প্রণালী, পুন্টিশ ইত্যাদি প্রস্তুত ও ব্যবহার প্রণালী ও সামান্য সামান্য রোগের মুষ্টিযোগ ইত্যাদি অনেকগুলি প্রয়োজনীয় বিষয় সরল ভাষায় সন্নিবেশ করিয়াছেন।”

চারুমিহির (৪ঠা জ্যৈষ্ঠ, ১৩০৪)—“* * একদিকে সূচিকিৎসা অত্রদিকে উপযুক্ত শুক্রযা। শুক্রযার দোষে চিকিৎসা নিফল হইয়া পড়ে। শুক্রযাকারীর অজ্ঞতা বশতঃ হিতে বিপরীত ঘটয়া থাকে। শুক্রযার গুণে রোগী উপস্থিত কষ্টে বহু আরাম লাভ করে, সহজে চিকিৎসা সফল হয়। কি প্রণালীতে শুক্রযা করা কৰ্ত্তব্য, এই পুস্তকে তাহা সুন্দররূপে লিখিত হইয়াছে। ইহার পরিচ্ছদ গুলিন সুসংবদ্ধ এবং বিষয়গুলি বিশদ ভাষায় লিপিবদ্ধ। ইহাতে আনুমানিক বহু প্রয়োজনীয় বিষয় সন্নিবিষ্ট হইয়াছে। প্রত্যেক গৃহস্থ শুক্রযা পাঠে যথেষ্ট উপকার পাইবেন, ভরসা করি ঘরে ঘরে শুক্রযার আদর হইবে।”

সঞ্জীবনী (৩০শে জ্যৈষ্ঠ, ১৩০৪)—“* * * দেখিয়া সুখী হইলাম, শ্যামাচরণ বাবুর “শুক্রযা” শুক্রযাশিক্ষার্থীর পক্ষে একখানি

উপাদেয় পুস্তক হইয়াছে। এই পুস্তক ঘরে ঘরে সমাদৃত হইবে বলিয়া আশা হইতেছে। গ্রন্থের ভাষা সরল, মুদ্রণ সুন্দর, বিষয় সন্নিবেশ উপযোগী এবং শৃঙ্খলাটীও সুবিধাজনক হইয়াছে। রোগীর সেবা শুশ্রূষা সম্বন্ধে গৃহস্থের অবশ্য জ্ঞাতব্য বহুতর বিষয় এই গ্রন্থে সন্নিবিষ্ট হইয়াছে। এই শুশ্রূষা প্রত্যেক গৃহস্থের একবার পাঠ করা উচিত। * * *

দাসী (মে, ১৮৯৭)—“* * বইখানির আকার, বাঁধান, কাগজ ও ছাপা যেরূপ মনোরম, নয়নরঞ্জন * বক্তব্য বিষয় সন্নিবেশ ও বিষয়ের অবতারণা প্রণালী ততোধিক প্রীতিপ্রদ ও সুন্দর হইয়াছে। শুশ্রূষা উত্তমরূপে সম্পন্ন হইলে, রোগ বাতনা অর্ধেক লাঘব হয় এবং রোগী শারীরিক যন্ত্রণার ভিতরে আরাম ও মনে শান্তি পাইয়া থাকেন। শুশ্রূষার অভাবে, অথবা সাধু ইচ্ছাসত্ত্বেও শুশ্রূষার কদর্যা প্রণালী বশতঃ, রোগীর চিন্তাচঞ্চল্য উপস্থিত হইয়া আরো রোগ বৃদ্ধি পায়। এই গ্রন্থখানি সেই অভাব অনেকটা মোচন করিবে। “শুশ্রূষা” প্রত্যেক পরিবারে ও পীড়িতাশ্রমে সযত্নে রক্ষিত হওয়া বাঞ্ছনীয়। উদাহ অনুষ্ঠানে এই বইখানি সুন্দর অথচ অতি প্রয়োজনীয় উপহার স্বরূপ প্রদত্ত হইতে পারে। * * *

The East (July 3, 1897)—“* * This is an excellent book, containing as it does, instructions of varied nature as to how and in what respects, patients suffering from all kinds of diseases are to be attended to. It is so

nicely got up that it furnishes a very pleasant reading to all those including parents, who are required to nurse the sick. It is indeed a very useful and exhaustive treatise on the all important subject, the nursing of the sick. We would commend it to our families all over the country. *Every family will do well to have a copy of it. * **

Indian Messenger (July 11, 1897)—“* • ought to be on the book-shelf in every household in Bengal. The importance of such a book cannot be gainsaid. Mr. Day's manual, the first of its kind in Bengali, is well printed, nicely bound and moderately priced at a rupee.”

Indian Mirror (July 31, 1897)—“This is a Bengali book on nursing the sick. It gives clear directions as to what nurses should do in regard to the different ailments, which they are called upon to deal with. Hints on Hygienic matters and the preparation of gruels and diet find a large place in the compilation. A list of domestic medicines forms the subjects of a separate chapter. The nearest relatives or friends invariably attend on the sick in the Hindu household, and as they are not expected to possess the technical knowledge of the professional nurses, *the book, under notice, will be found by them to be of immense value.*”

নব্যভারত (শ্রাবণ, ১৩০৪) — “* * উৎকৃষ্ট ছাপা, উৎকৃষ্ট কাগজ এবং উৎকৃষ্ট বাঁধা। বিষয় নির্বাচন ভাল, এবং ঔষধ প্রয়োগ প্রণালী সুন্দররূপে বর্ণিত। এই পুস্তকে অনেক জ্ঞাতব্য বিষয় লিপিবদ্ধ হইয়াছে। * *”

বামাবোধিনী পত্রিকা (শ্রাবণ, ১৩০৪) — “* * এ পর্য্যন্ত রোগীর শুশ্রূষা সম্বন্ধে যত পুস্তক হইয়াছে, তন্মধ্যে ইহা সর্বোৎকৃষ্ট বোধ হইল। ইহাতে জ্ঞানিবার বিষয় অনেক আছে। গর্ভিনীর শুশ্রূষা ও শিশুপালন সম্বন্ধে দুই এক অধ্যায় থাকিলে ইহা পূর্ণাঙ্গ হইত। গ্রন্থের ভাষা বেশ সহজ হইয়াছে। দুর্ঘটনা ও মুষ্টিযোগ প্রকরণ বিশেষ উপকারী। প্রত্যেক গৃহে একরূপ পুস্তক থাকা আবশ্যিক।”

Calcutta Gazette (October 13, 1897) — “A very useful publication containing instructions on the proper way of nursing the sick and the preparation of different kinds of diet for them. It also gives a number of recipes for cases of emergency and accidents.”

সময় (৩০শে মাঘ, ১৩০৪) — “* * রোগ হইলে রোগীর কিরূপ শুশ্রূষা করিতে হয়, ঔষধ সেবন করাইতে হয়, পথ্য দিতে হয়, পথ্য প্রস্তুত করিতে হয় এই সকল এবং রোগের মোটামুটি চিকিৎসা পর্য্যন্ত ইহাতে বিবৃত হইয়াছে। উত্তম বাঁধাই এবং কাগজ ও ছাপা উত্তম। লেখকের ভাষা উত্তম। সাধারণ লোকের বিশেষ উপকার দর্শিবে ইহা আমাদের দৃঢ় বিশ্বাস।”

ভারতী (জ্যৈষ্ঠ, ১৩০৫)—“* * আমাদের দেশের বহুবিধৃত একান্তবর্তী পরিবারে রোগেরও প্রাদুর্ভাব যথেষ্ট এবং শুক্রবারও অভাব নাই। বরং অতি শুক্রবার রোগী বিপন্ন হইয়া পড়ে। এবং আশ্রয়ীদের একান্ত চেষ্টা ও উদ্বিগ্ন বশতঃই শুক্রবার ফল অনেক সময় বিপরীত হয়। রোগীর সুখস্বাস্থ্যবিধান কেবলমাত্র ইচ্ছা ও প্রয়াসের দ্বারা হয় না,—সেজন্য শিক্ষা ও অভ্যাসের প্রয়োজন আছে। তাহা ছাড়া রোগীর পরিচর্যায় সুপ্রণালীবদ্ধ নিয়মপালন বড়ই আবশ্যিক ;—রুগ্নকক্ষে প্রবেশ অব্যাহত, কথাবার্তা অসংযত, এবং সমস্তই বিধিব্যবস্থাহীন হইলে চলে না। কিন্তু হায়, সতর্ক এবং সুবিহিত ব্যবস্থা আমাদের প্রকৃতিবিরুদ্ধ, এবং চারিদিক হইতে আশ্রয়জনোচিত হৃদয়োচ্চাস-প্রকাশের সমস্ত পথ খুলিয়া রাখিতে গিয়া বিধি ব্যবস্থার নিয়ম সংযমে সম্পূর্ণ টিলা দিতে হয়।

এই কারণে সমালোচ্য গ্রন্থখানি আমাদের দেশে মহোপকারী বলিয়া বোধ করি। গ্রন্থকার উপযুক্ত গ্রন্থ এবং সুচিকিৎসক বন্ধুর সাহায্যে এই পুস্তকখানি রচনা করিয়াছেন। তাঁহার ভাষা সরল এবং যথাসম্ভব পরিভাষাবর্জিত ; ডাক্তারী সম্বন্ধে বিশেষ জ্ঞানবিশীল পাঠক পাঠিকাদের পক্ষে এ গ্রন্থখানি উপাদেয়।

কিন্তু কেবলমাত্র পাঠদ্বারা অল্পই ফললাভ হইবে, শিক্ষা এবং চর্চা চাই। বালিকা মাত্রেই এই গ্রন্থ স্কুলপাঠ্য এবং পরীক্ষার বিষয় হওয়া উচিত। ঔষধ প্রয়োগ, গুণ-ওজ বাধা, পুন্টিশ দেওয়া, পথ্য প্রস্তুত করা, রোগীর অবস্থা লিপিবদ্ধ করিয়া রাখা, সংক্রামক রোগাদিতে মারীবীজনাশক টিপায়াদির সহিত সুপরিচিত হওয়া, এ সমস্তই স্ত্রী-শিক্ষার আবশ্য-নির্দিষ্ট অঙ্গরূপে প্রচলিত হওয়া কর্তব্য। আজকাল দুর্ভাগ্য শিক্ষাপ্রণালী, পরীক্ষা-প্রতিযোগিতা এবং জীবিকা চেষ্টায়

১০

পুরুষজাতির মধ্যে ছাশিচস্তাগ্রস্ত রুগ্নসংখ্যা বাড়িয়া চলিয়াছে, রোগী-পরিচর্যা বিঘাটা যদি আমাদের ক্রীগণ বিশেষরূপে শিক্ষা করেন তবে দেশটা কিঞ্চিৎ সুস্থ হইতে পারে। তাঁহারাও যদি বাতি জালিয়া রাত জাগিয়া আকণ্ঠ পড়া গিলিয়া পুরুষদের সহিত উর্দ্ধ্বাসে বিঘা-বাহাহরীর ঘোড়দৌড় খেলাইতে যান, দেহলতা জীর্ণ, মেরুদণ্ড নত এবং হরিণচক্ষু চষ্মাচ্ছন্ন করিয়া তোলেন তবে জয় বিশ্ববিদ্যালয়ের জয়—কিন্তু পরাজয় আমাদের জাতীয় সুখস্বাস্থ্যসৌন্দর্যের !”

প্রদীপ (ফাল্গুন, ১৩১৫)—“এই পুস্তকখানি প্রত্যেক গৃহস্থেরই থাকা উচিত। ইহাতে গৃহশয্যা, রোগীর প্রতি কর্তব্য, শুক্রযা করিবান্ন যোগ্যতা ও কর্তব্য, পরিচর্যা, ঔষধ বিধান, আহার, সেক, পুষ্টি, অস্ত্রপ্রয়োগের পূর্বে প্রয়োজনীয় দ্রব্যজাত, অস্ত্রপ্রয়োগের পর কর্তব্য, ক্ষত শুক্রযা, চর্ষটনা, পথ্যাপথ্য নির্ণয়, পথ্য প্রস্তুতপ্রণালী, খাদ্য নির্বাচন, রোগবিশেষে ব্যবস্থা, মুষ্টিযোগ এবং অন্যান্য বহুবিধ একান্ত প্রয়োজনীয় বিষয় বর্ণিত হইয়াছে। এরূপ একখানি পুস্তকের বড় অভাব ছিল। শ্রামাচরণ বাবু এই পুস্তক লিখিয়া বাঙ্গালী মাত্রেই কৃতজ্ঞতা ভাজন হইয়াছেন। কারণ অনেক সময় ভাল ডাক্তারের চিকিৎসাও উপযুক্ত শুক্রযা ও পরিচর্যার অভাবে ফলপ্রসূ হইয়া না।”

(দ্বিতীয় সংস্করণ)

চারুমিহির (৩১শে আষাঢ়, ১৩০৯)—“* * * আমরা প্রথম সংস্করণের সমালোচনার লিখিয়াছিলাম, শুক্রবা সমাদৃত হইবে, ইহার দ্বিতীয় সংস্করণে তাহা প্রমাণিত হইয়াছে। বৃনেকগুলি প্রয়োজনীয় বিষয়ের সন্নিবেশে এই সংস্করণে ইহার আয়তন বৃদ্ধি পাইয়াছে। নবম পরিচ্ছেদে ভারতবর্ষের স্বাস্থ্যকর স্থানগুলির বিবরণ পড়িয়া পাঠকগণ বিশেষ উপকৃত হইবেন।”

বসুমতী (১৫ই শ্রাবণ, ১৩০৯)—“* * * শুধু ঔষধ খাইলেই রোগ নিবারণ হয় না, শুক্রবা বিশেষ দরকার। আমাদের গৃহস্থের মেয়েরা ছেলেপিলের জর কি অল্প পীড়া হইলে কাঁদিয়াই আকুল হন ; শুক্রবার কিছুই জানেন না ; আর সেইজন্য রোগীও ভাল ডাক্তারের চিকিৎসাধীনে থাকিয়াও কত কষ্ট পায়। শ্রীবুদ্ধ শ্যামাচরণ বাবু এই পুস্তকখানি প্রচার করিয়া শুধু যে আমাদের উপকার করিলেন তাহা নহে, কত রোগীর প্রাণ বাঁচাইলেন। পুস্তকখানি যে সাধারণে আদৃত হইয়াছে ইহার দ্বিতীয় সংস্করণই তাহার প্রমাণ। দিনে পঞ্জিকার মত এই পুস্তকখানি প্রত্যেক গৃহস্থের ঘরে রাখিতে অনুরোধ করি।

* * *

নব্যভারত (শ্রাবণ, ১৩০৯)—“* * * এ পুস্তকখানিরও প্রথম সংস্করণে আমরা বিশেষ প্রশংসা করিয়াছিলাম। এ পুস্তকখানি গৃহী মাত্রেরই গৃহপঞ্জিকার ম্যায় উপকারে আসিবে। দ্বিতীয় সংস্করণ প্রথম অপেক্ষা সুন্দর হইয়াছে।”



